

**PLEASE DO NOT REMOVE
CARDS OR SLIPS FROM THIS POCKET**

UNIVERSITY OF TORONTO LIBRARY

PL
2765
U13C4
1915

EAST ASIAN LIBRARY
UNIVERSITY OF TORONTO LIBRARY
130 St. George Street
8th FLOOR
TORONTO, CANADA M5S 1A5

East Asia

PLEASE DO NOT REMOVE
COPIES OF THIS FROM THE ROOM




Digitized by the Internet Archive
in 2018 with funding from
University of Toronto

枕亞浪墨

丁未年
子清





PL
210
S88
1915

序一

文章之事百變不窮其要歸於暉燭萬有獨榮性靈含徵嚼宮無俟夔牙之奏裁花
鏤葉不須干莫之鋒彼夫一孔之儒自矜偏解必欲屏間色於紅紫耀正采於朱藍
眞宰不存溝猶貽誚此所謂東向而望不見西牆者也徐子枕亞以通悅之風裁懷
便娟之逸思斑筦在手妙湧言泉夜光貯胸鬱成異采固將擻掖風雲騷牢金石而
乃情多經鬱境復迤邐張平子未免生愁江文通不無寫恨加以瑤想瓊思流波不
息春朝月夕綺緒紛來或效騷以命篇或摘風而託興翡翠蘭苕之製艷溢楮毫薈
薇芍藥之篇香生竹素華詞辨說此其尙矣顧或以綺障爲嫌不知宓妃娥女三閭
不無誕詞浩水育魚甯戚尙傳麗語靈襟自寫大雅奚譏浪墨之作不足以盡徐子
之長觀其眞想彌積璫采時騰根情苗言孚甲新意非比魏收之作將峽蝶命名愧
無孝穆之文爲玉臺作序

民國四年三月雲間胡儀鄭撰於客次

序二

青衫涕淚愁人血。根觸無端放浪吟。此余友陳炎公雜感詩也。是故杜陵傷亂。遂傳閣夜之詞。蘭城哀時。厥有江南之作。靖節閒情之賦。未必治遊玉溪無題之吟。幾多調侃。古之人丹鉛風月。黼藻山川。所謂發著作於窮愁。寓意旨於縣邈者。固不僅儷青妃白刻。翠鏤紅已也。方今中原俶擾。文獻飄零。破涕不溫。傷國粹之銷骨。吟魂何暮。祇歐化之拾牙。睠懷古學。潛焉灰燼。不有大雅。又疇爲扶輪乎。徐子枕亞逸情。曠世藻思。凌雲以抑塞磊落奇才。爲哀感牢騷文字。梨魂鉅著。已價重於西林。鴻淚新編。復名聞於東府。固已翊翼春華。揚厲汗簡。已近更出其新舊著述。彙爲浪墨之刊。合五彩而成章。蒼七襄之散綺。張華淵博。聊酬錦繡。羅胸李泌。珍儲快靚。琳琅滿目。漫曰吉光片羽。空張百衲之琴。須知貂裘千金。決非一狐之腋。有心諷世。忽莊忽諧。麗采自天。亦禮亦豔。藝文名貴。冠冕鸚鵡文章。吟韻鏗鏘。膾炙鷓鴣格調。說部續虞初。九百談叢。亦方丈一。巒花藪胭脂香。豔比金陵畫舫。諧文筆舌滑稽。效子雲解嘲。而尺牘之載道。言情雜俎之零縑碎錦。猶其清言之罪玉者矣。嗟嗟斯文未墜。眷予情其信芳。海內無才。正抑鬱其誰語。獨徐子傾倒三峽歌哭。六朝本胸中記事之珠。放筆端江郎之朶。雖千辟萬灌。六儷四駢。司馬琵琶之行。青衫徒濕。長沙鵬鳥之賦。宣室不聞。然而蘇東坡嬉笑怒罵。皆成文章。則固平子工愁。相如多病之本色也。而卷成琅帙。可入昌谷古錦之囊。紙貴洛陽。定比左思齊都之賦。有斷然者是爲序。

民國四年二月鎮海倪軼池序於春江寄廬

序二

文章之作。今不逮古。至於踵事增華。則今盡其變矣。粵稽秦漢學。必有宗。九流淆紛。要各成理。言以宣旨。弗尙枝辭。故自漢志所載。百家條別。而詩賦五種。次於諸子。彼其制割大理。窮觀萬彙。微言所承。矩矱弗畔。若侈麗閎衍。而沒其風諭。言之無物。則楊子所悔者。已總集始於摯君。魏晉以下。詞華豐縟。孳乳寢多。覽者苦其繁蕪。於是芟翦始成。此集究其所得。載道已尠。卮言日出。不知所衷。古樂載微。新聲迭作。嗣是而後。別集復興。將以垂一家之言。而興異世之感。則文與理固宜並存。亦趨世然也。近代以來。愈益庫矣。厭故之士。震於強雄。舍己因人。匪所不至。甚或拾其緒餘。零語新名。張之故紙。卒至阡陌不具。章句都乖。夫摘辭採藻。中土所擅。茲乃并此而失之也。徐子枕亞。以文雄海上。楮墨所播。聲華卓犖。幽思無麗。間爲稗官家言。觸緒纏綿。緣情頑艷。亦殆所謂瀾漫尺素。滂沛寸心者焉。茲乃最其雜著。都爲一集。題曰浪墨。屬序於余。余維國故失墮。浸至於今。發蒙繼往。有所未遑。惟是約秦漢之精。而博以魏晉之筆。微言大義。庶幾有述者。此亦徐子之志也。甲寅冬暮。華亭姚鶴雛。

序四

予嘗謂文人之著作文人之心血也亦文人之生命也故文人必自愛其著作吾友徐子枕亞之文當世多見之亦多愛之然枕亞雖著作等身初不自寶曩執筆於上海民權日報者一年其文既付梨棗往往一任其東鱗西瓜不自收拾苟集三百六十五日之著作而彙訂之當成一巨帙不誠洋洋大觀哉枕亞惟不自寶也故十棄其九斑豹不全惟所著玉梨魂小說成集而行世今已行銷達萬部以上矣枕亞語予曰慚愧慚愧人乃寶予之文若是之甚耶予曰嗚呼文人一落筆卽嘔出無數心血人卽不以爲寶然不當自以爲寶而保存之耶且華年易逝一旦老至文潮涸矣回首當年筆酣墨飽著作等身欲摩挲老眼披而覽焉而乃殘缺不全雖苦憶而腹無贖稿其惱恨當何如也惟其然故吾人著作宜自珍拾壽諸梨棗其傳誦當世與否固不必計而留此手澤以遺子孫是亦一絕妙之紀念品不愈於滿籩之金耶嗚呼吾與汝皆一介布衣文字而外無他長若併此而棄之所謂歿世而名不稱者也枕亞曰唯唯乃相與徵集舊文字擇尤而存之而部署之附以新著彙爲一書故同時有「雙熱嚼墨」「枕亞浪墨」之行世或曰雙熱爲文多嘻笑怒罵長於滑稽名之曰嚼墨宜也枕亞之文何所謂浪也予曰嘻吾知之枕亞固當世之多情人而亦傷心人也心聲抑鬱外宣而成文章其文多有裨於世道人心不皆小道然而言者諄諄聽者藐藐人心已死文字無靈枕亞以浪墨名其書者殆寓浪費筆墨之隱痛歟是爲序

中華民國四年二月二十四日同盟兄吳雙熱序於海虞寄廬

序五

嗚呼。吾人何不幸。而以文章行於世。何不幸。而更以此筆餘墨。渣鳴於時耶。大丈夫不能勒石燕然。亦自傷矣。復不能一展胸中經緯。使賈長沙欲哭無淚。屈大夫竟以香草美人行吟澤畔。茫茫千古。我淚何從。壬子識枕亞於滬上。文章氣節。推重一時。形如雲中健鶴。矯矯不羣。觀其爲文。復多淒清幽邈。固知傷心人。別有懷抱者也。枕亞工於詩。而不歌清廟明堂之什。枕亞豪於文。而不草經邦濟世之篇。獨借春花秋月。澆伊胸中塊壘。使桓子野聞之。定當代喚奈何。雖然。士生陽九。舌屈若結。苟欲有言。多觸忌諱。經營此零縑斷素。恐有孤誼苦心之獨到處。三百篇中。豈獨鄭衛之詩哉。况士恐沒世。而名不稱斯世。骭麟既非吾人。角逐之場。不得已。而以文章豪於當世。亦較勝行尸肉食輩之奄奄無聞乎。吾讀枕亞浪墨而語我儕輩曰。枕亞足以自豪矣。民國四年徐吁公撰。

序六

大江以南。尚湖之濱。有一豪士。徐其姓。覺其名。枕亞其字。當少壯時。興會所至。傾巨觥。酌大斗。滔滔汨汨。輒日。夜不醉。醉益酣。目空今古。兒撫一世。馳名士。因醉而碎其顱者。三病其軀者。四破其衣者。七笑而仆。顱而踣者。更不知其幾何。次則豪於飲。每有述作。吮毫伸紙。蘸墨直書。若成誦。東胸曾不斯須。數千言立就。放縱恣肆。不可以繩尺拘。行神如空。行氣如虹。直有江漢奔波一瀉千里之概。則豪於文。尤耽吟咏。激昂慷慨。發爲悲歌。累長短句。往復悱惻。揚葵摘藻。烟霧環住。幾令揚馬讓雄王。嚴謝采則豪於詩。或登講臺。辨論天下事。運廣長舌。漱芬芳。齒口講。指畫詡詡。不絕。雜以談諧。笑傲無窮。如炙。類有味。如啖。蔗使聽者目注神傾。惟恐其戛然遽止。則豪於說。夫其邦人君子。所以稱道其人者。如是以質於鸞。曰可謂豪傑之士已乎。鸞曰唯唯。否否。不然。僅如是以爲徐子豪抑末也。以鸞觀之。殆所謂古之傷心人。別有懷抱。不得已而寓之於詩酒文字。諠浪笑傲。以洩其胸中沈鬱也乎。蓋鸞於其所著玉梨魂。推之更於其所編小說叢報。信之矣。顧或者謂管異之有言。士生於世上。之不能修孔顏之德。次之不能建禹臯周召之功。敝精疲神。作爲文字。使愛者與俳優並畜。而憎者至以相訾警。其亦可謂愚矣。嗚呼。此殆指當世文章之士而言。非所論於徐子也。鸞曰壯年走食四方。與海內士大夫遊。見夫有道之士。不得遂其志。於時往往如太史公著書多好奇立言。若莊若俳。以寄其鬱。伊抑勃不合乎流俗之思。若徐子者。卽其一也。今其所著枕亞浪墨。又將綴梓爲摠。崖略如是。

甲寅十二月鹽城印鸞章水心氏敘於申江鳴劍樓

序七

枕亞曰。人生不幸。呱然一聲。墜此五濁世界。性根中既帶得一分靈光。能識斗大字。作破體書。復有動與物忤。一肚皮不合時宜。弱艸棲塵。暫相留戀。遽未能與電露泡影一瞥俱逝。則寓形視息。此大好之歲月。必有以消磨之。庶以快吾意。而寄吾趣。奚童荷鍾死便埋。我此劉伶之消遣法也。溫柔有鄉。願老子。于是此漢武之消遣法也。積實聚錢。恆若不足。此王戎之消遣法也。著屐踏卵。拔劍驅蠅。此王藍田之消遣法也。遇物卽負。轉丸以奔。此蝨虱蛄蜣扶搖九萬。此鵬之消遣法也。決起榆枋。不至控地。此蜩與學鳩之消遣法也。遇物卽負。轉丸以奔。此蝨虱蛄蜣之消遣法也。人人有消遣法。物有消遣法。世界之去來。今一瞬耳。吾身之老病死。一瞬耳。此一瞬間。東塗西抹。拚命著書。吾之消遣法也。惜誓曰。昔者虞卿窮愁著書。韓非孤憤說難。靈均被放。始賦離騷。太史見幽厥有。史記如是。我聞殆難。僕數皆以不得而已之情。成無可奈何之作。微窺厥旨。有餘悲焉。夫天地不仁。粵生萬物。萬物不幸。乃爲保虫。保虫之庸庸常常者。其智識材力。僅僅去羽毛鱗介。諸虫一等。而頭腦殊特。抱負瑰異。翹然異于庸常者。天乃齟齬而顛倒之。其待遇乃不庸常。若特殊。環異之人。既見憎于造物。不得伸眉吐氣。有所措。施乃憔悴哀吟。伏首荒江老屋之下。搦秃管。研破硯。與蠹魚爭此斷簡殘編。藉爲風雨名山之寄。亦可謂極人世之無聊已。枕亞徐子負屠龍吐鳳之才。丁五角六張之運黃屋莽莽。知己云誰。白日堂堂。抑人有鬼。惟藉筆扎少寫牢愁。數稔以還。積稿盈尺。今春同人輯其餘。濬刊浪墨六卷。而枕亞顧以消遣自託。語彌隱。意彌悵。焉余知枕亞有素爰發其意爲序。浪墨如右。時乙卯二月。寒甚。作客鄂渚。一燈熒熒。夢淚狼籍。江聲如吼。遠答歌哭。從窗罅窺天天正墨黑。雲壓如磬。雨不止也。陳惜誓序。

題詞

富貴君何取。文章自解嘲。性情雙管下。寤寐兩心交。未嘗與君謀面秋雪芙蓉魄。春風荳蔻梢。清華咸入妙。萬象此中包。

幾輩能文字。卑卑無甚高。君堪推作手。我欲舖其糟。西晉多諧說。東坡亦老饕。驚才須酒力。何事醉鄉逃。

天地含餘秀。遑云屬我曹。斯文洵岌岌。去日惜滔滔。傑論窺班史。幽懷入楚騷。管城安樂國。隱此計殊高。

仙鯉迢迢遠。停雲靄靄高。何時江上月。共醉甕中醪。此世有知己。無才復敢豪。雞鳴風雨夜。燈下快揮毫。余近有管見之作

陳卜勳謹題

風雨三更猶未眠。芸窗埋首興蕭然。世人不識君心苦。反謂消磨流水年。駭俗華才志未逢。著書朝夕苦難終。心頭多少山河感。盡在零金碎玉中。

俞牖雲題

枕亞浪墨目次

卷一 說蠶

慘情 小說 余歸也晚

孽情 小說 自

由

鑑

烈情 小說 一

死

難

妬情 小說 毒藥瓶

哲學 小說 格白勒大學參觀記

哀情 小說 棄婦斷腸史

卷二 藝苑

斷碎文章

枕霞閣吟草

庚戌秋詞

卷三

豔

數

枕亞浪墨 目次

二

冰壺寒韻

紅樓夢餘詞

惆悵詩

珠沈玉碎詞

蕩魂詞

閨情限字詩

卷四

譚 薈

曹騰室叢拾

談虎偶錄

卷五

諧 叢

快活三郎文集

快活三郎詩話

卷六

雜 纂

兒童俱樂部參觀記

閩遊紀略

滬濱雜評

說蠡卷一

小慘情說

余歸也晚

地竅鳴風。天心欲雪。此何時乎。歲且就殘。遊子當及早歸矣。而余也。橐筆天涯。賣文海上。一燈坐對半卷。行吟共無聊之筆墨。以相隨置。可憐之家庭。於不顧作賦之才。已竭有愁草兮。叢生思鄉之淚。不乾共筆花而俱凍苦矣哉。文人之身世也。雖然余離家有年矣。未嘗越百里舟車往返。旦暮可達。每一歲中而歸省者數焉。以言恨別恨於何有。今者偶被羈牽。不遑夙駕。計一星期後。卸除塵務。遄返敝廬。家人團聚。煖酒烹羔。得於海巫山畔。過此殘年矣。余家有母有嫂有妻。余有一女。兄亦有一女。余女誕於元年五月。名之曰明。兄女誕於元年十月。名之曰英。今均三齡牙牙學語矣。計余歸去。當在黃羊祀竈之時。殘臘將終。遠人忽至。余母余嫂余妻。將若何表示其歡迎之意。而彼英兒明兒。一雙雛燕。嬌小依人。且將跳躍而前。呼余以父。呼余以叔。共伸其如綿之小手。泥余索食也。嘻。晚矣。

今年余與兄天嘯同客海上。自常至滬。舟行一夕。車行一日。賦肅肅宵征之句。則晨達里門。詠來朝走馬之篇。

則暮歸親舍。每月二人輪次歸省。無或爽期。在滬諸友。以余兄弟之疲於奔命也。或以兒女情長。時加嘲謔。余兄弟輒唯唯不與辨。嗟乎。床頭人安足戀。園內事有難言。英雄氣短。則有之。兒女情長。則未也可憐。身世不幸。家庭儼具一破碎河山之縮影。其歸也。亦祇淚眼相看。那有歡顏相對。王次回所謂。未必家園勝客邊者也。而顧爲是僕僕者。一種不可明言之苦衷。有較別離滋味而甚焉者。同病弟兄。兩心相照。彼外人固何知耶。是月之初。兄別余歸。歸而十日來。余見而問之曰。老母無恙乎。曰無恙也。嫂無恙乎。余婦無恙乎。英兒明兒均無恙乎。曰均無恙也。余方爲之快慰。謂此平安二字之確耗。初不乞靈於紙筆。至可恃也。詎越五日。而家報至。寥寥數字曰。『阿英驟病。頗見危象。其速歸視。』余兄得耗。大驚。亟挈輕裝抵船埠。而由滬至常。小輪已啓旋。須搭明晨滬甯早車矣。徬徨河干。焦急萬狀。余慰之曰。小兒如嬌花。看護不慎。遂致微疾。事之常也。書中語。殆故張大其辭。以速兄歸耳。病如無礙。歸未晚也。脫有不測。歸亦無及。何急急爲。余兄忽泣曰。弟……汝言慎哉。余所慮者。非英兒。乃汝嫂耳。余驀憶從前種種。知兄言有因。事絕可慮。顧一水盈盈。莫能飛渡。則亦無奈。強勸兄歸。寓觀其狀。惘然若喪魂魄者。古人云。腸一日而九迴。此時余兄之腸。卽一分一秒。亦不知其歷若干迴矣。一宵苦度。長比小年。甫黎明。聞門外剝啄聲甚厲。拔關啓視。則表弟某於昨晚乘常滬小輪來。速兄駕者也。詢英兒病狀。但曰甚危。而不言其他。余兄急忽忽束裝。余送之至滬甯車站。細雨霏霏。曉烟漠漠。天意蒼茫。一若故設此愁慘之境。以送此可憐人入淚世界者。時第一班早車方開。余兄踉蹌登車。亦不遑與余致別。俄而汽笛一

聲車遂蜿蜒而逝此行也余應與兄偕而文債未了身不自由遂任兄一人行未知英兒之病告凶若何使英兒而果不祿後事又將若何癡立道旁喃喃自語一寸歸心亦若爲此轆轤之車輪所碾碎也

自兄行後余心轆轤會無一刻甯翹首飛鴻日盼好音之至至第四日而兄書來矣余急拆視之嘻兄書作何語耶余初讀之而疑余之神經啓亂眼線模糊也否則此書非余兄所書爲郵差誤投者也再讀之三讀之而赫然陳於紙上者則固余兄之親筆確然可認一字無訛也嗟呼余以爲兄歸則兒或可救卽果不幸者亦祇殤兒而止孰知惡消息之來固有若是之出人意表者耶兄書作何語余至今猶望其非真也

嗟乎吾弟汝閱此書其無驚且駭余今所以報告汝者無他汝嫂已挈其愛女同赴大羅天上矣愁雲慘霧幕地飛來籠罩於余之一身汝嫂誠薄命而余之不幸實堪痛心上帝不仁旣奪我愛女以去復奪我愛妻以去何酷毒至於此極余此次自家來滬僅四日耳行時家人均無恙未及一來復而妻死兒殤生離竟成死別天之厄我又何其驟一若瞰余之亡而出此迅雷不及掩耳之手段者使余遲數日行者則兒死而妻或不死今何及矣傷哉汝嫂歸余七載會無一日展眉所以戀戀者可憐之愛情耳今彼竟并此可憐之愛情而亦不顧毅然決然舍我而去抑何忍哉然余亦烏得而怨之死者已矣生者去死亦近喪事叢脞汝其歸乎

牘尾附輓聯一其句云『上有姑下無兒七載中糊糊塗塗大好因緣竟輸與葉底鴛鴦花間鶯燕憔悴生涯

枕亞浪墨 卷一 余歸也晚

四

卿薄命只爲我年年潦倒負狂呼歎息遇人真不淑纔生離旋死別一星期來來去去可憐光景只博得肝腸寸斷妻女雙亡淒涼身世我何堪翻羨卿夢醒瑤臺魂歸離恨晨昏有女伴無聊嗟乎余讀此書及此聯余將何以爲情哉兄之書發於四年正月三十日卽陰歷甲寅十二月十五日也二人之死均不知時日兄書亦未明言以余意推之當某表弟來促兄歸時英兒已蕙折蘭摧余嫂亦香消玉碎矣家庭遭此慘變而游子飄飄尙淹滯作還鄉之夢直待斷腸書到哭望天涯余何以對家更何以對嫂英兒之死在余意中嫂之死則出余意外別離甚暫未是經年喪亂迭乘曾無甯日天所以厄余家者又豈僅及於余兄一身而已耶嫂之死狀余不知其死於病耶病固無如是之速意者痛失掌珠淒涼難遣一念之癡遽輕生命耶然而女兒花好嬌可人憐一現優曇亦有定數夫何至竟以身殉况乎藁砧未返白髮在堂論大義則婦不應棄姑論私情則女不如夫重嫂固無可死之理由也不死於病不死於兒然則嫂之死也殆必有大不得已者其致死之原因何在嫂自知之余兄亦知之余雖未見亦能知之嫂知之而不能活兄知之而不能救余知之而不能言痛哉余嫂命也何尤

嗟乎余今歸矣歸晚矣不情風雨送我長途遙望鄉雲慘然無色余又何樂於此歸近鄉情怯人有同情而余已先知惡耗則甯止怯耶行行重行行家門在望矣簷際喪旛一片已觸余之眼簾在理余之家人應歡笑以迎余者今均號哭以迎余最難堪者無知之明兒牽余衣而問曰阿父歸矣妹往何處耶阿母誑兒兒甚思妹

也蓋彼失其小友未能忘懷解語依人含啼索侶生者之心更爲渠碎盡矣余無以自慰又何以慰兄兄反慰余曰弟乎余負汝嫂猶幸白頭無恙泉下可安吾儕其不可過悲重傷老母之心矣言訖默然余妻在側亦凄然不語余乃起就嫂靈前哭奠畢書一聯以輓之曰

出獄一身輕嫂乎日其能瞑

入門雙櫬在我亦淚無可揮

嗟乎余言止於是矣嫂之死也余痛之嫂之慘史余不能爲之代述憔悴阿兄尙有江郎筆在當不僅以悼亡兩字虛慰泉臺記取落花時節將復有一篇斷腸曲於淒風冷月之中一聲聲唱徹諸君耳鼓也

孽情
自由鑑

京師爲首善之區亦爲首惡之區雲鎖金臺塵封潞水金城玉闕徧留露宿鴛蹤野草閑花久占上林春色莊嚴璀璨之邦早爲藏垢納污之所庚子以還上恬下嬉較前尤甚濮上桑間所在多有光復後市巷蕭條生計艱促人民習於遊惰不治生產往往迫於饑寒有寡廉鮮恥之行豪門大族防閑不密待月迎風踰牆鑽穴已

屬司空見慣。中篝之醜。不可語人。一頂綠帽子。竟如衣鉢相傳。世世弗替。噫。吾不圖鄭衛之行。乃重見之於今日。之春風燕市也。其有稍具知識。號稱文明者。又或假自由二字之好名詞。不惜犧牲肉體。以與社會相周旋。間有一二愛惜名譽。不肯爲苟且之舉。而荳蔻年華。情絲易綰。遇人不淑。青眼枉拋。失足一朝。遺恨千古。遂因以惹起家庭間種種惡感。卒至受辱含垢。飲恨以終。如吾所聞於京中友人述方慧蘭近事。乃與今古奇觀中所載玉嬌鸞百年長恨一則。先後如出一轍。溫柔鄉裏有此忍人。吾記方慧蘭。吾恨不能借黃衫之劍。斷盡薄倖男兒頭。而爲離恨天中相思地下無數飄零女子之鬼魂稍洩其冤憤也。

方慧蘭。燕產也。世居南城某胡同。父業賈。早卒。遺產頗富。母固大家女。少通經史。近復研究新學。卓然舊女界中翹楚也。慧蘭未生時。母夢縞袂人贈以蕙蘭一枝。既生。因以爲名。蘭姓聰穎。五六歲時。母教之章句。朗朗上口。卽能了解大義。蓋前生慧業。固自不淺也。及長。秀曼絕倫。濯濯如春日柳脂粉。不污自饒。斌媚見之者。幾疑爲神仙中人。曰。誰家有福兒。始得消受此一枝解語花也。戚鄰中有善相人術者。蘭母嘗令視蘭。曰。是兒清貴。惜福薄耳。不讀書而後。可。母固自號開通者。聞其言。首領之而腹非之。

蘭無兄弟。有妹一名慧瓊。少於蘭三歲。聰慧一如其姊。蘭母之視蘭姊妹。直不啻雙明珠之在掌中也。壬子三月。民國肇定。有某女士倡設正誼女校一所。聞蘭母名。聘之爲校長。蘭與瓊俱入校受課。一堂坐對雙鳳和鳴。母女之愛姊妹之樂。師生之情。融化而爲一爐。聯合而爲一氣。以學校而兼家庭之樂。人生美滿之幸福。殆無

有逾於此者。

蘭性固絕慧。得其母之教育。學識因以大進。每試輒冠其曹。雖鳳清於老鳳。小喬不逮大喬。託質青蓮。出污不染。化身白璧。高潔無暇。年華正好。同桂魄之盈盈。情思初胎。學柳絲之裊裊。京師繁盛。豈少裘馬少年。而蘭自恃清才秀質。視彼齷齪兒。殆無一當意者。顧影自憐。居恆鬱鬱。乃不三月而幕。地逢五百年前之冤孽。保陽有章雨情者。前充某省陸營管帶。武漢起義後。請假回籍。適喪偶。來京師。以遊歷爲名。意在物色佳麗。爲續膠之計也。去歲十月間。於共和紀念會場中。見一女郎。作學生裝束。眉目娟好。丰韻欲絕。涎之後。知爲蘭。欲通款曲。苦無人爲之先容。適有與章同學之何某。固與方氏有葦末之誼。而時往來於其門者也。章知之喜甚。洵何求代執柯。且許以事成後重酬。何固好事者。遂力以撮合。山自任。往就商於蘭母。盛述章之才貌及家世。且謂其終必大用。母意似動。繼詢及年齒。乃知長於蘭近十歲。意不可商之蘭。蘭似首肯。但欲一見其人。以決之母徇蘭意。囑何某日於某攝影館中。偕章往。章固輕薄少年。雅善修飾。雖較蘭差長。而英姿颯爽。神采麗都。誠不減潘郎風貌。蘭一見大悅。

蘭有慧心。而無慧眼。方見章時。目灼灼似賊。輕躁之態。形諸詞色。是豈可與終始者。而蘭閱人未多。不能鑑別真才。徒賞識章之外表。而不知其金玉其外。敗絮其中也。既見之後。心切愛慕。章之風貌。章之態度。時留其影。象於嫩弱之腦蒂。蘭母固女丈夫。又沾染新文明。固以婚姻自由四字爲女子第二生命。不肯加以限制者。第

老眼無花。僞形莫遁。見章便知。乃華而不實者。流烏雅。非彩鳳侶也。繼窺蘭似。頗屬意。愛女心切。煞費躊躇。終以章年少。氣驕。性情靡定。恐爲身世累。且章雖係陸軍中人。現無正當職業。一朵自由花。終不忍令其隨萍蹤。絮影而逝也。

蘭有舅某氏者。陰險小人也。前爲其子求婚於蘭。蘭絕之。憾焉。至是偵知蘭與章將有婚約。見蘭母痛詆章之爲人。放蕩無紀。反覆難恃。力破壞之。母信舅言。拒婚之意益決。何來屢商皆不就。而陰慰蘭曰。是兒不可信也。以兒之年貌。何患不得如意郎君。但望兒學業有成年華。未老當爲兒物色一佳壻。以娛晚景。享家庭間完全幸福。不然者。誤適匪人。終貽後悔。非兒之福。亦豈足以慰母之心耶。蘭聞母言。俯首無語。意其念已絕矣。而何以蘭母意決絕。無以報章命而得其豐厚之酬金。與章謀。謂蘭母不在。往見蘭。以章意達蘭。謂章自覩仙姿。愛慕綦切。并以金約指相贈。爲證。蘭受而藏之。知母意難回。抑鬱萬狀。而感章益甚。寢寐靡忘。牀榻几席間。幾無不有章之蹤影。追隨其左右者。因思成疾。鎮日懨懨。妹邀赴校。輒以疾辭。學業爲之銳減。母初痛之。多方調治。旣而察知病由。大加呵斥。督責益嚴。

陽烏沒影。宿鳥投林。街頭巷尾。車馬漸稀。電燈驟明。照耀通衢。如白晝。斯時某旅館之第三號房中。有一少年。方據案坐。鼻架金絲鏡。身服西式衣。手報紙口雪茄。且吸且閱。狀甚整暇。無何夜漸深。街上人聲已寂。館中寓客多就枕作還鄉之夢矣。少年遽擲報起。目注壁上時針。環行室中數周。復就坐。取案頭新購之小說。翻閱之。

微露倦容。忽門帘啓。一少女瞥然入。顏色慘淡。若重有憂思。而又若竊物被逐。驚惶失措者。少年見女。亦甚駭愕。既而挽臂讓坐。互相問答。時壁上鐘已錚錚鳴。十一下矣。少年非他。卽章雨倩而來者。卽方慧蘭也。章見蘭始而驚。繼而喜。跼蹐倉皇。其爲狀至可笑。時蘭驚魂甫定。悄坐無言。殘淚一絲。猶界嬌頰。如帶雨梨花。不勝其可憐之態。章乃行近其身。怡聲問曰。夜深矣。卿何以到此。車來乎。抑步行乎。如以車來。宜囑暫候。勿令歸時畏行多露也。蘭愀然泣曰。儂歷盡千辛萬苦。乃得到此。而君言若是不令人心灰意冷耶。章曰。然則卿意云何。蘭曰。儂徒步來。與君作長夜談耳。章緊握蘭臂。佯慰之曰。我累卿矣。我累卿矣。中夜奔波。弱女子甯解此苦。若使前言克踐。後會正長。何必今日處嫌疑地位。况旅館人雜。倘爲黠者偵破。揚言於外。我之名譽不足惜。其如卿何。爲今計。惟有雇車送卿歸去耳。語時。注視蘭面。目光閃爍。流蕩生情。一點眼波。又似不欲爲臨去人作送別用者。

蘭聞章言。俯首無語。羞媚之態。傾絕人寰。既而忸怩曰。夜將及半。欲儂何往。君以良好姻緣事。已大定乎。實告君。一池春水。已被他人吹縐矣。儂之來。正欲與君商挽救術耳。章驚聞故。蘭具述舅言。并道母意。章嗒然若喪。疊口喚。奈何。蘭曰。君勿憂。儂心如鐵石。誓不他適。今冒羞來此。請先以此身爲君實驗。地庶令阿母知身已屬君。必不反汗也。章大喜過望。是夜冰清玉潔之方。慧蘭遂失身於輕薄兒。章雨倩矣。天甫明。蘭起辭鄭重。叮嚀誓彼此俱以全力求達目的。果失敗者。則以死繼之。臨行時。把張臂曰。事可一不可再。此舉乃日暮途窮。倒行

逆施幸君勿以儂爲路柳牆花任人攀折若得意問津傳言折簡則事敗矣章領之攜手送諸門外視蘭已粉頸低垂黛眉蹙損淚簌簌下矣

衝烟犯月破曉而歸母怒詰昨夜何往蘭紿曰昨晚母未歸時有同校友二人來視兒勸往梨園觀劇以破病悶兒不忍拂人意從之往比劇終人散更漏已深遂留宿其家蓋彼家距劇場僅數十武也母聞言雖未深信然終不虞其有他既而赴校則諸生方竊竊私語有謂蘭昨晚被奸人拐去者蓋蘭謁章時適有某生之兄自外歸見蘭在閭巷間踽踽獨行某固素諗蘭者異而尾之後見其入某旅館歸而述其事於家人某生至校見同學遍告之蘭平日在校成績獨優試輒前列同學多忌之者蘭又自恃才高輕視儕輩以是惡感甚深今聞其有曖昧事思藉以中傷之於是市虎蚊雷交口相毀竟無一人爲之辨護者母微聞諸生語似爲蘭詳詢之備悉顛末大痛忿急歸覓蘭指其面而詈之曰賤婢子昨夜所爲何事不自羞而以誑語欺阿母汝祖若父俱名門裔而汝今作此污賤事一門清白爲汝輕薄盡矣且詈且哭旋操杖挾蘭瓊在旁急奪其杖母哭瓊亦哭蘭更大哭一室之中哭聲震耳適舅至乃各收淚蘭與瓊均起去舅問何事痛哭母切齒告之舅故蹙其額良久強笑以慰之曰吾意明敏如甥女決不至墮奸人之騙局姊勿苦事之虛實未可測也安知莫須有三字不可以虛構風流罪案耶母意稍解然卒以其事甚醜辭校長攜蘭姊妹歸家居大好白日可憐嗣後防蘭益嚴不許越雷池一步同學有來視蘭者概屏絕之不令見蘭從此日處荆天棘地中家庭無異於狴犴矣

鐵鎖無情。關住滿園春色。纔爲出谷之鶯。便作入簾之燕。春風別院。秋雨長門。李後主所謂此中日夕以淚眼洗面者也。一日瓊得郵函一。開母不在。密授之蘭。視其封面。則章筆也。喜極急開。緘窺其內容。意此中必有好消息。一封書不啻薄命人之續命湯也。乃閱未數行。遽爾色變。薄倖章郎。竟割情背誓。送將催命符至矣。蓋章前之於蘭。僅存漁色之心。並無一毫真情之貫注。夜奔郎舍。始願已償。繼聞事已決裂。卽招媒他議。今議有成。故以書報蘭。謂若可挽回。則當仍續舊好。如不能請從此絕。留些餘緣。期諸來世。并索約指。以示決絕之意。蘭閱竟不能哭。亦不能言。惟腦筋中驟受一種猛烈之激刺。幾疑留此軀壳於天地間爲多事者。

負心有據。長歎無言。一寸芳心。低徊欲絕。意蘭此時恨章刺骨矣。孰知怨毒雖深。情絲未殺。一轉念間。微特不以始亂終棄爲章咎。且謂未謀章面。詎識章心。前言在耳。彼豈忘之。不過惕於事之萬難激。而爲此儂惟自怨。家庭不諒。萋菲傷譏。使大好良緣。終成畫餅。然而一息尙存。此志不容少懈。脫事而果無成者。惟有一死脫章。而果無情者。亦惟有一死。於是作書覆章。並無一言責其薄倖。惟希堅持到底。以求美滿結果。如才竭力盡。則請以約指相殉。以證終始。欲珠還不能也。書畢。鄭重授瓊。投之郵櫃。並囑其母與母言。而一縷芳魂。早逐飛鴻以俱杳矣。

書去後。盼斷天涯。回雲絕影。蘭從此却除膏沐。瘦減容光。憔悴日益不堪。眠食因之俱廢。終日惟向無人處。偷搵其傷心之淚而已。母雖知之。痛之然已如收籠之鳥。庸能再任其高飛。况與章並無成說。旣却之於前。反求

之於後即郎心未改。覆水可收不亦太自貶抑耶。後月餘舅來言章已他聘。迎娶有日矣。並詳述爲某氏女貌美且賢。蘭此時已困頓無人狀。聞信之後萬淚攢胸。一慟幾絕。黃昏人定後遂攜約指同遊於大羅天上矣。母既恨其不貞復痛其慘死。心灰意冷覺大好京華無容足地。葬蘭後遂挈瓊徙居於鄉姊妹花一枝已折再不堪任此枝之隨風飄泊矣。而章則於今春三月已樂關雎而咏好逑不復知白楊衰草間一聲聲罵薄倖郎者之尙有人也。爰綴其顛末以爲我崇拜自由不恤後患之同胞姊妹作一警鐘焉。

枕亞曰。一失足成千古恨。再回頭是百年身。人情險詐。觸處皆機械。愚夫陷之黠者避之。而惟於情愛關頭則愈聰明而愈懵懂。憐才二字誤却多少閨人。遺恨千秋都爲聰明絕世春婆夢。醒秋塚艸生自由安在。結果如斯吁可痛已。王君憲民以此稿見貺。囑載報尾。作者著書之期距死者埋玉之期尙未逾一月。王君蓋世之心人余以其事之足以箴不良之社會而醒無數醉心自由之女界同胞也。爰不揣譾陋略加潤色表而出之。以爲世戒。嗟嗟母也不諒人之無良。生爲情虫死爲怨鬼。自作之孽休言薄命紅顏之死靡他。終愧含瑕白璧。如方慧蘭者。律以正義君子應諷諒其癡情。才人或憫若彼章郎。性等浮雲心如毒螫。一封書憤死佳人七尺鋒。幸逃法網。然而一紙宣揚難免萬人吐罵。若地獄之說而非誣也。正爲此輩設矣。吾願吾無數之女界同胞遠鑒王嬌鸞之前車。近以方慧蘭爲借鏡。莫徒崇文明自由之虛名而受身死名隳之實禍。姻緣大好回頭須念身家歡愛無多。失足難償名譽風花隊裏及早抽身。科學叢中亟宜埋首。此則記者草此篇之微意也。

烈情 一 死難

屈貞女者。孽字小柳。汴京洛陽縣廬陵庄屈姓女。楚大夫之正裔也。貞女生而嫺靜。不作小兒女嬌癡態。年七歲。字於同里梅玉良。蓋女終身之局定矣。父本名儒。幼卽教女識字。年漸長。嫺閨訓諳內則。尤讀列女傳。而慕之。歎曰。爲女子者。不當如是耶。無何。壻驟病。病頗篤。家人馳急足報女家。且議婚焉。蓋豫俗有送湯藥之說。凡未嫁之女。於壻病時。而于歸者。謂之冲喜。故玉良家人。以此爲請。女父母聞之。躊躇莫決。恐女去而壻或有變。女且終身淪於悲境矣。以商女。女殊坦然。謂父母曰。女子之義。從一而終。兒身已字梅家矣。聞壻病而棄之。非禮也。亦非情也。願父母許兒去壻而生兒之幸。也不幸而死。則奉其翁姑。兒亦無怨也。父母知其意決。允焉。踰時。梅家以彩輿迎女去。父母揮淚而送之。時咸豐五年。貞女年方十七也。於七月十七日。于歸甫九日。而玉良病沒。貞女哭之慟。旋卽收淚。襄理喪事。井井有條。狀殊從容。頗不類哀痛者。蓋此時貞女之胸中。早有成竹矣。是夜卽闔戶投繯。幸爲婢覺。呼救得免。自此梅家人皆知女性之烈。敬之甚防之甚嚴。貞女百計覓死。終不得。玉良之兄玉成。端士也。天性友愛。痛弟之亡。而憫女之無依也。以一子爲玉良後。遣其婦以死節撫孤之輕重。反覆諭女。女感其誠。乃不求死。嗚呼。盤根錯節。愈經挫折。而奇行彌彰。使女於此時。卽償其一死之願。則亦與。

尋○常○匹○婦○之○自○經○等○耳○其○所○以○不○死○者○殆○天○欲○彰○其○節○使○之○歷○盡○艱○苦○而○後○死○而○其○死○乃○愈○奇○愈○烈○也○貞○女○守○節○撫○孤○延○至○一○載○時○捻○匪○孫○葵○心○犯○洛○陽○寇○氛○掩○至○風○鶴○頻○驚○村○中○人○聞○聲○奔○竄○貞○女○自○製○窮○袴○懷○利○剪○以○灰○墨○毀○其○容○從○嫂○將○竄○南○山○女○足○纖○艱○於○步○未○及○而○賊○至○見○道○旁○有○井○急○投○之○井○已○枯○得○不○死○賊○鉤○而○出○之○賊○擄○婦○女○甚○夥○女○亦○被○掠○至○譚○鎮○至○夜○賊○酋○裸○體○逼○女○女○情○急○乘○賊○不○備○出○懷○中○剪○猛○刺○之○洞○其○胸○賊○大○號○一○聲○倒○地○而○斃○女○素○荏○弱○力○不○能○縛○雞○乃○於○倉○卒○之○間○手○刃○逆○賊○意○者○精○誠○所○至○若○或○助○之○歟○賊○既○死○女○卽○回○剪○刺○已○膏○血○流○如○注○暈○絕○於○地○羣○賊○聞○聲○盡○至○見○女○與○賊○俱○死○知○賊○必○爲○女○所○刺○大○怒○將○女○投○於○亂○草○中○縱○火○焚○之○幸○草○濕○不○燃○肌○膚○未○被○薰○灼○然○賊○固○謂○女○已○死○女○亦○自○謂○已○死○矣○

賊○去○女○漸○甦○睜○目○視○天○地○皆○作○黯○慘○色○自○顧○則○身○臥○亂○草○中○星○眸○驚○欠○之○際○驀○見○身○旁○有○一○嫗○視○之○而○喜○曰○生○矣○女○殊○恍○惚○自○疑○已○死○謂○嫗○曰○此○得○母○冥○中○耶○嫗○何○人○乃○來○伴○余○嫗○笑○曰○阿○姑○明○是○生○人○胡○乃○言○鬼○然○姑○苦○矣○日○暮○天○寒○其○隨○我○歸○休○乎○此○時○女○四○顧○曠○野○杳○無○行○人○望○家○山○兮○何○處○思○父○母○兮○心○傷○欲○刎○頸○則○少○寸○鋼○欲○投○河○則○艱○跬○步○當○此○生○死○莫○決○之○際○進○退○維○谷○之○時○不○如○姑○從○嫗○去○嫗○自○言○姓○劉○家○回○不○遠○乃○扶○女○行○抵○家○後○日○食○女○以○美○饌○待○遇○甚○隆○且○購○藥○爲○之○敷○傷○處○創○漸○愈○女○甚○感○之○告○以○姓○氏○里○居○許○其○送○還○而○厚○酬○之○詎○嫗○之○救○女○實○包○藏○禍○心○聞○女○言○佯○諾○之○而○並○無○歸○女○意○女○至○此○始○知○嫗○非○善○人○然○既○隨○之○來○亦○無○如○何○一○日○嫗○忽○含○笑○謂○女○曰○余○久○欲○送○汝○歸○里○而○不○得○其○便○此○處○距○汝○家○道○阻○且○長○若○放○汝○一○人○行○弱○質○伶○仃○或○中○途○爲○強○暴○所○

脅將奈之何。今幸矣。有某女隣將赴廬陵。余囑其挈汝去。少頃肩輿來。可從之歸矣。歸後見父母。勿言余相救事。余固不望報也。女泣謝之。誓必厚報。旋即登輿去。行二日。抵鹿邑界。輿忽停。曰至矣。入門則粉白黛綠。雜陳於前。頗類勾欄。女大驚。急呼輿夫曰。汝何送我至此。速昇我歸家。當重謝汝。輿夫不答。突有莽男子至。女前牽女。使行。女大怒。叱之曰。汝何人。敢來逼我。男子亦怒曰。我孫興也。以百廿金買汝於劉嫗處。汝今已爲我家人矣。生死惟我所欲。速從我去。衣鮮食美。自樂之。稍有不順者。鞭朴立至矣。女乃知爲嫗所紿。纔離鸚鵡之籠。復入虎狼之窟。命苦若此。傷如之何。乃長跪與前哀請。送歸後。當倍價以償。輿冷笑曰。我以汝爲錢樹子。此後取償於汝者。且百倍千倍。而未有已。區區二百四十金。遂足以滿我之欲望乎。汝休矣。女乃大號。輿怒甚。鎔鐵鉗於火下。女痛極。乃不哭。則授女華服美飾。使裝以應客。女涕泣不肯。則又撈掠之。女誓死不從。輿怒甚。鎔鐵鉗於火中。烙其面鬢額。皆焦。復烙其乳。痛徹心腑。如是者數日。體無完膚。女終無願意。輿無如何。使羣妓邏守之。恐其覓死也。

興有密友柳源者。亦一無賴子也。豔女色。欲得而甘心焉。興逼女再三。知不可強。乃密與柳謀。將強污之。羣妓中有憐女者。涕泣勸女。且告之謀。女知不免。伺隙於房中。覓得一剪。藏諸懷。是夜興果來。女如前之刺賊者。出剪刺興。顧力弱。不能深入。興受創。奪剪刺女。適柳至。急止之。謂興曰。此女既倔强。不肯從命。不如與我興無奈允焉。柳昇女至家。知女烈。不敢相逼。鄰嫗有知其事者。咸來視女。歎息問姓名。女恐辱家世。堅不肯對人。乃以

小柳名女。女亦弗之辨。居無何。柳慾復熾。故不戒其容止。女知必復受逼辱。死志益決。偶於楊下。得膏梁桿。由剪傷處。猛刺之。透入腠理。氣始絕。柳恨女甚。棄尸於艸野間。血肉狼藉。羣犬守護之。有孔宜老者。慈善家也。見而憫惻。掘坑藁葬之。艸掩埋塚。無表識。是時捻匪薄城下。死傷如積。興源逼女致死事。亦無有首告者。後有人知女事。訪於毫。欲求孔老葬女處。蔓艸荒煙。不可復識。而女之冤。遂終於不白云。

枕亞曰。古之貞女多矣。未有如女之貞而烈烈而俠者也。其矢志守貞。方之衛伯姬。且有過之。其從容殺賊。則比之費宮人。亦無多讓焉。顧求生不得。求死更難。不死於投繯。不死於利剪。必待歷盡萬苦千辛。乃得畢命於膏梁桿之下。蓋遇不窮。則節不顯也。所恨者。女死而興源二兇逍遙法外。雖天禍奸人。終償孽報。而罪人未得苦節。不彰女事。至今鮮有知者。九原有知其有餘痛乎。女以咸豐五年七月十七日。歸於廬陵梅氏。於咸豐七年五月二十七日。完節於譙郡。年十有九。後聞有穎川趙椒谷者。偶與友人扶乩。女忽降壇。自述其生平顛末。趙爲之報其家。俾知女冤死狀。此事殊涉怪誕。不足信云。

妬情 毒藥瓶

怪事！怪事！暗殺！暗殺！中毒！中毒！這一片聲浪如雷霆乍驚如江潮怒沸這時候未到二更天氣這地方却並不是荒僻之所也不是酒樓旅館熱鬧的所在你道在那裏呢原來是簇簇新新少年夫婦第一夜的洞房。

這事未發生以前外面的賀客正在那裏興高采烈的猜拳行令吃著喜酒新夫婦出來向衆人席上敬了一巡酒然後攜手歸房同吃那合歡筵席不多一刻忽聽得裏面大喊一聲道新娘中毒了衆人吃了一驚便丟著喜酒不吃蜜蜂也似的擁進去一看這還了得看那新娘果然七竅流血直挺挺的躺在新牀上身上還穿著一套鮮豔的禮服哩再看那新郎站在一旁瞪著雙目向他已死的新人呆看却並沒有悲傷哭泣的樣子這時大家通看呆了定了一會研究起來方知是新娘飲的那杯酒裏作怪不知被何人下了什麼毒質有的說是房裏的伴娘們謀害的有的說是新人出房後這人趁空兒進來放毒藥在酒裏的衆人你一聲我一聲鬧了一會子也尋不出什麼證據於是復疑到新娘身上但是歡歡喜喜的新嫁娘爲何第一天要在夫家服毒自戕呢這是斷然沒有的事。

這話暫且擱下不提如今先說明這兩新人未結婚以前的情事原來這位新郎籍貫揚州名字叫做于人駿年紀不過二十四歲是個新學界裏頭特色的人物在美國遊學五年這時畢業回來便哄動了一時學界中人都要來瞻仰丰采于君又在某處演說會中嶄然露了頭角真個是一舉成名萬人欽敬但是有一樁缺恨

這位于君的父親却是一個頑固不過的老厭物。兒子開通到十分，他便閉塞到十分。如今聽說他兒子不日榮歸，得了什麼學士博士的職位，歡喜的了不得，便有心替兒子尋下一頭親事。是同里富室李姓的女兒，也是個女學生。當時李宅的人聽說求婚的是個驚天動地的美國留學生，那有個不情願的？就是這位女學生，雖同人駿未謀，一面心裏也暗暗歡喜。自然一說就入港了。等到兒子回來，早已下了聘禮，選了吉期，準備著他們夫婦團圓。自己做封翁哩。在這老頭兒的意思，也算十分討兒子的好，却不知道近來的青年子弟，都把那自由兩個字，深深的嵌在腦中，彷彿也同中了什麼毒似的一個個，意醉心癡，要想做那指頭兒上套戒指的勾當。若說用舊法和他們結婚，是沒有一個肯的了。況且他的兒子又是遠遠的從極文明的美國遊學回來，腦筋中的自由思想，應該比尋常學界人物還要深入幾倍。別的且莫說，只這結婚一事，是沒有不與人同調的。說什麼父母之命，媒妁之言哩？這不是一天希望生生的被這老頭兒劈頭就打了一下悶棍嗎？若在別的遇著這件事，縱不能夠逼着他父親取消，也要罵幾聲，彼昏不知了。這位于世兄，却是個學養兼至的人，明知木已成舟，便合他父親鬪氣，也是無益。只淡淡的答道：「父親，兒子沒有妻室，是極平常的事。怎麼如此性急，便對下這親來說？面上雖沒有喜歡的樣子，却也並無懊喪的樣子。老頭兒聽了兒子的話，不知道兒子心裏那麼樣的難過。還當他是學著那新婦怕羞哩。」

過了幾天，某處的公園外面，有一個少年女郎，手皮包足，革履裝束，像個留學生模樣，慢慢的向這園內走了。

進○來○那○時○候○已○是○深○秋○天○氣○滿○園○的○樹○木○都○是○葉○盡○枝○枯○十○分○憔悴○風○過○處○落○葉○簌○簌○亂○響○那○地○上○的○衰○草○却○被○無○數○葉○子○深○深○的○埋○在○裏○面○彷彿○替○他○蓋○被○著○被○子○似○的○四○圍○一○望○景○象○甚○悽○慘○這○叫○做○物○換○星○移○炎○涼○一○瞬○每○年○到○了○這○時○候○園○內○早○沒○有○遊○人○蹤○跡○了○今○天○却○來○了○這○位○姣○好○女○郎○要○算○爲○這○淒○涼○寂○寞○的○荒○園○著○一○點○繁○華○美○麗○的○顏○色○但○是○這○位○女○郎○爲○了○何○事○憑○著○他○吹○彈○得○破○的○嫩○臉○來○這○空○曠○的○所○在○受○那○西○風○的○欺○侮○呢○這○不○是○疑○問○麼○諸○君○且○莫○性○急○聽○在○下○慢○慢○的○說○下○去○那○女○郎○進○園○後○逕○向○西○面○一○處○亭○子○那○邊○走○去○便○斜○倚○在○亭○畔○慘○綠○色○的○欄○杆○上○目○不○轉○睛○的○望○著○園○門○像○是○等○候○什○麼○人○的○光○景○看○他○的○面○色○老○大○不○自○在○細○細○的○眉○尖○却○緊○蹙○著○十○分○幽○怨○澄○澄○的○秋○波○却○隱○含○著○一○股○淚○泉○欲○泣○不○泣○的○凝○眸○半○晌○微○歎○了○一○聲○徐○徐○啓○那○手○內○皮○篋○取○出○一○個○紙○條○兒○上○面○有○許○多○字○跡○分○明○是○件○書○信○女○郎○展○閱○到○後○半○微○微○念○道○（○今○晚○四○句○鐘○在○某○公○園○西○亭○內○遲○卿○一○敘○解○決○此○疑○難○問○題○或○卽○在○該○處○與○卿○爲○最○後○之○訣○別○）○至○此○就○不○念○了○從○新○將○這○紙○安○放○在○篋○內○取○出○一○只○時○表○一○看○喃喃○自○語○道○四○點○三○刻○了○怎○麼○這○時○還○不○來○莫○非○他○忘○了○嗎○說○著○又○歎○了○一○聲○仍○向○著○園○門○凝○望○停○了○一○會○果○然○走○進○一○個○西○裝○少○年○來○這○人○是○誰○不○消○說○就○是○女○郎○的○心○上○人○了○兩○人○見○面○後○便○在○這○亭○子○裏○面○大○開○談○判○究○竟○爲○了○什○麼○做○書○的○這○時○却○也○不○知○道○只○聽○那○少○年○道○冰○妹○我○負○你○了○只○說○得○一○句○話○那○眼○淚○就○如○水○銀○下○瀉○一○般○撲○簌○簌○落○個○不○住○再○也○說○不○出○什○麼○來○了○那○女○郎○見○少○年○如○此○却○裝○著○平○淡○的○樣○子○對○少○年○道○這○事○我○已○知○道○了○專○制○專○制○就○是○沒○奈○何○的○代○名○詞○又○何○必○這○樣○傷○心○呢○據○我○看○來○

事已如此。我們兩人圓滿的希望。已被一陣橫風吹散的乾淨。人生幸福。諒來是無望的了。然而尚有家庭間未了的事情。社會上應盡的義務。俗語說的好。各人走各人的路罷。少年聽了這話。不覺驚異道。冰妹。你怎麼說出這樣話來。你不愛我麼。你不曾允婚於我麼。尙記得前年七夕的時節。我兩人同在一處。效著李三郎。楊玉環的故事。攜手並肩。說什麼在天比翼。在地連枝。那時情景。難道你都忘了嗎。那女郎經這少年如怨如訴的一番詰問。急的要滾出淚來。却又忍住。答道。咳。你怎不知道。是此一時。彼一時呢。我的愛情。永永屬於你。從前種種親密的紀念。是死了也不會忘掉的。無奈天不欲我兩人完聚。特他弄出這不尷不尬的事來。從中打斷。這是沒有法兒的。只好捐起今生說那來生的話了。你也不必怨著我。我只怨著自己的家庭。我也不能怨著你。只怨著自己的運命。花月痕上有一句詰道。世沒有不散的筵席。不了的棋。這話很是曠達。你想我兩人縱能遂了心願。到後來總有飛鳥各投林。大家顧不得的時候。今日之事。譬如我死了。或是你死了。那活著的。亦能夠起這死的與之論愛言情麼。況且如今尙未至於死別的地步。此後婚約雖虛。友誼自在。人生所重的。亦祇此方寸罷了。又何必於形式上去求全責備呢。少年半晌沒有話說。既而答道。我感激你能原諒。我更感激你能勸導我。但是早知今日。何必當初。這一段忘不了的深情。教我如何能解釋呢。女郎復長歎一聲道。這叫做死人。瘞死人。我也是沒奈何。這種割情斷愛的事情。誰還情願不成。說著。那眼眶中久貯的淚泉。再也忍不住了。便知着少年嗚嗚咽咽的哭起來。這時已近黃昏。兩人一陣哀哭。驚得那樹上棲鴉。一個個飛出林外。望

空怪叫良久。少年止泣。這時已到了我們走罷。女郎若有會意。遂亦起立道。時已到了我們走罷。

原來這少年就是于人駿。這女郎是人駿在美國第二年遇著的同鄉。姓陳名冰華。兩人自從訂交以後。時常聚在一處的。他們的情懷。做書的也不必贅述。只聽他們這天的談話。就可以知道的了。這年却是冰華先半年畢業。臨別的前一日。就與人駿訂了婚約。約定八月內人駿歸國。在故鄉完婚。就是當時送行的人。知道這事的。都替他們預賀著。這是神聖的自由美滿的希望。再沒有誰來從旁破壞的了。怎知到了八月。人駿興高采烈的回來。一進門便得了這個惡消息。頓時把人駿熱到十分的心。就冷了半截。只是不能發作。却又無可挽回。不得已將這意外的變故。寫信告知了冰華。約他到公園裏來解決這事。人駿的意思。以為冰華見了這信。必定比己加倍難過。預備著用好言勸慰。誰知一見了面。自己倒做了楚囚。反被冰華勸慰了一番。這種女子。又是纏綿。又是曠達。可不是新女界裏頭。不容易遇著的人。駿聽了冰華的言語。心也死了。氣也平了。轉著那隨緣聽命的念頭。便做了負心薄倖的事實。這一次的談話。就算是兩人情史上草草的作了一個結束。但是有一句話。兩人既取消了前約。人駿去就那不自由的婚姻。那冰華又怎樣呢。或是另適他人。或竟守不嫁主義。但他不是對人駿說我的愛情永永屬於你嗎。就這話看來。則是舍舊謀新。萬非冰華所願的了。人駿奈何。不爲他設身處地一思。將來如何結局呢。

自園中訣別後。兩人尙相見多次。却總沒有提起愛情婚娶的話。有時人駿情不自禁。做出那依依不捨的樣。

子冰華總是落落大方。絲毫不爲所動。人駿也就死心塌地。視冰華爲膩友。不作別的癡想了。不多幾日。到了吉期。親友們都來賀喜。人駿預料著冰華萬不肯來看他的情人。和別的女子行婚禮。誰知他竟歡歡喜喜的來。且裝束的甚是美麗。含著笑向人駿道。賀人駿見了。心如刀割。眼見得面前立著個妙人兒。是不爲我有的了。暗地裏却怪著他。怎麼忍心當著衆人來尋我的開心呢。細看他的面容。竟同無事一樣。並不覺有什麼感觸。古詩說的。但見新人笑。今兒却變做了。但見舊人笑。哩則又不免暗暗的恨了。幾聲這樣一個人兒。原來是那樣的無情的。想到此處。就大徹大悟起來。將一天煩惱漸漸的丟開了。到了晚間。就出了這件特別新奇的結婚暗殺案。當時衆人亂紛紛的鬧著。冰華也難在裏頭倒替這位一面不識的女子。淌了好些兒淚。人駿却得了一個主意。只是嘴裏說不出來。到了次日。這事便經了官。驗了幾次。訊了幾次。通尋不出一點影兒。只苦了兩個伴娘。同幾個隨嫁的侍婢。監禁了好幾天。到底沒有謀害的憑證。也就釋放了出來。這事只好懸爲疑案。難爲這可憐的新娘。做個屈死鬼了。

流光如駛。眨眨眼。又是一年。天大的一樁奇案。早已烟銷火滅。各人的腦筋中。沒有一些兒影象了。只有人駿的父親。自經這一番風浪。已變成了個驚弓之鳥。兒子提議續娶的事。再不敢和他作主。憑著他自由也罷。不自由也罷。因此人駿得與冰華重整舊情。再提前約。到了中秋的那一天。就在那公園裏面。一對兒的行正式婚禮了。這回來的賀客。因聽得冰華也是個出洋留學生。大家都要一見。反比往年盛了許多。這兩個離而復

合的情人到了今日人月雙圓各各心滿意足再也沒得話說若沒有這新娘一死兩人今生要想親親熱熱的常在一處是萬不能夠的了人駿的心裏却暗暗的感激那下毒的人成就了他們的良緣但想着那無辜被害的新娘怪可憐的死得不明不白雖與我並無情愫究竟是我的妻子要說著這我雖不殺伯仁伯仁由我而死的兩句話了想到這裏便覺得略有些不自在然而這種思想做書的却替他嚕嚕嚕嚕的敘述在當時人駿心中不過一轉念罷了頃刻之間過去的事便都拋撇淨盡只有那現在的心上人兒了婚禮既畢兩人攜手同行順便走進一處亭子裏邊小憩就是去年那日兩人傷心訣別的地方人駿觸起舊事語冰華道記得那一天我與你在這裏談話的時候只道這事已經破壞到了十分再沒有完全的法子誰想也有今日這纔可算得是天從人願哩我想兩人的離合好比那天空的月兒那月兒將近行到天心的時候忽然來了一個黑影遮住了他頓時變成了黑暗世界等到那黑影一過露出月兒的真相依舊是光明圓滿的這就是我們兩人今天的結果冰華聽著面色忽然慘變冷然答道你且莫喜歡你以爲如今大劫已過宿願已償以後可與你永享這家庭的樂事只怕還未必十分穩當哩古人說的天有不測風雲人有旦夕禍福照這話看來可見世上的事是至無憑準的何況是情場的變幻呢我說我好比那塞翁的馬兒你就做了塞翁前次你失了我今兒復得了我這叫做塞翁失馬安知非福試從對面一想那麼你今兒得我可安知不同那塞翁得馬一樣呢冰華說到末一句竟是帶了些歎息的聲氣人駿聽了並不惱他當著吉日說這不詳的話兒以爲

冰華是經過患難的人。自應有這種思想。想起後來的事情。果然是難以預料。既可以離而復合。何不可以合而復離。因此一天歡喜。竟變做了萬種愁煩。停了一會。一同懶懶的走出園來。這回兩人就算與這園長別了。咄。好奇怪。這是什麼聲音。你們都聽得嗎。這時衆賓客大家側著耳朵。做出那洗耳恭聽的樣子。須臾只聽得裏面大喊道。新娘又中毒了。隨後便聽得哀哀的哭聲。和著那驚呼狂喊的聲音。鬧成一片。那些吃喜酒的。都是去年的舊客。知道又出了奇事。那膽小的恐怕連累。便放了孟子一溜烟的走了。留著幾個至親密友。覺道這事有些蹊蹺。去年一個死的。沒有著落。今兒又是一個繼了後塵。難道是這冤死的來索命不成。這真奇怪的很了。不免進去一看。只見新娘照著先前死的樣子。穿著禮服。躺在牀上。七竅內通是血。污分明。下毒的前後是一個人。中的毒質也是一種的。但不知道中毒的原因。究竟有什麼秘密呢。這回新郎却不似從前的一味呆看。抱著他已死的情人。翻來覆去的哀哭。口裏冰妹冰妹的亂喊著。直哭得死去活來。好容易被衆人勸住了。人駿也知這事很奇怪。前後兩個人印板似的橫死在結婚第一日。必待究個水落石出。只是摸不著頭腦。正在尋思。忽見一個侍婢慌慌張張的道。有證據在這裏了。大家看時。那侍婢已在新娘身邊。掏出一個藥瓶。一封書信。看那藥瓶。尚有半瓶毒汁在裏面。再看那書信封面。寫著（人駿吾夫手啓冰華遺書）十個字。人駿卽忙啓封。與衆人同看見上面寫道。

人駿吾夫見此妾今加君以此親愛之稱。謂妾已自知其不類。蓋君得閱此書時。妾已不能爲君妻矣。嗟乎。

吾○夫○妾○非○君○之○情○人○乃○君○之○罪○人○也○今○欲○使○君○知○者○即○妾○實○爲○毒○死○君○前○妻○之○正○兇○一○事○耳○此○語○君○驟○聞○之○必○駭○然○毋○駭○也○妾○之○心○君○知○之○妾○之○身○君○有○之○他○人○不○能○從○君○之○懷○中○而○奪○妾○即○亦○不○能○從○妾○之○懷○中○而○奪○君○不○可○以○奪○而○奪○之○其○人○即○妾○之○敵○亦○即○君○之○敵○質○言○之○即○愛○情○之○敵○也○夫○人○生○所○寶○貴○者○生○命○與○愛○情○耳○兩○者○相○較○愛○情○尤○重○於○生○命○至○於○愛○情○不○能○保○則○以○生○命○易○之○亦○不○爲○過○妾○初○得○君○書○時○知○君○之○愛○情○已○爲○他○人○所○奪○早○決○一○以○生○命○易○之○之○心○然○妾○徒○捐○生○命○而○君○仍○爲○他○人○有○妾○豈○能○甘○故○必○先○制○敵○人○之○死○命○而○後○以○己○之○生○命○償○之○則○妾○死○而○仍○可○得○君○之○愛○情○也○婚○禮○既○成○妾○事○已○了○理○當○即○死○以○謝○君○之○前○妻○既○種○惡○因○必○得○惡○果○今○日○之○事○惡○果○也○妾○行○固○惡○然○有○假○手○於○妾○以○行○此○惡○者○愛○情○也○嗟○乎○吾○夫○妾○今○已○伏○其○辜○而○妾○之○靈○魂○帶○有○惡○眚○吾○夫○或○不○能○赦○妾○妾○當○求○赦○於○破○格○慈○祥○之○天○帝○妾○之○爲○此○亦○欲○使○世○人○略○知○愛○情○二○字○之○價○值○耳○君○須○知○我○兩○人○只○有○愛○情○並○無○幸○福○妾○之○愛○情○君○固○有○之○矣○君○之○愛○情○妾○亦○以○生○命○易○得○之○矣○此○五○濁○世○界○中○有○何○幸○福○可○享○哉○嗟○乎○吾○夫○妾○便○從○此○告○別○爾○妻○冰○華○絕○筆○

人○驟○讀○完○了○這○信○回○首○望○著○冰○華○道○冰○妹○原○來○如○此○什○麼○受○情○正○是○最○利○害○的○毒○物○哩○如○今○不○愛○的○也○毒○死○了○愛○的○也○毒○死○了○留○著○我○一○個○人○如○何○收○拾○這○愛○情○的○餘○毒○呢○說○罷○順○手○取○那○藥○瓶○去○了○瓶○塞○將○半○瓶○毒○汁○大○著○喉○嚨○骨○都○骨○都○的○一○口○氣○吸○個○乾○淨○衆○人○忙○去○奪○時○他○已○擲○去○空○瓶○望○後○一○倒○和○着○冰○華○臉○對○臉○的○同○夢○到○愛○情○深○處○了○

理想
小說

格白勒大學旁聽記

(蕪城星海原著)

余友星海。哲學家也。所著理想小說。余已獲觀數種。構局離奇。設想新穎。妙在篇中有所發明。悉能詳細剖晰其原理。非於科學哲理。確有心得者。不能道隻字也。此篇造意。益形深遠。稿成。囑余以白話體裁。重爲演繹。余不文。且於是項學問。素乏研究。率然爲之。知不免隔靴搔癢之誚矣。倘有紕繆之處。尙望星海及當世哲學大家。有以匡正之。

第一回 加西尼博士登壇 格白勒學生聽歷史

話說在月球北緯九度東經二十度與暴風海附近的地方。有一座山名叫奇尼加山。這山的高度上達一萬零六百尺。毗連着奇治歌山。在那二千年以前。絕無今日繁華的景象。不過像一塊大殭石。爲人跡未經之處。到後來。星移物換。逐漸進化。而今已成了熱鬧世界。余居半山中。偶然憑高俯視。亞利司達尼。布拉。軋克。沙等處。迷迷濛濛。烟靄蒼茫。看得眼花撩亂。正在那悠然神往之際。忽見有一座三帆飛車。停在余之左側。余遂乘之而去。不一刻。到了火星領事館前。可巧有一座無軌電車。聽旁人說是將開往火星維蘭赫休大陸。余素性喜作汗漫遊。今得此好機會。乃決計作火星小旅行。

余既上了無軌電車那車便一直向天空駛去余坐在車中異常沈悶像乘那奧羽汽車枯坐在沕沕穆穆之中推着車窗外望一無可玩的風景只聽得夏夏息息的機聲如波浪激船一般幸車行殊穩並無顛播傾側之苦余正無聊間見一猿猴挾報紙一束而來余固嘗習最簡單的猴語當卽向之呼道由之吼……（猴語意謂來此也）猴果應聲至余身旁余取太陽界通信社最新發行的日刊數種購來翻閱解悶也沒有什麼意味不覺的困倦思眠就在車中睡着了不知道歷了若干時刻迨余醒時那電車早已駛入了氣圈無何遂停余下車後復搭雙帆飛機一徑赴格白勒國到後休息數日往參觀格白勒大學。

原來這格白勒大學內中當教員的不盡是格白勒國的人余往參觀時恰值加西尼國的博士名蘇什推爾斯的講授歷史一課余遂就末座坐定想考察他的教授方法這時候博士立在講壇上徐徐開講道自來研究那地理的人盡知道溫帶爲文明發釀的地方當太陽未結殼的時候吾輩星球俱受他光熱的厚惠纔有了萬種生物但是各星球和太陽距離有遠近因之所受的光熱遂不能平均文明進化的階級也不能趨於一致了。就他的光熱力散布差異上比較上可以劃分出八大行星爲三帶水星金星爲熱帶地星和吾輩立足的火星以及第五軌道上的諸小行星爲溫帶其他如木土天王海王四星爲寒帶就學理及地位論起來火星地星既然是同處黃帶自然應得同一的進化那曉得事實上竟不是這樣這又是什麼緣故呢。二千年前正地星二十世紀的時代那時地星國日本地方有一個人名橫山又次郎的曾說我星的空氣與

地星相同。我星將來或尚有生物之望。到今日想起來說。這句話的人。真是螻蛄眼光。小得很呢。其實他說這句話的時候。我們火星中。早已有了人類。我們的遠祖所造的偉大運河。亦早在十九世紀告厥成功。這等慘淡經營的事業。若是無才無力的人。那裏能彀辦到。橫山氏的議論。吾輩只好付之一笑罷了。就歷史上考察起來。當時地星英吉利博物院。曾陳列一種毛人。說是得之於日耳曼森林中。一般人士名之爲彼得野人。以其腦筋木然不足感應。故教育家無從施以教育。與之以食。彼並不生什麼快感。與之以衣。彼且取而裂之。因此生物學家盡承認發現這種毛人。就是人類退化現象的小影。我們遠祖當時懶惰性成。不能自振。幾乎陷入那毛人的地位。有這一大退化。更加以氣候較異於地星半處。酷暑半處。祁寒這種不適宜的氣候。很是爲人類生存的障礙。因此我們的進化。就遠不如那地星了。

今日我們的語言。乃是地星柴門貨夫博士所造的一種。名叫世界語。現在這種語言。已通行於太陽系在那二十數年前。我們的遠祖遊學歸來。以這種語言。甚是簡便。敎我們注意練習。後來不到幾年。舶來的種種學術。已充溢我星球之內。這就是世界語的偉功了。吾今論史至此。更觸起了許多羞恥痛心的事來。君等也知道太陽系之所以統一。第二太陽系戰敗的種種歷史嗎。其中最大紀念。首推地星和我星的一場戰爭。及我火星國之亡覆。今且繼續爲君等言之。君等其靜聽。

距今三十年前地星曾經有一位探險家乘着無軌電車航空而來我國自是以後彼此交通我星國先在月球中建設領事館後來交通益便電車往來如梭織留學的從天外歸來攜着新飛艇等學術餉我星國我們得他的指教製造事業逐漸精進有一秒鐘六千發的槍炮我們既造成此利器遽爾夜郎自大初不知地星的新發明尙有種種可驚可駭奇奇怪怪的東西原來一般遊學的人僅在那地星大公園月球中得了一些兒皮毛初未嘗越雷池一步去遍歷那地星國所以我們於那地星國的祕密內容懵無所知了

我加西尼國強盛甲於火星全球素主張平和主義回顧十載以前今日正和你們格白勒國激戰的時候獨斯洋上硝烟砲雨中游戰驅逐艦隊今晚正鏖戰於霧煙陣裏那時格白勒艦隊用那弧形電燈的光探見天空中有飛機三隻首尾連結陸續而至誤認道是加西尼的偵探艇遽望空發炮擊墮二隻其未被擊的一機尾放異光察照久之然後遁去電光影裏見被擊的兩機漸漸下沉細察那機上插有黃旗原來是地星國的旗號旗用黃色本蓄有權力的意思今日他的飛機無端遭此一擊皇皇的黃色旗竟着了一點污恥當時我們聞着這個消息知道不妙黃旗星國的人民一定要濺一番血腥取來洗滌此旗的污點行見整師傾國以來期在必勝使浪浪天風吹送他的凱歌好音佈滿大千世界了

去那激戰期中地星已得着第三旅行商艇的報告該艇艇尾曾發探見電光察探那宣戰書到的次日地星的遠征軍第一部已飛至格白勒國空中軍旗作黑色分明含有嚴肅決死的意思其第一部爲聲戰軍車色

白如銀製極美麗可觀乃係聲學家以聲音造成的列車那聲音速度一秒鐘可行三百四十邁當今既配置成車已成固體每秒約行三百邁當速率超出無軌電車不啻數倍實屬可驚可駭當時尙有「此種車最笨遲有光車將至」的風說我們聞信之下恐慌益甚於是格白勒國請加西尼國休戰該游戰驅逐艦隊急退離加軍射界外這個時候地火二星國的戰鬥遂從此開始了那時聲戰軍車發出ウルラ紫色光線照格白勒國軍艦不多一刻那一組游戰驅逐艦隊的軍艦受他的光浪激動熱力異常酷烈火藥艙以及炮彈咸受那栗色爆藥的影響牽連爆炸起來就在數分鐘內艦隊完全消滅了那艦隊消滅的時候適格白勒第一組戰鬥飛艇已至以最鉅的雙凸靈視集日光焦點要想焚燒敵軍不料聲戰車又射出紫光在那焦點未能恰準的時候將格白勒戰艇焚燬成灰了

格白勒國遭此大創真是禍從天降且逆料地星第二部戰軍將至不知道更有何種猛烈的火器驚懼萬分一般人士一路哭一路演說有的說是禍起自與加西尼戰惹出此次戰事誓盡殲滅加國人民的有的說是宜犧牲萬有與敵軍死抗拒以炮火無効則全體自殺不可眼看着外人占我國土的有的說加國兵至擬乘機撲滅我國宜效死抗拒的更有主張格白勒王與加國息戰言和免致分戰鬥力當以全力對付地星的又有主張格白勒王投降地星國乞和的我一聲你一聲紛紛擾擾舉國若狂真弄得不成樣子了我加西尼國的志士也一樣的痛哭流涕到處演說咸謂地星國自恃強權吾火星國人民當全體取一致行

動竭力抵抗。務流血染我火星山河。盡力護我火星山河。不使損失一角。誓不許外人蹂躪我疆土。必須糾合全球一心一德。以掃盪腥氛。驅逐地星人。於世界之外。目前。在格國邊境的。赴戰軍應亟加入戰國組織。聯軍一時民氣慷慨激昂。一個個磨拳擦掌。大有不可遏抑之勢。不料正在那民氣方張的時候。那些喪心病狂的萬惡官吏。遽以武力強迫禁止。演說日夜率虎狼軍隊到處巡察。遇有演說的。與聽演說的人。悉數捕去。處以槍斃極刑。這次吾民被害的。爲數且達萬餘。因此一挫民氣。遂斂前日慷慨激昂磨拳擦掌的。這時候都學那寒蟬噤聲。蝸牛縮首了。可恨那些官吏軍隊。平日坐食民脂。民膏臨難的時候。非但不能爲我民保護。反同室操戈助紂爲虐。製造槍炮的人。就死於所製造的槍炮。供養官軍的人。就死於所供養的官軍。這也是意想不到的事哩。

第三回 藍光從天外飛去飛來 魔術在人間換心換意

加西尼王既以強制手段遏抑民氣。自謂勝算獨操。吾民莫敢復抗。彼更決勝廟堂之上。命前軍力戰。看看格國勢漸不支。這時地星國第二部戰車及第三部戰軍又到。這兩部車就是前所說的光戰軍了。仰視天空。黃色車兩列。軍旗亦作黑色。同那聲戰軍一樣。一種森嚴的氣象。不由不令人畏懼。當時格國軍就發炮轟擊。那知連發數炮。非但不能損他的分毫。連一點音響都沒有。因爲地星國第二部戰車中發出了激烈聲浪。其音波峯適與炮音波谷相合。故音響全被消滅。不一刻格軍聞激烈聲全陷於死。原來第二部軍車有發音器一

具一。秒。時。發。音。機。振。動。六。萬。次。通。常。一。秒。鐘。只。有。百。六。十。次。不。知。該。國。聲。學。家。如。何。研。究。竟。得。此。新。發。明。以。極。大。聲。浪。震。死。格。軍。且。波。及。千。餘。里。外。聞。聲。震。死。的。爲。數。亦。鉅。幸。而。免。的。也。無。不。昏。暈。欲。絕。聲。浪。有。効。界。方。百。里。未。與。戰。之。居。民。亦。多。數。共。同。陷。入。此。可。憐。死。境。然。反。動。力。所。呈。感。應。亦。頗。激。烈。竟。沒。有。一。個。願。降。的。人。民。情。愈。憤。勇。民。氣。愈。激。昂。誓。死。抵。拒。全。然。置。生。命。危。險。於。不。顧。

轟。隆。轟。隆。炮。與。激。烈。音。浪。發。音。不。絕。我。加。西。尼。受。城。門。失。火。之。殃。死。者。亦。以。數。萬。計。這。可。不。是。奇。慘。極。酷。的。事。麼。格。國。攻。山。砲。的。射。程。約。及。百。里。這。種。空。前。絕。後。的。新。發。明。爲。地。星。國。二。十。世。紀。以。迄。於。今。所。夢。想。不。到。的。然。其。效。用。也。不。過。擊。滅。了。他。一。部。光。戰。車。罷。了。彈。藥。運。命。遂。絕。於。紫。光。一。照。中。爆。炸。盡。淨。事。已。至。此。祇。得。束。手。待。斃。那。知。奇。禍。之。來。還。有。更。利。害。的。在。後。頭。呢。

第。三。部。光。戰。軍。有。藍。光。發。射。器。第。二。部。戰。車。中。有。噪。音。發。聲。機。亦。均。足。致。我。們。之。死。命。藍。光。入。目。令。人。個。個。憂。噪。聲。入。耳。令。入。個。個。煩。惱。敵。軍。戰。車。遂。利。用。此。二。種。利。器。延。長。時。間。繼。續。窘。迫。我。們。我。們。日。與。這。最。利。害。的。藍。光。噪。音。相。接。觸。因。鬱。憂。煩。悶。而。死。的。又。不。勝。計。算。三。數。日。後。藍。光。倏。然。消。滅。噪。音。倏。然。收。斂。我。們。只。道。他。不。來。相。逼。了。不。覺。生。機。勃。勃。無。何。三。部。戰。車。中。俱。放。出。畜。音。器。中。的。妙。歌。雍。容。爾。雅。我。輩。聞。聲。之。下。不。知。不。覺。一。個。個。漸。漸。的。困。倦。起。來。戰。車。且。奏。催。眠。曲。且。作。盤。旋。舞。飛。行。數。週。更。有。一。種。白。色。藥。粉。紛。紛。滲。滲。如。飛。雪。一。般。而。下。一。時。數。千。里。空。氣。都。作。馥。馥。香。我。輩。聞。此。激。烈。香。氣。多。有。因。血。管。漲。裂。而。死。的。等。到。歌。曲。既。停。那。未。死。的。

人無一不昏昏入睡去了。

說也奇怪起初我們的心理原是人人一致誓死抗拒這時候却都變換了驚奇駭怪敬畏信仰崇拜視敵軍若天神盡失原來抵抗的意念服從思想已佔據多數於睡夢中彷彿聞得服從命令若不得不受他命令的支配吾輩全體既霍然如夢覺遂沒有了拒戰懷抱并且大家製造黃旗在門前懸挂起來臨風招展表示歡迎誠服的意思一刹那頃看那三部戰車緩緩開向米特賴黑芝克等大陸駛去揣他的用意殆將以同一舉動實施於我火星全球要使我火星完全爲地星領土無疑了不到數日果然不出我們所料鐘簾無恙星國旗幟全非董南播爾陪耳等海亦已先後成地星領海沒有我火星一塊乾淨土一處所有權了。

大凡精神的作用可惹起生理的變化知此的能不藥療病只有魔術家有這能力生理的激刺可惹起精神的感應知此的能化人心理亦只有魔術家有這手段催眠曲咧芬馥香咧乃是催眠我輩的一種生理方法服從命令乃是殘續進行之暗示我們初不知此等學術哲理所以不知不覺的受他播弄竟會盡變換抵抗的心意強硬的態度恍如另一世的人君等試想想看這魔術的作用利害不利害呢。

第四回 光成固定體應用航空 人幻簇新形實施理想

經幾次研究幾次實驗始有這光車的最新發明先是地星國理化家取沃度與二硫化炭素黑色溶液置日光下溶液溫度不見其增而置於其下的物體反增溫度因是知道此液能吸收光線透過熱線但是終沒有

法子將光線光點凝聚起來且太陽熱度已減僅有一二處發光其他部分盡成黑色原來早已結殼以有限的光源決不足供應用於是不得不一變其研究的方針幸而蛛絲馬跡尚可搜尋既經打破分子說爲不合理確認振動說爲合理則振動機能發光熱可無疑義一般理化家又得天文家的報告知道太陽將結殼世界黑暗卽在目前更不得不亟從事光學上的研究矻矻孜孜殫精竭力遂有製光熱廠分布地星全球以振動機製造光熱加以範圍使他凝結如北極曉且可以隨意防碍他進行命令他進行

當二十四紀學術未經十分發達的時候咸謂離地二萬六千丈以上就是爲真空其實不然恢恢無限的太陽系其間盡爲氣體所瀰綸但是其間人類不能生活罷了究竟所謂真空的抽氣玻璃罩內空氣難然沒有然已變爲別一種不可思議未有定名的氣體他的性質他的成分當時尙未發明所以沒有人知道然則滿天地間竟沒有真空的境界麼是又不然試看槍彈後面作平面形受爆發力的幅廣速度甚疾子彈既飛行空氣內進行異常急速彈尾平面處空氣來不及補充常成真空故彈子時形退讓實因空氣未及補充未能抵抗他後尾平面的緣故舍此以外更別無第二個真空了在天空瀰綸的氣體本來沒有厚薄的分別各星球受他包圍運轉迅速遂像那電氣風扇四旁形成那可以目觀的氣圈又因處于星球面上的人類有上下積氣同積物一樣愈上愈輕愈下愈重自然不能與天空氣體同一比例天空無上下故氣體也無濃淡星球運轉速故氣圈氣體濃而人類習慣成性遂不能生活於二萬六千尺以上

人類既出濃氣圈血液腹臟無濃氣抵抗自然會膨漲起來光車縱能飛行天空恐人類行且膨漲以死這也是大可慮的事於是一般學者又時時練習淡薄氣圈的生活到得後來可以離濃氣的自由成第二習慣加以光車聲車有光壓聲壓故能如願以乘一無阻得這就是遠征軍的略史了在此時期裏頭又有一種新發明有哈利德博士以爲人形笨鈍思以理想改造之卒能達其目的其第一層研究就是人體結構諸元素既知人體爲水素窒素炭素弗素酸素硅素鐵鈉鎂鈣鉀等十三種其着手便進一步繼復改良其內臟改良其外形製成種種奇異的圖形慘淡經營圖按製造內臟無胃肝腎臟外形胸成三角肩斂兩翼背附氣囊製成後便自能言語行動且得第三習慣能自由入水皮之成分構造和那象皮一樣据博士道製造一人祇須三四小時算得容易極了

火星既變成了地星領土一切悉受地星處置於新人物的製造法我們亦得略知一二其後亦能製造今日諸君試各回顧己身觀察生理上內外形狀的組織已盡非當年的本來面目我所餘的僅當時少許記憶罷了再放眼觀獨斯大陸光車車站飛來飛去的光車其一秒間速率能週行地星八週二十世紀科學家曾謂一點鐘行駛二十英里的汽車晝夜不停五百年能到太陽若是今日光車一秒鐘約行三萬基米突其速率能無異於光線計算祇須八分時可到太陽又何須五百年呢這固然是地星人類的發明能力然吾們今日亦未嘗不能製造種種能力亦不讓於地星且曾與地星人類聯軍統一太陽系並征服第二太陽系

第五回 莽莽乾坤永無晝夜 林林星國祇贖春秋

木星土星天王海王星自體爲高熱體在二十四紀斯卑克德的分析報告曾有此說吾以爲此四星受太陽之熱極微故自體爲高熱本是造化玄理的當然就中推木星發光較強然而時至今日太陽且冷結則木星等早有了人類可知特因其進化較弱故一戰即服今亦同我火星一樣太陽系統一了太陽已結殼了回首當年直如一夢莽莽乾坤無晝無夜歷若干年月日幾幾乎沒由確定眼前通用的計算法約有數種一種爲放熱器熱之放散每日有一定程度又一種爲吸冷器冷之吸蓄每月有一定程度更副以新發明的歲月錶較大於時計秒針分針時計日針月針年針無一不備以三百六十五日五時四十八分四十八秒爲一年否則天昏地暗不能於太空無形無影的軌道上立一認識標記則經過數年尙以爲未及一載更沒有日光照射臨球面氣候也沒有春夏秋冬的變換從何知道歲月幾更呢

第二太陽系既同一戰敗我太陽系既早受地星統一於是進化遲滯的莫不受先進地星球人類的惠賜地星人將我們各星人類一一改造起來成同一的新人類實施哈利德博士理想全太陽系成一同族沒有一些差異若學術若智識若現象無不一致故我輩七星均得免黑暗世界之苦又仿造地星寒暖調劑廠機器使星球氣候盡同溫帶一樣有春有秋各寒帶各冰洋亦泯化無餘就是被征服的第二太陽系雖造化遲暖勉強苟延殘喘亦卒賴地星人類的厚賜現象遂同我火星一樣變換約說兩則爲君等告

風之成因係太陽蒸發熱氣上升冷氣下降動盪而成無日光卽無風其功用亦隨日光而消滅於是風媒植物絕種山嶽之不便於人類盡人皆知昔日風搬送酸炭素等運送於岩石前侵蝕岩石使成平原無風則須用人力去破壞山嶽

人類體格處低溫帶的往往爲肅殺之氣塞他的生機如二十四紀地星西伯利亞阿爾斯泰人種體段矮小不甚發達蓋卽因在黑暗時代前地處寒帶的緣故

吾試問諸君若者爲風若者爲山嶽若者爲日光諸君必不能答此問題蓋諸君係新進的文明人類不似吾蘇什推爾斯形體與諸君雖不兩樣其實吾係老火星國民曾經合利德博士所改造的腦中記憶印象閱歷固較君等爲多拉雜說來三十餘年的閱歷亦殊有趣今就吾記憶未模糊的再爲諸君告

海王星出太陽視七行星較遠原來太陽未有人類的時候此星也無晝夜氣候極不調和時而高溫時而低溫蓋亦自有其所以然之故我輩太陽系周圍尙有無數太陽系海王星在軌道運行時無論在軌道中任何處內受我太陽的光熱外受四圍諸太陽的光熱故永永無晝無夜至天王星則爲四圍太陽系光熱所不及故一一如我火星然据此研究若是彗星衝我火星離目前的軌道而入海王星地位當有晝夜了是不盡然四圍諸太陽亦漸漸先後結殼此二千年來海王星晝夜部分極難劃分今日此小部分有晝夜他部分則不然并且晝夜時間的長短更不能確定現吾隣太陽既經結殼就使火星今日處海王星地位亦同此黑暗

同此人造光熱況我火星永遠沒有與彗星衝突的時候嗎。

博士講述至此一學生起立發問道在地星二十世紀天學家曾謂地球必有與彗星衝突之一日則吾們所處的火星安可必其不然蘇推什爾斯博士含笑答道唯唯否否不然二十世紀時代地星的進化誠哉發達然可訾笑之處亦正不少當時彼等眼光能遠矚到億萬年後的固然是決無其人就是二十年後的今日也沒有能想像而知的其實彗星及各星球球面有氣圈氣壓一互抵抗便兩兩相離終無衝突的時候這是定理有什麼疑義呢。

第六回 集火鏡陳列考古館 攻山砲遺笑自由天

吾此時又憶及一事吾適不云君等未曾瞻仰山嶽麼此次休假余當偕諸君先赴地星游歷地星今日亦如我火星無聳立的山嶽可尋去地星七十萬餘里有月球中有奇治哥尼倍加二人尚依然存在雪泥鴻爪推其本意殆欲留遺二山於世界作無涯年後的紀念君等大可組織一觀光團同往參觀去語至此博士舉手指余道此君數日前從月星來聞不日將復返月星屆時吾們或可與此君偕行語已羣目余而笑無何博士復講道。

余今日主講歷史本不必論及科學哲理然君等對於此等學理尙未研究脫余不約略說明之適大足滋君等疑竇如頃間余道及光聲車彷彿見君等有數人呈露不信的狀態殆謂光線聲波萬無可造成固體的道。

理。茲。且。再。費。數。分。鐘。工。夫。爲。諸。君。一。釋。此。項。疑。問。好。麼。諸。生。聞。言。羣。請。博。士。剖。析。原。理。博。士。復。含。笑。道。毋。嘩。余。將。有。以。語。諸。君。

無。論。或。光。或。聲。或。熱。追。本。窮。原。無。非。因。分。子。振。動。而。成。則。範。圍。分。子。使。成。固。體。亦。非。極。困。難。的。事。什。麼。緣。故。呢。蓋。分。子。聯。合。本。爲。萬。有。分。子。同。性。分。子。的。一。種。特。有。性。觸。接。吾。人。眼。簾。的。萬。有。形。形。色。色。殆。沒。有。一。種。不。爲。分。子。所。組。成。若。礦。物。若。植。物。若。動。物。若。氣。體。若。液。體。若。固。體。何。莫。非。這。分。子。所。結。合。所。化。成。的。麼。化。學。家。有。化。分。化。合。的。妙。術。亦。無。非。集。合。分。子。解。散。分。子。憑。意。匠。的。經。營。考。察。分。子。或。離。或。合。的。一。定。性。質。使。某。某。分。子。離。使。某。某。分。子。合。應。用。此。定。理。或。是。創。造。或。是。破。壞。其。第。一。步。的。研。究。就。是。爲。如。何。可。以。離。合。分。子。的。一。個。問。題。追。研。究。日。精。於。是。乎。逕。分。合。繞。道。分。合。的。作。用。顯。於。是。乎。光。車。聲。車。逐。一。一。從。此。發。明。了。諸。君。試。至。考。古。館。一。觀。有。標。名。集。火。鏡。的。不。是。當。年。新。發。明。的。戰。用。品。麼。

集。火。鏡。能。吸。取。太。陽。光。熱。集。成。焦。點。可。燃。燒。可。發。火。推。其。原。理。亦。不。過。集。合。太。陽。分。子。的。熱。力。而。成。無。光。無。聲。的。潛。熱。力。尙。可。集。合。可。視。可。聽。的。光。聲。能。範。圍。他。的。光。點。聲。浪。也。是。理。想。上。應。有。的。事。今。則。由。理。想。更。進。一。步。達。到。實。驗。的。地。位。了。現。在。更。爲。君。等。申。說。集。火。鏡。的。三。種。原。則。一。欲。焦。面。之。射。面。廣。則。造。集。火。鏡。必。須。大。一。須。使。光。線。與。鏡。之。正。軸。平。行。射。於。鏡。面。一。光。源。與。鏡。受。光。方。面。曲。率。心。宜。近。焦。點。距。下。方。曲。率。心。始。遠。使。用。集。火。鏡。之。人。在。飛。機。中。庶。可。免。下。方。上。射。砲。彈。的。危。險。

諸君乎。這一種集火鏡。實是空前絕後的戰品。於軍用品中。可佔第一交椅的霸王位置。現在太陽光熱。無可集聚。與紫光等新發明相形之下。竟成一無用的廢物。因紫光等新發明。能無須外界光熱的助力。便可神其作用。余話及此。更想起了一物。不特集火鏡一種。祇可於考古館中佔一位置。就是那空前絕後的攻山砲。雖挾有驚人速度。駭人射程。及彼集分子振動的無限力量。無堅不入的砲彈。亦僅得於廢物考古館中佔一。是席地俾後來的考古家得知。古人有此一種可笑製造。可笑發明罷了。

第七回 呼吸隨心療人飢渴 浮沉自在任我逍遙

炭養輕淡綠等十三種原質。廣存於無機界中。故隨時隨地。吾輩可製造有理想的人類。所以今日吾輩的蕃殖。亦僅視化學機械的多寡。及其製造速度。爲定憑。然吾尙有一說。吾人當年所想像。所羨仰。所希望的仙佛。吾人視爲萬能宗教家。遂藉以愚弄人民信仰的。以爲神力極大。能禍福人。能生死人。往往祈求神佛保佑。且委萬事於命運。遂無進取的思想。致發生種種弊端。時至今日。賴科學進步。變黑暗世界爲光明。罪惡道德之說。從此被除。吾輩實已一蹴而幾於仙佛了。

植物能藉已體葉綠素及太陽光熱力。分解炭酸。取炭素。又吸收水分。造成澱粉等質。又能變此等質成脂肪。使與硝酸鹽類的淡氣。造成蛋白質。吾人既具無上能力。就是要變無機物爲有機物。也有什麼爲難呢。吾人如蒸氣機。知覺運動。各有特能。亦像那機械各異其効用。滋養爲吾人所必需。亦同煤炭氣水爲機械所。

必需消耗排泄亦同機械消耗煤水及廢棄煤炭灰燼一樣機械須火力而吾人非酸化作用則不但不生體溫亦且立死蓋運動爲筋肉成分的酸化知覺爲神經成分的酸化兩者之中若缺其一那就不成功了

諸君試一閱考古館中的生理書當知古人尙有一種排泄機關不像君等之無腎臟無所謂排泄老廢物顧吾所說的老廢物是那一種呢就是那炭酸瓦斯水酸素尿素糞溺等數種更考究這數種廢物何自而來則由飲食二十年前飲食本爲人類所必須諸君非二十年前人自然不及吾蘇什推爾司多此番經驗然而今日諸君既不以飲食爲必要將謂吾言爲妄吾姑先將人類必須飲食的原理爲諸君告人身神經之組織筋肉之成分爲「炭」「酸」「水」「窒」諸數及磷與硫黃既常常要運動且時時有知覺自然必有消耗故不得不飲食含漿含血類諸物以滋補養如蛋白質膠質脂肪質澱粉質鹽分水六種尤爲滋養分所不可缺少的要品是以須合穀類肉類菓實蔬菜而飲食之使滋養分完備然後身體可以不敝

今日的人類營養作用上祇有肺臟爲供給儲蓄氣質所必需心臟爲供血液循環所必需無須飲食故無消化器無須排泄故無排泄器遂無肝胃腸腎諸臟若肝胃腸腎在哈利德博士常研究所得的結果已屬無用因博士製造人類或改造吾們原有人類能令吾們不必飲食即可生活於營養滋補上則以葡萄糖利斯林脂肪酸亞臘那酸代澱粉脂肪蛋白質且在我們的面部上造成無數吸孔一一吸孔皆爲化學機若食物分解後的產物各吸管自能於氣圈中吸收之分解之製造之以爲滋養就是深入水中吸孔亦不會失其作用

於是乎吾們感飢感渴能隨心呼吸自療自補於是乎吾輩遂無須乎飲食了。來往天空中的光車聲車無軌電車雖不費一錢可任意乘駕而哈利德博士尚以爲不是完全自由故又於吾輩背脊特置一氣囊使吾輩可吸輕氣逍遙任意欲升則多吸輕氣欲降則放泄輕氣入水低至三萬六千尺下欲升則吸取水中輕氣欲沉則放泄輕氣飛出二萬六千尺的濃氣圈上欲升則吸取淡氣圈中的最輕氣體且輔以兩翼欲降則斂翼貼肩際吸取濃重氣體兼之吾輩外皮成分同象皮彷彿不畏傷損入火能分泌粘液泄出室素以防火以滅火尤足見博士製造苦心毫髮無遺憾的了。

第八回 不男不女情愛化雲烟 無死無生病魔悉消滅

哈利德博士理想既實現於是一般善作愛情小說的著作家亦從茲擱筆記者回想從前小說中語若顛鸞倒鳳若秋月春花風流旖旎恨不能一領略古人快樂的風景於是喟嘆不已又想到世界上不道德事往往多發因於男女情愛的或有發因於男女不平等的擾攘糾紛爭端時起固不若今日的人不分男女也沒有什麼不道德事發生了余正獨自尋思又聞蘇什推爾司博士道君等現在沒有一個有生殖器的就是吾蘇什推爾司既經改造亦與君等同語時繪生殖器圖於黑板復於其旁繪一美女繪成後指示講解極言女子嫵媚溫柔那麼樣的可愛話及男女相親狎相偎抱唧唧嚶嚶於燈前花下爲人生的無上快樂一路說一路且去模倣那女子的態度繼復以手撫自己的生殖器地位知己爲哈利德博士改造消滅一種懊喪的神情

不知不覺的流露於顏面。記者當時亦神往不已。不知美人爲何物。男女究有什麼關係。竟這樣的密切麼。蘇什推爾司博士喟然久之。復說道。自聯軍征服第二太陽系而後。今日字典中已沒有那爭戰情愛病死男女等種種字樣了。

男女既沒有分別。就用不着什麼情愛。人既可以理想造人。更不必間接用那女子。當年人類生殖子女各乘受父母遺傳身體。遂不免有強弱的差異。以及一切飲食物質含有污穢微菌。更兼衣服不適宜。天氣有變換。以致多有病死的人。太陽光熱能殺滅毒菌。奏功於古人不少。就是吾蘇什推爾司也會受過他的優美待遇。哈利德博士以此之故。又設法使吾輩吸孔內含有高熱度。成一化學管。以消殺毒菌。所以吾們此後盡能長生不死了。

哈利德博士令吾輩仿造化學機從事造人。無識的人深恐人滿太空。生出競爭淘汰起來。那就不了。然而這層實是不消慮得。吾輩固能浮沉自在。不必一定宿息在芥子世界的衣食住進化的改良。有如今日大自由大自在。有如今日金錢消滅。爭端盡泯。平等大同。已經實現。豈既沒有堦級橫也沒有界限。不像那地星二十世紀有什麼政府時代。還有那可憐的爭戰。吾輩現在的地位爲二十世紀中的可憐衆生所企望不到的。就是叫做理想上的黃金世界。吾輩何幸竟生丁今日。竟得享受此自由自在。完全美滿的大幸福呢。

博士話至此。踴躍歡欣。記者亦覺得幸福圓滿爲之狂喜。不禁拍手以和。未吸盡的半截雪茄忽自余胸腹間。

墮下急自睡椅上一躍而起以兩手拍衣上雪茄灰不已一剎那間記者腦心俱靜定原來這雪茄烟有興奮力雪茄既去口血液進行漸緩腦海中思潮亦遂與雪茄俱落適纔的種種幻想幻像不知道到了那裏去了

哀情小說 棄婦斷腸史

第一章 著書時代

閱者諸君。妾以伶仃一身。負古今來獨一無二之奇冤。受人世間不可思議之痛苦。女媧弗能補精。衛弗能填。首戴盆腹如鼓。俯伏乾坤。無可告訴。不得已欲以不文之筆墨。強聒於諸君之耳鼓。下筆之先。固早知其無益。然妾之爲此。非欲暴己之傷心。史冀得人之憐救。蓋妾今已處於不及受人憐救之地位。妾若願受人憐救者。亦不至於此。今至於此。則妾命之窮也。

妾草此書詩。正在呻吟痛楚中。一息奄奄。去死期蓋已非遠。苦惱世界。一旦驟得脫離。儻靈魂之說。而非誣妾。此後尚有愉快之希望。諸君當爲妾賀。不當爲妾弔也。將死僵蠶。餘絲未盡。此一篇可悲可痛之歷史。乃得於妾未死之前。細微曲折。一一脫於妾之腕底。在妾權當一時之懺悔。在人可得極好之借鏡。固不得謂爲多事。人之將死。其言也善。願吾諸姑伯姊。課餘繙閱。一瀏覽之。知天壤間。竟有此無告之女子。姻緣大惡。身世可憐。

妾今已矣。人生不幸而身爲女子。更不幸而與不良之社會相交接。至爲可危。吾純潔高貴之諸閨媛。其名雖在。妾前車慎之。於始莫徒崇文明自由之虛名。至於刳木成舟。網羅深入而傷妾命薄也。

妾在世之日至短。而傷心之事甚長。深恐妾之生命。已不及待此書之終篇。妾於是欲縮短妾之歷史。以簡直之語告諸君。又望延長妾之生命。俾克成是書。生爲缺陷之人。死得完全之史。妾雖含冤以沒。而有此殘墨。留遺於世。世不乏有情人讀妾之歷史。必有能憐妾之遭遇。鑒妾之苦衷。而揮淚不已者。久後此一小冊子。當成爲吸淚之磁石。妾在九原之下。享受諸君無窮之情淚。枯骨當有生意。妾身死。妾心白矣。

妾思及此。是書之作。乃一刻不容緩。但妾命至窮。妾心至苦。回憶生平所遭遇。無一非人世不堪之境。當身歷之時。妾腸早已斷盡。今當將死之頃。舊話重提。一一從腸角翻騰而出。不啻另易一人。再演此傷心之慘劇。妾寸斷之柔腸。至此直由寸而分。而毫而釐。而絲而忽。卒乃磨爲薑粉。化爲血淚。從眼眶中瀉入硯池。然後由鼠毫尖透過繭紙。妾草是書。已爲妾弄翰之末次。亦爲妾斷腸之末次。計是書入諸君眼簾時。妾已在白楊衰草間。作啾啾之泣矣。

嗟乎諸君。妾急欲草是書。而傷心事多。一時竟無從說起。無已。請先以妾現在之地位告諸君。然後回溯生平。事事一椿椿從頭細訴。諸君不厭煩絮。盡乘茶頭酒尾之餘閒。而畢讀吾書。

妾年僅二十。而臉霞盡消。眼波若死。瘦骨稜稜。不勝羅綺。華年未老。容色已衰。他人當妾此年。正值容光煥發。

風情旖旎之際而妾已憔悴若此半老佳人尙無此狀甚矣愁催人老病逐年添顏色不可恃而身世至足悲也。

嗟乎諸君果以妾爲何如人言之可羞妾乃無主之花魂已棄之果核也女子遇人不淑中道棄捐其事至可痛然妾固有多情夫壻並非薄倖郎君徐淑秦嘉算是一雙兩好乃不爲鶼鶼之比翼而爲勞燕之分飛青春大好遽賦白頭之吟此豈吾夫所忍出亦豈妾始料所及者閱者諸君須知實逼處此與妾爲難者之別有人在也秋扇之捐因所適非人而獲斯惡果雖含羞茹痛猶有涯也若妾則姻緣未錯魔刦偏多因家庭之變致乖琴瑟之和惕於威迫於勢不得不出於離異之一途割恩斷愛忍辱銜冤悵惘出門徬徨歧路妾心之苦爲何如耶妾貌不如顰卿妾命更劣於小青妾雖死惡名不死更千秋而萬歲兮不化作望夫之石亦當爲啼血之魂。

妾今所居者爲一附郭之荒庵一龕佛火三尺禪牀伴妾之生涯者半稔於茲矣可憐繡戶侯門女獨臥青燈古佛旁此二語若預爲妾今日寫照者妾今遁空習靜而綺障雖除哀絲未殺對春風以長號望故居而疾首此中情況有非後主以眼洗面易安人比黃花所足狀其萬一者不幸至此此可憐之生命甯復有珍惜之價值妾惟有自伐自戕冀早日解脫此哀苦軀殼今則病態日臻死機日迫大約妾所望者可如願以償矣或者不諒見妾如此以破鏡重圓斷釵再合之言來相勸慰嗟乎諸君妾歷刦之餘心灰寸死願生生世世不作有

情之物哀痛餘生尙何希望妾將死復聞此不入耳之言妾心滋痛矣

妾現在之狀況諸君已知其大略妾未來之運命生死存亡亦不難預測諸君所未知者妾過去之歷史耳妾自呱呱墮地以迄於今僅閱二十春秋此二十春秋中所經之磨折所受之痛苦有爲他人數倍妾之年華而迄未一遇者妾蓋世間第一無告之人妾之歷史可以告人妾之心事終不可以告人也

第二章 出世時代

閱者諸君妾書開幕之初應先自述其里居姓氏然妾雖有家已等於無家欲歸老孳蘿而田園未改骨肉無情以至親愛之家人亦下逐客之令蓋皆以妾爲負罪之人而無人能諒妾之冤也途窮日暮無可奈何暫以荒庵爲寄跡之所妾已自等於無根之草昔日之里居早與妾斷絕關係何必畫蛇添足哉

雖然妾固產自名門書香累代妾祖爲名翰林妾父亦名孝廉不幸生妾爲人所棄蒙羞含垢至於此極大足爲清白家門之玷自此吞聲飲恨以破辱僅及妾之一身若自白其姓氏則且辱及先人妾罪不更大耶諸君欲諗妾之家世但知妾生於荒僻之窮鄉爲一式微之巨族是亦足矣竊願無事深求也

嗟乎諸君妾今欲述幼時之歷史而劈頭一事言之最傷妾心實爲妾出世後第一劫後此之萬千苦惱皆由此而胚胎焉嗟乎諸君亦知妾固生而無父無母者乎妾生於父歿之後六日妾母痛夫之餘冀遺腹生男尙可撫孤守節既產妾知無望血量遂絕妾至今日猶不解妾以生而失乳之兒何以能偷活人間至二十年之

久使妾當時卽隨母而死者後來之無窮痛苦皆可盡免然而魔刦重重方興未艾天之所以厄妾者尙有大難之來日而特於妾出世時先試其端俾妾爲無依之孤女然後可任意蹂躪縱推墮萬丈深淵更無人加以拯救天下固有可死之人而終不得死者非其福命之尙長實其孽根之未盡也

嗚呼妾父年二十有五妾母小於父一歲正盈盈花信耳紅袖青衫大好享閨闈之樂豈料璧人雙殞錦帳全空同穴有心誓語竟成讖語此情天之浩刦實門戶之敗徵而妾於此時不先不後以父母畢命之末日爲誕生之良辰然則妾真不祥人也妾父母若不生妾者或轉得不死蓋天以厄妾父母者間接卽以厄妾欲盡奪妾家庭之幸福因以促妾父母之天年是妾直不啻自殺其父母天平命也

嗟乎諸君妾出世之初已無絲毫生趣矣妾有可死之道而不死不死以至於今日輾轉顛連終不免於一死然後知天之所以不卽死妾者其用心至爲酷毒也使妾初生之時而卽有知識者則妾何所戀而不殉父母以死雖然妾爲此言實自相矛盾妾自有完全知識以來迄今亦閱八九寒暑層層痛苦如網羅密布次第籠罩於一身妾胡不早死而必待至於山窮水盡之時始存決死之念甚矣求死之難乃甚於求生妾思及此妾竟無以自解矣

妾無父母而有祖母有叔父有嬸氏有從弟此外更有一傭婦老而聾一家骨肉盡於此矣妾於襁褓中失怙恃兒時茫無知覺不知誰則鞠育我者稍長自知無母見弱弟有母則亦從而母之然嬸氏固非能愛妾者也

嬸嘗謂妾。妾母臨歿。託孤於嬸。故彼實爲撫我之人。妾初固信之。後知嬸爲此言。乃貪人之功。以示恩於妾。欺無知之妾。并欺妾已死之父母。其心至不可問。妾年已長。戚串中有諗妾兒時狀況者。稍稍爲妾言。撫妾而以生。以長者彼忠肝義膽之輩。嬸也。妾聞而恍然。蓋妾觀家中人。固無有能愛妾如嬸者。雖然。嬸外人也。以至親愛之。嬸母乃不如一雇用之傭婦。妾之家庭。尙可問乎。

妾非嬸。無以有今日。嬸視妾如女。妾亦視嬸如母。然嬸固未嘗於妾前。市其惠。亦未嘗於人前。伐其功。如嬸氏之所爲也。妾長後。嘗私詢嬸以兒時事。嬸未言。先淚。卒乃得其詳。方妾母歿時。妾生纔數十小時耳。死者長逝。遺此呱呱者。日夜號泣。旁觀見之。皆爲酸鼻。而嬸氏竟鐵作心肝。至欲棄妾於孤兒院中。幸叔父執不可。乃免。然卒難其撫養之人。嬸乃出而力任焉。嬸年老。無乳以哺妾。妾家世承祖蔭。薄有田園。非力不能雇一乳嬸者。顧妾嬸心如蛇蝎。伯氏嗣斬。乃欲併所有而獨占之。烏肯復以妾故。浪擲一錢。嬸知其不可動。則請以羊乳進。苟延弱喘者數月。又嫌其過費。而妾乃斷乳矣。嬸不得已。日飲妾以粥。糜他人皆以妾爲必死。而妾卒不死。嗟乎。諸君無母之兒。其苦乃至於是。妾雖不幸。猶得一熱腸之輩。嬸生活於粥糜中。他人并嬸而不得者。又將何如。嬸厯盡千辛萬苦。撫妾以至於成人。此恩此德。妾今生殆無以報。然迄今思之。嬸亦多事。脫無嬸而妾得早死者。爲幸多矣。

第三章 幼稚時代

妾書至此。知諸君必有一疑問。妾雖失愛於嬖。而有祖母。下有叔父。甯皆視妾如仇。與嬖氏同其心理者。閱者諸君。妾之祖母。暮年喪明。每日閉戶焚香。勤宣佛號。以外不復問他事。妾之苦樂。彼烏乎知之。至叔父。則固能愛妾者。而牝鷄司晨。丈夫短氣。以妾故。已屢占脫輻之爻。叔父乃不能不漸銷其愛妾之心。保全其倡隨之樂。然妾猶憶五六歲時。叔父時背嬖市果餌。以餉妾。乃知叔非不愛妾。特爲嬖所制。隱忍而難宣耳。男子娶妻。以後往往溺於兒女之情。消盡鬚眉之氣。女子之魔力。固若是其大。然如妾。則又何其荏弱。易欺。竟無絲毫能力。可以支持也。

妾生與家庭無緣。世間無依之孤兒。亦有寄養於外家者。而妾之外家。則又何如。外祖母及舅父。均於五年前死於疫。僅遺姁氏一人。與妾母本不甚相得。母未歿時。已似斷絕關係者。母歿。姁氏僅遣人弔問一次。他無所詢。彼視妾存亡。殆如越人視秦人。肥瘠耳。嗟乎。父母作長眠之侶。姻親無可恃之人。而妾乃惟與傭媼二人相依爲命。芸芸衆生。增妾一人。不見其多。搏搏大地。著妾一人。轉覺其窄。天之生妾。妾之在世。與夫人之視妾。蓋皆無甚關係。所苦者妾一人耳。

人有恆言。幼稚時代。人生之快樂時代也。人當幼時。無論爲富家兒。爲窶人子。一例無識。無知。依依於父母之膝下。自適其渾噩遊嬉之歲月。此時快樂。乃無其倫。人每至成人以後。涉世之餘。百憂感其心。萬事勞其形。回憶兒時之况味。真有甘於醴酒者。此殆爲人之常情。而以妾論之。殊又不然。妾生於憂患。死於憂患。畢生不知。

快樂爲何物。迄今回溯童稚之光陰。實爲一生憂患之始。兒時所歷之千災百難。過後思之。乃愈覺其可痛苦。樂常相對待尋常小兒快樂。到十分則失養。孤兒痛苦。亦到十分。爾時雖乏知識。已有感覺。精神上之痛苦。猶所未解。而肉體上之痛苦。則身受者總覺難堪。何論孩稚。因是而妾兒時之歷史。乃祇有傷心啼哭之史矣。閱者諸君。妾未以姓氏告諸君。妾別字淚囚。諸君或已知之。妾取此二字爲標識。妾亦知其不祥。然非此殊不足以代表薄命人之身世也。妾生之後。立墮黑獄。無日不在淚波中討生活。點點滴滴與歲月以俱流。及今計之。不知其幾千萬斛矣。顰卿之淚。日久漸見其少。妾之淚。乃愈久而愈多。人以淚洗面。妾竟可以淚浴身。意者妾之淚。債更較顰卿爲重。天之生妾。特與妾以兼人之淚。俾得於淚世界中占第一席位。置然則妾之歷史。皆妾之淚史耳。妾生而揮其索乳之淚。思母之淚。終日號咷。不開笑眼。人固知妾之命苦。而心孤也。至五六歲時。而淚之用。乃漸廣。若決江河。沛然莫禦。妾豈好淚哉。夫人固無感劇烈之痛苦。而不淚者也。妾書至此。妾乃不能迂筆爲孀氏怨矣。妾於萬死中得一生。孤苦無告之女孩。他人以爲可憐者。孀乃以爲可殺。蘆衣一襲。木棒三聲。他人得之於後母者。妾乃得之於孀母。家庭變起。人世間奇慘極酷之禍。遂叢集於妾之一身。孀母虐妾。顰卿必以死力救護。孀不得逞。因欲去孀。顧孀受傭久。平日有功無過。今且不取工資。盡心撫妾。孀雖怒。顰卿卒無術以去孀。則孀不在妾旁。一逞其凶。餓而已。嫩弱之軀。怎禁捶楚積威之下。淚痕遂多。此時之妾。蓋不啻首頂泰山而足履深淵矣。

妾受虐於嬸。妾乃畏嬸如虎。聞其聲。見其影。必驚而啼。嬸能護妾。亦不能常護妾。嬸年已望七。病肺。月發二三次。嬸卽於此時。施妾以酷虐之手段。故嬸之病魔。朝以來。則妾之難星。夕以至。殆如潮汐。無或爽期。妾不能堪。有時。或號呼祖母。祖母不之應。而毒且益甚。又或奔就叔父。叔父祇有長歎。終不能止彼之莫余毒也。嗟乎。諸君。妾骨肉無幾。祖母與叔父均漠然視妾。妾更呼籲於何人。是直接虐妾者。嬸也。間接虐妾者。卽祖母與叔父也。叔父惕於獅吼之威。不敢爲鳥翼之覆。無氣男兒。妾又何責。獨不解祖母一心佞佛。終日喃喃。不曰大慈大悲。則曰救苦救難。乃坐視其親愛之孫女。爲惡媳所蹂躪。而不一援手。豈以妾之苦難。爲不足救。故呼號之聲。盈耳。終不足以喚起其慈悲一念歟。

猶憶一日者。嬸方操杖逐妾。妾號泣奔避。聲聞於鄰。鄰媼叩闥入勸。時嬸所生兒。纔二週。臥搖籃中。驚哭呼阿母。嬸乃以一手撫兒。一手仍舉杖。擬妾鄰媼見狀。大不平。指妾以語。嬸曰。此亦人子。汝胡爲以非已所出。凌虐至此。天道好還。勿謂彼在搖籃中者。能常守其母而不離也。嬸聞言。大怒厲聲叱曰。何物老嫗。強預人家事。不速去。將碎汝老骨。媼曰。是不可爲也。浩歎而去。自是以後。妾受杖時。舍聲。媼外更無爲妾緩頰者。諺有之曰。不是冤家不聚頭。妾之與嬸。殆所謂冤家聚頭者耶。不然。以妾之伶仃孤苦。與妾無關係者。皆知憐憫。嬸獨非人而忍心若此。欲不謂之夙冤。不得矣。嗟乎。諸君。妾非作此迷信語。妾今追述兒時慘痛一字一淚。妾何爲而見虐於嬸。今雖痛惡夫嬸而已。無如嬸何。作此無聊之迷信語。聊以稍平妾怨憤之氣耳。

第四章 及笄時代

數年不見。兒女成行。光陰至迅也。而童年之易逝。尤較甚於中年。日月不居。哀樂迥異。如妾之童年。則又轉覺其難逝。而有度日如年之概。妾髮未覆額。妾淚已成斑。惟有祝年光速流得早脫離此黑暗之家庭。或尚有仰首伸眉之望。談何容易。問妾年華已近。豈冠幃頭矣。妾之弱弟。亦屆勝衣就傅之年。叔父延師課兒。讀妾亦得追隨入塾。附於女弟之列。斗室呬唔。青燈有味。頗稍識人生樂趣。斯時。嬸之淫威亦少殺矣。顧妾甚愛吾弟弟。乃得嬸之遺傳。性時以惡聲向妾。妾以驚弓之鳥。不能不低首下心。以博弟之懽藉。以平嬸之怒。兒女癡魂。至懼一八齡之童子。回首前情。妾亦自覺其可憐太甚矣。

妾出世後十餘年。小兒女活潑之自由。爲嬸剝奪以盡。卽無窮珠淚。亦須於暗裏偷彈。不敢於人前痛灑。併人世間無端之歡娛。亦不能償妾此數年之痛苦。於萬一妾若不身親經歷。亦烏知無母之孤兒。其苦乃有若是之呼號無告者。然含辛茹藥之餘。乃有一至殘酷之慘劇。爲尋常女子例受之家。刑妾轉以無母。故得倖免。蓋妾之雙趺六寸。膚圓天然完好。並無束縛之痕也。吾鄉纏足之風。素盛。求婚者多注意於此。足不纖者。或竟至無人問名。故生女不問美醜。必先束雙趺。冀他日嫁得好兒郎。博舅姑歡喜。以戕賊之心。爲愛護之用。至可笑亦至可痛。妾嬸固不願妾有展眉之日者。乃任妾自由。不加束縛。嬸之心。固以毒妾而不知適以德妾也。雖然。妾命至惡。妾孽至深。雖完全其雙足。而缺陷其一身。免斷筋折骨之慘。易剜腸剜心之痛。妾足天而妾之所得。

於天者乃盡於足矣。

閱者諸君。不嘗聞薄命紅顏一語乎。夫紅顏者。美人之代名詞也。命薄者。貌必美。或者更以才佐之。而身世遂不可問。妾固無命者。妾乃未嘗無貌。年未瓜破。顏已花嬌。杏臉桃腮。天然秀媚。人之譽妾者。或擬妾爲神仙中人。妾亦顧影自憐。攬鏡色喜。顧眉峯不開。頤骨若削。美中不足。自知非壽者。相聲媼則謂妾酷肖其母。夫妾母生妾而夭。固亦薄命之尤者。既生。卽棄。惟此幾分不幸之顏色。血氣所稟。若留遺產。以畀妾者。妾自痛。妾尤不能不爲母痛。儻及黃泉。而能相見者。固甚願。妾命之不長也。

妾之驚魂未定。而愁雲慘霧。復籠罩於妾之家門。叔父於是年夏秋之交。偶感寒疾。偃臥經旬。溘然朝露矣。妾生不識父。抱恨終天。幸有叔在。尙可稍自慰藉。叔雖無恩於妾。妾已僅有此叔。不於此而用吾情。更烏乎用吾情。叔方壯年。守成是賴。伯兄無嗣。愛子尙驕。一木之支。豈容再折。天乎。無情。既促妾父之年。復奪妾叔以去。使妾曙後孤星。更無倚恃。桑榆暮景。補救無從。家庭間乖戾之氣。足召奇殃。叔之死。何莫非嬖之孽耶。梁棟之摧。卽敗亡之朕。行見舊時門戶。將沒蒿萊。固不僅妾一人之關係也。

變亂迭乘。氣象蕭索。家之流離。妾之顛沛。均於以發軔矣。叔年三十有三而歿。妾於哀痛餘生。復覩死亡之慘。痛淚爲之不收。非痛叔也。半以自痛。半以痛家也。妾尙如是。妾嬖以未老年華。領孤棲況味。感離鸞拆鳳之悲。併落雁啼鵲之淚。其哀慟當至於胡極。孰知嬖竟不然。竟大不然。嬖居夫喪行所。無事縗經。在躬笑談。自若哀。

號之下。淚乃不花。未屆七週。已易縞素。而羅綺宛其死矣。爲誰膏沐。妾觀厥狀。早知其方寸間。別有成竹矣。叔之死也。室中僅遺女流孩稚。哭泣之外。無他能。摒擋喪葬。告訃親朋。喪家應有之事。不能不有。藉外人之臂。助有族叔名蓉。牛者。固平日暱就吾叔。而時往來於吾家者也。死生之際。乃見交情。寡婦孤兒。孰加存問。蓉生乃若空谷白駒。聞耗音而馳至。生芻一束。哭奠盡哀。旋收淚起。助嬸部署一切。從容布置。竭慮殫精。自料理棺衾。以至經營窀穸。中間數十日中。凡所以安死撫生者。事無大小。悉以咨之。無倦容。無德色。童子何知見蓉如此。以爲是真熱腸。可欽。晚近世斯人。難得依戀之誠。不覺油然而流露。呼蓉以叔。親愛如一家人。嗟乎。妾此時若早知蓉他日之所爲。又烏肯輕假以詞色者。對梟獍之賊。待以骨肉之情。妾今亦不自識其何心也。

第五章 求學時代

叔父歿時。妾已盈盈三五。弟年亦十齡矣。閱余小子遭家不造。十年以來。曾無甯歲。固不容再有不幸之事。發生於死亡絡繹之餘。未亡生活誠屬難堪。然世固有無子可依。無業可守。青年早寡。白首完貞者。嬸氏韶光。百六已過。重三縱多。未了情絲。至此亦應盡殺。況乎田園尙在。衣食無虞。老姑促搖燭之年。稚子待晝荻之教。事上撫下一肩。家政舍嬸。又誰擔此任者。開東閣門。坐西閣床。託遺書故劍。以興悲誓。斷臂割鼻。以見志理也。亦情也。而豈料桃李餘妍。不傲黃花晚節。鬼魅之擾。近在肘腋之旁。名節一隳。家聲盡墜。此在死者固未預知。妾更何嘗夢及者哉。

引狼入室。揖盜開門。蓉生來吾家。乃久留不去。爲誰作嫁。舍己芸人。試以問蓉。應亦無以自解。蓉之用心。固別有在。而特用是殷勤之意。爲引進之媒。妾在夢中。嬌且墮其彀中矣。綠珠未是墜樓之侶。郝生已爲入幕之賓。曾幾何時。而牆上有茨。潛滋暗長。家庭間醜穢不可告人之事。竟不幸吾於身親見之。

孤鸞厄命。最忌中年。卽令屏絕鉛華。誓甘冰蘖。而謠詠之興。猶易啓浪蝶遊蜂之窺伺。矧以嬌憨跳性。成豔妝。自炫棺中之骨肉。未寒鏡裏之容顏。勝昔卽無蓉生。其人出入庭幃。時相勾引。而嬌之爲人。哭夫無哀情之表。示平居無淑德之可言。綺障不除。芳心無主。羶能引蟻。臭易招蠅。簫逗琴挑。大有人在。不來毀室。惡鴟亦終作辭巢小燕。物必先腐。而後蟲生。然則蓉行不足責。而嬌心有足誅者矣。

蓉三十而鰥。家徒壁立。其先固中人產。爲蓉揮霍盡。平時蹤跡。或出現於博場。或流連於酒肆。與販夫隸卒。爲伍。終日遊蕩。如逸騎之無歸。顧蓉雖無賴。而潘郎風貌。未白鬢絲。玉立亭亭。動人傾慕。且頗優於文學。善以風雲月露之詞。寫濮上桑間之思。比鄰蕩婦。曲巷淫娃。咸樂就之以故。蓉得不名一錢。遨遊於野花叢裏。以自豪於人。其乘叔之喪。而謀吾嬌也。非暱嬌之色。實涎妾家之產也。嬌不知而爲所愚。曠夫怨女。有若水乳之投。蓉遂得予取予求。鑿其慾壑。時妾家舊聘之塾師。已於叔喪中解職去。嬌旣昵蓉。乃卽以教讀爲名。留蓉在家。爲掩人耳目之計。妾至此始稍識人情險惡。益增家室之悲。臥榻之旁。公然鼾睡。家之將敗。妖孽乃生死而有知。正不知泉下人此時應作何狀也。

朝朝暮暮握雨携雲野鴛鴦雙宿雙飛爲樂正未有艾婁猪據堂艾叢守闌穢德彰聞親朋裹足先人遺澤奕世清芬爲嬌氏一人輕薄盡矣妾以碧玉年華幽蘭心性失羣之雁幾爲墮溷之花雖獨醒獨清焉能挽我而地處嫌疑跬步亦須注意家居大好變成棘地荆天鳳入鴉羣烏能立足蓮出泥滓不免低頭嬌與蓉自由交際不恤人言祖母則閉目垂簾屏絕一切穢聲充耳置若罔聞輩媼外人更非所忌兩人心目中所視爲莫大之障礙必欲去之而後快者惟妾一人然妾之意中亦復何能容此淫婦姦夫蕩廉滅恥實逼處此其何以堪此間不可以久留妾烏能沁沁倪倪長爲夫已氏之眼中釘耶

閱者諸君妾乃大幸未越兩月已脫離萬惡之家庭爲城中某女校之學生矣妾之入校也嬌與蓉實主之且以甘言餽妾謂女學生如何快樂如何高尚方今女界昌明求學爲女子第一吃緊事妾雖知其言非由衷然若執拘不從者知必無幸乃將計就計自陳願往嬌喜卽爲妾治裝并畀妾以百金之學費謂如不足者可隨時函告妾貌雖快快而私心竊慰脫在平時而妾以此事請者且鞭撻從之矣今彼欲遠妾之耳目妾乃得脫彼之羈絆久作入籠之雉幸爲出谷之鶯蓉雖非人妾殊不能不感彼之玉妾於成也成行之前夕嬌媼揮淚向妾曰余老矣風燭餘光朝不謀夕阿姑前途珍重如不忘余者學成之後早定歸期毋令余老眼穿也妾聞言痛絕愛妾如媼固宜有此諄諄之命而妾於家庭他無懸戀所未能忘情者亦惟此朝夕相處之媼今者一棹秋風復別吾慈愛之老人以去子然一身滄波路杳前途運命未卜如何然則妾於此行其能無盲人瞎馬

之感耶。

妾在家時固已淺嘗書味。粗識之無。入校後卽得插入高級。教師以妾慧而沈默。絕愛憐之。同學姊妹行亦多與妾善。一堂晤對融融怡怡。離專制範圍來自由樂土。真覺別有天地。非復人間在理。妾可淘盡淚痕。撥開愁障。光陰可貴。勿爲無益之悲。然而痛定思痛。其痛愈深。恍疑隔世之人。已作無家之客。刼後孤花了無生趣。一人向隅。滿座不樂。妾雖欲力祛積習。而方寸靈臺。滿貯愁塊。如歷羊腸九折。坂陀起伏。屈曲回環。時作春蠶之自縛。每值半窗殘雨。一粟寒燈。聽落雁一聲。則哀潮至湧。而一念及未來身世。正如大海飄萍。靡所底止。更覺天高地迴。結念茫茫。同學之人。見妾時有淚痕。不知者以妾爲無疾。而呻其知者。則以妾爲傷心人。別有懷抱。妾雖具有千愁萬恨。而有苦自嚙。有淚自咽。卒未嘗以傷心。歷史輕訴諸人。徒以辱先人而彰親過。課餘之暇。女伴或招妾入廣場。作種種有趣味之遊戲。值休沐日。則更挾妾作曠野之遊。流連風景。指點煙霞。藉以破妾之悶。妾雖勉從人意。暫轉歡腸。而過眼風花。旋化作愁絲。一片個中消息。咄咄逼人。局外人固未足喻薄命人之心事也。

第六章 訂婚時代

女子生而含有兩姓之性質。故一生之運命。可分兩種時期。出世後爲一時期。出閣後又爲一時期。生而失所。依尙可希望於後日。醮復失其所。則大錯鑄成。終身莫可挽救。然則女子當未結婚以前。固未能斷定其一生。

之哀樂也。妾也不幸生墮虎狼之窟。小魂弱喘。橫被摧殘。十五年。佇苦停辛。幸未遽化。優曇之影。艱難留一死。因果問三。生長日無聊。他人藉以慰妾。與妾所藉以自慰者。惟此結婚問題之勝敗。尙在難知之數。或者月老慈悲。不比天公酷虐。以良好姻緣。彌補半生缺陷。則年華未逝。幸福正長。否極泰來。先憂後樂。前此之無窮痛苦。正不妨以幻夢視之耳。

女子生有自由之身。而妾不自知。入校後。始稍稍恢復其自由之本體。而纔從不自由中來。絕不覺自由之可樂。回甘作苦。味乃勝於茹荼。處樂境而尋苦趣。妾非不近人情也。妾之眉只鎖愁。妾之眼只容淚。在校之妾。與在家之妾。境雖非而心猶是。妾身之自由。被剝於出世之後。尙可爲也。妾心之自由。被剝於出世之先。不可轉也。故雖極自由之境。妾亦以不自由之心處之。因此一念。而彼若卽若離之惡魔。乃長與妾結不解緣。永永無脫離之日。

校生八十餘人。寄宿十之三。有名亞達者。與妾同臥室。年事長於妾。而神采飛揚。活潑潑地。以妾較之。殆如春華之與秋豔。爲苑爲枯。相去不可以道里計。顧兩人相處久。契合漸深。亞達固有良好之家庭。得二老之憐惜。處境之優。殆無缺恨。有時妾偶與之話及身世。亞達必爲妾賠淚。恆至數日無歡容。妾窺其狀。殆不僅爲妾悲彼妹者。子其胸中。或別有難言之隱也。久之乃知其情。蓋亞達將於暑假畢業後。與一不相識之鄉下兒行婚禮矣。方亞達未生時。同居之某姓。與亞達父總角交也。其婦適亦懷妊。因有指腹之約。其後某姓遷居於鄉。音

耗久絕。亞達父母雖悔之而息壤在彼。未容遽食前言。以是常爲掌珠。慮亞達之心。其懊惱更何如者。亞達常語妾曰。妹之身世固極可憐。而婚姻自由。權猶幸。末遭剝奪。好自爲之。幸福未有窮也。如我則歡時已過。厄運將來。十年前之歲月。妹不如我。十年後之歲月。妹天堂而我地獄矣。每值妾悵悵不歡之時。亞達輒以此語慰妾。妾感之。轉恨無以慰之也。

亞達喜閱傳奇小說。課本之外。雜書盈案。妾時假一二冊。以爲課餘之消遣。後得一書名（秋之魂）係名人稿本。墨痕猶新。洋洋十萬言。其立局之奇。如天半孤峯。插空而起。爲新小說中所僅見。而其中文筆詭奇。思情繚邈。直欲嘔李賀之心。而武屈原之韻。妾讀而愛之。書尾署名曰悲鳳。考其著書年月。蓋不甚遠。因以詢亞達。亞達爲妾言。悲鳳者吾鄉之司馬長卿也。貧而能文。年未及冠。著稿積牛腰矣。此書以說部閒情自寫。牢騷身世。尤爲其近時劇作稿。成以百金售於吾父。欲爲行世。而東西播越。人事碌碌。未果也。妾聞而歎曰。此書價值奚止百金。世果有是人乎。人徒賞其文之工。妾獨歎其命之窮。使悲鳳而不窮者。其文或未必若是之驚人。悲鳳之文。而若是驚人者。則其遭遇必可憐矣。嗟乎。諸君以妾之命。惡如漏卮。豈復與世有緣者。固不應再自陷於愛魔之窟。然而猩猩之惜人。孰無情孽債。未償惡緣。相湊此悲鳳之書。所以得入妾目。而妾竟以自悲者。悲悲鳳想見其性情容貌。行間字裏。若或遇之。秋之魂。妾之魂。不知不覺中已混合爲一情苗。愛葉怒茁。心頭稿木。死灰生意。遽蓬然勃發。此一小冊子。不幸遂爲妾之姻緣簿。終爲妾之生死籍矣。

是年冬假。亞達邀妾至其家。小住匝月。妾乃作不歸之客。而所謂悲鳳者。卽於此時與妾開始訂交。妾傾其積慕之誠。彼亦切知音之感。兩人相見後。一縷情絲。遂於冥冥中時結回環交互之紋。有難解難分之象。妾亦不解其何遽至是。重以亞達之從旁撮合。兩情之熱度愈高。未幾遂以尋常之友誼。進而結親愛之婚約。約成。以書告家人。祖母與嬸氏。不置可否。惟嬸心滋不悅。輾轉傳言於妾。不願妾背離鄉井。遠嫁單于。顧嬸言如是。妾此時弩已離弦。豈可復挽。此間去吾鄉不百里而遙。交通亦至便利。且妾於家尙有何戀者。嬸雖愛妾。母乃太不相諒乎。噫。孰知一意孤行。竟無是處。自誤已甚。負嬸尤深。使能早從嬸言。後此或尙有希望。今何及矣。然而命之不臧。人謀奚益。婚約之成。實爲妾第二劫。發軔之始。冥冥中自有作合介紹之者。妾固不能自主。嬸更何能爲力哉。

悲鳳家赤貧。蕭然環堵。著書自娛。不慕榮利。而能善事其母。人品乃在顏原曾閔之間。妾所以願委身事之者。憐其才。并重其品也。此一紙婚約。純以縷縷愛情結撰而成。絕不參以一毫之物。欲意異日者。蘆簾紙閣。疊韻雙聲。筆塚同埋。硯田不惡。郎穿犢鼻。妾挽鹿車。貧賤夫妻。奚必可哀。百事倡隨之樂。南面王不與易也。妾此時預卜將來心。乃大慰。訂婚之日。爲十二月之二十七日。臘去春回之候。正甘來苦盡之時。爆竹一聲。妾之頽運。將與歲俱除矣。而事乃有大謬不然者。

第七章 結婚時代

明年六月妾與悲鳳結婚矣。妾在校中成績頗優。畢業考試。竟獲首選。以最優等之文憑。作新婚之紀念。重重喜事。錦簇花團。不待人之賀。妾亦自覺其可賀。自顧此身。已爲世界上最樂之人。從前之種種哀苦。悉已拋置度外。不復有一線微痕。縈吾腦蒂。彼長日擾擾之愁魔。在昔則不招自來。至此亦不麾自去。妾則笑對菱花。自窺倩影。幾重春色。飛上眉梢。準備洗手入廚。作三朝之新婦。閱者諸君。瀏覽及此。必謂婦人心性。至易轉移。快意當前。便忘慘痛。且此何如事。乃一一著之篇章。自述其無窮愉樂。則或并有詆妾爲不識羞之妮子者。嗟乎。妾涉筆至此。未嘗不欲留些空白。抹盡深紅。否則約略數言。亦足了此。一重公案。顧不惜覩縷述之者。妾福薄。一生歡笑之緣。乃僅有此數日。纔得生人之趣。復淪鬼道之中。後此所遭。其離奇詭幻。複雜糾紛。乃更不可紀。極妾意中。構造之樂境。不幸盡成虛話。然則此結婚前後數日中之愉快。實爲妾今生所不能再得者。亦妾傷心史中。由哀入樂。由樂轉哀之大紀念也。是烏可不旖旎出之耶。

妾家雖非巨富。亦屬素封。良田千畝。廣廈數間。生計至爲充裕。妾父及叔。先後謝世。此產應爲弟有。妾以一介女流。固無襲得遺產之分。然伯氏一支。僅此孑孓弱息。今值于歸之日。在理亦得稍分餘潤。爲婿家光。且妾母之來歸也。裝遣之豐。幾得其家產之半。金玉珠貝之屬。充其內府。母死妾幼。所遺者。乃盡爲嬸氏吞沒。今且爲蓉生陵削盡矣。嬸而尙有天良者。固應思有以酬妾藉慰亡者之靈。今彼所以遣妾者。乃僅破爛之器具數事。及一年久已廢之債券。此外一無所有。更可恨者。嬸既斬資。不與復以惡言詈妾。謂汝今嫁得一窮措。大大足

光門楣此。幾幾者。誠不足道。然過豐。恐彼貧婆子（意指妾姑）亦無福消受也。妾聞而大憤。欲與爭。繼念彼實無良。何屑與之辯。難但使所適得人。則食貧滋樂。以吾夫狷介之性。亦豈願得妻奩資。以爲生活者。因含笑答。嬸曰。嬸今別矣。若以余嫁貧儒。爲有辱家門者。可毋相往來。後此家中人。視余爲已死可耳。嗟乎。妾爲此言。雖強作笑容。而一陣酸。實橫衝鼻。觀痛淚。幾欲奪眶而出。人之無良。至於此極。諸君閱之。當亦爲妾作不平之抱也。

妾結婚時之情形。頗極盛況。結婚之地點。爲一公園。賀者盈庭。後至者環爲堵牆。最可憶者。爲同校女生三十餘人。平日與妾友善者。此日亦連袂偕來。齊唱其新撰之結婚歌。琴調悠揚。珠喉宛轉。觀者咸拍掌叫絕。而妾於掌聲雷動之中。已與吾夫交換約指。互證婚書。攜手出園門。放棹中流。家人隨出立岸頭。歡送如儀。此種境地。當局者心。何如快然。迄今思之。已如夢影。妾亦無心詳爲諸君告。亞達之婚期。後妾十日。妾乃爲伴新娘者。見其夫雖生長鄉僻。樸陋無文。而爲狀殊謹愿。學問亦甚優。妾以是陰爲亞達慰。後此妾復與亞達相見數次。未嘗有戚容。固知其伉儷之間。相得其歡也。吾書今亦與亞達長別矣。

三生冤孽。一線牽連。妾方沾沾自喜。從此撥雲見天。與萬惡之家庭斷絕關係。詎知妾至夫家。而魔鬼已緊隨諸後。一天喜氣。霎時間化作愁雲慘霧。環繞妾身。妾嘗自思。妾之運命。殆如一垂盡之燈。前此一星微火。搖搖欲滅。後來忽大放光明。小結喜蕊。若死後之還魂。既而一陣狂風。蕊摧光滅。乃悟其忽焉而明者。猶人死時之。

迴○光○返○照○也○至○此○地○步○欲○求○其○死○灰○復○燃○固○已○無○望○即○欲○常○保○其○半○明○半○滅○之○故○態○亦○不○可○得○於○是○妾○終○身○之○局○乃○大○定○此○後○光○陰○無○日○不○在○暗○中○摸○索○矣○

亞○達○誤○妾○悲○鳳○誤○妾○兩○人○愛○妾○乃○設○陷○阱○以○待○妾○之○自○入○是○可○忍○孰○不○可○忍○雖○然○亞○達○何○知○悲○鳳○知○之○亦○豈○能○逆○料○妾○何○怨○妾○自○怨○耳○閱○者○諸○君○家○庭○間○事○真○有○如○道○家○所○繪○之○地○獄○圖○窮○形○盡○相○奇○慘○極○酷○而○却○無○一○幅○雷○同○妾○初○以○爲○如○伴○虎○狼○如○處○狴○犴○穢○等○溷○藩○暗○無○天○日○如○妾○之○家○庭○者○可○謂○人○間○世○獨○一○無○二○之○境○矣○而○孰○意○悲○鳳○之○家○庭○乃○更○別○有○天○地○也○

妾○無○母○悲○鳳○有○母○悲○鳳○之○母○亦○妾○之○母○也○生○子○如○悲○鳳○母○之○賢○也○可○知○世○有○器○母○憎○其○子○并○憎○其○婦○者○烏○有○賢○母○愛○其○子○而○不○愛○其○婦○者○妾○方○謂○今○而○後○薄○命○人○無○母○而○有○母○矣○迨○既○接○老○人○顏○色○慈○祥○和○藹○真○如○愛○日○之○可○親○非○比○嚴○霜○之○可○畏○妾○更○舉○以○自○慰○孰○知○蜜○月○方○過○疑○雲○漸○起○姑○之○待○妾○乃○有○出○於○人○情○理○想○之○外○者○嗚○呼○姑○非○不○賢○者○也○姑○蓋○過○賢○者○也○過○猶○不○及○妾○所○受○之○委○屈○乃○與○不○賢○者○等○而○結○果○之○慘○且○又○甚○焉○人○曰○姑○惡○姑○不○惡○也○姑○不○惡○而○至○於○此○此○妾○所○以○負○屈○含○冤○至○死○亦○無○人○憐○惜○也○

第八章 作婦時代

嗟○乎○此○中○不○可○思○議○之○黑○幕○妾○欲○直○揭○之○以○爲○諸○君○告○妾○下○筆○時○猶○躊○躇○而○未○忍○也○愛○妾○如○姑○可○云○至○矣○而○妾○顧○加○以○微○辭○未○濟○夙○世○惡○因○又○添○一○重○罪○案○不○且○孽○共○海○深○世○世○償○之○不○足○乎○雖○然○妾○亦○略○受○教○育○非○一○無○知○

識者不幸至此平生志願一概休提今惟有商量死法死而不明死亦太枉死而無裨死更不甘諸君聽之妾非故揚親過亦非自訴命薄蓋欲使人知舊社會之家庭不良實甚雖有慈父慈母佳兒佳婦尙因思想之不開通性情之不投契而冰炭焉而仇讎焉人人知其然則謀女子教育之普及爲不可緩矣妾姑諒妾夫諒妾閱者諸君其共諒妾心哉

悲鳳家貧妾知之矣妾嬸且以之謔妾矣妾而不能安貧者何爲而適悲鳳然貧每與命爲緣妾結婚後運命之蹇劣卽此貧之一字實爲其一大主因方妾之初至也姑諒妾曰新婦襁褓中失怙恃老身聞之心切憐憫今復不幸而來吾家頗耐得貧苦否吾家先世亦中人產祖父時已中落至老身歸若翁時家徒壁立矣若翁以筆耕餬口寒士生涯所獲無幾一年所入僅免飢寒含辛茹苦四十年矣若翁已先吾而逝老身亦不久就本幸鳳兒長成能繼父業所慮者內助或不得其人憶老身初來時年亦如新婦在家時食美衣鮮呼奴叱婢亦安知勤儉爲何物者老身不讀書僅記得一二諺語云吃得苦中苦方爲人上人又云天下無難事只怕有心人新婦勉之俾老身得早卸仔肩眼見汝夫婦二人成家創業也妾唯唯受教姑顏亦甚喜妾味姑語深信姑之能安分能脫俗只此一席話其平日持家之正訓子之嚴已可想見世之婦人而盡明達如姑者卽一字不識夫復奚害

流光如矢歡夢如烟轉瞬東風瀛州又綠矣一曲驪歌催人上道陌頭柳色容易牽愁妾夫於是年應某省中

學校之聘。欲活一家。遂輕千里。臨別之夕。鄭重語妾曰。今將遠別。願盡我言。我以貧累卿。心滋不忍。然甘藜藿。壓糟糠。卿自安之。我可無慮。所慮者老母耳。老母性慈且儉。然頗頑固。我兩人之婚事。其初本不贊成。以愛我。故始勉允相處。半稔幸無間言。然我知其未慊於卿也。且善疑。苟投其意。固慈祥易與耳。一觸其怒。則疑竇叢生。不可究詰。雖有良平之舌。亦不能解其紛。卿其慎之。勿自貽伊戚也。妾聞言。轉笑妾夫之過慮。妾夫歎曰。卿不聽我言。禍不遠矣。言已慘然。無歡。妾始心動。默念姑之爲人。良有與人以難測者。乃答曰。君第去。勿慮。君言妾當謹記。不忘。妾夫乃轉悲爲喜。比雞聲初唱。鴛夢遂離。臨歧之際。妾夫凝視妾面。淚承眶睫。欲言又止。若有無窮之淒戀者。妾祇道得一聲珍重。欲從兩眶中覓一滴淚。以答吾夫之意。而澄波汪汪。欲流仍咽。若留以有待者。蓋妾自來此。淚生涯已久。不問津矣。且以妾歷盡風波。似此尋常之離別。亦何敢遽以爲苦。妾夫去後。妾姑猶笑語妾曰。彼戀有兒女情。而子殊落落有丈夫氣也。

嗟嗟。別時容易。來日大難。妾爾時尚在醉夢中。豈知後此再與吾夫相見時。妾已非前日之妾耶。蓋夫去而妾與姑之感情。乃日趨於惡劣。妾至此回憶妾夫臨別數言。良非無意。此半年中。姑對於妾。早有許多不滿意處。幸有人陰爲和解。得相安無事耳。今遊子遠行。慈腸若割。乃因愛而不見之故。益用其全副精神。專注於妾之一身。一若不娶此糟糠之婦。則其子亦可不被飢驅者。始而鈎心鬭角。繼而求全責備。終而決裂破壞。風雲之起。變幻萬狀。雷霆之來。震驚四鄰。妾欲先意承志。而竟無隙可乘。妾欲認罪謝過。而實無詞可假。謂姑愛妾。姑

固明明憎妾也。謂姑虐妾。姑又時時恤妾也。妾亦知姑無惡意。所以喜怒無常者。蓋欲用孔明七縱七擒之手。段使妾入其彀中。勉爲賢婦耳。嗚呼。妾誠不賢。得姑如此。妾至今尙未識若何而可爲賢婦也。

姑有特性三。曰好潔。曰好憂。曰好疑。此三種特性之爲美德。爲惡德。妾未敢斷。但知妾以纔得自由之身。不知不覺次第束縛於此三者之中。步步陷入悲境。如罪人之受凌遲而已。家本無傭。而姑殊老健。一日中婢媼所應爲之事。姑悉以一身任之。妾爲婦。應代其勞。而姑不願也。一衣之微。非親自浣濯。則被於體而不適。一蔬之細。非親自烹飪。則入於口而不甘。以其好潔異於常人。故必事事躬親。無旁人攘臂插足之餘地。所謂三日羹湯。試姑食性。世俗新嫁娘循例之手續。妾并此破題兒第一遭。亦復蒙恩豁免。諸君思之。尋常百姓家。除浣濯烹飪等事。此外尙何所措手足者。雖然。此婦職也。娶婦所以養親。而令老人僕僕若此。何以爲心。有時妾情不能已。趨前越俎焉。姑急揮之去。其喜也。則曰。汝未能操刀。不可割也。姑作壁上觀可耳。不幸逢彼之怒。則冷笑曰。老身傭也。分所應爲。汝貴人。奈何屈身作賤役。速去。速去。毋溷老娘也。妾不得已。袖手屏息而退。久之。知其不可拘。卽亦不敢前。蓋妾欲獻其殷勤。而彼且厭其煩擾也。分有尊卑。而情殊勞逸。顛之倒之。妾早知其不可久矣。

第九章 離異時代

未幾而憂疑之心果相逼而起。疑者何。疑妾之不耐操作。嬌懶若此。非可以爲貧士婦也。憂者何。憂其家之貧。

一旦山陵崩。則不賢之婦。將毀余之室家也。因疑而致憂。因憂而愈疑。憂疑二念。時時交戰於胸中。而妾與姑。遂處不能兩立之勢矣。有某姑母者。年事長於妾。時來伴寂寞。或信宿而去。或彌月不歸。二老甚相得。每至夜深人靜。猶聞姑寢室中喁喁未絕。因風傳送。時有一二零星斷碎之語入妾耳鼓。若曰。『（新婦畫中人）』若曰。『（吾家毀矣）』若曰。『（死不瞑目）』嗟乎。此非佳消息也。天涯斷鴈。聞聲輒驚。妾知姑不甘心於妾。而殊無術以悅姑。日針針氈夜來惡夢。一寸芳心至此。真低徊欲絕矣。

當此驚憂疑懼之中。呱呱一聲孽種墮地矣。不幸女也。然姑愛兒甚。囑善視之。兒夜啼驚。老人輒責妾。妾一生受人播弄。至無知小兒。亦能助虐。此中因果。洵難明矣。雖然。難未已也。誕彌厥月。乳漿斷矣。兒失乳長啼。姑知之。則大怒。詰斷乳之由。且叱曰。『汝真懶婦之尤。』亦知吾家能爲汝僱乳媼耶。今問汝何以處此。兒者。妾不能答。亦不敢辨。抱兒哭。姑愈怒。突從妾懷中奪兒去。丐鄰媼爲購牛乳以飼兒。自是姑日進兒。乳夜伴兒眠。提攜捧負。不容妾一舉手。而勤操家政如故也。妾大懼。欲代之言。甫出口。惡聲充耳矣。不得已聽之。而妾尙得爲人耶。兒進牛乳後。疳瘠甚。姑憐兒。則益怒妾。一若妾本有乳。而不與兒食者。待罪三月。妾夫歸矣。入門見母。母方乳兒也。問妾安在。則冷笑曰。『汝大孝。汝婦大賢。老身爲汝家作傭婦。今更爲汝婦作乳媼。且償余工。來妾夫不知其故。唯唯而已。』既見妾。歎曰。『一年不見。竟至此耶。』且語我以顛末。妾此時有千言萬語。而無一字能出口。一陣心酸。兩眶中所貯久之淚。乃如寒泉之迸瀉。諸君識之。此妾第一次對夫揮淚也。別夫時。應淚而不淚。見夫時。

不○應○淚○而○淚○爲○妾○之○淚○者○亦○顛○倒○乃○爾○耶○

妾○夫○大○不○忍○慰○妾○曰○卿○勿○哭○徒○哭○無○益○也○顧○今○且○奈○何○妾○蹶○然○曰○是○何○不○可○解○決○者○有○一○身○在○生○死○惟○君○夫○曰○何○至○於○此○卿○冤○也○我○非○負○卿○者○語○未○已○忽○聞○有○大○聲○發○於○堂○上○夫○遽○捨○妾○出○而○姑○室○中○兒○啼○聲○拍○案○聲○囂○然○並○作○矣○約○兩○炊○時○許○夫○復○來○慘○然○向○妾○曰○我○誤○卿○矣○僅○一○語○而○淚○被○於○頰○嗚○咽○不○能○成○聲○妾○觀○其○狀○知○事○且○決○裂○強○笑○謂○夫○曰○胡○作○此○態○男○兒○滴○淚○不○輕○灑○爲○薄○命○人○而○出○此○妾○謂○君○不○值○也○姑○意○云○何○我○兩○人○不○且○緣○盡○耶○夫○咽○淚○而○答○曰○然○母○欲○出○卿○矣○

離○婚○離○婚○此○不○祥○之○名○詞○何○爲○而○出○於○愛○我○者○之○口○耶○以○舊○法○言○有○所○謂○七○出○者○妾○無○其○一○也○以○新○制○言○則○執○行○此○事○者○律○須○歸○之○於○夫○婦○之○本○體○未○滿○二○十○五○歲○者○其○父○母○且○得○而○禁○止○之○今○姑○以○應○禁○止○者○而○強○迫○焉○天○下○倒○行○逆○施○之○事○孰○有○甚○於○此○者○雖○然○妾○無○力○與○姑○抗○也○姑○以○憂○疑○之○心○宣○布○妾○之○罪○狀○莫○須○有○三○字○古○英○雄○且○受○此○非○法○之○裁○判○妾○以○一○飄○零○弱○女○子○有○何○能○力○起○以○自○伸○則○惟○有○吞○聲○飲○恨○而○已○

俄○而○妾○夫○續○言○曰○我○一○丈○夫○而○不○能○庇○一○女○子○是○大○可○羞○是○亦○大○可○痛○顧○事○至○於○此○我○方○寸○亂○矣○卿○其○善○自○爲○謀○哉○妾○憤○然○言○曰○姑○欲○去○妾○妾○豈○能○留○妾○世○界○之○畸○零○人○也○生○於○世○爲○贅○疣○入○此○門○爲○妖○孽○姑○慮○妾○將○毀○家○以○妾○之○命○度○之○誠○難○保○其○不○毀○君○家○也○今○妾○願○犧○牲○其○薄○命○之○身○以○保○全○君○之○家○庭○妾○負○惡○名○而○君○爲○孝○子○妾○固○何○足○惜○君○復○何○所○戀○哉○惟○尙○有○一○言○君○其○聽○妾○去○之○後○姑○必○爲○君○他○娶○君○鑒○妾○前○事○必○就○姑○意○中○想○像○之○賢○

婦得其人焉而後娶之弱女子大可憐勿再陷一人也妾夫曰痛哉卿言我心碎矣我得卿而不能有是天棄我也我亦不敢作破鏡重圓之想但得奉母以終便披髮入山不問人間事矣卽擲鏡而誓之曰卿去而我若他娶者有如此鏡妾急趨掩其口謂之曰聞君此言死且不朽雖然妾可爲君貞君不可爲妾義也君休矣此亦未了之孽耳於是妾泣妾夫亦泣

此一場生離死別之慘劇合演者計四人劇本編就角色配齊準備臨時排演無何而妾登場矣夫立於左姑抱兒坐於右若靜待死刑之宣告者嗟乎此豈尙在人間耶妾此時已趨至姑前不覺冤憤填膺無能復忍大聲問曰婦何罪姑曰問汝夫妾回首向夫問如前夫曰不賢妾復問不賢何指夫曰不能事母妾無語掩面出姑懷中兒呱呱啼妾回顧姑舉兒授妾妾受兒撫之曰兒無母兒尙有父也婆婆待兒好何哭爲兒啼少止姑復抱兒去妾夫慘然送妾出而幕閉矣

第十章 畢命時代

嗟乎諸君妾非無家可歸者耶妾之出也與嬖氏早有決裂之言故結褵以後僅一甯家意謂此後將爲延陵季子終身不入吳國矣今者被逐而歸縱嬖氏不念前言欣然納妾妾獨何顏而能忍此妾若願乞憐於嬖則不如乞憐於夫矣夫妾之被逐非其罪也一念慕義欲保全妾夫母子間之感情故受此惡名而不恤此意也妾夫一人知之耳夫而旣知妾心矣妾何爲更事乞憐乎彼嬖氏者妾之仇也卽令無事而歸猶遭白眼矧懷

此無名之罪。慝又安望其能諒妾之心。憫妾之遇乎。休矣。休矣。與其死於嬖氏之手也。無甯死於道路乎。

妾行之前日。妾夫已預僱一舟。且倩一鄰嫗。沿途護妾。送諸其家。妾欲陳明不歸之意。恐更傷夫心。且出門既無所適。夫必爲之言於姑。而強留妾。此時非獨姑意決絕。妾意亦已決絕。強留萬非所屑。前途既無去路。妾所恃以爲後盾者。惟此死之一字矣。渺焉一身。茫然四顧。諾大宇宙。竟無三尺餘地。足容薄命人自由。飄泊惟有平湖十里。一片清光大好。墓田葬身。有幸。或亦天公之獨厚於妾者歟。

鄰嫗者。熱腸人也。妾此行與之俱。乃又得不死。舟行湖中。妾憑窗眺望。見水平如鏡。照見天心。方寸波瀾。瞬焉盡息。此時無所謂怨。無所謂戀。祇覺萬慮都清。一身待蛻矣。詎已爲嫗覺。方縱身一躍之際。嫗從後抱持之。得不墜。旣免。嫗問妾曰。我知姑娘歸甯耳。今若此。是中必有奇冤。試語老身。或有商略。人生亦順命耳。輕死何爲。妾歎曰。姥太多事。亦知妾固樂死者耶。因揮淚而語之。故且曰。妾今進無所止。退無所歸。窮蹙之狀。至斯而極。不速死更何俟者。嫗曰。天乎。世乃有是事耶。傷心哉。姑娘也。雖然死豈計哉。此處不留人。自有留人處。姑娘誠能捐除情網。斬斷塵根。亦應留此微軀。爲來生之懺悔。附郭有一小庵。庵尼某。老身之表姊也。渠命之蹇。與姑娘同。十九喪夫。別家而去。今且五十年於茲矣。姑娘能甘枯寂。木魚貝葉。好懺前因此亦絕妙之退步也。世與我而相遺。甯不能留得一雙冷眼看他得意人。亦有下場時節否也。妾爲嫗勸。頗首肯。嫗乃呼舟子回棹。迺還達某庵。爲之介紹於尼而下榻焉。

庵臨城之西隅半村半郭一帶幽棲境地至爲清寂妾歷盡顛沛而來此羣魔之擾已息十年之夢全非原可了徹今生懺除宿孽尙何無益之悲爲然而茹痛過深含冤終古卽死作鬼魂亦應長泣於九泉之下矧一息尙存何能洗此叢愁積恨之心遽歸於清淨寂滅之境行蹤甫定哀感復來靜夜孤燈欲眠不得二十年之飄零身世時時驀上心頭一念欲拋撇之一念又復縈繞之嗟乎已矣嫗勸妾來此所謂留此身以自懺者殆又成虛話矣然則死哉

妾來庵之後三日有不速之客一人來則妾夫也嘻鄰嫗好事哉嫗置妾於此而爲之言於妾夫意似欲爲妾續今生緣者亦知妾豈能再見吾夫哉妾夫既不獲見則畀老尼以金囑善視妾流涕歎息而去夫去而妾病矣以求死不得之妾忽然而病病且沈沈然有不起之象妾心之快爲何如者顧妾命至短而此時則又甚長輾轉二三月形銷骨立矣然卒無恙一若去死之程度相差尙遠非旦夕可幾者噫妾知之矣彼蒼所以不卽死妾者蓋以妾歷劫雖多而餘絲未盡也

至此而妾書已畢沈沈寒漏黯黯殘燈時至矣命迫矣作書招吾夫而吾夫不來妾已不及待嗟嗟三月夫妻天乃并此最後之訣別而亦斬之耶妾深悔曩者之過拒吾夫矣妾絕吾夫吾夫未絕妾也今茲不來或爲事阻若知薄命人此日已辭人世烏有不號慟而來者嗟乎吾夫妾今別矣一縷幽魂猶佇待君來收妾骨也

藝苑卷二

斷碎文章

落花賦

柳暗長隄草帶煙。幾家樓閣夕陽邊。東風不解飄零恨。褪盡深紅又一年。昨日枝上鮮。今朝檐下舞。欲知三月春。但聽一夜雨。名士癡情上綠章。美人終古埋黃土。紛紛兮自下。脉脉兮無言。鶯翎時點燕尾旋。翻蝶雙眠。其未醒。鵲千古而啣冤。金谷樓前迷望眼。斜陽樹底葬新痕。滿樽清酒招到花魂。咄哉封姨存心母。乃私嗟爾弱質命薄。胡若斯催花鼓。反催落護花鈴。難護持。河陽一縣蹂躪後。杜牧三生惆悵時。問花無語。我欲歌。我欲歌。兮喚奈何。我有傷春千點淚。算來還比落花多。乃歌曰。花開顏色美。花落傷無已。碧紗窗外曉寒多。一縷香魂呼不起。今年開落復明年。花開花落人老矣。

石頭記題詞序

嗟嗟頑石無知入世著。千秋恨史情天胡醉。賠淚迷幾個癡人僕也。呱呱墮地。生帶愁根。咄咄書空。少稱狂士。具有癡情。略解書中旨趣。悠然遐想。欲尋石上姻緣。茶餘酒後。手一卷以沈吟。火冷香銷。面孤燈而如醉。憶夢。

影之迷離。重提舊恨。借墨花之燦爛。爲譜新聲。嘗以六十闕之小詞。寫十二釵之餘豔。然僅就一事。以成吟。殊無當全篇之大旨。喁喁細響。不足稱洋洋大觀也。旋復北轍南轅。萍蹤莫定。東塗西抹。筆債難償。飢寒驅我已絕迹。乎書城煩惱。尋人更陷身於情坑。三年來疑夢疑煙。潘岳之鬢華漸改。一腔子填愁填恨。江郎之筆蕊已枯。豔福未修。詩名已玷。良自慙耳。尙忍言哉。今春同人等以執筆餘閒。有徵詩雅興。共織珊瑚之網。大開翰墨之場。藉以提倡風雅。廣應霜鐘。甚盛事也。僕也不敏。亦得與諸君子共步香國後塵。再譜紅樓舊夢。浹旬休暇。佳構如雲。集萬腋之狐天。可補縫窺全斑之豹人。各留皮羣英會罷。騷壇壁壘一新。萬紙飛來。色界警鐘齊響。鉤心鬪角。字字珠璣。筆豔墨香。人人班宋。直欲效盤古氏。將三寸管鑿開混沌。情天不放他曹老兒。以一拳石壓倒古今才子。而僕則才盡恨多。眼生手棘。借他人酒杯。澆自己塊壘。摩挲醉眼。拂拭淚痕。胡亂鉛黃。不分皂白。投來萬卷。琳琅揀得幾行。錦繡美人香草。儘夠銷魂。明日黃花。定多遺憾。愧我鈍工磨壁。竟成瘦骨。東陽防他俗子濫竽。幸少化身南郭。或者楓落吳江。有見不逮。聞之誚孰。個珠遺滄海爲求。而弗得之言。然而彙觀傑作。遐企名流。眼前盡是奇才。名下定無虛士。所擷者精華。所遺者毫髮。僕固盲主司。願爲詩弟子。陳醫隱老氣。橫秋足與少陵抗手。翟楚材騷情咽血。自稱長吉。嘔心他若月明腸斷。沈郎未老風情。紅葉繡囊。許子亦多綺思。東海三郎血花獨吐。拜林女史風竹不平。盡作淒涼感喟之音。各極沈痛淋漓之致。此數子者。蓋尤是卷之傑出。而爲僕所心折者也。君等儘多才思。羣相投以瓜桃。僕也未死名心。亦得壽諸梨棗。從此一編坐對。無非

詩界知音千載流傳永作詞林佳話也已。

閩遊記略序

余友陳君嘯虎。本皖籍。僑居廬陽。年弱冠。好爲汗漫遊。足跡遍大江南北。余與之水分雲隔者已五閱寒暑矣。元年夏。嘯虎由津返里。因得握手。歡然道故。旋拊掌談別後事。口吻翕翕。若決江河。凡遊蹤所至山川城郭。歷歷可指。而於各處之人情風俗。悉能道其真相。絕無模糊影響語。海客談瀛聽者。忘倦。余知其學識才力之有得於遊者。蓋非淺矣。嗣余爲館務所羈。不能久留故里。忽忽遂別。前月之杪。嘯虎翩然來滬。顧我於亂紙堆中。春光別去。良友忽來。余所以歡迎之者。可知也。初意其偶作滬遊。留連數日。嘯虎忽語余曰。余此行將赴福州。便道訪君。聊慰夙好。世事如棋。人生若夢。海萍風燕。此別又不知何時重聚矣。余驟聞其將有遠行。不覺神喪色沮。嘯虎慨然曰。埋骨何須桑梓地。人間到處有青山。男兒行耳。曠達如君。胡亦以此態向人耶。余爲之爽然。便相與痛飲。醉輒抵足。比酒醒夢回。則嘯虎去矣。客中草草。愧無以壯其行色也。別七日。忽得嘯虎書。書三幅。類遊記體裁。歷述途中狀況。閱之恍如目接。異哉。嘯虎此行。乃不啻與余同也。因將其書刪去首尾。略爲編次。附登報端。或亦好遊者所樂聞乎。余與嘯虎生同時。居同里。而年又相若。回溯頻年來奔走風塵。足跡所經。乃未越乎省界。以視嘯虎鴻鵠之與燕雀。騏驥之於與駑駘。相去不可以道里計矣。欲步嘯虎之後塵。而閱歷經驗。俱不如嘯虎。此後或有意作閩遊。且將以此書爲余之指南針焉。嘯虎至福州。纔二日耳。而於其地之山川。

形勢風土民情已能得此大概。嘯虎固老於遊而又善遊者。他日旅居日久見聞愈富。望再有以益余也。嘯虎其許我乎。

讀書臺記

甲辰之春。余奉父命入虞南師範學校肄業。固不復以讀書爲樂事也。居無何。諸好友連襟偕來。卽萍水相逢。亦多志同道合者。風雨聯牀吟誦之聲。時作矣。其明年遷入游文書院。書院在廬山北麓。其南有臺。名曰讀書。相傳爲梁昭明太子選文處。院地平曠。屋舍宏敞。改爲中學校。臺畔尙有餘屋數椽。師範卽遷入其中。余今而後樂可知也。每當風日晴美。良夜月明。仰望則山色蒼蒼。俯聽則泉流瀾瀾。留連其上。顧而樂之。余向喜登斯臺而自得其樂。允幸同人之樂與余遊而與余同其樂也。人各有所樂而樂生於所好。所好不同。所樂自異。吾人徒知登讀書之臺而樂。而不知昭明當日讀書之樂。何如人徒知吾人登讀書之臺而樂。而亦不知吾人之所樂者果何在也。誰歟。可與吾人同斯樂者。夫天下之沉酣陷溺於繁華夢中者衆矣。六朝金粉。多少樓臺。當時鳥語花香。異日寒烟蔓草。樂何能長。悲且無極。昭明當日棄萬乘而不顧。築一臺以自娛。其用心之遠。爲何如也。嗚呼。吾虞山水。非所稱吳中第一哉。人文之盛。甲於江南。故古人遺跡獨多。而斯臺尤爲特色。迄今世運變遷。羣趨末學。殘碑秋雨。將話劫灰。登臺四望。尙湖之水一碧無際。辛峯矗雲。高兮可攀。山川靈秀之氣。其盡於是乎。於是思古傷今。百感交集。興之所至。不覺樂極而悲來。然而自梁至今數千百年矣。塵世滄桑。亦幾變。

易斯臺也。已歷幾世之星霜。經幾人之修葺。豈非天地爲之包涵。鬼神爲之呵護歟。蓋天下惟讀書之樂無窮。亦惟讀書之名可久固。不必慮斯臺之。或。有。時。而。廢。也。念。及。此。而。吾。輩。亦。何。能。忘。情。於。後。世。之。名。余。東。野。之。鄙。人。也。何。敢。爲。斯。臺。記。而。竊。願。誦。翁。和。卿。四。時。讀。書。樂。爲。斯。臺。壽。也。

贈雙熱序

虞山之陽有兩怪物焉。曰雙熱。曰枕亞。雙熱與枕亞生同時。居同里。少同學。長同師。志同道合。同趨向。同遭遇。同。而。其。內。受。妻。孥。之。交。謫。外。受。社。會。之。攻。擊。亦。無。不。同。然。則。雙。熱。與。枕。亞。殆。所。謂。一。而。二。二。而。一。者。也。雖。然。雙。熱。好。諧。笑。枕。亞。好。痛。哭。笑。毗。乎。陽。哭。毗。乎。陰。善。笑。者。其。情。縱。善。哭。者。其。情。深。雙。熱。曰。枕。亞。唐。衢。之。後。身。也。枕。亞。亦。曰。雙。熱。曼。倩。之。流。亞。也。雙。熱。曰。枕。亞。古。之。傷。心。人。也。枕。亞。亦。曰。雙。熱。今。之。熱。心。人。也。相。同。如。此。不。同。如。彼。宜。其。格。不。相。入。分。道。而。馳。不。爲。狼。狽。之。比。而。爲。馬。牛。之。風。矣。然。雙。熱。與。枕。亞。則。固。常。相。見。相。見。必。縱。談。天。下。事。有。時。酒。酣。耳。熱。逸。興。遄。飛。雙。熱。則。口。吻。翕。張。笑。言。雜。作。手。舞。足。蹈。放。聲。作。狂。嘯。枕。亞。則。書。空。咄。咄。悲。歌。烏。烏。於。咽。喪。氣。垂。首。如。縲。囚。雙。熱。笑。而。枕。亞。之。哭。聲。益。高。枕。亞。哭。而。雙。熱。之。笑。聲。益。縱。且。雙。熱。不。聞。枕。亞。之。哭。則。不。笑。枕。亞。不。聞。雙。熱。之。笑。則。不。哭。笑。也。哭。也。爲。兩。人。內。部。之。代。表。卽。爲。兩。人。愛。情。之。紹。介。陸。雲。見。衰。絰。而。笑。楊。朱。對。歧。路。而。哭。夫。衰。絰。何。笑。之。有。歧。路。亦。何。哭。之。有。蓋。哭。卽。笑。而。笑。卽。哭。也。天。下。事。何。事。不。可。笑。亦。何。事。不。可。哭。耶。於。以。知。雙。熱。之。笑。哭。不。得。而。笑。也。笑。更。深。於。哭。也。枕。亞。之。哭。笑。不。得。而。哭。也。哭。亦。麗。乎。笑。也。不。時。時。聚。談。則。心。各。不。

快。不。兩。兩。對。照。則。美。各。不。彰。咄。咄。兩。人。各。抱。奇。疾。不。癡。不。驕。亦。莊。亦。諧。非。兩。怪。物。歟。嗚。呼。世。之。怪。物。亦。多。矣。雙。熱。之。笑。枕。亞。之。哭。本。無。足。怪。而。人。以。爲。怪。彼。世。人。之。昏。昏。懵。懵。醉。生。夢。死。爲。巢。幕。之。燕。爲。遊。釜。之。魚。可。以。笑。可。以。哭。可。以。怪。而。人。却。不。以。爲。怪。此。豈。非。大。可。怪。耶。雙。熱。謂。枕。亞。曰。吾。善。笑。子。善。哭。而。人。善。夢。夢。且。不。醒。我。將。以。笑。聲。驚。醒。之。子。亦。請。以。哭。聲。驚。醒。之。且。試。其。效。力。如。何。枕。亞。曰。唯。唯。

吟賸自序

枕亞幼好吟咏。東塗西抹。得句輒留。弱冠時積詩已八百餘首。中多近體。而古詩則寥寥數篇。蓋余之詩不過不平而鳴。信口成腔。體例法律。瞠乎未知。人固不以詩人目余。余亦不以能詩自負也。已酉作客梁谿。旅館無聊。將篋中舊稿。略加刪擇。存三百餘首。錄成一帙。將就正於詩界巨子。手鈔甫竟。旋爲款扉客竊去。噫。異哉。或以竊詩者爲解人。此不知余者。且不知詩者。余何能詰以余爲能詩。詩之價值不如此其輕也。以竊者爲解人。解人之得。又不若是其易也。余詩不自焚。而人代爲竊之。余方始而自悔。繼而自喜。今而後可以舍舊謀新。若竊者果解人也。乃真余之不幸矣。獨是年來心境大損。從前遭遇離奇。古所未有。心爲情僂。未以病磨。庾老而潘鬢已星。時復握管。而萬恨千愁。無從寫起。偶有所得。亦斷章零句。不復成拈酒腸寬。而詩腸頓狹。恐前所作者。亦不能爲繼。安望其能進耶。壬子春重客楊園。浮生若夢。知己云遙。一身多病。寸心若灰。恐旦暮間已物成鬼。淪落半生。應留些飄零蹤跡。因從竊去之稿中有可記憶者。錄存若干首。斯世尙有同志復同病者乎。

或能知余之詩。

答函索玉梨魂者

犀書徵玉梨魂全書。并囑於報端披露。雅意殷拳。足徵同調。奈此書並無成本。逐日發刊。草率成章。統計全書約有二十餘章。事跡甚長。且多離奇曲折。非七八萬言。不能發揮罄盡。今方續登第八章。全書脫稿。尙需時兩月餘。三字品題。早貯胸中之竹。一枝秃管。續開腕底之花。徐徐而來。源源不絕。枕亞文思遲鈍。固不能一時急就。對紙界限分明。亦不能連篇登載。大凡小說家言。其動人者。每令人不忍釋手。已略得其端倪。便急欲窺其究竟。而作小說者。洞悉閱者之心理。往往故示以迷離恍惚。施其狡獪伎倆。時留有餘未盡之意。引人入勝。耐人尋思。如十三四好女兒。姍姍來遲。欲前仍却。不肯遽以正面向人也。故作報章小說者。與閱報章小說者。其性之緩急。適成一反比例。無怪君之讀玉梨魂。而欲向枕亞徵其全豹也。枕亞不文。草此書時。倉卒發稿。語多拉雜。方自愧有負閱者。擬俟全書登畢後。重加刪校。另刊單行本。以遍餉我同志諸君。但此書出版。計時須在明年。君果愛閱之深。迫不及待。則卽今逐日所登載者。吉光片羽。亦自可珍。斷簡零編。不難成籍。祇須費一時裁剪之餘工。便可得一種完全之善本。至其事之原委。第一章中規模。已具明眼人自能辨之。堯夫詩曰。美酒飲當微醉後。好花看到半開時。竊謂閱小說者。亦當存如是想。常留餘地。乃有後緣。日閱一頁。恰到好處。此中玩索。自有趣味。山重水複。柳暗花明。惟因去路之不明。乃覺來境之可快。若得一書而終日伏案。手不停披。目

無旁瞬不數時已終卷圖窮而七首見大嚼之後覺其無味置諸高閣不復重拈此煞風景之僮父耳非能得小說中之三昧者也枕亞非小說家率爾操觚有慚畫虎辱承下問取罄所懷作者固有所託索者必非無心倘荷時賜教言以匡不逮則他山之石可以攻玉流水高山知音不遠私心竊喜無任歡迎

遊桃源澗記

余幼時聞先人云虞山之北有桃源澗出城半里許卽聞水聲潺潺澗以松聲若琴筑之相和然雨後尤可聽也當春夏之間遊人攜茶爐茗具至者不絕故石上每多名人遊跡世所傳虞山十八景桃源觀瀑亦其一余聞而壯之意謂必奔騰澎湃懸崖裂壁洋洋乎其大觀也必欲一見爲快以事冗欲問津而未果今年春與嚴子柳漁族叔笑雲相約作北郭行以求吾向所謂奔騰澎湃而懸崖裂壁者及至其地澗長不過數丈水勢甚小於亂石間微作搏擊聲石旣不多亦不奇問之樵夫曰今猶新霽之後泉流不竭若天久不雨雖不至如溝澮之涸而山頂停雲則石背曝日欲濯足而不能矣余不覺廢然而返歸而歎曰天下之事傳聞之誤不如親見之真也有如是夫夫名盛者必失實言大者必多夸事必之所見不逮所聞者往往而是澗之水限於地勢之平阻於人功之少故其流不能廣遠好遊之士不必深求而責備之也吾獨怪澗石之上記遊者多一時名士乃留連其上以爲天下奇偉非常之觀皆在於是何其眼界之隘而胸襟之陋也是則當時之所稱名士者率皆盜虛聲誇大言實有類於斯澗耳吁可慨已吾於是知學問之道之難言也不觀於海不知天地之浮沉

不遊於聖人之門。不知道德之深。學。者。知。識。庸。愚。見。聞。淺。狹。偶。有。一。得。沾。沾。自。足。故。終。身。自。囿。於。一。隅。不。足。以。語。聖。賢。之。大。道。夫。宇。宙。間。之。絕。境。造。物。未。嘗。盡。藏。惟。有。志。者。能。求。之。有。力。者。能。至。之。而。已。彼。目。不。覩。江。海。之。大。汪。洋。萬。頃。波。濤。洶。湧。宜。其。見。尺。澤。之。水。而。謂。天。下。奇。偉。非。常。之。觀。胥。在。於。是。也。是。可。哀。矣。然。則。今。日。之。遊。吾。可。借。以。自。警。焉。因。言。於。二。子。而。書。之。

玩月聯吟序

枕亞於今年六月間。與舊雨雙熱。同客海上。得新雨數人。若定夷。若箸超。皆當世文豪也。之數人也。晨夕晤對。共筆硯。同起居。或則才高倚馬。或則技擅雕龍。奇思橫溢。逸興遄飛。不但應廣霜鐘。亦屬緣深香火。枕亞學慚窺豹才等飛螻。日以窘澀之筆墨。周旋於三子之間。枯腸爲之寸寸斷。業已鼓三力竭。一蹶不振。欲爲南郭先生之逃者數矣。秋窗多感。偶抱微疴。遂與三子停筆戰病三日。少間。三子者來曰。秋中矣。今夜爲人間天上圓滿之期。子之病可以愈矣。吾輩已具有斗酒。限有爐香。願與君揮酒兵登騷壇。悉索敝賦於醴泉巴里之間。作一場劇戰。其速起臨敵。乘夜奪關。勿酣夢不醒。辜負此大好圓滿佳期也。枕亞聞言。霍然而蘇。病魔遁。酒涎涌。詩情健。爰與三子者據案坐引壺。傾出脫胸中塊壘。倚樓長嘯。則青天改容。拔劍起舞。則璧月無色。興之所至。感慨隨之。乃停觴政。頌韻牌。卽景聯吟。歷三時許。得詩三十餘首。時已月落參橫。風淒露冷。酒醒矣。興闌矣。三子者謂枕亞曰。有月不可無詩。有詩不可無序。好景不常。盛筵難再。今夕之聚。千載一時。請君述之以留泥爪。

枕亞憮然有聞。請於三子曰。玩月之詩。古今傳作多矣。卽玩月詩序。古人亦已有之。歐陽詹曰。月可玩。玩月古也。謝賦鮑詩。眺之庭前。亮之樓中。皆玩月也。又曰。旣得古人所玩之意。宜襲古人所作之事。作玩月詩云。今吾儕之玩月。意豈在於玩月乎。玩月之詩。旣不落前人窠臼。夷諸弄月吟風之句。則玩月詩之序。夫豈徒然哉。美滿良宵。百年曾幾。新歷之中秋。人遇之而不覺。舊歷之中秋。人對之而不歡。蹉跎蹉跎。新歷之中秋。逝矣。蹉跎又蹉跎。舊歷之中秋。又逝矣。圓滿乎。缺陷乎。吾知賞此中秋月者。試舉頭一望。低頭一思。當必有嗒然掃興者矣。枕亞之病。憂時之病也。今病雖愈。而憂時之念。固未已也。彼三子者。亦皆憂時之士。與枕亞相憐同病者也。人事無圓滿之期。病根無剷除之日。則玩月聯吟。卽作爲病中聯吟觀也可。

蘭娘哀史序

性與情。非二物也。性所以閑情之具也。譬之木。性其根。而情其芽也。譬之泉。性其源。而情其流也。以是關係。故二者可相合。不可相離。離則性呆。而情蕩矣。迂腐之士。言性而不言情。放誕之士。又言情而不言性。過猶不及。兩失之也。人之生也。挾性以俱來。亦胎情而並墮其始也。表示其性之作用。而微露其情之作用。其繼也。完全表示其情之作用。或至盡汨沒其性之作用。父子之孝慈。至性也。亦至情也。兄弟之友愛。至性也。亦至情也。至男女之交際。則全屬情之作用。而無絲毫涉於性之作用。其甚者。或至割天性。以殉癡情。情肆則性亡矣。若由男女之交際。進而爲夫婦之好合。則始以情爲媒介。終以性爲歸宿。男女之情。與夫婦之情。一間耳。而邪正異。

焉淫樂判焉是不可以不辨也。人至成人之際，卽爲性與情交戰之時期。情勝則性不足以閑情，情反足以賊性。天理牯亡私欲遂熾，智者惑之，愚者迷之，賢者陷之，不肖者安之。古今來能爲情場之完人者，每爲名教之罪人。旣爲性之蝨賊，欲不爲情之奴隸，不得也。性勝則性有保障之功，用情無單獨之行，爲邪僻之念無由而入。放蕩之行無自而生，男則持圭璧之躬，女亦著冰霜之節。而後之論者，且稱之爲至情中人，要不得以無情物目之也。則如湘妃竹淚、莊姜柏舟、巧婦躍水、貴梅懸樹、孫夫人江上貞魂、孟才人床頭殉節、包拯婦節、婦台高王貞婦、清風嶺古燕子樓春、原長在夫人潭水自流、芳若此類者，簡編所載不一而足，不昧性天，斯稱情聖明乎？此則可知情之作用，發於男女之間者，得情之真，發於夫婦之間者，得情之正，真或不正，正無不真，善言情者，乃喜言男女之情，獨諱言夫婦之情。而於父子兄弟間之至情，更棄置弗道，是豈能得情中三昧者哉？歐化東漸，繙譯之書浩如煙海，風俗不同，體裁各異，姑無論已。卽以吾國所固有者言之，凡屬言情之作，總不能脫離佳人才子之範圍。淫污穢褻者固不足道上焉者，以風雲月露之詞，寫離合悲歡之致，雖風神旖旎，意致纏綿，極才人能事而輕薄之態，侵入毫尖，放佚之情，溢於言表，可以誨淫，不可以砭俗，吾無取焉。至若新流行之小說，或且矜奇炫異，想入非非，寫己國人之事實，忽躡入他國之人情風俗，侈口自由浪稱，吾愛不倫不類可笑可憐，則更文字之刼而梨棗之災也。嗚呼！情天蒼蒼，情海茫茫，無數衆生，昧却本來，墮入其中，茫不知返，而具有警醒癡迷，指導社會能力之小說家，不能發清夜鐘聲，使之猛省，反爲之推波助瀾，導之入于愛魔之

窟從此情世界中芸芸衆生遂無一完全人格余甚憫焉間嘗欲以此意著爲文章闢盡淫詞邪說留情界正聲爲癡人說法而筆墨荒蕪詞華枯竭有志焉而未逮也一日吾友吳子雙熱出其新著關娘哀史示余余受而讀之乃大稱賞何其立言之旨與余意不謀而合也是書寥寥萬餘言脫盡前人窠臼所談者夫婦之情而於夢廬蘭娘未結婚以前之情事會無一字道及中間夾叙兄弟之情母子之情尤多至性語卒之萱陰遽逝蘭膏遂焚蘭娘能以性制情雙熱尤能以性寫情思而不及於亂哀而不流於怨言情之正宗舍此書其莫屬矣余既愛其文乃促其付梓謂之曰是編一出可以拯拔無量數之慾海冤魂此大功德也喜閱言情小說者其亦讀蘭娘哀史而知所擇歟是爲序

孽冤鏡序

嘗謂文人狡獪之筆有奪天地感鬼神之力其中人焉甚於疾病其毒人也甚於蛇蝎有筆如刀殺人更利於刀有才如海造孽亦深於海多情乃聰明之誤識字爲憂患之媒文人者造成此情世界之主人翁而亦作俑之流也夫既爲人類疇則無情怵惕測隱之心人所固有况事涉於男女之大欲乎造物不仁對待情界衆生恆用慘酷手段爲文人者更以三寸毛錐助天爲虐以纏綿淒苦之音寫離合悲歡之事或佈疑陣以惑人或噓蜃樓以欺世江郎之筆慣放淚花李賀之箋盡成血草作者嘔盡心肝閱者縈其魂夢將無作有認假爲眞卽令事非無稽詎免言多失實人謂文人爲情種吾謂文人直情魔之俚耳雖然情之所鍾正在吾輩文人

多情文人之不幸也。文人言情，又文人之本能也。文人多慧慧根，卽情根也。文人多窮境窮，則情摯也。大抵文人一生方寸靈臺，無一足以縈擾，惟與此情之一字有息息相通之關係。既不得於世，此情無着處矣。不得已託之美人香草，以自遣其心苦矣。欲言之不哀，不可得也；言之哀矣，欲人之不淚，又不可得也。然世之自命爲文人者衆矣。文人所著之哀豔文章，亦多矣。未必人盡讀之而下淚也。其下淚者，必其人有極窮之遇，極深之思，極奇之筆，兼此三者而爲極妙之文，乃足動人以極端之感。想閱者紙上千行淚，乃著者筆頭一滴血所換得者也。質言之，非文人之筆墨，足以感人；實文人之至情，足以感人耳。乳臭小子，外無雅骨，內無靈心，讀得一部紅樓夢，便自胡思亂想，自負多情，掉弄筆尖，貽災梨棗，其意并不欲賺人眼淚也。亦思他人眼淚，夫豈輕易可以賺得者哉？吾於此知哀情小說之價值矣。吳子雙熱鬼才也，爲人豪放而善滑稽，似趨於樂觀一派者。顧其談吐與文章，乃不相符，長於言情，必極其哀。吾與之相交最諗，而知其人蓋傷心人，也能以至情發爲妙文，以賺人眼淚者也。一冊蘭娘哀史，賺得之淚已不少矣，而雙熱猶以爲未足，更有孽冤鏡之刊焉。吾知是書一出，閱者心盡移，其哭蘭娘之淚而哭環娘也。雖然，一彈再鼓，文字之孽深矣。吾望雙熱之有以自懺，也是爲序。

鐵冷碎墨序

枕亞校碎墨，竟問於鐵冷曰：前有叢談，後有碎墨，紙勞筆瘁，爲是僕僕，子何所求？殆作千秋想耶？鐵冷曰：惡，是何言！我忘世矣，胡一名之未忘？我忘名矣，胡千秋之是望？天旣靳我以不朽之事業，更何有此無謂之文章？雖

然人之生於世也。營營擾擾。皆有樂趣。可尋。彼之所謂樂者。我之所謂苦也。我雖無求於世。不能不有求於己。不爲無益之事。何以遣有涯之生。舉世之所謂富貴利達金錢權勢。盡人皆好者。胥不足以娛我。則我所藉以自娛者。舍此無謂之文章。更少可爲之生活。嘗謂美人之鏡。俠士之劍。伶工之琵琶。以及文人之一枝秃管。在失意無聊時。得之亦可。抵得一知己。故文王被囚。而作周易。屈原見放。而著離騷。馬遷受刑。而成史記。陶靖節罷官歸去。亦云著文章。以自娛。夫諸人之志。初豈在此區區文字哉。古之著作家。殆無一非傷心人。文人而以文自見。已爲末路之生涯矣。我不敢企夫賢聖之發憤著書。而竊慕夫淵明之澹泊明志。碎墨之作。亦聊以自娛而已。余曰。著以自娛可矣。留姓氏於人間。是又奚爲。鐵冷笑曰。碎墨出世。人言不諒。必尙有目余爲好名者。夫余果好名。亦當潛心著作。爲政學經世之書。以投時而弋譽。而顧託之於美人香草之思。極之於竹頭木屑之細。莊諧歌哭雜糅。無倫徒供人之溫噓。以是自傳。計亦左矣。嗚呼。茫茫大地。愁雲包之。芸芸衆生。愁絲牽之。余固天生愁種。無可爲歡。藉筆墨以自祛煩惱。而世之文人潦倒如余。思著文章自娛者。亦復不少。以余書贈之。亦可省却旁人幾許筆墨。自娛娛人。余意不過如是。而無所歆。夫名更非所冀。夫傳也。聞之歐文氏之言曰。余欲爲他書。古今冊藉。浩如烟海。以余書入之。直塵埃之不若。不如以我之所得。著爲雜文。值此物競劇烈之世。世人必多愁苦。苟讀吾書。而額上皺紋爲之一舒。則吾之造福亦已不淺。夫我意亦猶是焉耳。余作而言曰。善哉。子言子之書。仍欲爲世人造福。是忘世而終未忘世也。子之心苦矣。因記其言。以告世之閱是編者。

紅粉刼序

弱肉強食優勝劣敗哀哉芸芸情界衆生乃亦不能逃此天演之公例夫兵猶火也情猶兵也兵不戢將自焚情不戢則殺機伏焉情與情戰足以釀禍亦足以成仇至禍迫而仇深則無所謂情也強權而已矣暴勢而已矣以荏弱無告之女子當此強權暴勢之衝有何能力以相抵抗橫暴之來如風掃葉其不立演煮鶴焚琴之慘劇者幾希異哉天之生人同具此深摯之情乃不能同具此慈善之性彼夫陰狠之輩殘忍之徒皆天生情種也惟其多情所以無情戀情所迫毒燄乃張滾滾愛河血花怒濺有情者固不忍出此然無情者亦決不出此也吾讀定夷所譯紅粉刼一書而知情之毒人深矣鄧脫兇徒愛力亦復不薄彼惟不能忘情於黛瑛故不能甘心於杜蕾後知終不能得黛瑛則并黛瑛而之死之吾謂鄧脫爲人縱兇惡無倫初意亦不至是實逼處此乃至忍無可忍頻次行兇彼亦爲情魔所役使而無能自主重泉之目不瞑一面之網莫開此時欲悔無從到底同歸於盡慘劇既終惡名不死此種人人皆吐罵之吾獨深惜之彼非無情者惜其秉性獨鶯故認情不真性不足以制其情情反足以助其性慾念一酣奸謀疊肆卒之不利於人亦何裨於己厲魄兇魂能無餘痛也乎抑吾有說焉人之生也與情俱生其死也與情俱死黛瑛杜蕾皆死於情者卽鄧脫亦何莫非殉情一流吾所不解者彼矯矯之霞碧乃亦不能保全其乾淨之身同受此天演之淘汰以去蓋霞碧亦別有情者是亦有取死之道焉泉下相逢猶有伴可堪塵世獨淒涼吾不知彼老而多情之司達渥將何以爲情也

茜窗淚影序

歡娛之詞難工愁苦之音易好詩文如是小說亦然余讀李子定夷所爲書夥矣如賈玉怨如鴛湖潮如湘娥淚如紅粉劫或聲聞獅吼驚飛並命鴛鴦或血盡鵲啼染遍同心松柏或無獨有雙撒南國相思之豆或由中及外寫西方薄命之花率皆哀感纏綿情詞悱惻嘔心作字濡血成篇彩毫在手操情天生殺之權孽鏡懸胸攝男女悲歡之影令讀者疑幻疑真不能自已斯人斯世爲喚奈何今諸書已風行矣而李子文思正酣餘勇可賈因復有茜窗淚影之刊是書也畫英雄面目則赫奕如生鏤兒女肝腸則低徊欲絕千辛萬苦共羈魔窟之身九死一生竟作他鄉之鬼屍遺馬革人不雙還夢冷鴛幃願甘獨活黃土無情不長夫妻之蕙白頭有約尙榮姊妹之花豈惟情場花月之慘聞抑亦革命風雲之實錄例以前書是異曲同工之作質之當世爲有目共賞之文自然衆口皆碑何待一辭多贅惟是書成煞尾總留未了之緣事訴從頭都作無聊之語雖然紙上空談彌足動人感想畢竟人間缺恨何時補得完全君有三升墨瀋寫不完萬種傷心我只一領青衫禁得起連番濕淚耶

民權素序

嗟嗟崑崙崩大江哭天地若死人物皆魅墮落者俄頃夢死者千年風雨恣其淫威日月黜而匿采是何世界還有君臣直使新亭名士欲哭不能舊院宮人無言可說慨造物之不仁豈空言之可挽倉頡造字羣鬼不平

始○皇○焚○書○一○人○獨○智○不○癡○不○聾○難○爲○共○和○國○民○無○聲○無○臭○省○却○幾○多○煩○惱○然○則○啞○耳○尙○何○言○哉○而○况○一○場○好○夢○已○逐○電○影○俱○飛○萬○紙○墨○痕○未○與○劫○灰○同○燼○陽○春○白○雪○本○來○有○數○知○音○明○日○黃○花○何○必○更○翻○舊○話○滑○稽○之○譜○未○亡○髡○舌○雖○存○何○用○衆○生○之○相○猶○是○溫○犀○難○照○許○多○過○渡○鏡○如○拍○碎○菱○花○早○現○分○離○之○象○自○由○鐘○已○沈○埋○荒○草○更○無○遺○韻○之○留○腥○羶○重○染○長○爲○附○骨○之○惡○疽○文○字○無○靈○徒○剩○傷○心○之○紀○念○言○之○可○痛○閱○之○無○歡○民○權○素○之○刊○是○亦○不○可○以○已○乎○然○則○我○口○難○開○枯○管○無○生○花○之○望○人○心○不○死○殘○編○亦○碩○果○之○珍○是○區○區○無○價○值○之○文○章○乃○粒○粒○眞○民○權○之○種○子○零○星○斷○碎○具○五○族○之○雛○形○感○慨○悲○歌○結○千○秋○之○遐○契○俯○仰○乾○坤○直○無○餘○地○晦○明○風○雨○聊○慰○相○思○則○民○權○素○之○刊○是○又○烏○可○以○已○乎○馬○死○有○骨○豹○死○有○皮○民○權○死○而○有○素○焉○民○權○其○或○終○於○不○死○乎○是○爲○序○

破涕錄序

客○有○問○於○余○者○曰○李○子○之○破○涕○錄○中○多○閭○巷○猥○瑣○之○談○村○野○粗○俗○之○語○比○之○誌○怪○搜○神○之○作○更○覺○荒○唐○揆○之○諷○世○警○俗○之○心○亦○無○寄○託○愚○夫○稚○子○讀○之○而○神○怡○道○學○搢○紳○見○之○而○色○變○者○也○以○李○子○之○才○之○學○欲○從○事○著○述○何○書○不○可○爲○而○乃○出○之○以○滑○稽○游○戲○竊○東○方○淳○于○之○故○智○搖○唇○鼓○舌○曉○曉○不○休○既○無○功○於○社○會○且○有○損○於○人○心○李○子○獨○何○取○於○是○乎○余○應○之○曰○唯○唯○否○否○不○然○李○子○之○著○此○書○蓋○別○有○深○意○所○謂○哭○不○得○而○笑○笑○有○甚○於○哭○者○也○夫○志○士○之○所○具○者○良○心○人○生○之○難○開○者○笑○口○吾○輩○不○幸○生○此○五○濁○世○界○莽○莽○中○原○賸○一○片○荆○天○棘○地○茫○茫○前○路○費○幾○回○佇○苦○停○辛○一○點○良○心○既○不○能○自○泯○百○年○笑○口○又○胡○以○自○開○追○懷○遺○烈○雪○峴○山○之○涕○者○有○人○顧○瞻○國○步○作○

新亭之泣者有人。慨念身世下窮途之淚者有人。憂國憂家各懷苦趣。斯人斯世。欲喚奈何。不數年而中國之志士。且將憔悴以盡。只餘一輩軟媚人。賡歌颺拜而樂昇平矣。李子憂之。爰著是書。以惠吾至親至愛之同胞。爲盪愁滌煩之資料。消磨此可憐日月。延長此垂死光陰。庶幾中華民國共和之真種子。不遽絕於此日。而支離破碎之山河。以一哭送之者。猶不如姑以一笑存之也。然則李子之書。實大有功於社會。大有益於人心。烏得以荒唐二字概之哉。且也。今之著作家。亦夥矣。或屬陶情之作。或詡經世之書。車載斗量。日新月異。而究其內容。鮮有能副其名者。李子書以破涕名。而有能使人破涕爲笑之實際。雖曰小道。較之純盜虛聲之著作家。不已多乎哉。客無言而退。爰錄是語。弁諸簡端。

九畹軒遺稿序

韋子秋夢手錄其夫人翠綺女士九畹軒詩詞稿若干首。竟持以示余。泣然曰。余婦歿矣。此後寂寂空闌。茫茫天壤。更無有能知余而慰余者。此一冊斷腸草。當付剗削。以留紀念。子盍爲吾叙之。余曰。敬諾。秋夢又曰。翠綺喜爲詩。自恨不能工。有所作。輒棄去。謂深閨弄翰。聊自怡情。不足以語大雅之林。寓騷人之目也。此一小冊子。乃余十餘年來陸續代爲收拾者。雖怨綠題紅。無當風人之旨。然而么絃細響。亦見性靈。錦字織愁。自成機杼。或不無一二可觀者焉。況乎人既云亡。所思不見。泣殘身世。葬儂勿謂無人。嘔盡心肝。沒世應猶有憾。展茲遺墨。以視零脂剩粉。餘素殘工。彌復足滯余之哀感。不於此而用吾情。更烏乎用吾情。以之傳世。傳詩胡足傳人。

以之慰情慰生兼以慰死翠猗之沒也余悲之余不能已於悲更不能以一悲了余之責也回溯翠猗生平事父母以孝處家庭以順待兄弟姊妹以恩接宗族戚鄰以禮而性情溫婉言語和平尤足化余傲放不羈之性翠猗歸余十八年所以益余者良不淺余固不僅以賢妻視翠猗直以良師事之畏友重之翠猗之足爲余念者豈在此區區文字間哉余作而言曰如君言則女士者質美而能學者歟德足以輔其才者歟遺行若此則女士其足重矣女士之詩其足傳矣余小子何敢贅焉

虞山龐景貞女士傳

女士姓龐名毓均後更名景貞江蘇常熟縣人邑中淑琴女校之高材生也女士生而嫻靜不苟言笑有至性能得二親歡年十四許字表伯金既勤先生之三子金洋君虞俗凡已字未嫁之女子值夫家有患病者或卽其夫或其夫之父若母輒迎婦歸侍疾謂之冲喜病者往往獲痊云文定時表伯母疾方亟卽以青輿迎女士以符冲喜之說病良已自後女士遂時往來於金氏蓋雖未作新嫁娘而庭幃色笑廚下羹湯已儼然供子婦之職矣其明年淑琴女校成立女士奉舅姑命入校肄業初列初等二年級性夙慧又勤學不輟以是進步之速越其儕偶歷五學期升師範豫科品學之優爲全校冠若校長若教師咸嘖嘖稱曰此好學生也同學咸敬之愛之自嘆不及女士聞人譽己亦無喜色惟日孜孜罔敢或懈是蓋能務求學之實迥非一般青年女子徒驚浮名者所可比倫也女士初學爲文卽喜讀昌黎集旦暮朗誦不輟嘗曰韓氏推尊孟氏吾景仰其文章尤

景仰其道德。又曰。國文爲凡百科學之母。中國科學不如泰西。而中國禮教實能超越之。其鑒別之精。有如此。又嘗謂。今世女子。恆汲汲於平等之權利。然卽如願以償。亦不過少數得沾利益耳。當爲普通女子計。灌輸以常識。人人能自立。不言平等。而自有平等之能力。卽能享平等之權利。競言參政抑末也。其見地之明。又有如此。此客歲九月。金洋君病卒。女士聞之。飲泣累日。欲以身殉。經家人力勸。始已。識者謂。女士盛年好學。遭斯慘痛。將從此灰心輟學矣。孰知女士殊不然。泣語其家人曰。此生已矣。一點靈犀已早隨金郎埋於地下。惟求學爲女子之天職。余雖不幸。亦烏可放棄一息。尙存此志。不容少懈。益發憤自勵。學遂大進。然而誦讀之餘。輒悲身世。既劬於學。復傷於情。弱質歲蕤。何以堪此。蓋病根從此伏矣。既而疾亟。呼其兄鳴鐸至。前謂之曰。爲吾告殷先生（淑琴校長）。余病不起矣。并囑諸姊妹。無爭意見。無染時習。盡心求學。挽救頽風。妹在九原。亦當瞑目。言訖而逝。時甲寅舊曆三月初四日亥時也。年僅一十有七。同學來弔者。無不流涕。金氏擬擇日迎其柩。與金洋君合葬。以慰貞魂。女士生前所爲課文。多斐然可觀。而於圖畫一科。尤有心得。臨摹西湖風景。十數頁。筆致秀逸。曾列教育展覽會。爲識者所激賞。云余未識面。其兄鳴鐸爲余言如此。鳴鐸篤行君子也。其言必可信。余不喜爲諛墓之文。況傳之例。尤嚴虛美。其人謂之誣。鳴鐸所未及者。不敢贅。

論曰。自女學昌明。而後自由平權之說。響應者多。女界人才。良非昔比。然而新舊不能融洽。才德每難完全。舊女界則德不孤而才多。無聞新女界則才有餘而德或不足。有德無才。不失其爲淑媛。爲靜女。有才無德。則不

顧身家。罔惜名譽。不至貽羞閭閻。流毒社會。不止開化之難。若彼結果之惡。若此。此有心人所爲。怒焉憂之者。也。女士立志皎然。學優品卓。長存黽勉之心。不墮囂張之習。劬學三年。殉夫六月。雖云短命風軌。常留考其生平。殆與琨玉等堅。秋霜比潔。質勝其文。非華而不實者。而天厄其遇。復蘄之年。薄命紅顏。竟歸淘汰。女界之不幸。將誰咎耶。

答友書論古文之源流

某君足下。奉書謂近方從事古文。未得其門而入。殷殷以源流派別。下詢鄙人。想見足下留心國粹。好學深思。欽佩無既。僕不敏於古文源流。未窺涯涘。何足以辱明問。然揆諸孔氏各言爾志之義。有不能默爾思者。謹略舉所知以對。幸垂謦焉。夫古文者。別乎今文而言。同一文也。此何以獨古則必有所以異乎。常文者在焉。古文者。古人之文也。古人作此文時。亦今文耳。閱數世而其文古矣。文愈古則思想愈精。氣息愈厚。而學步愈難。如登高山。其行峨峨而不能造其巔。如飲醕酒。其味醺醺而不能知其旨。以今人而作古文。雖處處摹倣字字推敲。而筆不足以達其意。力不足以助其氣。得其跡象而遺其神髓。拾其糟粕而棄其精華。詡詡然號於衆曰。此古文也。人之見之者。亦曰。此古文也。而不知作者之爲東施。閱者之爲葉公也。若是者。稱之爲古文。母甯稱之爲今文。古文而若是易爲也。文亦不以古稱矣。吾得一言斷之曰。古文者。古人獨有之名詞。非今人所得貌竊者也。今人何以必不如古。此理殊不易明。然亦不難明也。爲資稟所限者。半爲風尚所移者。亦半好學之士往

往○自○恨○不○生○古○人○前○反○生○古○人○後○此○語○雖○癡○實○有○至○理○古○人○得○天○固○有○獨○厚○者○年○代○漸○降○人○事○漸○進○而○人○所○稟○於○天○渾○厚○敦○樸○之○風○則○漸○減○復○有○風○氣○以○左○右○其○思○想○機○械○以○汨○沒○其○聰○明○文○勝○其○質○華○過○其○實○而○古○文○或○幾○乎○息○矣○故○同○是○一○文○今○者○漸○古○古○者○益○古○逐○世○遞○降○階○級○重○重○一○步○不○容○躋○越○典○謨○訓○誥○風○詩○雅○頌○非○文○之○最○古○者○耶○然○當○時○實○未○嘗○遽○以○爲○古○皋○夔○稷○契○何○書○可○讀○而○所○遺○傳○少○數○之○文○字○斷○簡○殘○編○獨○有○千○古○後○之○人○欲○增○損○一○字○而○不○得○欲○刻○畫○一○語○而○不○能○夫○後○人○所○讀○之○書○由○少○而○多○所○造○之○境○乃○由○近○而○遠○則○信○乎○古○文○者○殆○天○授○非○人○力○也○三○代○以○上○無○論○已○秦○漢○之○文○唐○宋○視○之○則○爲○古○唐○宋○之○文○明○清○視○之○則○爲○古○一○代○文○學○之○興○必○有○一○二○優○秀○者○起○而○執○文○壇○之○牛○耳○存○先○輩○之○槩○範○樹○後○學○之○津○梁○惟○因○年○代○參○差○程○度○不○能○一○致○所○留○之○成○績○亦○無○不○各○如○有○應○得○之○分○唐○宋○之○間○盛○矣○而○宋○不○如○唐○唐○代○文○字○昌○黎○爲○百○川○之○宗○起○弊○扶○衰○力○矯○六○朝○華○靡○之○習○其○爲○文○也○雄○厚○渾○樸○胎○息○乎○典○謨○訓○誥○浸○淫○乎○風○詩○雅○頌○昌○黎○自○言○曰○非○三○代○以○上○之○書○不○觀○後○人○復○有○杜○詩○韓○文○無○一○字○無○來○歷○之○語○審○是○則○古○文○之○源○固○在○三○代○以○上○昌○黎○則○探○得○源○頭○之○第○一○人○也○唐○宋○以○後○源○流○益○遠○派○別○益○歧○明○則○有○唐○荆○川○歸○震○川○輩○以○能○文○稱○清○則○桐○城○陽○湖○兩○派○方○苞○姚○鼐○梅○曾○亮○諸○子○相○繼○而○起○各○樹○一○幟○並○稱○于○時○然○去○歐○蘇○已○遠○遑○言○韓○柳○哉○兩○派○之○外○復○有○袁○子○才○曾○滌○生○輩○所○爲○文○均○有○獨○到○處○滌○生○實○宗○桐○城○而○其○才○力○頗○足○矯○正○桐○城○派○之○薄○弱○略○其○事○而○論○其○文○固○卓○然○近○世○一○文○學○家○也○此○外○能○文○之○士○尙○多○然○可○等○諸○自○鄒○以○下○可○與○言○今○不○可○與○言○古○此○古○文○源○流○派○別○之○大○略○也○夫○古○文○體○裁○因○亦○有○適○用○於○今

世者如書啓傳贊序記等皆是。而後人爲此。往往不能得古人之意。祇求應用而已。語有之。取法乎上。僅得乎中。取法乎中。僅得乎下。唐宋之文。取法乎上者也。明清之文。取法乎中者也。若晚近操觚之士。則取法乎下者多。復以新學自亂其意識。所謂古文者。恐將絕響矣。足下天資穎敏。志趣高尚。處江河日下之時。作羲皇上人之想。尋源溯流。登堂入室。充其學力。何可限量。一得之愚。無補高深。然僕雖駑劣。亦竊有志從事於此。雖真源難悟。而他山可攻。望亦有以益我也。某謹啓。

答友書論詩學之源流

來書以近作數章見示。格古調高。朗然可誦。知足下於詩學。已三折肱矣。而猶虛懷若谷。不恥下問。僕素不諳音律。東塗西抹。聊自怡情。於四始六義之旨。實屬茫然。又將何以答君。雖然。流水高山。知音不遠。可與言而不與之言。失人無已。請以涉獵所得。爲芻蕘之獻。亦就正有道之意。足下幸垂教焉。夫詩學發源於唐虞之際。廣歌颺拜。開其端。南風擊壤。踵其後。至三百篇。採民俗之謠謠。爲國家之典訓。溫柔敦厚。千古宗之。漢魏之季。古音古節。邈乎遠矣。有唐一代。詩教大備。沈宋開之於前。張劉繼之於後。洎乎盛唐。猗歟休哉。李杜王孟。爲百代風騷之主。無格不備。無美不臻。詩學之隆。於斯爲盛。至於中晚。雋麗如故。而渾成少減矣。夫同一時代。而前後之盛衰不同。如此後之學者。蓋難乎其言詩矣。宋則蘇東坡陸放翁兩家。猶有唐人風韻。然蘇才大而少含蓄。之致。陸詩多而尠純粹之篇。瑜不掩瑕。蛟螭雜以蜚蚓。蓋皆升堂而未入室者也。時至元明。詩教益衰。雖有高

青邱李崕峒輩極力講求。而靡靡之音。風斯下矣。滿清時代。名人輩出。軼過元明。吳野人袁子才王漁洋宋牧仲趙雲松查初白趙秋谷諸人。其尤著者也。然而互相牴牾。各執一長。能集大成者。無其人焉。其所爲詩。僅足與元明比肩。充極其量。亦祇可與宋人抗手。若云唐音已成。廣陵散矣。晚近以來。新學潮流。泛濫於中國。大雅不作。正音益渺。縱有一二先進者。流慮詩之將亡。思所以提倡之。而勢孤力弱。卒不克振。佻達之輩。以新學爲口頭禪。吟詠一事。或薄之而不爲。或爲之而不專。尤甚者。於韻語中。點綴幾許新名詞。自詡奇巧。斯真鳩舌之音。騷壇之玷。子美所謂爾曹身與名俱滅。不費江河萬古流者也。夫詩人籟。亦天籟也。屬乎性靈。實不關乎學力。世固有質鈍之人。苦心孤詣。刻意求工。而終其身爲門外漢者。李杜之詩。千秋絕調。無其才力。而欲學之。畫虎之譏。其何能免。板側尿流急。坑深糞落遲。此亦學杜詩也。雖屬滑稽。實深警省。然則詩顧可學乎。藉曰可學。而自漢魏至今。名家之集。汗牛充棟。欲窺全豹。難乎不難。僕謂詩無古今。後人所以不如古人者。爲古人所欺也。古人未嘗強後人。必入其範圍。而後人自尋故紙。生活以汨沒其性靈。則仍後人之自欺也。夫後人知學古人。亦思古人尙有何人可學。陽春召我以煙景。大塊假我以文章。古人之詩。信口成吟。不必窮精研究。自得天然之趣。如陶靖節何嘗有意作詩。興會所至。筆之於書。文章本天成。妙手偶得之。天地一詩境也。滿天地間。皆詩料也。古人無意爲詩。而詩獨絕。後人有意學詩。而詩不工。學詩者可以知所返矣。足下自謂性耽吟咏。自是風雅一流。且所作多淡而有味。頗見性靈。欲求其學之進。此後多遊歷名山大川。以擴其眼界。豁其胸襟。則氣

格自然雄渾筆意自然蒼老。若必欲擇一家而學之。大可不必。僕願君勿墮入魔道。而爲高叟之續也。鄙見如此。高明以爲何如。

答友書論著述之難

讀大著某書。累累百餘紙。洋洋數萬言。足下之學。可謂高矣。足下之才。可謂盛矣。足下之氣。可以壓倒今人。凌轢古人矣。雖然。若此者。以之自娛。則可以之問世。則僕竊謂不如藏拙之爲愈也。夫著述豈易言哉。非有深邃之學。識巨大之眼光。雄厚之才力。正確之經驗。皆不足以語此。有學識與眼光矣。才力與經驗矣。而無精密之思想。以運用之。無靈敏之手腕。以發揮之。則筆不生花。言非經世。仍不足以語此。夫著一書也。非以能感動一時庸衆之耳目。便可自足也。必也感天地泣鬼神。有光燄焉。渺萬丈而無極。有精神焉。歷萬劫而不磨。藏之名山。神物護之。傳之後世。奇字珍之。斯所謂千秋之業。非一日之長也。世界上無論何事何物。其產生易者。其銷滅亦易。學如孔子。尙曰述而不作。才如老泉。猶悉焚棄其幼年之稿。古人閉戶著書。必至垂暮之年。始成卷帙。蓋閱歷不深。則才大而心不細。氣粗而意不精。思泛而神不斂。差之毫釐。謬以千里。故審慎周詳。不輕下筆。如此後之人。識得幾個字。讀得幾句書。便爾自作聰明。妄思撰述。豈前人拙而今人獨巧乎。自歐化東漸以來。繙譯之書。浩如煙海。此猶述而非作也。以云作者。亦已車載斗量。日新月異。拉雜成篇。倉皇出版。或勦說雷同。或竊名掠美。盲從者流。復交口相譽。爲之鼓吹。而推廣焉。嗚呼。舉世滔滔。名流蠢蠢。士非李白。盡萬言倚馬之才。

人是葉公具一樣畫龍之癖。此豈非文字之刦而梨棗之災耶。所以然者。好學之心。不敵其好名之心。而好名之心。復不勝其知恥之心。其爲金錢所利用。以筆墨作傭工。潦草塞責。出門不認貨者。無論矣。其稍有價值者。亦多檢點不周。權衡失當。魯魚亥豕。依樣傳訛。累句蕪詞。層見疊出。可欺今人。而不可欺後人。况今人亦未可盡欺乎。吾謂若而人者。潘鬢未絲。江才已盡。及其既老。著作誠可等身。而叢謗之加。亦且等身矣。求榮反辱。遺恨何窮。世之大愚不悟者。誠無有如今之著作家者也。足下之書。美矣而未純也。雖未必如役利者之用心。亦難免效欺人者之故智。古今載籍。不知凡幾。以尊著入之直塵埃之不若耳。足下不河漢吾言也。請焚而棄之。年華未老。學業堪修。再讀十年書。後作千秋想。未晚也。如必欲貿然示人。則今之作者多矣。計目前已成之廢紙。供後人覆瓿之用。而有餘似無庸。吾輩再爲之增益也。足下欲取榮於一時耶。抑欲立名於萬世耶。得失寸心當亦思之爛熟矣。僕復何贅焉。某謹白。

答友書論小說之益

辱賜書。以僕於課餘之暇。浸淫說部。加以棒喝。諄諄以勿荒學業相勗。而詞氣之間。抑揚宛轉。若恐不足以感僕者。足下之用心。誠周且至。僕不敏。何敢以藥石良言。視同河漢。但尙有所請質於君子者。不敢不盡吾言。致蹈腹誹良友之罪。來書痛言小說之誤人。淫詞邪說。敗俗傷風。如君所言。吾亦惡之。但此固非僕所閱之小說。且何足以盡概一切耶。味君之語。一若無論是何種類。但屬小說。卽不足觀。且謂恨不起秦始皇。舉荒唐之言。

而盡焚之。舉佻達之儒而盡坑之。惡是何言歟。夫小說豈盡荒唐小說家豈盡佻達者哉。在昔頑固之徒。迂腐之士。自謂讀聖賢書。視小說如蛇蝎。呵斥其子弟。惟恐或近。然當時之小說。以無人注意。流傳不多。且爲學說所限。習尚所移。所有者多神怪不經之談。淫褻難言之事。誠有如足下所謂淫詞邪說。敗俗傷風者。而今何時耶。歐籍西來。人始恍然於小說之價值。研究者益衆。流行亦漸廣。撰譯之書。日新月異。取材之純正文筆之優美。可以興。可以諷。非特不爲世道人心之害。且足爲改良社會之一助焉。豈尙如舊小說之淫污穢褻。怪誕荒唐。爲端人正士所擯斥者可比足下亦粗得新學皮毛者。乃尙未易其冬烘頭腦耶。况乎舊小說亦未可盡非也。如三國志如水滸傳如石頭記如儒林外史或存英雄之氣節。或畫俠士之鬚眉。或傳兒女之性情。或摹社會之狀態。靡不有聲有色。可泣可歌。小說體裁本與正史不同。仁者見仁。智者見智。讀者不另換一副眼光。致誤入迷途而不悟。作者豈任咎哉。竊嘗論小說之勢力最足以普及於社會。小說之思想最足以感動夫人心。得千百名師益友。不如得一二有益身心之小說。吾言非過也。小說之用實足以使空疎無學之人亦具普通之知識。蕭閒無事之時不忘世界之觀念。小說之中何在而非學問。若必閉戶窮年孜孜矻矻非有用之書。不觀其所得之學問亦僅矣。青年子弟血氣未定。邪僻易乘。課餘多暇。一卷常披。亦足以束身而寡過。孔子曰。不有博奕者乎。爲之猶賢乎已。讀小說亦作博奕觀可也。而况乎其所以益人者。固非博奕之比哉。足下恐僕遂荒正業。以書相勗。至足感也。但僕閱小說。不過於月下燈前。偶然消遣。非終日沈酣者。似尙無勞深慮。至以小

說爲毒人之物。頑劣如僕。未敢遽信。足下其母乃未知小說之用。而等於耳食之流耶。狂瞽之談。幸足下平心靜氣。一垂聽焉。謹啓。

枕霞閣吟草

子規（以下丙午）

不堪烟雨短長亭。啼到天涯夢未醒。落盡梨花飛盡絮。更無人向月中聽。

楊花

御着微風自在行。漁磯鷗港弄新晴。有家爭似無家好。修到楊花身便輕。

春游雜詠

古寺斜陽隔小谿。模糊墨迹粉牆低。阿儂別有傷心句。背着遊人帶淚題。
燕子呢喃話舊梁。鶯花世界夢何忙。春風茅店青帘影。不見當壚窈窕娘。
荒烟蔓艸鎖頽垣。當日誰家宴舞園。枯木夕陽空戀戀。劫灰中有美人魂。

水仙

絕妙丰神入畫圖。一塵不染亦仙乎。近臨洛水清如許。怎把春光淡到無。乍解冰綃應道冷。自憐素影不嫌孤。清癯除却梅花外。那有檀心可與俱。

梨花

瓊欄壓雪玉痕微。月上梢梢客叩扉。芳艸渡頭春店小。杜鵑聲裏故宮非。無人煙雨魂何悄。有酒清明願莫違。寂寂畫樓花對泣。如何蜨夢未思歸。

無題

雲爲態度玉爲姿。來也珊珊去也遲。簫管恰當人靜後。棠梨正好月明時。鴛鴦深鎖黃金殿。鸚鵡偷吟紅葉詩。莫把春光輕漏洩。水晶簾外鳥相窺。

往事重提感別年。新愁舊恨十三絃。白萍浮去星星碎。紅豆拈來粒粒圓。萬里春風羌笛怨。一簾微雨落花天。欲知寫盡相思處。殘日青山起暮烟。

落花

蝶舞鶯譚意盡慵。人來洞口白雲封。又添一世飄零跡。新釀半天慘淡容。玉簫有聲空自怨。楊花何事苦相從。紅顏老去春無味。待看空庭積翠濃。

憑弔花魂作祭文。不堪細雨點苔紋。果然有恨隨流水。何不將身化白雲。撲面芬芳猶可愛。到頭茵溷有何分。

閑堦莫漫呼童掃。留作餘春弄夕曛。

茶蘼

收拾繁華只一枝。者番花信到疎籬。香沈簾箔鶯無語。人去闌干月更遲。應與紫薇同一笑。又留青帝住多時。三春花事忽忽過。詠到醅醢更少詩。

殘春

紫陌人來欲採桑。鉛華淘盡水流香。長安三月增惆悵。見說春歸到洛陽。

海上歌（以下戊申）

海上繁華甲天下。冶遊少年爭走馬。綵錦新開花月場。綵箋遍結鴛鴦社。東家有女年十五。生長江南亦名戶。落花飛絮無主張。一朝名入教坊譜。十三初學琵琶成。十五芳名擅羣英。新月裁成歌扇小。春風吹上舞衫輕。朝朝絃管新聲弄。夜夜綺羅宿金鳳。少小生來不識愁。錦衾未醒巫山夢。五夜寒風淒然作。孤燈一點暗羅幕。蕊宮姊妹來相迎。歸去瑤池證舊約。昨日紅錦爭纏頭。今朝玉骨無人收。花落人亡春寂寂。祇餘冷月窺空樓。我聞此事涕滂沱。茫茫情海生驚波。可憐紅粉飄零易。自古青樓薄倖多。芙蓉老去香心死。歎息容華難久恃。霧鬢風鬟何處尋。春花秋月長如此。青山埋盡風流迹。多情空有情脈脈。蘇小門前柳色新。真娘墓上秋草碧。

蝴蝶花

瘦影當風怯。前身是夢魂。羅浮春未去。金粉恨猶存。五色鬪新豔。雙飛種宿根。多情宜薄命。舞罷又黃昏。

贈從叔笑雲

俯仰乾坤一笑呵。小窗燈火硯同磨。少年意氣今安在。明日滄江理釣簑。酒後長談興轉濃。詩成筆底走蛟龍。若教把臂竹林去。君是嗣宗我仲容。

贈柳漁

君家春水曲。我住板橋東。投趾囂塵裏。而無庸俗衷。芳華曜陽林。草廬來春風。偶然一相值。談笑靡有窮。與君登荒臺。四顧古人空。與君涉高山。長嘯搖華嵩。孤懷盟皓月。豪氣貫長虹。俯仰天地間。氣象一何雄。瞻彼雙飛鳥。和鳴芳樹叢。奈何懷孤獨。落落慨我躬。子期今日遇。爲君奏絲桐。君非忘世者。慷慨擬從戎。我亦蓄壯心。弱冠輕終童。惜哉時不來。壯士穹廬終。醉後銜憂思。悠然懷郢隆。

勞勞亭和笑雲作

此是勞人地。斜陽送逝波。千秋離恨在一去。白頭多風雨。啼鵲苦關山。匹馬過柳條。青未已。攀折又如何。

老馬（以下已酉）

玉關西出歲年長。老見旌旗返朔方。五月陰山猶積雪。千年故國有斜陽。生歸白首人同恨。死值黃金骨尙香。借問春風何處是。一鞭輕送好時光。

贈陳惜誓

纔逢便當舊相知。第一交情先賞詩。一探傷心香艸淚。三秋攜手菊花時。先悲後日蹤難定。猶喜今朝髻未絲。記取華芝來入夢。白雲黃葉與君期。每恨芳時成獨賞。今知古調有同彈。華山分半他年卜。瀛海論交此日難。月照空潭心可見。風吹破屋語俱寒。酒杯白社今重整。不要蛾眉自畫看。豪氣能空人世羣。一尊今夕且論文。俗知不合常嫌我。詞豈能工漫到君。貧士無錢還買劍。男兒不死定從軍。與君同灑銅駝淚。立馬天涯問夕曛。一夕西風感獨深。燕京王氣欲消沉。諸公漫作新亭泣。志士方成梁父吟。南渡江山千古恨。北牕燈火十年心。過江他日名成後。雲水鄉中聽好音。

題陳惜誓詩稿

蘭心蕙思筆頭香。未許仙人持尺量。吳士風流千古獨。長安唇舌一時忙。贈渠古錦空牀月。讀得離騷滿領霜。慚愧鈍工磨白壁。竟教瘦盡沈東陽。

石梅小二台步月

凌空三折峯奇峭。山中之山更幽奧。春時攬勝花雨香。何似今宵得清妙。疏鐘隱隱隔翠微。流水涓涓通石竅。

長松薜蘿不知年。素月飛光樹頭照。虛濤倏起如殷雷。萬木同聲和其調。此時身已脫塵氛。倒喝白雲發長嘯。不知身在此山中。此境向來人未到。

春日西郊行

春山如畫活。且明春水如鏡靜。以泓片帆才從鏡中落。雙屐還來畫裏行。畫中之人忙。亦空鏡中之人靜。亦動畫中人。看鏡中移。鏡中人看畫中疑。忽看倒影石橋口。人影俱隨水波走。水波溶溶明鏡圓。此中人影分媼妍。我道不如畫中好。眼前不。分少與老。美人裙腰拂芳草。公子輕衫白雲掃。乾坤春氣本模糊。一幅米顛顛筆橐。

春感

閒庭細草綠芊芊。坐對春光轉慨然。詩愧鴻才勞鶴和。話逢鶯友得蟬聯。判花心事惟三月中酒。情懷又一年。只有芳園雙蝶蛺蝶。不曾孤負奈何天。別是卿孃一洞天。花如春浪屋如船。異書滿架多編代。古柏當庭不計年。靜裏談心香倍永。醉中携手月方圓。亦知種得前生福。福地頻來訪茂仙。

客窗坐雨得懷人六章

我去君猶在。君行我未知。懷人空夜榻。夢草又春池。煙雨分愁處。樓臺獨望時。飄飄遊子意。何日遂烏私。(天嘯)

枕亞浪墨 卷二 枕霞閣吟草

三四

故人淮海別。零燭對空檠。殘雪去時路。春風今日村。雨中楊柳色。月下子規魂。故國山千疊。征衫淚正繁。(子平)

舊臘話殘景。新春促早程。溪山經歲約。風雪一身行。汀鴈有時盡。庭花無賴生。舊諳疎爛叔。書絕隔離情。(鈍菴)

骨爲思君瘦。春來一字無。江城花事動。山館雨聲孤。遠夢迷千嶂。初心負五湖。東風寒食裏。處處有啼鴣。(雙熱)

處士門前柳。春來發幾條。高樓閒弄笛。客路苦吹簫。勸我一杯酒。思君二月朝。夢隨流水遠。獨立望江潮。(柳漁)

風塵知己少。握手暫勾留。紅淚新詞稿。青山舊酒樓。雲泥今異路。舟屐昔同遊。亂草愁中發。相思滿綠洲。(歧雄)

和蔡子平秋感原韻時子平客東京

菊花邨晚鴈來天。客子光陰又一年。日月往還空記省。鷄蟲得失費窮研。酒消愁塊心先醉。鏡照顰顏影不圓。如此生涯誠落寞。只慚孤負祖生鞭。

病壓愁侵直到今。三秋不見憶君深。青燈夜雨窮鄉客。黃葉西風去國吟。三尺劍拚烈士血。一封書見故人心。

過江名士多於鯽。只有中郎淚滿襟。

秋盡思家

功名事業等蟲沙。淪落天涯舊枕霞。三徑欲荒歸未得一團。幽夢繞黃花。無賴鄉心。日夜飛綺窗。曾否透芳菲。可憐今夜。瑤堦雪獨照他鄉。游子衣。

舟中遇雪（以下庚戌）

長空一片白。茫茫不辨天。光與水光如此。江山如此。景扁舟。可惜是離鄉。頭白梢公。守斷桅。滿江風雪。抱船來。笠欹簑濕。孤帆重。雙檣波心撥不開。

舟發梁溪

人生爲客早。無奈別離何。今日扁舟意。春江生綠波。鳥聲經雨歇。柳色傍烟多。到處詩情遠。雲山記我過。

題子平在東京與孫許二君合攝小影

王業南朝小。人才東渡新。虎頭三傑士。鴻爪一羈人。肉眼應難識。豪情自有真。虞翻屯骨相。未敢望前塵。

詠史四首

白髮窮途老丹心。壯士休功名。論去就。忠孝豈恩讎。東市簫聲歇。南冠劍血流。報酬終未了。濤影忽驚秋。（子胥）

枕亞浪墨 卷二 枕霞閣吟草

三六

我身天地待萬死亦須生一殉胡爲者千秋空不平有才徒憤世無福早知名今古長沙恨難同湘水情（賈誼）

燕子今安在春風問舊居不知太傅聖何似武侯廬勳業清才玷江山暮氣餘名心我早死不讀晉人書（謝安）

娥綠宮中盡君王竟不還空教長綿纜不解繫江山慧妓筵前眼愁儂鏡裏顏只今隄上柳猶自弄烟鬟（隋楊）

天嘯以印譜寄示爲題二律

人道雕蟲我却爲文存原等豹留皮立心要使如堅鐵處世何妨若鈍錐紙上雲霞護蝌蚪山中雷雨竊蛟螭人生不博黃金印絕世神工亦自奇

一經雕琢便堪珍幾費摩挲着手春秦漢千年存古樸乾坤一畫借精神青箱有幸藏奇字頑石無知誤此人我亦天涯同失意雪痕鴻印認難真

和子平悼亡六絕

黃金鑄就淚珠紅別鵲離鸞一曲終嫁得詩人慳福命梨花寒食怨東風
痛裁雜憶做微之哀樂中年那自支况是曾經滄海客何堪腸斷再來時

鴛鴦小劫太荒唐。紅粉猶留漠漠香。寂寞畫眉窗下坐。無情鸚鵡說淒涼。
吞聲掩淚上征鞍。回首空房鎖暮寒。此後家山明月夜。更無人捲玉簾看。
情多我亦恨成灰。苦誦君詩百感來。吟到前宵風雨句。中天過鴈也遲迴。
中原北望涕縱橫。戍火胡塵逼帝京。兒女何關天下事。不如收淚哭蒼生。

題天嘯小影

惜君痛哭寄癡吟。潦倒窮途信可哀。軀殼無靈心已死。文章雖好口難開。
劫餘身世淒涼足。讀盡詩書感慨來。我亦一腔孤憤在。悶懷相對滿瑤瑰。

偶成（以下辛亥）

命惡黃金直似讎。勞勞身世百堪憂。自憐爭食同雞鶩。何待他人喚馬牛。
酒債難償瓶屢罄。奴星未退筆空投。立身少我一方地。如此鬚眉大可羞。

此豈吾儕食肉時。國亡何用念家爲。病看今夕牛衣淚。身是他年馬屎屍。
劍氣不銷豪氣露。簫聲常帶哭聲吹。滿庭秋草黯無色。醉起挑燈讀楚詞。

自嘲

愛妻相對也生瞋。笑憶當年朱買臣。莫怪旁人加白眼。自家白眼看他人。

孔。方。兄。有。絕。交。書。留。得。微。軀。萬。劫。餘。懷。缺。歸。來。彈。不。得。孟。嘗。已。死。枉。呼。魚。

紀虞邑七月鬧荒風潮

秋。霖。三。日。水。平。田。滿。地。江。湖。在。眼。前。試。向。城。樓。高。處。望。萬。人。家。有。幾。炊。烟。
幾。人。清。淚。到。銅。駝。大。地。而。今。荆。棘。多。遍。野。哀。鴻。號。欲。絕。尙。將。兩。耳。聽。笙。歌。
赤。子。無。知。敢。弄。兵。神。號。鬼。哭。慘。然。驚。橫。飛。血。肉。原。無。罪。人。事。天。心。盡。不。平。
家。家。婦。女。各。啼。飢。子。弟。呼。庚。父。老。悲。還。坐。豆。棚。好。閒。話。可。憐。垂。淚。說。清。時。

慰梁溪陳桂蓀悼亡

詩。人。自。古。多。情。種。倩。女。由。來。是。夢。魂。長。恨。重。翻。新。樂。府。欲。歸。怕。問。舊。田。園。
鰥。魚。照。影。常。開。眼。鸚。鵡。呼。人。尙。有。言。幸。得。佳。兒。依。膝。下。一。燈。課。讀。伴。黃。昏。

飄。零。湖。海。髮。成。絲。我。亦。傷。心。自。不。支。南。國。只。生。紅。豆。子。西。風。三。和。碧。雲。詞。人。天。恨。重。千。秋。
在。兒。女。情。牽。一。樣。癡。却。笑。有。身。如。蠟。燭。慣。將。雙。淚。替。人。垂。

懺情

渠。是。佳。人。偏。愛。我。我。非。名。士。敢。憐。渠。癡。心。今。作。寒。灰。死。孤。負。蕭。娘。一。紙。書。
好。花。杆。向。霧。中。看。誤。却。毫。端。誤。萬。端。秋。月。一。輪。心。自。皎。愛。河。風。息。靜。無。瀾。

負情人是悟情人。我惜鬚眉七尺身。到底殘棋輸半局。最先一着錯來真。
煩惱場中何苦來。憐才畢竟太無才。懺除綺語消情孽。一朵青蓮筆底開。

感事

沈沈怨氣撼乾坤。痛哭號呼醒國魂。社稷無靈誰捍患。頭顱有價敢徒存。匹夫蹈海留名去。壯士懷槍覓血吞。
却後黃花還倔强。殘陽終古照秋原。
吞聲留恨哭青年。高枕諸公且少眠。時局忽驚淪赤縣。人心未死戴黃天。庸奴不去終亡國。貪吏無知尙愛錢。
會見中原胡騎滿。銅駝荊棘兩難全。

獨酌

自是高人都愛酒。從無名士不工詩。酒杯放下狂譚起。此是平生快意時。
十千沽飲也難供。屠狗英雄不再逢。但得甕邊常醉臥。何妨身作酒家傭。

閱報有感

獵獵西風刮地吹。中原復見漢旌旗。誰知白袖縱橫日。偏值黃花爛熳時。捲土重來餘燼合。倒戈相向衆心離。
乾坤努力同移轉。七二英雄死有知。

江流嗚咽暗飛腥。滾滾頭顱一樣輕。漢臘大書新政府。楚囚遍泣舊公卿。百年桎梏銷民氣。一片槍彈送哭聲。

海宇澄清妖孽盡。大家拍手慶昇平。

重陽感事

插茱落帽此良辰。爽氣近人歲月新。遍地黃花齊帶笑。登高流涕是何人。
江山變色劍橫秋。痛飲須登黃鶴樓。一樣重陽好時節。南人歡笑北人愁。

追悼楊君謀（以下壬子）

淚味酸辛吐復吞。懊惱不敢賦招魂。血花濺處腸猶熱。十萬饑民盡感恩。
萬喚千呼總不回。腥風怒捲血潮來。昂藏七尺終孤負。不死沙場死舞臺。
慘劇怕看血手印。舞場千古一男兒。萬人拍手呼奇絕。正是英雄畢命時。
他生未卜此生休。黃浦江聲咽流堂。上白頭君念否。九原應亦恨千秋。
俠骨靈魂繞故山。空留紀念滿人間。一坏黃土斜陽裏。鐵血胎花色尙殷。

自題玉梨魂和惜誓雜詩原韻

翠幃紅閣夢迢迢。扇掩桃枝淚不銷。楚客歌成香草怨。秦樓人望玉梅嬌。
圖新蛺蝶驚崔髻。帶重蒲萄困沈腰。撥盡蠻絃商恨絕。那堪重問泰娘橋。

身罹越網結千絲。練線空挑連理枝。血雨噴來紅黯慘。香雲剪後玉參差。
嬌雌影對春風冷。花豸啼深曉月知。

手劈藍牋五十版怪他青鳥誤佳期
鴛鴦鳳結恨徒存靜禮伽文晝閉門一點心燈灰有燄三生夢鏡石無言黃花翠竹空中色幡影鐘聲警後魂
不是薰禪求解脫斑斑暮雨奈黃昏
空剩辛夷媚小亭隔花人誦蕊珠經溫郎玉鏡容分照羸女銀簫恨獨聽冤死雙魂迷鳳子長生一誓感牛星
風輪轉劫鶯花幻豈獨馮家有小青

附惜誓雜憶原作

花紅玉白望迢迢絲雨金昌淚不銷楊柳樓台中婦豔琵琶場屋念奴嬌青荷貼鏡分雙黛紅萼傳尊貢細腰
兒女江南慣腸斷幾回綠水短長橋

東風吹遍麴塵絲走馬河橋結柳枝鈿閣曉鶯金桿撥碧欏春水玉參差影幃炙燭花同坐夢枕留雲月未知
錦樣才華秋葉命故應紅豆怨佳期

姣鶯誰與致溫存寂寂溪光擁閉門淡墨淚春書恨字微波通月叩清言心機織髻愁蛾粉腔鼓翻花實蝶魂
反覆苔華三六葉啼鳥庭院又黃昏

黃河遠上畫旗亭薄倖樊川恨幾經纖月籠屏花外見小風玲瓏夢中聽龍宮割浪淘娥石鵲漢闌雲誤客星
玉虎沈埋金鴈澀可堪水閣柳絲青

題唐左儂拈花微笑圖（以下癸丑）

一笑自存真面目。百年不老古鬚眉。詩心爭比禪心淨。悟徹空花意轉癡。
茫茫大地此微塵。人面花容生古春。除却山前一片土。世間何處着斯人。
吳士風流獨數君。有才如海筆如龍。待看圖樣爭傳出。團扇家家畫左儂。
如此頭顱莫漫猜。惺惺相惜我何才。小窗風雨閒披處。應有詩魂入卷來。

悼雲間華吟梅女士

高標勁節勵清真。直與寒梅作後身。兒女能關天下計。英雄齊拜畫中人。
仙蘄靈藥思奔月。淚簇餘花慘送春。一自乘風歸去後。年年芳渚杜蘅新。

緹縈自是女中英。不露文章世已驚。事業未終天遽妬。室家雖好命難爭。
生前遺恨誰能拾。死後虛名我亦輕。贏得孤兒齊下淚。淒風苦雨滿茸城。

姊妹當年迹最親。花殘月缺可憐春。離鸞夢杳難爲別。寡鵠吟成更有人。
白首盡違偕老願。紅顏長說不祥身。自由種是相思種。一樣淒涼證惡因。
（女士歿後候女士佩琛亦喪所天侯與陸震英鈕婷華等諸女士皆女士之舊同學也）

杜鵑啼老燕辭梁。五月江城客斷腸。天上幾曾留鈿約。人間一例哭秋娘。
梅花萬樹魂應託。蔓草千年骨自香。

有女呱呱還在抱。祝他異日早騰驤。

題施德之牡丹圖（以下甲寅）

我亦題詩在上頭。洛陽三月不勝愁。江郎才盡花應笑。七字吟成一幅秋。

施公席上贈心燕

此身爭爲苦吟來。一事無成百可哀。北海樽前還識我。南冠隊裏莫論才。國魂難續五絲命。詩草新添一味灰。去日堂堂前路絕。勸君醉眼不須開。花月春江依舊好。暫時相見忍回頭。我今風雨重來晚。如此江山一哭休。識面偏從離亂後。覓交難得死生秋。杜陵身世靈均恨。同向春風各自愁。

贈聽猿

男兒不得志。三十尙能歌。馬骨生原賤。猿腸斷更多。再來嗟已晚。相對恨如何。我亦棲棲者。無錢買釣蓑。白眼看猶懶。丹心熱漸涼。賈生愚痛哭。箕子老佯狂。大局今如此。斯人不可望。但求千日酒。醉死亦何妨。

清明過宋園路弔漁父

可憐人鬼各無聊。風雨淒迷日月消。歎息滄桑一年事。哭君今更淚如潮。宋園路畔離離草。黃浦灘頭渺渺春。猶是江南好風景。就中幾個斷魂人。

題王葦農梅魂菊影室填詞圖

舊熟詩名似水流。王生才調更無儔。百年風月春人夢。一卷滄桑故國秋。葦葉肥時還作客。梅花修到亦多愁。舊人更少何堪在。寫盡霜華感不休。

髻絲禪榻老華年。剩有餘情付管絃。絕豔風流蘇玉局。感時潦倒柳屯田。詞源揚子江頭水。人影桃花扇底天。海內知音今有幾。爲君珍重惜新篇。

賀施德之珠婚（西俗三十年重行結婚名曰珠婚）

瓊筵祝罷又珠筵。此會人間三十年。小謫塵寰仙眷屬。大家歡喜佛姻緣。忘憂草種長生地。並蒂花開不老天。種玉今生兼種德。心田更美勝藍田。

題周瘦鵑香豔叢話

絕妙文成錦繡堆。著書合讓洛陽才。周郎妙筆輕於剪。月露風雲盡入裁。筆勁秋風紙價高。一編珍重冠詞曹。情人自古多鵑血。說部於今有鳳毛。摘豔薰香意未窮。誰憐辛苦泣良工。鰥生亦有千秋想。才盡江郎是下風。名世文章自不刊。合將屈宋作衙官。就中不少珠璣字。莫作尋常冊子看。

題黃花旬報

憔悴猶餘蘊藉香。幾莖瘦骨，獨支撐。滿身金甲半零落。再與秋風戰一場。便開有甚好精神。桃李無言，尙媚春。一點秋心何處着。天涯多少斷腸人。

題鴛湖潮

死死生生終一死。離離合合竟長離。情天萬劫人誰脫。春水一池君太癡。水濱問訊數千里。烟月淒迷廿四橋。浩蕩離魂無處所。潯陽江上不通潮。死殉癡情事不難。釵盟鈿約幾曾寒。他生魂化青陵蝶。倩影飛來尙姓韓。家庭慘劇演來真。此恨千秋總不伸。留得斷腸文字在。合將萬淚葬斯人。

庚戌秋詞

太常引（感懷）

鐙前清淚落紛紛。短劍尙隨身。對酒莫論文。笑從古、英雄幾人。西風無恙，河山破碎，血雨洗乾坤。極目望秋原。只一片殘陽亂墳。

點絳脣（憶舊）

落魄半生詩名豔福居然共錦書鄭重一字千回誦
豆子雙紅誤下相思種種擔驚恐秋風吹夢心似蠶成蛹

南鄉子（晚眺）

暮色上孤城城外荒涼是斷程三兩殘蟬嘶瘦柳聲聲催盡斜陽雨又晴
此處少人行獨倚西風倦眼醒一片歸雲寒度澗冥冥抹却西山一點青

卜算子（懷人）

木葉下蕭蕭眼底秋如許不見行人見亂鴉淒絕衰楊語
帆破洞庭天歌斷瀟湘渚依舊芙蓉一路開欲採
人何處

菩薩蠻（懷跂雄）

窮秋相望征衫冷天涯到處萍飄梗落日一登樓烟波渺渺愁
哀猿吟不斷歸夢應嫌短試聽雁奴呼鱸魚
有意無

鷓鴣天（感懷）

兩鬢飄蕭奈爾何跼天躋地一身多小窗明月杯重把大地秋風却又過
拚痛哭送悲譌披開荊棘見銅駝
年年一掬黃花淚添入茫茫血海波

小重山（秋晚）

雨○後○遙○山○試○晚○妝○青○帘○飄○拂○處○酒○花○香○有○錢○莫○惜○買○秋○光○登○高○望○詩○意○落○蒼○茫○晚○笛○一○聲○長○西○風○搖○落○後○髻○
絲○涼○舊○時○池○沼○十○分○荒○荷○花○死○愁○殺○兩○鴛○鴦○

一絡索（秋聲）

秋○信○連○番○催○起○鄉○關○迢○遞○淒○淒○切○切○一○聲○聲○先○刺○入○愁○人○耳○只○在○吟○邊○醉○裏○了○無○生○意○冷○風○淒○雨○撼○黃○昏○拚○
夜○夜○孤○窗○閉○

踏莎行（蟋蟀）

一○徑○荒○榛○三○更○古○壁○聲○聲○吟○破○秋○寥○寂○閒○人○欲○問○半○間○堂○草○根○殘○露○時○聞○滴○何○恨○難○平○悲○鳴○不○息○兒○童○有○意○
相○尋○覓○白○楊○衰○艸○戰○場○開○西○風○老○將○真○無○敵○

朝中措（秋感）

淒○涼○景○色○赴○寥○天○長○嘯○隔○秋○烟○蜨○背○搖○風○難○起○雁○行○帶○雨○微○偏○傷○秋○懷○抱○生○涯○淪○落○買○酒○無○錢○莫○問○斷○腸○消○
息○海○棠○紅○到○愁○邊○

醜奴兒（秋夜）

江○山○殘○局○秋○風○劫○去○國○蘭○成○愁○賦○蕪○成○白○髮○無○知○一○例○生○夢○回○冷○簾○淒○涼○足○雨○滴○疎○更○風○颭○殘○鐙○腸○斷○孤○檣○
萬○馬○聲○

相見懽（偶感）

而今壯志消磨恨如何便是悲秋有淚已無多
鷗情懶詩夢斷隔烟波又聽聲聲猛雨打殘荷

人月圓（廢園）

西風吹碎繁華夢滿日是蓬蒿無人亭榭閒花野草不解牢騷
當年樂事夕陽載酒明月吹簫而今只有夕陽蝙蝠明月蟪蛄

清平樂（晚醉）

豆花雨過豆子紅飄飄閒話同來棚下坐落葉掃開且臥
月明相與持杯城頭哀角聲催今夜一番霜信定從白雁銜來

滿宮花（中秋）

舊闌干新月色知否有人相憶霜輪多事解團圓照斷天涯南北
淚痕消香篆息不道相思無力去年今日此時情應有嫦娥記得

眼兒媚（寄鈍庵）

唐衢痛哭太傷情淚雨幾曾晴風塵倦了眼猶帶白髮漸銷青
望中煙水冥冥何處送君行孤城日暮冷煙疎雨惟見長亭

七娘子（偶憶）

西風又見蕭蕭起。憶春時落紅庭院。今重倚瘦柳。欹橋寒蓉。依水十分秋色。斜陽裏。晚來無限瀟湘意。歎天涯咫尺。人千里。舊約鷗知新詞雁寄。飄零未分。今如此。

釵頭鳳（獨醉）

秋。礎。早。離。魂。杳。琵琶一曲青衫老。閒吟久。詩初就。無花有酒。黯黯相對。醉。醉。醉。情。方。好。魔。來。攪。而。今。相。見。時。尤。少。鴻。來。後。愁。時。候。西。風。一。夕。沈。腰。非。舊。瘦。瘦。瘦。



豔藪卷三

冰壺寒韻

自女學昌明而後巾幗人才良非昔比。然而有才無德。難免華而不實之譏。論愛言情。復多誤解。自由之輩。聰明自炫。逸樂思淫。情之既流。禮因以越。長此滔滔。亦豈女界前途之福。枕亞不敏。思有所貢獻於我女界同胞。因有冰壺寒韻之輯。取前清一代淑媛靜女之能詩者。擇其冰霜鐵石之章。慷慨激昂之調。編我一種詩話。而言情綺麗之作。但屬光明正大。無忤自由之真諦者。亦採錄一二。惟啼雲怨雨之詞。待月迎風之句。足以蕩人心而傷風化者。概不得與入選。者并略附梗概於前。其人生平類皆制行卓卓。大節可稱。迥非朱淑真李易安一流所可同語。女學士於課餘之暇。得是篇而諷誦之。讀其詩想見其人。殆未有不肅然生敬。油然而興起者也。舞文弄墨之中。具有易俗移風之用。是篇之輯。余豈徒然哉。

紀映淮字阿男。江甯人。詩人映鍾妹。嫁於杜氏。早寡。以苦節聞。詩傳不多。錄其秦淮柳枝詞一首云。棲鴉流水。點秋光。愛此蕭疎樹。幾行不與行人縮。離別賦成。謝女雪飛香。不作愁語。故佳。

錢鳳綸字雲儀。浙江錢塘人。父爲仇家所陷。瘐死於獄。兄欲報之。未遂而死。鳳綸乃以一身任之。孝女亦俠女。

枕亞浪墨卷三 冰壺寒韻

二

也有哭伯兄詩一首激昂慷慨聲振金石錄其句云在昔皇天傾覆巢無完理兄不卽殉身感奮良有以摩挲雙七首一夕再三起千金重一發恐復憂天只在苒歲月間隱痛入骨髓未堪讎人胸抱疾忽焉死尸床目不瞑不繼非人子尙有娥親在李壽汝莫喜

畢著字韜文江南歙縣人父守薊邱與流賊戰死屍爲賊擄衆議請兵復讎著謂請兵則曠日賊且知備卽於是夜率精騎入賊營賊正飲酒帳中聞警驚駭無措著手刃其渠餘衆奔潰以兵追之多自相踐踏死著刳得父屍還葬於金陵時年方二十歲也後來吳中爲崑山王聖聞室裙布釵荆遂甘雌伏無復往時義勇氣矣白首相莊以沒錄其紀事詩曰吾父矢報國戰死於薊邱父馬爲賊乘父屍爲賊收父讎不能報有愧秦女休乘賊不及防夜進千貔貅殺賊血漉漉手握讎人頭賊衆自相殺屍橫滿阮溝父體與櫬歸薄葬荒山陬相期智勇士慨焉賦同讎蟻賊一掃清國家固金甌歸隱後作邨居詩云席門閒傍水之涯夫壻安貧不作家明日斷炊何暇問且携鴉觜種梅花與前詩竟如出兩人手矣

吳琪字蕊仙江南長洲人管勛之室後寡居皈依空門木魚經卷以此自終錄送別詩云雪意滿芳洲倉山引去丹霜風醒客夢笳日起邊愁萬里從軍急孤身倚劍遊家園落日裏莫上最高樓春晴晚眺云積雨經旬鶴未過小樓閑眺費吟哦簾開燕子歸來晚門掩梨花落處多新水小橋通蕙畹亂山古寺入烟蘿雲開樹杪看浮棹畫出春帆送綠波

吳綃字素心江南長洲人常熟進士許瑤室有詠古詩云公子翩翩信絕倫擬將豪舉却狂秦不知賓客成何事枉向樓頭斬美人

侯懷風字若英江南嘉定人通政侯峒曾女也有感昔詩云黃河流水響潺潺當日腥風戰血殷大地盡拋金鎖甲長星亂落玉門關居延蔓草縈枯骨太液芙蓉失舊顏成敗百年流電疾蒼梧遺恨不堪攀感喟蒼涼非么絃細響也

吳氏遺其名字江南桐城人有詠史二律傳誦於時亦典亦麗巾幗中未易得也詠南齊云六貴同朝激虎彪（蕭衍謂張宏策曰六貴同朝亂將作矣）橫江勒馬下秦州銀鎗酒市春雙鑒玉屨蓮臺月半鉉趙鬼西京諳漢賦（東昏嬖倖之徒有趙鬼能讀西京賦曰柏梁既災建章是營乃大起芳樂等苑）阿兄東郭壓通侯（梅虫兒齊主呼爲阿兄）誰知講武旄頭入芳樂笳聲碧麝秋詠南梁云同泰一人歸佛地壽陽千騎渡江波（臨賀王正德引侯景以千兵渡江）盟成自取金甌缺（金甌無缺武帝自矜語也）蔬絕空陳雞子多五月誰勤君父難七官先反弟兄戈（太清三年五月武帝殂武陵王自稱帝曰七官文士豈能相濟湘東王釋行七故云）江淮廢後襄陽促秋艸台城放橐駝

范姝字洛仙如皋人諸生李延公妻也其聞蟋蟀有感五律一首未失唐音亟錄之秋聲聽不得况爾發哀吟游子他鄉淚空閨此夜心已憐妝閣靜還慮塞垣深蕭瑟西風緊行看霜雪侵

枕亞浪墨 卷三 冰壺寒韻

四

柴靜儀字季嫻。浙江錢塘人。沈漢嘉室。著有凝香室詩鈔。行世。送子遠行云。吾子廉吏孫。讀書昧生理。三十未成名。徒然還鄉里。外侮旋復來。內憂方未已。忽然遠行役。披衣中夜起。明星光在天河流。正瀾瀾行雲有返期。游子靡所止。攬涕下高堂。長途從此始。又其一云。野雀從南來。翩翩思擇木。感此主人賢。飛鳴集其屋。才地非獨優。處卑願亦足。矧有嘉樹林。朝昏託栖宿。鷹鷂過莫窺。爵羅無由觸。哀哉黃鳥詩。長謠念邦族。勗子云。君不見侯家夜夜朱筵開。殘杯冷炙誰憐才。長安三上不得意。蓬頭鰲面仍歸來。嗚呼。世情日千變。駕車食肉人爭羨。讀書彈琴能自娛。古來哲士能貧賤。長信宮云。玉臺妝罷無人見。傷心空自悲團扇。秋艸偏生長。信宮春風只在昭陽殿。殿裏君王酒半醺。嬌歌雅舞爭紛紛。三千錦帳飄香麝。十二長裙散彩雲。衆中別有人如玉。新新豔豔嬌紅燭。不許寒烏帶月啼。恐驚春燕銜花宿。惟憐長夜夢難成。忽度流鶯似有情。片片高高挂天漢。千秋應照妾心明。送顧啓姬北上云。一片桃花水盈盈。送客舟。春來萬楊柳。葉葉是離愁。願我窮途者。逢君意氣投。烟虹時染翰。風雨幾登樓。只合薰香坐。誰堪鼓枻遊。燕台一回首。雲白古杭州。

倪瑞澹江南宿遷人。徐起泰繼室。有詩稿數卷。臨終時。自以爲女子。不當以詩才見稱。命取火盆燎之。家人從熾中攘出。已燼其半矣。今焚餘殘稿。原本猶存。其家煤痕火迹宛在也。詩則以大家風格運史才。議論絕無一毫脂粉氣。稿本上名人題詠甚多。有某名士句云。琴書淮北女兒俠。旗鼓江南娘子軍。其傾倒也至矣。沈歸愚別裁集有云。發潛闡幽。誅奸斥佞。巾幗中易有其人耶。每一披讀。悚然起敬。可知鴻才鉅製。定爲有目者所共。

賞具此光燄。何能泯沒。非祝融所得肆其虐也。集中佳作甚多。最有價值者。爲過凌城廟謁古戴二公忠義塚五古一首。按古名達可。戴名國柱。同以忠勇見知於史。可法時。史方總督漕運。巡撫淮陽也。懷宗十四年。流寇袁時中寇睢。古時駐宿。邀戴往擊。戰於凌城廟。衆寡不敵。俱死焉。史公隨遣使致祭。命於所瘞地刻石立忠義塚。丁酉瑞璿同母氏往過。拜其墓。深惜其事之未傳於史。因爲詩以俟輜軒之採。詩曰。秋風鳴。高空亂。峯下斜照。老樹枝交天。蒼黃覆古廟。入門捫殘碑。太息拜遺貌。憶昔明運衰。羣盜起。聚嘯勦。撫兩失策。蠱蠱變虎豹。所過無堅城。蒼生任凌暴。二公眞人豪。忠貞出天造。金鐵冶成心。冰霜勵寒操。賊鋒一朝來。矢石躬親冒。官小誓捐軀。力薄那自料。慷慨互爭先。從容共談笑。燃炮擊賊人。天地爲震悼。賊用魘魅法。命裸婦人拜炮反震。蟻聚蜂屯。倒衆寡勢不當。頭斷臂猶掉。成仁併取義。日月爭光耀。碧血灑平蕪。賊馬不敢蹈。至今曠野中。白日常見燒。如何八十年。薦紳少憑弔。姓氏已稀傳。父老猶相告。蘭臺事纂修。幽微須闡耀。誰求秉筆人。搜求不遺輟。奧四弟欲易其名字。取文王世子語。爲更名曰克昕。字徵子。因詩以勗之。曰。人生重賢豪。不在名字美。難以易相方。亦將白自比。豈遂足追配。效顰空復爾。四弟性明慧。翩翩致可喜。世業下相城。生來故家子。先人早棄世。淪落來居此。家毀不謀歸。僑寓貧如洗。晝荻復和丸。提攜賴母氏。就傳勤誦讀。弱冠終軍鹵。挺然才氣雄。籍甚聲華起。爾字與爾名。呼之有年矣。忽然厭舊稱。十呼懶一唯。向我索更之。我特不敢諉。文取世子篇。義載大戴禮。宋郊變宋庠。飲香從此始。名字新改初。譬如居新徙。努力事修葺。葺棟梁。庶不圯。莫若江南橘。踰淮化爲枳。戲

枕亞浪墨 卷三 冰壺寒韻

六

贈山人李老云。李山人年已翁。可憐白髮顏。猶紅矮茅屋。是爾宮青藜。杖是爾童烟霞滿。懷邱壑。臥夜呼骨痛。朝呼餓戚施。舉步行逡巡。天意厚汝汝。莫嗔汝不見孫臏。成名無一足。符堅快意得半人。山人有足疾。故云。弔方正學先生墓云。金川門入北平軍。叔父周公逐嗣君。碧血一區埋十族。青山千古護忠墳。祠依忠烈緣同志。祠與景公祠相接。蘇蝕碑銘認舊文。樵牧那知青史事。經過也復弔斜曛。閱明史馬士英阮大鍼事云。王師問罪近江濱。宰相中書醉未聞。復社怨深謀汲汲。揚州表到血紛紛。金塘舊險崇朝棄。郿塢多藏一炬焚。賣國仍將身自賣。奸雄兩字惜稱君。

定琬字季玉。遼陽人。綏遠將軍毓榮女。高文良公其倬繼室。無書不讀。諳於政治。文良奏疏移檄等。每與商酌。蔡稿真閨中良友也。所著有蘊真軒小艸錄。其辰龍關云。一徑登危獨惘然。重關寂寂鎖寒烟。遺民老剩頭間雪。戰地秋閒郭外田。聞道萬人隨匹馬。曾經六月墮飛鳶。殘碑灑盡諸君淚。苔蝕塵封四十年。關鎖嶺云山從絕。域勢遙分天限西南自昔聞。烽靜戍樓狐上屋。風喧古木鶴驚羣。橫盤石磴危通馬。深鎖雄關冷護雲。叱馭昇平猶覺險。揮戈誰憶舊將軍。江西坡云。西嶺千重簇劍鉞。曾揮萬騎驀羊腸。鬼鐙明滅團青血。野塚荒涼嘯白楊。夢斷層霄空漠漠。事隨流水去茫茫。只今剩有殘兵卒。指點空城說戰場。九峯寺云。蘿壁松門一逕深。題名猶記舊鋪金。苔生鹿鼎無香火。經蝕僧廚有蠹蟬。赤手屠鯨千載事。白頭歸佛一生心。南征部曲今誰剩。有枯禪守故林。葵花云。落寞西風暗淡姿。倩誰譜入上林枝。只憐一點丹誠在不爲。斜陽影便移。忠義性生時。

時。流。露。能。佐。文。良。爲。國。家。柱。石。有。以。也。

高。景。芳。漢。軍。人。世。襲。一。等。侯。張。宗。仁。室。所。著。有。紅。雪。軒。稿。詩。詞。文。賦。共。六。卷。錄。其。芳。蘭。云。馥。馥。芳。蘭。生。根。與。衆。艸。別。託。身。青。山。阿。瀟。灑。耐。冰。雪。所。處。既。崇。高。賦。性。更。清。潔。此。意。人。不。知。幽。懷。恆。鬱。結。寒。號。虫。云。華。山。有。一。鳥。春。時。毛。羽。豐。得。意。鳴。且。躍。聲。聞。高。樹。中。鳳。凰。不。如。我。得。母。自。尊。崇。忽。然。歲。將。暮。日。慘。天。多。風。其。毛。反。脫。落。蜩。縮。難。飛。翀。失。志。音。亦。變。哀。哀。訴。其。窮。曰。得。過。且。過。局。躋。深。草。叢。吾。觀。富。家。兒。傲。慢。凌。王。公。裘。馬。何。赫。突。出。入。氣。豪。雄。黃。金。一。朝。盡。冠。服。皆。不。充。徒。步。訪。親。朋。閭。人。不。爲。通。世。事。甯。有。定。請。視。號。寒。虫。輸。租。行。云。驢。驢。口。袋。牛。挽。車。天。陰。防。雨。且。重。遮。農。人。惜。米。如。珍。寶。官。府。視。米。如。泥。沙。不。辭。淋。尖。與。加。耗。早。賜。收。取。容。歸。家。願。存。升。斗。買。粗。布。聊。與。妻。兒。補。破。袴。盡。情。傾。倒。實。堪。憐。羞。澀。反。遭。倉。吏。怒。驅。牛。出。城。口。吻。乾。無。錢。沽。酒。當。風。寒。辛。苦。回。來。夜。將。半。細。嚼。筐。中。艸。頭。飯。此。詩。與。前。詩。紈。袴。子。弟。及。爲。民。司。牧。者。宜。各。書。一。通。懸。諸。座。右。又。錄。其。杏。花。一。絕。云。二。月。韶。光。半。已。空。玉。梅。花。謝。杏。花。紅。天。涯。處。處。牛。芳。艸。人。在。江。南。細。雨。中。含。毫。邈。然。丰。韻。欲。絕。

錢。孟。鈿。毗。陵。人。尙。書。文。敏。公。女。字。冠。之。爲。觀。察。曼。亭。崔。公。室。所。著。有。浣。青。詩。草。錄。其。天。末。云。天。末。愁。搖。落。秋。聲。不。可。聞。晚。花。猶。灑。灑。涼。露。自。紛。紛。道。遠。遲。歸。雁。山。寒。入。暮。雲。病。中。驚。節。換。誰。與。慰。殷。勤。懷。父。以。憂。歸。里。云。卅。年。宦。况。寄。空。囊。去。國。何。堪。哭。斷。腸。病。裏。長。途。誰。問。視。天。涯。老。淚。更。風。霜。萊。衣。已。抱。趨。庭。恨。萱。艸。還。依。愛。日。長。慚。愧。左。家。最。嬌。女。秦。關。春。望。夢。高。堂。孺。慕。之。思。藹。然。言。外。張。子。房。祠。一。律。云。徂。擊。早。銷。秦。帝。胆。借。籌。竟。創。漢。家。基。空。

枕亞浪墨卷三 冰壺寒韻

八

疑。狀。貌。同。雌。伏。始。信。功。名。見。獵。遲。帷。幄。總。分。黃。石。略。雲。山。不。負。赤。松。期。高。蹤。迴。出。韓。彭。外。紫。柏。千。秋。護。舊。祠。
謝。秀。孫。字。秀。蘭。江。西。甯。都。州。人。魏。叔。子。名。禧。室。夫。亡。絕。粒。而。死。可。謂。奇。烈。矣。生。平。作。詩。不。多。僅。存。其。池。上。秋。海。
棠。五。古。一。首。云。芳。艸。依。碧。池。佳。花。點。秋。石。綠。葉。與。紫。莖。何。數。秋。蘭。色。主。人。策。杖。行。三。徑。偶。相。值。采。之。置。瓶。中。顏。
色。照。几。席。有。如。浣。紗。女。斜。立。石。潭。側。幽。芳。獨。自。憐。忽。遇。五。湖。客。招。吳。果。何。人。撚。花。長。嘆。息。寫。花。實。以。自。寫。也。
王。蕙。字。韞。蘭。江。南。太。倉。人。學。使。長。源。女。常。熟。諸。生。朱。方。來。室。詩。名。藉。藉。亦。巾。幘。中。騷。壇。健。將。也。冷。泉。亭。五。律。云。
泉。聲。檐。檻。外。林。壑。杳。然。深。人。世。熱。何。處。我。來。清。到。心。松。林。藏。日。色。潭。底。臥。峯。陰。一。白。樂。天。記。山。光。寒。至。今。移。居。
茜。里。舊。宅。云。新。塘。一。水。繞。街。東。舊。是。柴。桑。五。畝。宮。松。菊。尙。存。思。祖。德。蓬。蒿。不。剪。見。家。風。花。深。雞。犬。疎。籬。外。潮。落。
魚。蝦。小。市。中。却。愛。堂。前。雙。燕。子。還。尋。故。壘。入。簾。櫳。弔。鄰。女。云。曾。向。鄰。居。共。絳。紗。裁。雲。詠。絮。鬪。芳。華。香。沾。繡。帙。同。
分。綫。春。暖。妝。臺。互。送。花。漫。說。羅。敷。原。有。壻。可。憐。蔡。女。竟。無。家。於。今。辨。髮。垂。雙。耳。紫。塞。斜。陽。泣。暮。笳。隣。女。幼。歸。汝。
家。因。壻。無。籍。淪。於。塞。下。故。以。羅。敷。蔡。女。爲。言。

張。令。儀。字。柔。嘉。江。南。桐。城。人。姚。相。門。室。早。寡。著。有。蠹。窗。詩。集。其。家。有。五。畝。園。園。中。舊。蓄。二。鶴。忽。殞。其。一。孤。侶。哀。
鳴。都。忘。飲。啄。令。儀。作。詩。弔。之。曰。西。風。一。夜。返。芝。田。仙。蛻。遺。形。尙。宛。然。舊。過。蒼。苔。猶。有。迹。重。來。華。表。是。何。年。獨。臨。
池。畔。悲。孤。影。淚。入。秋。宮。泣。暮。烟。何。處。惹。人。情。最。切。嚴。霜。落。葉。五。更。天。弔。鶴。卽。以。自。弔。字。字。淒。惻。不。堪。卒。讀。
孫。淑。字。靜。如。江。南。常。熟。人。諸。生。許。灝。室。孝。廉。進。益。母。也。錄。其。五。日。弔。古。五。古。云。田。文。五。日。生。屈。原。五。日。亡。吉。凶。

同此日。理固難推詳。原與國休戚。一死分所當。漁父樵自鼓。詹尹龜宜藏。抱古投湘流。心與日月光。文從狡兔計。高枕樂未央。後合魏秦趙。伐齊何披猖。身死薛隨滅。高戶仍不祥。文生鷄狗雄。原死荃薜芳。世人何夢夢。非屈羨孟嘗。我心獨不然。臨風慨以慷。撫時懷往事。聊進蒼蒲觴。論古有識不意。閨閣中具此異才。

黃煒字功史。江南太倉人。陳緯度室。有鄉思一律云。不禁鄉思倚危樓。山色空濛海氣浮。風雨別來花半老。音書隔絕雁驚秋。林間野鶴呼幽夢。天際浮雲帶遠愁。好寄相思與婁水。門前日日有潮頭。

王瑤湘。廣東南海人。詩人王隼之女。爲李孝先室。家學淵源。詩宗盛唐。有擬送別一首云。孤舟暮歸去。別路江南樹。烟外有鐘聲。故人在何處。頗得言外之味。

朱柔則字道珠。錢塘人。詩人沈用濟室。錄其寄遠曲三律云。恨少垂楊柳。殷勤繫玉鞍。夕陽鴉背暖。春雪馬蹄寒。入世逢迎拙。依人去住難。癡兒啼向我。昨夜夢長安。獵獵風初動。沈沈雨未闌。因憐兒被薄。轉念客衣單。栖燕將雛苦。征鴻失侶寒。居家與行路。同是一艱難。聞說燕台路。生涯亦可憐。恥彈門下缺。誰乞廣文錢。久客非長策。歸畊有薄田。一棺痛慈母。急爲卜牛眠。淒涼宛轉語。語至情而不流。於怨是爲風人之遺。

張凌仙字學鳥。江南吳縣人。沈某室。以苦節聞。錄其歲暮感懷一絕云。燈前課子誦芸編。百事縈心逼歲闌。泉路十年音信斷。空山風雨一家寒。賢母苦心讀之。令人起敬。

顧英字谷憲。江南長洲人。印江知縣張之頊室。有初夏送夫北上五古一首。落落大方。不作兒女子語。其詞云。

枕亞浪墨 卷三 冰壺寒韻

一〇

杜鵑候春歸。和風吹芳芷。何堪對斯景。把酒送吾子。分手卽天涯。惜此須臾晷。別緒如繭絲。柔情如潭水。雖懷寄孤鴻。相思托雙鯉。征途勉加餐。努力拾青紫。上慰高堂親。下酬賢伯氏。君行旣雅醇。君才復俊美。但保金石心。豪門勿投趾。桃李易凋殘。松柏豈朝萎。行矣勿嗟悲。風雲從此始。聃夫進取却無希。榮兢寵之心。所以可貴。周淑媛。字又洲。江南泰州人。有元日哭父一絕句。至情至性。盡流露於寥寥二十字之中。洵絕唱也。句云。一夜思親淚。天明又復收。恐傷慈母意。暗向枕邊流。

沈樹榮。字素嘉。江南吳縣人。葉舒穎室。送別一絕云。落葉楓林兩岸秋。曾於南浦動離愁。祇今一片江南月。不照歸舟照去舟。頗有唐人風格。

葉楞。江南崑山人。許心宸室。有孤雁一律云。一聲淒切度流梁。不訴離羣也斷腸。寂歷寒沙眠鴈羽。空明霜月照分行。無心避患銜蘆荻。肯戀餘生逐稻粱。聞道邊庭尙征戍。孤鳴幸勿到遼陽。

賀桂。字秋安。晚年自號竹隱居士。江南蓮花廳人。賀士昌女。攸縣令龍有珠室。幼隨父官於滁。博覽羣書。喜臨摹法帖。兼善彈琴。後與有珠偕隱龍溪。作樓曰竹隱。吟詠其間。所著有竹隱樓詩草。錄其暮秋一律云。小園秋事已蕭疎。密蔓寒瓜架未除。草壓苔痕埋落葉。石移雲影劇游魚。窗虛翠竹聲無數。地靜黃花韻有餘。昨夜月明吟坐久。風香帶露似春初。又感懷五古一首云。人生天地間。譬如桃與李。百卉爭豔後。漸漸隨秋萎。何不學松柏節。勁難與比。讀此詩。可以知其志之所在矣。

陳珮字懷玉江南天長人江賓谷室有瘦菊五絕一首云瘦菊依堦砌檐深承露難莫言根蒂弱翻足耐秋寒語有寄託非僅詠菊也

方京字彩林番禺人進士殿元女廣文金珽室家貧守志荆布自安非綺羅叢裏人也錄其示長媳楊珊珊一首云十年爲婦蓼莪餘疏水家風樂自如宛似舉場勤苦士妝成惟對古人書

楊珊珊字珮聲浙江山陰人觀察金祖靜室長秉姑訓亦以賢孝聞於時有鄉思樓一絕云旅寓金閨五十秋親年多半老依劉嗟余未識鄉關路廿載空登鄉思樓

黎大宜江西南城人母夢人贈以瓊花一枝而生幼聰慧通書史許字劉劉久客不歸或勸其他適大宜矢以死遂止居嘗吟詩以寓意暇則持齋誦經疾革作絕命詞有云未必瓊花第一枝不禁風雨幾淒其吟畢趺坐而逝詩稿散佚存其病中夢醒作一律云貞心一點自操持不向人間巧畫眉赤脚已參禪八乘白衣猶是髻雙垂瓶中甘露憑誰乞天外楊枝待我披莫道此間無造化蓮花高座碧參差蓋大宜病中夢觀音大士召之去云

思柏滿洲人刑部侍郎永壽室有合存詩鈔生前頗有詩名亦滿族中之矯矯者也秋雨云試聽秋窗雨蕭條下井桐吹來愁陣陣不是落花風秋日憶親云忽忽新秋至羅衫覺晚涼雙親邊塞遠誰與送衣裳新荷云出水清如許臨風半吐時若從塵垢染那得見新姿七夕云渺渺天河風浪多一年一會尙蹉跎人間更有黃泉

枕亞浪墨 卷三 冰壺寒韻

一二

別鵲去橋空。可奈何。感時云。迎春纔罷。倏春殘。榴火楊烟暑。又寒精衛。填波何日。盡杜鵑啼血。幾時乾。家庭留我。燕雲冷。泉路尋君。蜀道難。四序憑他。多景色。愁風慘霧。可能看。愈哀怨。愈覺光明。深得風人之旨。

孫氏漢軍人。佚其名。陝西咸安守孫川女。石首營首備教允文室。三十而寡。撫孤守志。有感賦一律云。變幻烟雲眼底過。惟期生死誓山河。課兒尙有遺經在。織錦曾無半字何。病後琴書幽興少。夢中松菊故園多。登樓又見團圓月。經歲妝臺鏡不磨。

吳靜字定生。海虞人。嫁項肇基而寡。奉姑三年。姑亡。葬翁姑與夫。不食而死。年二十有六。奇女子也。有咏史二絕句。爲當時傳誦。詩曰。不學當年詆霍光。託孤寄命報先王。匡章孔馬多經術。青史於今若個芳。更有名儒莽大夫。紫陽書法勝南狐。當年奇字人爭問。曾識綱常兩字無。痛絕快絕義節凜然不。意女子能作是語。世之自命爲文人者。對之能毋愧死。

石學仙如皋進士爲嵩女。適沙又文。善書畫。工琴棋。有冰簾繡閣詩鈔。錄其過故居一首云。風迴玉笛夕陽斜。誰傍山陽譜落花。喜得春回梁上燕。不曾飛到別人家。

徐氏新城人。都御史耿庭柏之母也。有寄子詩云。家內平安報爾知。田園歲入有餘資。絲毫不用南中物。好做清官答聖時。賢母規訓可垂千古。

陳靜淵山西鳳臺人。侍讀濂村先生女。貢生衛封沛室。封沛爲觀察衛璠之子。少有才名。病痢早歿。靜淵坐臥。

一樓以禮自持。以詩自適。清節高風。富貴家閨中所難得者也。所著有悟因樓存艸錄。其讀書一律云。鬱鬱愁縈。萬縷絲遣排。惟有讀書宜。寒宵靜擁挑鐙候。永晝閒談啜茗時。架上縹緗分甲乙。卷中人物別妍媸。尋章摘句。非關好畫荻。還將課稚兒。

養易齋女史。系出宗室。滿洲正紅旗襲封男爵珠亮室。著有養易齋詩集。滿女之能詩者。此其選也。錄其感懷云。乾坤忠義士。致身誓報天。矯矯髮烈婦。用心何殊焉。性理自不迴。生死通經權。敢辭存者苦。但圖亡者全。擇隣與斷杼。上世稱哲賢。示諸子云。茹蓼餐荼二十年。斷機敢擬古人賢。黃泉他日無慚色。爾性賢愚固有天。感懷又一絕云。從死何如守節完。受恩容易報恩難。松梅久鑒三冬苦。那識東風料峭寒。諸詩純是血性語。皆寡後所作者也。

余性淳。字靜昭。漢軍人。有蘭馨集行世。陸某序其詩曰。鍾郝之型。崔盧之教。不僅簪花懸筆。以風雅爲能。可以想見其人矣。錄其冬日五古云。凍雲飛不起。黯淡黃河岸。忽然來霜風。剪破溪光練。迢遞到征途。亂刺行人面。此時圍爐者。重簾壓銀蒜。豈知天地心。流年此中換。

姚世鑑。字金心。浙江歸安人。適秀才王豫。有臥病詩云。臥病逾時歲。又新衡門兩版絕。囂塵垂簾怕放東風入。春到貧家不當春。

沈蕙玉。字晚亭。江南吳江縣人。貢生倪弁江室。著有聊一軒詩存。集中有自箴四言四首。可作閨訓讀。不得目。

爲陳腐而一筆抹之也。其一云天生蒸民有覺其性陰陽肇判含元達順琴瑟載詠蘋蘩攸司夙夜用敬猶慮或虧無曰深閨莫余云覲淑慝在躬指視暗室惟椒與蘭植於中田我思君子淑順塞淵此以慎獨自箴也其二云先民有言言不出閭牝雞之晨厥家用損節以應佩琴以和神詞苟或廢甯默而存勿尙爾舌寸心是弛旣悔而追不脛千里嗟嗟愚盲慎其德音鸚鵡多言只名文禽此以謹言自箴也其三云紉纊在笥煥乎有爛淒其以風滋我永歎維織與紵爲坊厥心舍業而嬉淫慝相尋野有絡緯振迅其翼爾安用偷微羽所疾雖有孔翠不如春蠶之子纂組不如布縑此以勤勞自箴也其四云翼妻如賓孟光舉案夫豈矯情媿情斯遠啼眉折腰邦國之妖彼昏罔知反以用驕幽嫺貞靜曰配君子載色載笑若佐之史敬而能和穆如清風修身準此維以令終此以和敬自箴也

周淑履山東萊陽人高蔭林室蔭林早歿家盡落母家亦貧無所依籍織紵以生教三子讀書成名遠近以女師尊之有述懷兩首一云軋軋機杼聲漠漠空天雪操作入中宵十指皆皴裂積絲匹難成不忍中道絕着此縞素裳怡然矢同穴二云孤兒髻鬢年欲令就外傳大者陶性情次亦理章句甯云致通顯不敢隕故步爾父有殘書慰母在寒素

廖雲松江西奉新人夫亡守志以終錄其涼夜一絕云月皎池光浮風淒虫語咽課兒坐危樓挑鐙劇愁絕嫠婦生涯盡此二十字中矣

彭貞字冰淑號筠山。又號橫江女史。江西崇義人。儒生蔡世浩室。早寡。有翠筠山房詩鈔。錄其送春云。同是送春人。不識春歸路。鶯聲睨睨啼。似欲留春住。時序一低徊。人世泣朝露。閉閣寂焚香。獨坐有深悟。寒食掃墓感賦云。坏土於今隔九泉。我來肅拜淚潸然。棠梨花發青山道。寒食風吹白紙錢。長劍已埋高士志。荒邱空鎖綠楊烟。茫茫四顧愁何極。落日啼鴉下碧天。

鄧氏無名。江西南城人。梅國棟室。夫死自縊以殉。有遺悶一律云。眼看時事欲銷魂。寂寞餘香憶舊恩。梧葉秋風寒翠袖。梨花夜雨掩柴門。石榴漫染裙間色。湘水惟留竹上痕。賦就哀詞悲楚客。坐看明月到黃昏。

江前烈女無名。并不知其姓。里居亦不詳。甲寅之亂。爲賊所掠。脅之登舟。欲污之。不從。於南昌江前投水者再。賊怒。生瘞之。沙中女罵不絕口。齧舌血噴賊面。復以血書絕命詞而死。後十餘年。龍湖人吳尹迪過其地。哀之。啓沙骨已朽。乃以衣裹沙納棺中。葬躍龍岡。識以碑。其絕命詞云。與其辱而生。不如潔身死。目斷江上雲。心比江中水。

兆佳氏滿洲人。著有西園詩。婉麗可誦。青年早寡。白首完貞。亦可憐人也。錄其冬夜云。萬物凋零盡淒涼。此時孤鴻啼冷夜。殘雪壓枯枝。室小鐙移近。窗寒月上遲。因知人獨坐。杯酒却相宜。拜亡夫墓云。天道無憑詎可論。青春凋謝嘆無存。半生未遂雲霄志。一縷堪依華表魂。冷露寒烟淒野甸。殘荆宿艸滿荒原。九泉豈有埋憂地。腸斷遺孤拜墓門。

韓氏號端靜閒人。漢軍人和順室。有帶綠堂詩集。端靜詩才雋妙。卓然名家。集中佳篇不少。如雁字詩七律三十首。真堪突過前人。緣才藻風華之作。茲編概不入選。故從割愛。祇錄其咏盆中松樹一絕云。偃蹇依然水石清。貞心獨結後彫盟。生來不受人攀折。雪共荒寒月共明。此詩自爲寫照。真可無愧端靜二字。

張學典字古政。山西太原人。有感亡姊舊居一絕云。繡網蛛絲鏡滿塵。閒花狼藉不知春。添愁怕見梁間燕。猶是呢喃覓主人。憐生痛死情見乎詞。

吳賢字道嫻。浙江嘉興人。適秀才鄭聯。工詩。錄其聞鴈一絕云。一字橫排箏柱來。聲聲似撥楚絃哀。願爲羽翼偕飛去。縱遇高峯誓不回。鄭年四十。猶抱伯道戚。娶妾陳氏。得舉一子。賢賦詩誌喜曰。窮薄還憑世澤存。朝來弧矢喜懸門。翻嗟姑舅先朝露。未得生前一弄孫。非特不妬彌見孝思纏綿爲人婦者其鑒諸。

錢綬惠江南吳縣人。太史中諸女。武平令許廷鑠室。詩才雄放。不類閨閣手筆。有度梨關一律云。迢遞踰梨嶺。肩輿勝鷲驂。雄關限閩越。幽境極東南。地暖常多雨。雲開忽作嵐。鄉關望不極。聊復上嵒龕。

希光滿洲人。員外郎伊嵩阿室。夫病割股以療。不驗。矢以死殉。因女弱無依。勉守志。茹荼十年。女嫁之。次日賦七言律二章。自縊。真節而烈者也。夫歿後所爲詩頗多。多見志之語。如自君之出矣。一絕云。自君之出矣。不復愛花枝花好。憑誰見花殘。只自知新年拜墓云。東風驚冷夢啼鳥。暗催人強起。傷新節。驅車感夕塵。夜臺應有淚。人世已無春。不盡傷心事。淒涼獨愴神。人世已無春。五字自期必死。抑何言之痛也。又烈婦詞二首。爲舒文

襄公兒婦棟鄂氏作云。殉夫慷慨女中賢。日下芳名衆口傳。我欲捐生猶未得。羨君今已着先鞭。夫君寄托意殷勤。忍死權留現在身。傳誥英魂休笑我。須知我亦後來人。真能視死如歸可爲千古罕。有又有贈孤燕詩并錄之。觸景傷懷淚暗揮。呢喃獨燕語春幃。殷勤自補孤棲處。那忍堂前逐對飛。

鍾令嘉字守箴。晚號甘茶老人。江西鉛山人。蔣堅室子。士銓登仕版。所著有柴車倦遊集。錄其臘日寄兒詩云。北地寒威重。憐伊客裏身。音書差慰我。貧賤莫驕人。失路皆由命。安時卽報親。師言當服習。莫負誨諄諄。可謂愛教俱全。

蔣婉貞字清暎。江西廣豐人。蔣謙女。能詩。歿後佚其稿。僅傳其題一片石傳奇一絕云。百計思量淚眼空。戰船催逼向江東。酒樓夢裏分明聽。斷碣猶存矮屋中。

莫兆椿號蘭芳。江西人。吳某室。著有蘭芳閣淑性編。彬彬然閨閣中君子人也。錄其渡錢塘江七古一首云。澄江一碧烟光素。浪湧晴空衝曉霧。海門倏忽午潮生。嚴灘千里驚濤怒。商船接跡何處來。滿目秋帆無恙布。宦游如水載輕舟。能平險阻舟如步。墨池凝露筆成花。望澤人難更僕數。移家泛宅此追隨。鼓枻憑君夕陽渡。

江西婺婦某氏。能詩。精青鳥術。夫亡無依。偕其弟至楚。爲人相墓。有奇驗。有寓楚清明祭夫一絕句。爲人傳誦。荒郊極目暮雲低。緩步行來失舊蹊。縱使紙灰能作蝶。應知飛不到江西。

王玉如滇南人。觀察孫春岩姬妾。善畫工書。夙嫺吟詠。余最愛其喜弟至自滇排律一首云。旣見翻疑誤。凝眸

枕亞浪墨 卷三 冰壺寒韻

一八

各審詳九年雲出岫。一夕雁成行。別後滄桑換。途中歲月長。舊容驚半改。鄉語歎全忘。對月秋垂淚。聽猿夜斷腸。逢人問消息。覓便寄衣裳。剪燭心方慰。回頭意轉傷。自余離故土。賴爾奉高堂。感逝餐應減。思兒鬢恐霜。弟能支菽水。妹可護溫涼。聞已調琴瑟。曾無弄瓦璋。當年送我處。今日遇君場。彼此皆如夢。依依兩渺茫。情至之言。不假雕飾。

溫慕貞浙江歸安人。朱振室。結褵三載。夫亡守節。養舅姑。撫孩抱。歷四十三年。如一日。以節孝旌門。錄其觀音巖云。石岩生就不須裝。七七花開繡像旁。好水好山成佛國。何無何有是慈航。爐烟縷結空飛電。獸炭灰成拗作霜。日誦楞嚴經一卷。自然火宅化清涼。新正臥病云。臥病兼旬。改歲新衡門。蛛網幾堆塵。垂簾怕見時光好。冰雪寒風不是春。

溫廉貞慕貞之妹。長興王靜甫室。夫亡守志。養姑奉母。遭遇與姊同。詩才亦相似。文丞相故里云。日落清江晚。平疇遠樹秋。蕭蕭孤棹外。寂寂古賢坵。忠義章山並。聲名貢水流。從容歌正氣。仁至復何愁。秋蟲二律云。門掩寒林落葉遲。閒聽唧唧不勝悲。高吟自譜無絃調。斷續如含飲恨思。孤館酒醒霜月夜。荒園人靜夕陽時。可憐無限傷心事。着意鳴秋秋不知。斜陽淡淡下山遲。無主寒聲到處悲。似向空庭嗟薄命。偶緣冷露動秋思。荳棚花落烟浮外。經草愁生風定時。人去夜臺常寂寂。苦吟惟有月明知。無名卉云。誰將異卉譜中刪。露下風前祇自閒。爲怕詩人多唱和。不留名字在人間。詩意高絕。

王珍。後改名貞。太倉人。年四歲而孤。十三許字馮策勳。二載馮卒。三日不食。欲歸馮母。不許。及母卒。伯父某欲另字珍。珍偵知之。遂賦絕命詞二律。扃戶投繯而死。詞云。沈淪苦海。與迷津。致使浮生。揮淚頻。自昔占鳳。曾繫我到頭。羅鵲枉勞人。空存化石思。無極暗抱崩城痛。乍伸一紙聘書。猶在篋。願從地下。敘彝倫。背義偷生。總爲親此身。暫且寄紅塵。痛懷哀怨。誰聽曲彈指。光陰枉送春。少日藁砧難復問。而今蘿鳥總休論。清風明月如相伴。一點靈台自有真。

查容端。山西曲沃人。著有鏡曉閣詩稿。錄其憶三河縣山色云。沿路青林秀。隨車野草殘。一天秋氣淡。半嶺月光寒。石響溪鳴佩。雲橫樹着冠。松楸生遠思。不獨在遊觀。

鄧玉梅。字克眞。山西夏縣人。楊雲霄室。所著有覺非集。錄其和伯父月夜獨坐韻云。寂寞書齋靜。更殘冷露生。空山無鶴唳。古寺有鐘聲。愁緒閒時勁。詩思月夜清。更憐來去雁。宛轉向誰鳴。感懷云。寂寞關山月。蕭條古寺鐘。助人無限恨。更聽五更風。重九云。條然萸酒又生香。轉盼光陰愁裏忙。此日風高誰落帽。龍山依舊有花黃。周暎清。歸安人。方伯葉佩蓀室。善畫能詩。有自題育鸞圖二首云。鸞生戢戢滿庭隅。但願蠅無風也無。大婦褰簾呼小婦。前村趁早聘狸奴。典衣買葉不論錢。要趁清明乍暖天。却似靈和殿前柳。春來三起又三眠。李含章。滇南人。巡撫李因培女適葉佩蓀。其題李白詩云。千仞翔孤鳳。高歌一代中。在天猶被謫。入世豈能容。胆落高驃騎。恩深郭令公。再回唐社稷。諸將莫言功。此詩已採入隨園詩話。又慰兩兒下第云。得失由來露電。

如老人爲爾重踟躕不辭羽鍛三年翮自有光分十乘車四海幾人雲得路諸生多半壑潛魚當年蓬矢桑弧志豈爲科名始讀書可謂名論不刊

毛秀惠字山輝江南太倉人諸生王懷室詩工七古錄其屏水謠云綠楊深沈塘水淺輾軸車聲滿疆隄倒挽河流上隴飛渴鳥銜尾迴環轉今夏旱久農心勞西風刮地黃塵高原田迸裂龜兆拆引水灌之如沃焦男婦足繭更流血鞭牛日夜牛蹄脫田中黃秧料難活村村盡呼力已竭題漁父圖云竹竿裊裊微風裏失魚不憂得不喜收綸放艇出蘆蓼白鷺橫空忽飛起江皋落日江水平清無復見魚行仙源有路渺何處雲水蒼茫無限情

許權字宜娛江西江州人適進士崔謨詩工五古錄其田婦行云椎髻饁田畝其夫耕且顧宇宙有至情聊以娛旦暮世有利名人棄之如陌路所以同倡隨甘心荆與布相繼荷耒歸村鐙照晚酺贈外云君子安厥命真人息其機舉世笑君貧君貧不自知天地兩大境溫飽與寒飢人不寒飢死定有溫飽時陰陽相倚伏此理天不虧痛飲劉伶酒狂吟李白詩終日無塵事春風任所之

游瑜字輝璞江西臨川人南城陶樂亭太守室寡居後吟詩自適教子成名著有集蓼山房詩草有偶吟一絕云守分安貧樂自然一經課子有遺編窗前月過籬邊菊共爾清吟夜不眠

吳若華浙江嘉興人藩司吳嗣爵女屈恬波室兼工制藝小題鏤刻近隆萬人錄其傳誦之古鏡詩云古鏡朦

隴滅舊清。一朝磨洗倍晶瑩。雲開夜月秋毫見。雨過菱花色相明。閱世興亡疑有眼。辨人好醜總無聲。玉台妝罷時時拂。莫使浮塵又暗生。

姜少青浙江歸安人。詩人姜虬綠女。適費鵬飛。詩承家學。清麗而有風人之致。所著有片月軒詩存。集中有傑溪八景詩。錄其遠渡歸人一首云。楊柳千條細。清溪一水長。沙棠爭晚渡。人影亂斜陽。又秋詞云。西風一夜動秋聲。千里關山月倍明。漫道寂寥砧杵夜。傲霜花已綴繁英。九日憶弟云。登高遙望雁頻來。黃葉聲中酒數杯。忽憶一行分聚散。閩南人去幾時回。

宋凌雲字逸仙。江南長洲人。李博室。有偶成一絕云。天外魚書絕。征人豈念家。可憐小兒女。夜夜看燈花。十字淒婉獨絕。

金順字德人。江南吳縣人。烏程汪曾裕室。夫亡以節孝聞。著有傳詩樓詩稿。德人生於素封。嫁於膏粱。而乃勤倦素習貞節。性成讀其詩。可以想見其生平也。新柳二首云。麤麤金縷弄新枝。畫出江南二月時。水路曉寒風似剪。板橋春嫩雨如絲。客心最怕長亭折。生意還憑短笛吹。却笑紅閨諸女伴。鏡中深淺鬪蛾眉。天然態度最娉婷。拂盡官河又驛亭。一樹臨風何太瘦。數枝着雨未全青。穿鶯無力低春水。棲燕含情蘸渚萍。根種久傳天上貴。肯教飛絮作飄零。題管夫人畫竹云。墨妙由來數仲姬。閨房靜對寫風枝。王孫若解凌霜節。合署鷗波老畫師。絕妙諷諭。王孫有知。負慚巾幗多矣。又萱花云。爲是忘憂物。栽培手自親。看花翻有淚。不見北堂人。秋夜

枕亞浪墨卷三 冰壺寒韻

二二

有懷姊氏云。空閨聞落葉。天地入秋深。况乃中宵雨。因之遠別心。漏長孤夢杳。江闊短書沈。忽聽南征雁。離羣感自今。菊花云。西風寂歷冷秋光。乍見東籬幾朵黃。好種移多從老圃。名花開晚過重陽。自甘辛苦存高節。天與清寒壓衆芳。好共幽蘭成伴侶。託根原合近柴桑。人日感作云。麻衣如雪鎮隨身。寂寞空閨不見春。涕淚餘生原是鬼。冰霜此日又逢人。最憐佩劍空懸壁。忍覩遺編已積塵。我欲歌天呼楚些。恐教堂上痛雙親。諸詩皆至性語。再有青蠶詞十首亦佳。因并錄之。鳴鳩各各樹頭呼。護種人家禁忌拘。忽聽鄰孃相笑語。把蠶今歲又三姑。陌頭桑葉茁芽條。穀雨晴來第幾朝。門巷無聲人跡斷。柳陰閒鎖碧溪橋。窗前黃紙貼蠶符。少婦携筐傍老姑。桃火炙殘紅日暖。綠槐檐底看攤烏。連朝愁雨又愁風。七里邨中出火同。新婦莫愁宜夜短。一年生計在蠶功。青裙兩兩踏芳隄。桑葉參差一色齊。日暮歌來人不見。綠陰閒倚采桑梯。風雨聲喧食葉時。垂簾生怕曉風吹。吳蠶眠去桑姑醒。夜半挑鐙見攬絲。清清苔雪水灤洄。婀娜柔柔到處栽。日暮滿江飛四集。淩波塘外販鮮來。繭滿山頭白雪盈。望中花竹路縱橫。老翁看火壁邊暉。林外灼山啼數聲。繰車聲裏晝晴和。市上新絲重合羅。恰喜今年蠶室利。同功推出本無多。山頭時聽一聲雷。幾處陂田麥作堆。來日抱絲進城去。要防皂蓋下鄉來。俚俗之情。出以風雅。兼之有關風化。不意生長綺羅叢中。乃能舉村野景色。描摹盡致。乃爾也。

王姮字樞影。杭州人。有詠懶貓詩云。山齋空篆小狸奴。性懶應慚守敝廬。深夜持齋聲寂寂。寒天媚竈睡蘧蘧。花陰滿地閒追蝶。溪水當門食有魚。賴是鼠嫌貧不至。不然誰護五車書。

康蕙蘭字晚滋。山西興縣人。嫁同邑孫某。年未三十而歿。所著有留夢閣詩鈔。錄其白芍藥一絕云。翠袖凭闌。一徑斜。冰姿雅稱玉無瑕。臨風映月宜清冷。不作人間富貴花。其詩若此。其人可知矣。

劉希班。山西長治人。幼聰敏。喜讀書。許字李子續。庚未笄而李亡。計音至。欲以身殉。母氏勸以守節。其悼痛之情。多形於詩。不忍母氏見。因盡焚之。一日謂兩兄希顏。希曾曰。我李家婦。所天旣天。斷不幸生。惟以死畢吾事耳。遂絕粒而卒。僅存臨終絕句一首云。大義千年重浮生。一粒輕留兒貞節。在兒死勝兒生。

袁機字素文。浙江仁和人。太史枚之妹。幼許字如皋高氏子。高以子有疾。願離婚。素文曰。女從一者也。疾吾侍之死。吾守之。卒適高高。死哭泣。血淚俱盡。越一年亦死。有詩一卷。手編烈女傳三卷。錄其有鳳云。有鳳荒山老。桐花不復春。死還憐弱女生。已作陳人鐙影。三更夢。曇花頃刻身。何如蜩與鸞。鳴噪得天真。聞雁云。秋深霜氣重。孤雁最先鳴。響入空閨靜。心憐永夜清。自從成隻影。同是感離情。誰許並高節。寒林有女貞。

葉令儀字淑君。浙江歸安人。錢慎室錄其送弟之河中官署云。不敢留行楫。高堂望爾回。全家蒲坂隔。一棹秣陵開。弟迂道過金陵。歸夢雲千里。離愁酒一杯。昨宵風雨夕。樓外鴈聲哀。歲暮寫懷示妹云。砧杵聲中一倚樓。長宵相對話綢繆。琴書動作經年別。井臼慚無卒歲謀。身已任勞難撒手。事多失計怕回頭。情癡翻羨憨兒女。笑向鐙前未解愁。

張敬庵。漢軍人。廣西慶遠守張肇祥女。有寄母詩一絕云。去家三百里。回首一千朝。無限白雲恨。秋風長短橋。

李扶雲字松岑。漢軍人。直隸河間府同知章瑞女。戶部主事象曾室。有菊影一絕云。亭亭瘦骨神難寫。子子清痕淡不收。月色照殘三徑夢。燈光畫出一屏秋。

吳氏無名。江西南城人。分宜楊某室。楊早卒。氏携子曰鯤。家南城。六經皆口授。曰鯤後成進士。官刑部。吳就養卒於京師。有悟雪草堂詩鈔。錄其懷弟詩二首云。冷過黃梅節。庭花幾度刪。艱難思弟妹。迢遞望鄉關。別味濃於酒。歸心繞若環。麻姑山下路。夜夜夢中還。握別經三載。音書兩地疎。祇緣多意緒。不是少鴻魚。願切凌雲志。心傷異土居。天涯有老父。安否近何如。送夫至盱江肄業云。不敢牽衣泣。恐傷白髮親。寒雲隨去馬。落日動征塵。極目烟波遠。關心歲月新。楚天回首處。獨作未歸人。秋夜二首云。繡罷閑無事。秋窗景寂然。天高霜月小。夜靜冷風旋。實理難窮際。虛名敢自專。挑鐙評漢志。俯仰愧前賢。展卷忘更永。雞聲動四隣。孤鐙寒共影。殘月冷窺人。別淚征塵外。鄉思夜夢頻。天涯音信杳。共說雁來賓。壽徐二姊四十云。兒媳殷勤笑舉觴。今朝愛日喜初長。承歡豈爲貧來減。菡萏花香進酒香。寂守空閨廿二年。清宵課子讀遺編。機聲夜和書聲永。漏盡燈殘雪後天。訓鯤兒云。三年飲恨淚難乾。任重於身豈忍安。夜讀幾曾星半落。朝眠每是日三竿。順帆不肯先登岸。逆棹徒勞急上灘。我愧古來賢聖母。也將心苦和熊丸。一片石題詞云。脈脈驚魂散未收。隨風還上舊妝樓。休言家破身無主也。占名城土一邱。五十初度。哭亡兒曰鯨云。今朝春色去忽忽。五十光陰一夢中人羨。利名花上錦我看。毀譽樹邊風知非。漸覺衰年近安命。渾忘造化功多病。祇應拋世事。憑欄終日泣飛鴻。此生因果靜中參。

子死夫亡。痛不堪緘口。對人情獨苦。冥心度日。意難甘。祝親漫說。籌添百爲子。須知孝有三。垂白行藏。眞可歎。千絲萬繭。似春蠶。

閔肅英字端叔。江西奉新人。兵馬指揮宋鳴珂室。有寄外詩云。木落水微波。秋風鴻雁過。深閨理刀尺。極目渺雲羅。夫子遠遊去。高堂清夢多。平安有消息。早晚到烟蘿。送夫之吉安云。吉陽江樹暮雲低。白髮蒼蒼望眼齊。遊子有方原不遠。君行只在大江西。言婉而諷。可謂孝而且賢。又有課兒五古一首云。賢愚信造物。爾苴屬人工。網以結乃漁。稻以耘乃豐。縹緲吾家事。稽古代所同。不見華堂上。九世膺殊封。汝祖今達人。汝父文之雄。流傳到爾曹。當思紹家風。清霜透簷隙。時令當嚴冬。蘭缸凝暮紫。檣柁煨深紅。穿彼九曲力。竟此三餘功。汝曹良不惡。頭角均隆隆。勿學苦叫喚。等彼村兒童。會心原不遠。淪泉由發蒙。我生幸不頑。寄情筆墨中。汝父客天涯。汝學殊未充。作詩當夏楚。庶用鞭汝躬。以慈母而兼嚴父。語語眞摯。如聞清夜鐘聲。

陳氏無名。海昌相國素庵公女。適歸安前坵吳氏。其女適松江張道孔。陳有憶女詩云。憶汝歸寧日。花稀麥浪清。一甌嘗顧渚。千里問蒹葭。石樹秋同倚。林芳晚共擎。今朝三泖路。凝望不勝情。母女至情。意在言外。

陳芬字湘烟。素庵公孫女。亦適前坵吳氏。有得佳硯詩云。斐几蕭然靜。鵝溪白繭明。筆畔殊發興。墨飲更多情。投渚蛟龍黑。當軒蝌蚪爭。寄聲蒼水使。一勺任縱橫。

吳氏無名。晚年自號受竹老人。歸安人。州司馬吳啓襄女。適江西潘汝誠。著作甚多。詩名藉甚。有萬卷樓詩鈔。

寒香閣小草鷗波雜詠等集。咏白蓮花云。妙色原無相。根胎不受塵。遡風香世界。隔水月前身。夜半衣裳冷。海天沉瀝親。一杯茶。酬汝同結淨。中因甲寅除夕寄外云。升沈久矣待蒼旻。餘習猶豪漉酒巾。未信文窮真有鬼。漫憐少壯不如人。隔年漏促。今宵夢罩雪梅。含別院春。惆悵中懷無限事。又看寒燠一番新。

吳年字古春。號雪庭。歸安人。刑部郎中吳聯珠女。烏程董啓珽室。著有雪庭遺稿。錄其詠梅花云。鍊就人間冰雪魂。不須獨立怨黃昏。疎櫺欲透香無界。淡月相猜夢有痕。臭味宜從塵外賞。飄零休向曲中論。江南好憶垂垂發。野水荒籬占小園。水仙花云。幾經於邑惜年芳。留取仙根日月長。色相已超塵土界。丰姿合在水雲鄉。叢祠配食人千古。幽島移情天一方。怪道梅魂常寂寞。却將消息候東皇。二詩均淡而有味。一片冰心。不食人間烟火者也。

紅樓夢餘詞

(陳惜誓評點)

一枝春 元春省親

洋溢天恩。辭金闕。傍晚宮車初出。香塵乍拂。隱隱笙歌清絕。珠圍翠繞。交映着萬花齊發。春浩蕩。美滿良宵。燈火樓臺迷沒。天倫盡歡今日。愛豔詞麗句。玉霏香屑。芳春無價。可奈漏聲催別。綺筵散後。纔一瞬繁華頓滅。

須記取深院無人空亭有月

清麗婉約似宋人手筆允稱壓卷之作

占芳春 李紉教子

鸞鏡破孤兒穉阿母苦相憐一卷遺編親授孤燈寒夜無眠
愛教兩俱全似當年孟母三遷望他騰達青雲
早好慰重泉

東風齊着力 黛玉葬花

客館愁孤芳園春闌一霎清明錦囊獨荷破曉冒寒行
好把亂紅掃盡埋香玉爲卜佳城東風裏三生癡夢一
種深情魂也幾時醒從此後綠陰深院無鶯一坏荒土草色可憐青腸斷詞成淚盡念身世儂亦飄萍天涯
遠蘭因絮果總付沉冥

換頭飄忽翩若驚鴻卿須憐我我憐卿 通首宛款一往情深

尋芳草 香菱鬪草

人影隔香圃似聞得雛鬟呼侶紅裙風亂拂恰正是晚春時花中聚
慧舌鬪靈心却姊妹夫妻閒賭怎甘輸
爭辨芳蘭譜也算是閨中武

武韻生而穩

清平樂 寶玉詠蟹

秋風思起。新試霜前味。助我對花閒一醉。好箇詠觴天氣。無腸空有雄名。難逃背縛蒲青。輸與怡紅公子。風流隊裏橫行。

蝴蝶一生花裏活癡公子。幾生修到枕亞有羨慕心。以是因果恐跌向大觀園裏受諸苦惱去也。

烏夜啼 寶釵拂蠅

夢中金玉無憑。睡初醒。恰被玉人低喚。似微響。情深注。蟲飛暑。舉香肱。只恐除他。這裏少青蠅。

大江東去 探春徵社

無邊清景。又葦白。蓼紅。涼秋天氣。正值稻香村釀熟。多謝一緘遙寄。分展雲箋。安排玉盞。拚箇閒吟。醉海棠。寒豔詩成。字字香。淚却喜姊妹多才。風庭月榭。占盡風流事。說甚詞壇。雄樹幟。合讓金釵十二。只恨人間。忽忽聚散。佳會淒涼。易名園人去。舊游回首難記。

妾命如花。不見春十二。金釵同此扼腕。骨肉停勻。思清筆老。所謂成如容易。却艱辛者。

女冠子 妙玉扶乩

松風微動。纖手金盤雙捧。紙初焚。聲急疑聞雨。香濃欲化雲。仙機原奧妙。人事自紛紜。青埂峯前路。再逢君。

雙調江城引 黛玉病春

清陰滿地日遲遲。燕方歸。繡簾垂。一病今年。誤了好春時。鸚鵡不知人緒惡。偏吟我葬花詞。獨眠人起試羅衣。力難支。髻斜欹。侍婢推窗。見蝶雙飛。悵望斷腸人。不至更倚竹立多時。

明月生南浦 黛玉吟秋

孤館正無人共語。尋覓愁人。却有閒風雨。夢斷江南黃葉樹。鴈聲近過瀟湘去。祇覺秋情無盡處。窗竹蕭蕭。遠似添淒楚。欲睡雨聲偏不許。挑燈起續傷心句。

夢斷二句。磊切黛玉思鄉。非徒以麗句泛作點染也。瀟湘二句。借用甚巧。

好女兒 妙玉贈梅

一榻蕭然。寂對枯禪。鎮日荒庵無客至。偏雪滿園中人來檻外。花放牆邊。喜折一枝相贈。真乞得有前緣。知脈脈芳情。遙寄此同品茗分杯。聽琴坐石。祝誕傳箋。

拱雲托月。妙造自然。

浪淘沙 湘雲詠絮

簾捲晚芳時。狼籍花飛。斷腸人寫斷腸詞。別有惜花心事苦。立盡斜暉。離恨滿天涯。舊夢今非。行雲流水又成疑。長似此時春亦好。只是將離。

如子野聞歌輒喚奈何。

醉花陰 黛玉聽曲

落花流水春如夢。輕把流年送。小憩坐花陰。只覺難禁。直恁春愁重。笛聲隔院誰吹弄。勾引芳心動。一樣可還魂。儂有癡情。哭向埋香塚。

嗚咽無限

一剪梅 香菱學詩

慧業三生是也非。花樣芳姿。水樣清思。深閨講論豁新知。求得仙師。解得唐詩。苦學吟哦意似癡。只管頭低。不管神疲。夢中得句醒還疑。半觸靈機。半入沉迷。

憶王孫 李紈憶珠

塵封菱鏡鳳釵飛。天上人間安可期。獨守空幃笑語稀。極相思。說與梁間孤燕知。

憶漢月 紫鵲試玉

十五鵲鬟輕狡。故把語言顛倒。從今往事。可全拋歸去。江南春好。此情終不解。忽驀地惹將煩惱。賺人有意。話輕挑。急得癡郎呆了。

獸鴈活現趣筆 詞略俳黃庭堅喜爲此體品故不貴

子夜歌 黛玉噀酒

檀郎笑索新花醞。佳人奪取金杯勸。道是酒兒寒。待奴爐上溫。阿妹偏生惱。只聽他人好。妬意不明言。佯羞罵侍鬟。

酒泉子 寶玉品茶

一甕芬芳。藏得梅花香雪。味輕清。親煮熱與君嘗。漫勞纖手斟香茗。分惠真徼倖。道無情。偏又肯耐思量。道無情六字也煞耐人思量。

鳳凰臺上憶吹簫 黛玉撫琴

竹影涼浮。藥緣新斷。起來慵整花鈿。正因人天氣。撩亂鳴蟬。慢把簾鉤放下。爐香寂靜。撫清絃。知音少。除非鏡裏。或是花前。纏綿聲聲苦也。驚起翠禽飛。此意誰憐。聽哀如嘹鴈。慘若啼鵲。彈出古今幽怨。應念着似水流年。悲聲止。不知淚濕還伴愁眠。

滿江紅 三姐飲劍

兩柄鴛鴦反絕了。鴛鴦配匹。歎人世良緣多誤。情根難割。千里行蹤何處。是五年心事。和誰說。那知他不是解情人。心如鐵。非一死情難雪。三尺劍飛如瞥。血濺處一寸柔腸猶熱。知己蛾眉能有幾。郎君苦向青鋒咽。更何心重說舊風流空門別。

謠詠蛾眉信可哀。歡苗恨葉兩難栽。西風吹碎鴛鴦夢。一朶青蓮劍底開。

秋蕊香 寶玉砸玉

昔在大荒山底。今在溫柔鄉裏。歷來多少悲愁喜。已是兩番擲地。多情却反爲情累。空拋淚。早知金玉人珍貴。不向人間多事。

眉峯碧 二姐吞金

命是如花薄。情更如花弱。東風若有護花心。恁地被西風虐。阿妹緣嫌惡。阿姊緣尤錯。碧海常沉怨女魂。白頭空負今生約。

柳梢青 小紅遺帕

歡愛根苗。憑誰種起。尺幅冰綃。雨意分明。一情牽引。只怕難撩。新愁偷上眉梢。銷魂處。蜂腰小橋窗外。無人枕邊有淚。病到今朝。

清脆如夏春冰。本色語入妙。

江南春 大姐拾囊

人蠢蠢。性謔謔。賦形原自獨生禍。盡從伊緣方深處。魔隨至。正是情天混沌時。

臨江仙 藕官焚紙

莫怪姻緣何草草。空花總是前因。情中幻想夢中身。須知真亦戲。豈必戲非真。誰道東風寒食裏。有人別樣傷春。斷腸不見舊年人。紙灰飛去也。還作蝶雙親。

別樣二字用在此處恰合

千秋歲 齡官畫蔷

閒愁難破。悄向牆陰坐。相思字。成千萬箇。旁人籬外訝。急雨花前過。癡無似。那知更有癡於我。信有三生果。未得芳心。可情自獨肯。移些意。中人不至。深院焚香臥。今方悟。爲誰長把歌喉鎖。

鵲橋仙 晴雯補裘

衾寒如許。魂搖欲絕。強把金針拈弄。可憐病到十分深。還只道。身輕情重。芳心已死。他時認取。一霎飛花短夢。卿卿遺恨。是聰明未補。得情天一縫。

工於言情語必刺骨

雪花飛 鶯兒結絡

瘦削香肩斜倚。縱橫玉指輕挑。不惜功夫拋却。要絡他牢。枉費心思巧。空教組織勞去去。大荒山下自在逍遙。

當局者迷此詞何異當頭捧喝

蝴蝶兒 寶釵撲蝶

蝴蝶兒玉爲衣。花間葉底覓雙棲。迎風故故低。好事從教妬芳春。占已遲。無端撲散夢魂飛。嗔他上別枝。

語語雙關妙絕

漁歌子 四美釣魚

繫餌敲鍼倩侍兒。碧波風皺下輕絲。雲髻側繡裙欹。恰被檀郎隔水窺。

一幅仕女圖便令周昉下筆無復是過

傳言玉女 黛玉題帕

三尺絞綃珍重情緣長。好碧窗人靜又黃昏。早到扶病起坐。草草題成新。臺淚珠墨點是誰多少。風雨無聊。助淒清響翠篠思量不定。把夢魂亂攪。地久天長宿債何時能了。此時只有燈兒知道。

淒愴不可多讀

搗練子 熙鳳送衣

悲作客。斬淒依。涼深秋到未易衣。一腋輕裘勞惠贈。新寒怕減舊腰圍。

憶秦娥 襲人試夢

夢昏昏者。番初沐主恩新。主恩新此時如水。後日如雲。愛郎年少解溫存。芙蓉帳底試芳春。試芳春不知狐。

媚竟是何人

義正詞嚴略嫌質直

西江月 寶玉悟情

分定果然分定情癡到底情癡他人自有淚珠兒却要自家賠淚
總難知一樣葬花心事 不見何由生惱無緣只得相離茫茫因果

又清空又轉折佳詞也 比例精確却未經人道

雪花飛 李執評詩

舉起稻香社主居然香限銅鑪哦罷嬌喉細細重費躊躇
繡閣知心好秋窗才調孤應讓瀟湘第一偏譽蘅
燕

羅敷媚 巧姐認字

女兒髮短初齊額桃李芳齡冰雪聰明少小嬌憨未解情
靈犀一點通前慧纔試新聲知慕賢貞評遍名媛
仔細聽

謁金門 黛玉放箏

春飄泊人在東風小閣欲罵侍兒貪耍樂忽聞天上曲
操縱入人掌握高下隨人起落絲軟紙輕風又惡直

如儂命薄

如聞香口

醉思凡 晴雯撕扇

情深恨綿魂銷意牽秋花自分孤妍幸東君愛憐無心有言歡餘夢閒誰知到底緣慳再難親笑顏

醉花間 湘雲眠石

豪情縱酒懷涌醉便和衣擁寒枕石頭眠香壓花枝重深叢亂鳥多翠袖微風送花間一醉歸先醒紅樓夢

望江東 惜春繪園

筆底烟霞盡奔赴是一幅神仙侶梅花數點雪飛處更着個亭亭女謫居大好蓬萊住難繫取春常駐醒餘殘夢入毫楮莫留向人間去

一絡索 黛玉談詩

偶結香閨詩侶討論今古分門別派有專長須識得風騷主溫李豔情如許詞人多取阿儂自覺賞心孤偏愛聽枯荷雨

就詞論詞無愧名句不止點染本事令人移情

水調歌頭 寶玉撰誄

無計留花住。何處證三生。芙蓉枝老。斷腸秋色泣空庭。未受春風吹拂。却被秋風搖落。此恨總難平。謠詠一朝起。薄命誤聰明。讀哀辭。斟慘酒。奠仙靈。人間天上。無邊情網。苦相縈。何事箋愁賦恨。只是憐生痛死。花下喚卿卿。生恐魂難醒。辜負主人情。

鶴冲天 探春製履

拈金線。試柔黃。嬌小力還微。樣新花巧。簇珠璣。繡罷倦支頤。携以贈。喜雙稱。引起踏青佳興。階前私語立多時。莫被阿翁知。

風蝶令 香菱易裙

閒要癡彌甚。紛爭樂未休。等閒沾溼錦裙愁。幸遇多情公子。爲卿謀。微褪纖腰。瘦輕彈玉指。柔背人偷換。半含羞。臨去一聲多謝。幾回頭。

善寫兒女情態足可抗手古人

春光好 寶釵論畫

憐小妹。性疏慵。畫偏工。細論疎密淡還濃。莫相同。更有鬢兒善謔。笑言滿座生風。收入圖中。供點染。母蝗蟲。

江亭怨 寶琴製謎

今古江山如夢兒女英雄餘痛遺跡亦空存只供閒人吟弄
鬪盡玲瓏心孔不信射他不中何事不成謎且
喜燈前相共

點絳脣 平兒理妝

護惜名花殷勤力向妝臺效一羣嬌鳥只對春風笑
道是多情真箇情深妙緣何巧得親玉貌替把菱花照

如夢令 晴雯遺襖

命若風中飛絮玉碎香銷何處未了此情緣血淚和衣相付無語無語魂已隨君歸去

琴調相思引 熙鳳悟籤

白壁黃金太入迷心機使盡現神機此時方悟祇惜已嫌遲
身外有身知道否夢中說夢更何爲三春忙過

蜂怨蝶愁時

通首老辣結更悠然

萬里春 妙玉感奕

子聲遲速驀地心懸鴻鵠却分明不是棋奩是相思一局
彈指深情覺多事向歡場馳逐到頭來收拾殘枰

正紅樓夢熟

筆端有舌枕亞慣筆

鷓鴣天 鴛鴦殉主

雙宿雙飛夢早醒。輕生畢竟勝偷生。君看紅袖多情怨，我羨青衣得盛名。立志定，戀恩誠。無情中自有深情。石頭記盡談情話，第一情人要算卿。

許當

浣溪沙 巧姐締姻

高枕黃梁夢醒餘。百年姻眷卜凰初。一枝冷豔殿殘書。往事聽翻新樂府，青山常護舊田廬。春風何處有啼鵠。

水龍吟 黛玉思鄉

斷腸孤鴈來時。懨懨更着傷秋病。蕭疎落葉，丁東走馬，含愁獨聽。人世紅顏，知應更少，如儂薄命。痛二親已逝，一身在此，沒處寄平安信。只對淒涼孤影，又黃昏殘燈將燼。孤眠滋味，淚兒不斷，夢兒無定。十里揚州，二分明月，依稀堪認。喜鄉音在耳，鸚哥何事，又催儂醒。

沉痛

風入松 寶玉懷侶

枕亞浪墨 卷三 紅樓夢餘詞

枕亞浪墨 卷三 紅樓夢餘詞

四〇

好花好鳥好園亭。好夢幾時醒。風流常傍春閨，暖徵詩社，閒詠閒評。盡是當年樂事，併成此際悲情。瀟湘館。少人行。夕照鎖閒庭。春風又上埋香塚。空過了幾箇清明。只有數竿竹子，對人還是青青。

側重瀟湘題旨 拈是題者下筆非空卽滯殊不易作此作如初場黃庭恰到好處

踏莎行 芳官斬情

黛月新描歌雲輕裊。祝花人醉東風。嬾花叢一笑早回頭。不須直待春光老。怨綠愁紅。悲多歡少。自家何事尋煩惱。半牀殘夢。畫樓空一聲清磬。情天曉。

清磬一聲朗然心瑩

蘇幕遮 五兒移愛

奈何天。相思地。懊恨西風。慘逼芙蓉萎。鳳去秦樓愁獨倚。黯黯黃昏。少箇人同睡。對花前。追夢裏。到底生生死死情無二。偏有可人神。竟似是也。非耶。燈下低雙髻。

憶江南 黛玉絕粒

情難識。夢好熟黃梁。治到相思誰有藥。續將殘命是何湯。此債總須償。

濕羅衣 玉釧嘗羹

強來窗外勸加餐。恨深銷去應難憶。到噙丹回首心酸。凝愁欲釋疑團。啜羹殘。柔情如水。芳心匪石。一笑顏。

歡。

後庭宴 黛玉焚稿

情散難收。緣深終挫。生生死死癡如我。縱教淚點可成河也。難撲滅心頭火。寒灰已冷。情魔雖去。病魔誰破。神仙慧業。塵劫無端。墮離恨有魂歸。瀟湘空月鎖。

青蓮火裏自光明

婦人嬌 寶玉逃禪

生死情空。人天恨重。月夜到荒園。一慟風流已矣。功名何用。只有那一片浮雲相送。多謝花枝空勞護。擁總任爾千般感。諷袈裟。一領烟霞長共。再不向煩惱場中尋夢。

是闕恰好總結全詞。空山無人。明月自皎。如在青埂峯頭。聽寶玉高唱入雲去也。大徹大悟。斯爲情場戰勝。券情關報曉鐘。

長夏無事。松風一榻。午夢初覺。苦無消遣法。戲將紅樓影事。分題拈詠。填成小詞六十闕。題曰夢餘詞。此大觀園之夢餘詞。亦枕亞消暑之夢餘詞也。自恨年才弱冠。潦倒青衫。人海茫茫。知音何在。茶餘酒罷。取石頭記偶一展開。頗起遐思。深恐異日身陷情坑。爲情所誤。是編之作。蓋欲持以爲情場戰勝之券。且欲留以作情關報曉之鐘。

戊申中秋前五日枕亞自識

惆悵詩

七律三十首用上下平全韻

（辛亥三月至九月作）

如烟如夢兩年中。流水無心西復東。錯弄機心成畫虎。猶撐淚眼望歸鴻。羅衣貯篋香全散。明鏡離臺影也空。一哭回頭還一笑。而今不復識春風。

依依猶憶去年冬。惜別低迴勸酒慵。心事燒殘三剪燭。夢魂驚定一聲鐘。籠深難出憐飢雉。蜜熟誰甜怨晚蜂。到底孽緣終挫折。情天有缺本難縫。

含情寂寂倚深幃。空見孤花開夜釭。蝴蝶有牛皆是幻。鴛鴦被打不成雙。愁絲鎮日抽千縷。憤火中宵戰一腔。悶醉醒來還悶睡。小桃飛盡不開窗。

潘郎早白鬢邊絲。殘局難收再却棋。斷夢那堪醒酒後。傷心又是落花時。苦聽暮雨蕭蕭曲。感絕春風好好詞。無可奈何成此案。聰明銷盡有餘癡。

早知險計伏危機。勞燕無端便散飛。蹤跡未能離故土。風波爭奈起慈闈。殷勤青鳥潛來去。多少烏鴉噪是非。

變幻無常何足異。浮雲如狗復如衣。

驚心慘別泣牽裾。別後空勞數寄書。有約人歸鴻去後。無聊病起燕飛初。妬他圓月撕綾屐。斷却香雲謝玉梳。
（二句均係實事）聊借薰修求解脫。風光三月閉門居。

羈囚如我信非夫。回首前塵跡已蕪。燕侶有情尋舊館。鷗波無恙夢西湖。（曾有同泛西湖之約）花前百感侵鷓鴣。雨後新愁入鷓鴣。誰是飄萍誰斷梗。眼前到處是窮途。

春江渺渺艸萋萋。復見桃花紅滿溪。未老吳鷺絲已盡。多愁花豸恨難啼。夕陽亭館飛閒蝶。殘月江邨感曙鷄。惆悵風情消歇盡。可堪重續舊時題。

坐臥當時日夕偕。並肩不語兩心諧。含歡勸酒擎花盞。賭勝吟詩檢韻牌。替向窗前磨曉鏡。慣從燈下拾遺釵。而今事事都成恨。一度臨風一愴懷。

神傷兩字誤憐才。煩惱場中何苦來。柳絮能飛難自主。蒼蒲幾見有花開。淚留枕上斑。皆血香在爐中熱。亦灰帶水已成銀。漢樣空餘魂魄傍妝臺。

命薄如花不見春。含冤直作負心人。深山欲去猶多累。苦海何從得此身。裔外孤花媚幽谷。人間萬事看車輪。軒窗空作蓬壺想。酒盡歌餘恨轉新。

春風吹散玉梨雲。火死香囊不再薰。身挂藕絲飛十丈。心煎梅子苦三分。幾行碎錦不成字。一斛明珠空贈君。

枕亞浪墨 卷三 惆悵詩

四四

海客乘槎消息斷蒼茫獨立倚斜曛

羞向青娥說報恩鬚眉七尺氣何存
轆轤不定腸懸線俯仰難容首戴盆
芳艸空尋前度夢破衫不辨十年痕
青苔白骨須臾事強笑忘愁倒酒樽

賸淚無多只暗彈個中心事訴人難
明珠肯解何緣佩粉蝶能癡爲姓韓
秋月爭如春月好新枝不作舊枝看
幽芬可愛徒招妬從此堦前不種蘭

未清宿債再生還命已妨才福更慳
一往不留情比水萬夫難撼恨如山
望窮落日樓臺遠病盡殘春筆硯閒
搜遍青箱焚舊稿免留笑柄在人間

回頭難再想從前月老紅絲本誤牽
只惱春風太無信可憐秋夢已如烟
卿多遺恨何多事我少真情亦少緣
還望加餐知自愛撥開情障見青天

此首以下九月所作斯時又受許多刺激心情又一變矣（附誌）

暗窗冷簾夜迢迢消息沉沉到此朝
涼月高樓誰弄笛落花深院憶吹簫
恨隨原艸經霜盡寒對燈花帶雨挑
歷盡風波存止水夢魂夜夜隔紅橋

歸燕忽忽棄舊巢一庭風雨掩衡茅
幾重迷障身初出十萬珍珠淚浪拋
多病詞人眞宿孽長貧豪客少新交
算來萬事都無味願學山僧日打包

愛河潮落月方高萬縷千絲快一刀
落魄十年終覺杜閒情一賦任訾陶
情天悟徹鐘初警心地明如繭始纔

花徑舊時閒立處而今應已長蓬蒿

莫對空樽喚奈何却看行蟻上南柯游絲儘有纏綿意恨字偏書懊惱歌南去北來雙鬢在天空地闊一身多
黃金虛牝成何用枉送青春付逝波

萬悔全因一念差青衫直誤聽琵琶桃花未惹崔郎感柳色先迷蘇小家斬斷萬愁如殺草閉將雙眼不看花
洗清障翳靈台淨穩住人間待歲華

空惹閒人說短長登場傀儡好收場人憐翠袖西風薄我愛黃花晚節香竟有雙生期再世任教百口罵三郎
綺羅此日情應懣閉戶焚香讀老莊

心與秋雲一樣平愁腸淘洗十分清鴈邊消息鷗邊夢錦樣才華紙樣情幾許傷心堅病骨無多豔福玷詩名
知伊望斷天涯暮猶倚欄干看月明

嬌娥無復醉時聽小閣聯吟筆久停到底我心終不白休勞汝眼再含青漸疎蹤跡如黃葉早悟生涯是白萍
緣已盡時艱一面燈花鵲語總無靈

索居情味冷如僧塵障而今透幾層春暮無心飛玉遂夜深有誓愧銀燈那知離合人無主莫道悲歡事可憑
舊日吟牋重展處淚珠空和墨花凝

生死牽連不肯休早知結局總無收亂生心病詩難藥強制情魔夢有鈎半世精神消恨血一窗風雨撼離愁

花前一醉。還能否寂。寂空床擁。敝裘。

燕京王氣已銷沈。憂國憂家。淚滿襟。兒女不關天下事。英雄共矢死。前心狂呼。負負頭如許。對此茫茫。恨轉深。尚憶勸言。心欲裂。蹉跎誰遣到如今。

此身已似再眠蠶。離合悲歡。味盡。諸木筆。尚開春第一。梨花不見。月初三。死能拋棄。生何苦。夢未分明。醒豈甘。才盡江郎。工賦恨。年來詩價。貶江南。

萬種窮愁。我獨兼。三生慧業。悟神籤。病添白髮。愁看鏡。瘦怯黃花。不捲簾。冤海千年。泣精衛。妙香一炷。誦楞嚴。聰明自誤。真非福。生太多情。亦自嫌。

春水斜陽。送去帆。此行便已隔仙凡。痕乾啼血。鵲終老。香盡殘花。蝶枉銜。禪象可容參。白骨淚痕。不復濕。青衫新詩。卅首。聊追憶。從此香奩。體盡芟。

珠沉玉碎詞

五年前余於虞邑西城某書攤上。拾得一殘本詞稿。作者不留名字。字妙簪花。詞成豚絮。大類閨人筆墨。歸而藏之。客窗多暇。搜篋得是稿。重讀一過。深惜其不傳。而卷中諸作。瑜不掩瑕。尚非完璧。不揣譾陋。稍

加潤飾。原稿七十餘首。存三十首。名之曰珠沈玉碎詞。以作者姓氏無考也。大雅宏達。或不以余爲多事歟。

如夢令

滿地落紅春靜。人在畫樓長凭。燕子乍歸來說道。清明將近。將近。又是一番花信。

浣溪沙

香冷閒庭境更幽。乍晴景色似新秋。海棠無力不勝愁。樹底鶯簧相對弄。闌邊金線柳全柔。和風淡日下簾鉤。

蝶戀花（春寒）

一片烟蕪花事歇。小步閒階。細雨侵纖屨。簾下吹笙樓外笛。深閨最怯春三月。已是新愁無可說。芍藥開時。更怕風摧折。亞字闌邊人獨立。片雲又作陰時節。

浪淘沙

風絮泊。簾痕春斷。江南松枝竹葉。錯苔紋。可惜綠肥紅瘦。盡流水重門。鶯燕尙前村。載酒誰聞。綺牕人倦。弔花魂。碧玉闌干。剛十二。領略黃昏。

蜨戀花（晚晴）

明月半牕人自語。消盡爐烟細數閒愁緒。花影初移簾影聚。珠簾十二深深處。霞替雲痕才過雨。六曲闌干曲曲留人住。鄰笛一聲催夢去。歸時猶識青苔路。

蜨戀花（喜晴）

午院沈沈人語悄。落絮飛烟和日朱闌繞。花自無言春自好。晴光綠到簾前草。燕語鶯啼供一笑。花不飄零人不隨。春老好勸看花人。莫惱年年圖幅宜春照。

浪淘沙（閨情）

莫倚曲闌干。晚露生寒柳。花輕薄得春歡手。折海棠烟尙濕。鏡裏頻看桃李盡。闌殘苔點斑斑。映簾小影是春山。摘取數峯輕翠色。不畫雲鬟。

浪淘沙（前題）

病起正晴天。淡日如烟。強移明鏡傍牕前。爲甚雙眉青不掃。柳也相憐。花趁夕陽妍。鎮是無言。曲闌小影自嫣然。因着春寒人意倦。又欲思眠。

蜨戀花（踏青詞）

出水春衫身穩稱。蘭麝香縈偷照鴛鴦鏡。怪煞鸚哥頻顧影。清妝可比年時勝。一握蓮紅金縷襯。輕步莎堤。誰惜雙雙印。小膽怯行芳草徑。前頭芳樹知堪凭。

浣溪紗（曉窗）

疎簾和日淺溶溶。穿破晴雲一萬重。海棠初整舊時容。王砌露含脂水膩。金屏風約粉香濃。新傳鬢樣要蓬鬆。

浣溪紗（春暮）

紅藥香開十二闌。銀箏無力向風彈。晝長搓得絮綿殘。樓外落花花外雨。斜陽一半暗雲山。幾多碧聚小眉彎。

浣溪紗（贈隣家女侍）

雙鬟雲潤髮披肩。粉頰凝紅媚自然。芳姿風度麗娟年。鸚鵡簾中歌水調。珊瑚硯側疊香箋。橫波流處不禁憐。

生查子（晴窗雜書）

碧碗屑金泥。墨紙封花茗。偷得繡工夫。學畫葡萄錦。陌上豔陽時。恰有櫻桃影。三月又初三。雨細春光嫩。

浣溪紗（春閨）

早是催花夢。雨天鶯嬌燕嬾。不禁憐杏衫。蟬鬢立風前。昨日踏青釵鳳墜。而今鬪草又輸錢。來朝無意上輕船。

鷓鴣天

遲日紅闌恰晚晴。梨花小院聽流鶯。香羅袖薄寒初重。雀舌茶濃夢欲成。無意緒。沒心情。乍陰乍暖近清明。垂楊也自憐芳草。漠漠新烟綠滿城。

浣溪沙

綠淺紅深三月妍。春光移到畫簾前。碧桃小院繡衣天。金谷黃鶯爭語巧。玉蘭闌燕抱香眠。日長費盡賣針錢。

如夢令（咏影）

非露非烟裊裊回首乍看去了。幾度畫屏前。紅燭一枝偷照。微笑微笑。又與梅花相靠。

採桑子（雨後）

不知秋到多時了。花影纖纖。月影纖纖。雨後微風捲翠簾。沿堦小草生黃蕊。蜨也慊慊。蜂也慊慊。衣爲新涼着意添。

點絳脣（詠草）

寒食清明踏青渺渺。春誰主。東風無緒吹散桃花雨。窄窄弓鞋。漠漠花陰度。池塘路。夢回烟樹恰是相思處。

卜算子（雨後）

風吹蛺蝶來。蝶去風還住。一卷芭蕉不解愁。展破黃昏雨。可是嫩涼生。點點螢光聚。深院斜陽靜閉門。寂寞無人語。

蜨戀花（玩月）

月照闌干花影曲。淺淡秋雲。明月光如玉。豈是有心相約束。月闌圍得寒宮足。花放幽蘭香馥郁。夜靜庭前。羅袖凭疎竹。只恐來朝風雨速。今宵把夢先驅逐。

西江月（早春）

一院輕烟淡淡。半簾細雨濛濛。平生最愛是東風。吹得百花醒夢。芳草淺凝黛綠。碧桃豔奪脂紅。曲闌干外小廊東。早有數聲鶯弄。

蜨戀花（春陰）

一樹碧桃逢夜雨。粉墜香零。愁得鶯無語。不是徘徊行不過。恐教踐踏花深處。青草池塘春暗度。莫惹春愁。招得難推去。明月柳梢雲半吐。嫩寒輕鎖春光住。

賣花聲（春晚）

莫捲小簾櫳。細雨濛濛。柳枝無力漾輕風。寂寞呢喃雙燕子。飛過闌東。幾度夢惺忪。倦倚薰籠。多情碧沼落花紅。九十春光何處去。流水聲中。

踏莎行(調燕)

芳草凝烟落花和雨。這般情思春歸處。如何今已遇黃梅。依然還似春將暮。燕子飛來向人細語。爲言曲徑迷香路。生來吾未帶愁根。不能共爾將愁數。

蜨戀花(夏閨)

昨日暑煩今日雨。涼透紗屏不減秋情緒。約伴小亭閑步去。水晶簾下留人住。如錦流光容易過。新燕翩跹飛向庭前樹。窗裏棋聲花外度。驚回午夢扶釵坐。

蜨戀花(梅花)

一點玉痕春泄早。香滿空庭明月欣相照。竹外何人聞語笑。天寒頻把瑤樽倒。雪遍山林無雀鳥。流水橋東也見花枝好。金屋茅簷同到老。春光總比人公道。

祝英臺近(春陰)

漠漠烟微微。雨小院花無據。軟草如綿遮却尋芳路。重霧濃雲做冷。曲闌深處紫燕一雙相對語。閒情緒。任他綠斷紅殘。細把芳時數。寒食清明都已慙慙去。囑與柳絲千縷。將春綰住。多情莫放團香絮。

青玉案(落花)

輕風裊裊垂楊綠。飛宛轉呢喃燕。可識春城春去半。落花堆在畫樓深處。一曲紅橋畔。嫩雨新泥香萬點。蜂

鬢。蠅。粉。苔。痕。滿。日。影。漸。長。春。漸。短。亂。烟。誰。管。游。絲。難。管。忍。把。芳。樽。勸。

長相思

立。花。前。倚。花。前。月。照。花。枝。花。更。妍。晴。光。淡。似。烟。抱。月。眠。對。花。眠。花。月。應。知。着。意。憐。多。情。卽。是。仙。

蕩魂詞

詞共三十闋用滿江紅體

春曉折花帶雙蝶餽鄰姬聞盒飛去

掠。鬢。初。成。侵。晨。起。拘。花。清。供。見。枝。上。雙。棲。鳳。子。猶。酣。香。夢。本。取。紅。芳。爲。贈。物。併。將。粉。蝶。同。拘。用。命。青。鬢。鈿。盒。互。輕。籠。鄰。閨。送。諸。姨。謝。多。承。寵。纖。手。啓。驚。飛。縱。因。一。番。游。戲。笑。聲。如。閨。戴。却。休。懷。崔。護。句。招。來。合。向。莊。周。夢。羨。佳。人。雅。詭。甚。新。奇。非。頑。弄。

砌花片作情字被東風吹散

春。色。飄。零。向。庭。院。一。番。遊。翫。臨。玉。砌。展。舒。羅。帕。拾。來。花。片。撫。景。偶。排。情。字。樣。惱。人。却。被。風。吹。散。怨。天。公。太。上。本。忘。情。低。聲。歎。欲。再。取。其。如。倦。將。捨。去。還。留。戀。但。含。羞。不。語。悶。懷。難。遣。徒。爲。花。姨。憐。薄。命。生。憎。少。女。偏。多。悍。興。

全消悄步返璇閨心撩亂

春朝姊妹代嫩蕊祈晴

花信頻催。值風雨連朝相繼。應可惜名葩嫩蕊。欲開還未。淑女成行。春起蚤雕欄結伴。愁同倚。願天晴姊妹競。封章祈青帝。齊合什排香兒。並勝常臨芳砌。共喃喃默禱。望他開霽。百卉已沾恩澤。普三春只待陽鳥惠。賴誠心真個格蒼穹。欣停霈。

將花瓣卜歸期

轉瞬春殘。嘆夫婿遠離金谷。虛負却韶華如許。翠蛾頻蹙。飛絮漫天。都是恨落紅滿地。真堪哭。况茶蘼開到已。闌珊將誰續。拾花瓣旋盈掬。卜歸信頻私祝。問成奇。成偶判期遲速。斐兒拂來。隨手擲殘英。數去從心。欲喜孜孜。稽首謝花神柔腰曲。

選芳名命侍婢

鍼繡慵拈。將心事靜中排遣。因小婢佳名。欲命雅馴。難選深鄙。盧家稱赤脚。爭誇薛老呼。紅線效前人。碧玉與青琴。皆陳諺。憐它貌偏嬌倩。昵他巧多靈變。故擬加褒寵。苦無成見。合與才郎商酌。妥弗教孟浪尋常。換費推敲。不是曰驚鴻。云輕燕。

拋紅豆打鶯兒

可怪。唬。鴛。聒。人。耳。鈎。鞦。不。歇。因。妾。夢。被。他。驚。醒。遶。窗。隔。絕。枕。畔。不。禁。添。別。恨。枝。頭。那。許。還。饒。舌。起。尋。思。打。起。弗。教。留。將。何。物。相。思。子。持。拳。捻。丹。砂。顆。從。禽。擲。訝。投。之。輒。中。急。爲。飛。越。寐。覺。因。伊。甯。不。怨。郎。歸。與。爾。原。無。涉。嘆。空。閨。惆。悵。有。誰。知。愁。難。遏。

臥桐陰石几納涼

却。暑。無。方。悄。行。至。刺。桐。陰。裏。因。愛。聽。蟬。鳴。清。韻。就。中。留。憩。石。几。拂。塵。肱。試。曲。羅。衣。覆。地。身。慵。起。正。微。微。花。外。送。薰。風。情。懷。喜。雲。鬢。彈。霑。香。膩。蟲。釵。墮。鬆。翹。翠。任。浮。瓜。沉。李。解。煩。無。計。爭。似。園。亭。私。晏。寢。勝。於。繡。閣。同。鴛。侶。少。遷。延。香。汗。頓。然。收。涼。如。許。

問侍兒月上花梢幾許

鳳。頸。鐙。青。無。聊。賴。坐。臨。翠。帳。疑。此。際。銀。蟾。當。湧。紗。窗。應。亮。因。向。侍。兒。低。問。訊。試。探。月。色。如。何。樣。啓。銀。鋪。報。在。海。棠。巔。高。枝。上。添。衣。出。凭。欄。望。浮。雲。散。光。華。暢。羨。良。宵。爾。許。忍。教。輕。放。延。佇。有。懷。嫌。寂。寞。含。愁。無。語。空。怊。悵。歎。姮。娥。獨。守。廣。寒。宮。同。奴。况。

纖手折紅蓮供佛

綠。樹。陰。濃。涼。亭。畔。香。風。徐。透。祇。見。卮。池。塘。匝。藕。花。初。茂。翠。蓋。擎。時。舒。皓。腕。紅。衣。折。取。勞。纖。手。唉。持。歸。珠。露。尙。溥。溥。沾。雙。袖。大。士。像。儂。親。繡。軍。持。具。儂。藏。就。汲。清。泉。淨。植。供。來。座。右。一。寸。丹。誠。應。不。泯。十。分。虔。奉。當。垂。祐。愿。

今。生。得。效。並。頭。蓮。逢。佳。偶。

蘸芙蓉水白寫春容

秀。箭。堆。鴉。控。珠。箔。弄。妝。秋。曉。臨。寶。鑑。爲。憐。嬌。媚。戲。將。圖。照。敢。効。崔。徽。眞。自。寫。未。容。延。壽。欺。人。貌。倩。中。書。香。水。蘸。
芙。蓉。描。摹。巧。薄。施。黛。纖。蛾。掃。輕。傅。粉。丰。姿。妙。儼。端。莊。靜。女。靚。妝。窈。窕。婢。覩。卷。中。云。酷。似。自。窺。鏡。裏。誠。然。肖。擬。
飛。瓊。底。事。降。塵。寰。離。蓬。島。

護燈花不使遽落

良。夜。迢。迢。卸。妝。罷。欲。眠。還。嬾。銀。缸。畔。支。頤。默。坐。徘徊。繾。綣。燈。上。乍。凝。金。粟。蕊。焰。傍。漸。作。蜻。蜓。眼。綵。雙。花。占。喜。更。
無。疑。歡。生。臉。避。風。入。窗。紗。掩。恐。敲。落。棋。枰。遠。更。凌。波。微。步。尙。教。輕。緩。春。筍。護。渠。慵。去。撥。秋。波。顧。爾。頻。回。轉。待。
宵。分。還。與。續。蘭。膏。心。誠。款。

曉起畫眉

粧。閣。晨。興。把。螺。黛。細。研。停。當。間。對。鏡。展。開。綳。帙。十。眉。圖。樣。新。月。一。鈎。宜。淡。掃。遠。山。兩。道。須。輕。放。染。霜。毫。着。意。細。
端。相。描。來。像。比。號。國。差。同。况。較。文。君。母。多。讓。洵。閨。中。聖。手。敢。誇。非。誑。絕。麗。卽。今。能。有。幾。多。情。自。古。原。無。兩。問。
兒。郎。若。個。解。風。流。惟。張。敞。

同女伴互道小名

茗○椀○爐○香○道○春○晝○相○邀○女○伴○無○拘○忌○覓○歡○調○笑○小○名○交○喚○已○戒○怯○羞○含○薄○慍○更○休○圖○賴○方○稱○善○雜○談○諧○絕○倒○鳳○樓○前○渾○忘○倦○阿○誰○俚○同○譏○訕○若○個○雅○齊○稱○贊○較○古○人○專○美○綠○珠○紅○綫○桃○葉○柳○枝○尊○弄○玉○朝○雲○秋○水○輪○飛○燕○互○評○論○紅○日○已○西○斜○方○教○散○

呼雙鬟瘞落花

雨○橫○風○狂○悵○狼○藉○亂○紅○堆○砌○因○惋○惜○綠○窗○人○起○代○爲○流○涕○總○使○芳○菲○能○得○幾○何○堪○戕○賊○教○零○替○令○雙○鬟○掃○向○小○亭○東○香○泥○瘞○護○花○旛○飄○飄○曳○護○花○鈴○錚○錚○遞○更○拾○其○枝○葉○殉○伊○封○隧○浪○蝶○暫○教○爲○守○墓○遊○蜂○可○使○供○施○祭○嘆○佳○人○一○種○有○情○癡○如○兒○戲○

月下倚郎肩密語

晚○向○閒○庭○望○天○末○冰○輪○湧○出○呼○予○美○暫○拋○書○史○共○看○月○色○萬○斛○清○光○明○似○畫○一○庭○花○影○紛○如○織○立○移○時○舉○袂○倚○郎○肩○嬌○無○力○目○前○景○相○憐○惜○心○坎○事○難○藏○匿○故○喁○喁○絮○語○訴○來○情○密○風○緊○不○禁○羅○袖○冷○露○濃○漸○向○花○梢○滴○夜○將○分○纔○得○入○蘭○房○同○安○息○

凭欄聽芭蕉雨聲

露○雨○連○絲○女○紅○歇○雕○欄○閒○凭○聲○簌○簌○芭○蕉○頻○灑○密○疎○相○應○竟○日○空○簷○垂○溜○急○崇○朝○靜○對○支○頤○聽○喜○房○櫳○瀟○瀟○斷○紅○塵○成○幽○境○綠○天○影○清○逾○淨○銀○竹○勢○斜○還○整○任○拈○題○琢○句○儘○饒○吟○興○寶○鴨○炙○香○留○宿○火○金○甌○貯○水○烹○佳○茗○遣○

三。餘。此。樂。有。誰。知。潛。消。領。

纖履點拍

鬪。草。無。心。爲。庭。院。落。花。深。惜。甯。忍。令。春。閨。寂。寂。好。懷。輕。擲。遣。興。侍。兒。能。度。曲。排。愁。女。伴。工。吹。簫。雜。箏。琵琶。相。約。奏。
新。聲。欣。諧。律。瑤。席。燦。如。雲。集。歌。喉。脆。如。珠。滴。自。蓮。鈎。粉。底。纖。纖。點。拍。好。代。紅。牙。纔。一。捻。漫。勞。擅。板。須。盈。尺。叶。
嬌。音。按。節。最。宜。輕。休。嫌。窄。

夢中呼郎

鄂。被。薰。香。就。鴛。枕。黑。甜。堪。戀。燈。未。燼。睡。情。濃。洽。芳。魂。擾。亂。佳。會。似。符。神。女。夢。狂。歡。浪。把。檀。奴。喚。喚。露。酥。胸。轉。側。幾。
呻。吟。如。鶯。囀。恍。惚。裏。嬌。癡。現。膏。臙。際。風。流。擅。奈。女。奴。驚。起。悄。爲。偷。看。少。婦。深。閨。綠。獨。寢。蕭。郎。遠。出。原。無。伴。待。
更。闌。醒。復。在。孤。幃。增。長。歎。

捉迷藏入花叢罨髮鬢

戲。捉。迷。藏。入。花。塢。潛。身。花。架。誰。防。着。棘。針。甚。夥。薔。薇。枝。罨。蟬。鬢。爲。梢。旋。散。亂。雲。鬟。被。抓。將。傾。卸。并。游。絲。罨。住。兩。
眉。間。停。難。且。忍。燥。性。輕。輕。撻。含。慍。色。低。低。罵。悔。一。番。狼。狽。爲。貪。頑。耍。匿。去。難。尋。初。自。喜。出。來。翻。把。同。行。打。哄。
馳。回。重。自。理。新。粧。添。佳。話。

投粉餌釣金魚

一○帶○垂○楊○綠○陰○覆○銀○塘○玉○沼○臨○水○翫○朱○魚○於○物○爭○翻○碧○藻○觀○止○頓○生○濠○濮○興○怡○情○欲○效○桐○江○釣○戲○相○投○香○餌○粉○
接○成○藏○機○巧○ 鈎○始○下○浮○蘋○罩○竿○忽○舉○金○鱗○耀○訝○潸○然○出○水○望○空○騰○跳○婢○子○驚○譁○隨○後○攬○養○孃○喝○采○從○旁○唉○唉○
閒○媛○也○解○學○漁○蠻○尋○歡○樂○ 樂郎到切
北音也

踏青陌上遺履跡

荏○苒○流○光○剎○那○頃○欣○逢○寒○食○偕○女○伴○尋○芳○拾○翠○踏○青○郊○陌○聯○步○逶○巡○苦○逕○輒○徐○行○不○寸○弓○鞋○窄○見○纖○纖○竿○柱○幾○
行○斜○齊○留○跡○ 修○與○短○由○人○摘○深○與○淺○憑○他○測○但○箇○中○最○小○是○奴○誰○識○踰○去○只○愁○珠○鳳○污○歸○來○却○怪○紅○幫○濕○互○
相○看○若○個○褪○些○跟○除○圓○履○

挽垂楊作同心結

惆○悵○春○歸○沒○情○緒○落○花○時○節○遊○苑○囿○那○禁○風○緊○絮○飛○如○雪○垂○柳○偶○攀○纖○手○執○柔○條○試○綰○同○心○結○怨○多○才○一○去○動○
經○年○傷○離○別○ 空○盼○望○常○淒○切○偷○下○淚○頻○嗚○咽○奈○滿○腔○心○事○向○誰○分○說○惹○恨○梁○間○傳○語○燕○撩○愁○枝○上○聽○啼○鴉○願○
伊○行○蚤○慰○倚○樓○人○愁○方○歇○

理素絲束纖腰

欲○沈○鉛○華○也○須○把○靚○粧○商○略○因○自○惜○細○腰○楚○楚○小○蠻○同○弱○覓○取○素○絲○牕○下○理○簇○成○縞○帶○胸○前○約○又○何○須○雙○結○挽○
丁○香○如○纓○絡○ 衣○淺○色○隨○宜○着○裙○雅○淡○纔○堪○縛○倘○東○阿○瞥○見○擬○神○居○洛○羞○繫○紅○巾○爭○俗○豔○恥○隨○絳○服○同○輕○薄○看○

垂垂相稱玉人圍丰姿各

易朱絃作新聲

獨坐桐陰拂苔石暫時休息呼侍婢携來綠綺欣然橫膝玉軫年深從未改朱絲日久須教易裏柔荑首尾漫安和拚勞力博山內香焚及嶽山上絃調畢任吟猱綽注撫皆如式古調不彈沙雁落新聲合奏松風入最堪憎一曲鳳求凰儂羞習

新浴起傅香粉

暑氣炎蒸也難到阿嬌金屋房櫳掩蘭湯悄試從容晝浴薄露豐肌光似雪輕揉媚體溫如玉起含羞先繫白生綃單裙幅傾薇露施膏沐撲麝粉重粧束覺婷婷姝麗自矜超俗消夏灣頭蓮合採訶摩池上詞堪續趁涼生小院足徘徊忘三伏

篝香薰繡衾

久別初回喜今夕與郎同宿須摒擋象牀豹枕繡衾六幅寶鼎預教焚鵲腦錦茵蚤令安蕭局見氤氳滿坐麝蘭薰誠芬馥將日暮燃銀燭纔宴罷歸金屋幸離愁少慰了無羞恁薄醉不愁巫夢杳香濃消領柔鄉足訴相思溫語且休提更籌促

侵晨代郎索夢煎

玉漏將闌。映窗隙。尙留殘月。眠翠被。檀奴初醒。蘭燈將滅。因取藥銚呼婢起。特溫葢飲。教郎啜惜多情。乃許恐房勞宜調攝。紅衲襖徐徐掣。流蘇帳輕輕揭。出玉纖。皓腕至誠親。掇冷煖。先嘗樊素口。慙慙方解。相如渴更喃喃絮語。囑渠儂。今須節。

聽新聲墮淚

晝永無聊。喜能事雪兒。相對命度。曲乍調。鶯舌不勝嬌脆。子夜歌殘。幽恨滿竹枝。唱徹閒愁。綰助淒涼。不忍更多聽心先醉。非不愛新聲媚。豈不曉知音貴。爲斷腸情。語令人垂淚。樂極興悲。原有意。感時觸緒。甯無謂。記年時。因聽雨。淋鈴添顚顚。

病起倩郎扶

四體嬌慵。疾初愈。不勝柔怯。甫離楊。欲移蓮步。倩郎扶挈。瘦減腰肢。猶靜婉。不施蛾綠。偏精潔。倚粧臺。對鏡較前模。還相埒。花鈿翠。無心貼。蓮枝帶笑。庸結臙脂。南黛未容塗抹。西子捧心。容更媚。玉環病齒。姿甯劣。爲憐卿。宜上避風臺。簾休揭。

搗花加冰麝染指甲

好女兒。花繞堦。側。紛披若繡兼。一種亳州金鳳。愈加娟秀。對此佳人心。共喜摘須巧。節期休後。搗如泥。冰麝再調和。馨香透。縛纖指。昏黃候。染嫩甲。猩紅逗。祇一宵浸潤。色教成就。掠鬢珊瑚。收鐵網。掃眉瑪瑙。穿雲岫。淺

深○間○姊○妹○逞○多○姿○牕○前○闌○

閨情限字詩

葉楚傖君以五十字徵詩戲成十絕 有引

畫樓春日銀屏畫掩金波護簾碧窗夢枕未覺鶯催花影扶欄亭亭裊裊睡柳困風他心似懶開權來燕晴綺如絲癡思入雲情深語淺（共五十二字去兩疊字恰合原限五十字）

催○來○鶯○語○似○情○癡○困○入○春○心○懶○綺○思○風○未○開○簾○花○睡○覺○碧○權○深○護○夢○如○絲○
畫○欄○花○影○如○雲○護○絲○柳○扶○風○裊○碧○情○畫○睡○覺○來○晴○燕○語○綺○窗○春○淺○未○催○鶯○
綺○思○入○夢○情○絲○裊○日○掩○銀○屏○睡○未○深○燕○困○鶯○癡○覺○春○懶○晴○雲○如○畫○護○花○心○
簾○影○如○波○燕○未○來○晴○窗○畫○睡○覺○鶯○催○碧○雲○掩○日○春○深○淺○柳○困○情○絲○花○懶○開○
催○花○心○懶○困○春○鶯○屏○掩○簾○開○燕○語○晴○綺○思○如○雲○癡○入○夢○碧○波○深○淺○似○他○情○
欄○扶○花○影○鶯○催○日○柳○裊○春○晴○燕○語○風○睡○覺○綺○窗○深○未○掩○癡○雲○如○夢○護○簾○權○
簾○開○風○燕○語○癡○情○花○影○如○屏○護○睡○鶯○樓○枕○碧○波○窗○掩○柳○雲○深○日○淺○畫○春○晴○


開窗風入雲來未晴日簾櫳困懶心燕語如絲花似夢鶯催柳睡覺春深
護樓柳碧風絲裊燕語鶯情思淺深日影入簾花睡未似癡如懶困春心
晴畫柳絲情思淺金屏深掩綺窗開護花心懶鶯催睡夢覺風簾燕未來

又回文二絕

絲風裊日綺窗晴柳困春來覺睡鶯癡夢入雲屏掩畫碧簾護燕語深情
情深語燕護簾碧畫掩屏雲入夢癡鶯睡覺來春困柳晴窗綺日裊風絲
鶯催睡柳風絲裊影護雲窗綺夢深晴日掩波簾燕語情思淺懶困花心
心花困懶淺思情語燕簾波掩日晴深夢綺窗雲護影裊絲風柳睡催鶯



枕亞浪墨卷三(終)



譚薈卷四

曹騰室叢拾

剖腹疑案

紅羊佚聞上卷中。余所著剖腹記一篇。確有其事。惟忘其姓氏地址。近閱表舅姚琴孫寄庵隨筆中。有疑案一則。卽指此事。爰錄之以證余之剖腹記。虞邑西鄉武生錢仁甫。妻丁氏。年近花甲。家計尙裕。壬辰三月間。仁甫往浙有進香之舉。是夜三鼓後。有人越墻入錢室。將丁氏連砍數刀。刳腸剝腹而死。女傭在旁曰。我認識爾者。亦被殺。外孫女姚姓。在被中探首一望。被削去半面。次日地甲報官請驗。縣尊朱秉成大令。以名進士現宰官身。向以斷獄如神。蜚聲江左。檢驗畢。詳詢錢之家人鄰居。杳無迹兆。若以姦論。則年近花甲。以盜論。則並未失物。以仇論。何不殺其夫。仁甫歸里後。狀催緝兇。忽憶猶子增元。亦邑武生。向與不睦。拘而訊之。桎械之下。堅不吐供。朱令無法。詣邑廟拈香。聲言與城隍同審。恫嚇多端。增元神色不變。後其妻子訴諸大憲。派委能員再鞫。依然無供。惟有冤枉兩字而已。次年斃於獄中。此案遂以不結。朱令任滿後。在省身故。吾邑人士。思其遺績。塑像供奉。更甚於遺靴留帶。但此事未明。受百姓香火。殆亦不能無愧也。

同族參商

吾徐氏一族本爲明徐大司空枻之後。聚族居虞。支派繁衍。今稍衰矣。在前清時。族中有兩奇人。一奢一儉。並稱於時。奢者名欽寰。家擅厚資。嘗於新年中市金葉數斛。登方塔之頂散之。（方塔在東城）隨風飄揚。滿城皆作黃金色。好事者詠其事。有春城無處不飛金之句。又嘗於洞庭山買楊梅數百筐。於雨後傾其梅於桃源澗。（桃源澗在北郭外爲虞山十八景之二）遣人踐澗之澗水下瀉。其色殷紅如鮮血。遊人爭取掬飲。欽寰顧之以爲笑。樂以儉稱者名啓新。賞亦不薄。與欽寰同時。其性之嗇。與欽寰適成一反比例。終年不茹葷酒。所食止菽乳蔬菜而已。其書室與竈祇隔一垣。嘗以繩繫脂懸於當竈。繩則通於書室。啓新操縱之。每菽乳下釜。則執爨者呼曰腐下釜矣。乃以繩放下。脂纔着釜。偶聞油爆聲。卽又收繩起矣。最妙者其所畜雨具。恐爲人借用。致敝。特備草履三隻。一留城。一留鄉。一隨身帶之。往來兩間。取攜至便。而他人莫能相假矣。又嘗應試至金陵。旅居月餘。所記日用簿。每日止腐一文。菜一文。未嘗有他需。同學某見之笑曰。君又費筆墨矣。何不總記曰。自某日至某日。每日買腐菜各一文乎。啓新方以爲然。初不省其謔已也。其可笑多類此。二人事幼時聞先人言之。過猶不及。均非中庸之道。而參商之乖。出於同族。事猶足異也。

唐六如軼事

唐寅字子畏。一字伯虎。亦號六如。蓋取佛氏之說也。或謂六如者。一如深溪虎。一如大海龍。一如高柳蟬。一如

巫峽猿。一如華邱鶴。一如瀟湘雁。其說更灑脫。有風趣。子畏既廢棄賦詩。曰。五陵鞍馬少。時年三策經綸聖主前。零落而今轉蕭索。月明胥口一簑烟。又壽王少傅詩云。綠簑烟雨江南客。白髮文章閣下臣。同在太平天子世。一雙空手掌絲綸。其所用石章文曰。龍虎榜中名第一。烟花隊裏醉千場。著有風流遁一書。所載皆青樓中語。今失傳矣。桐下聽然云。華學士鴻山名察。臚舟吳門。見隣舟一人。設酒一壺。斟以巨觥。科頭向之。極罵。既而奮袂舉觥。作欲吸之狀。攢眉置之。狂叫拍案。因中酒欲飲不能。故也。鴻山注目良久曰。此定名士。詢之。乃唐解元。喜甚。肅衣冠過謁。子畏科頭相對。談謔方洽。學士浮白勸之。不覺盡一觴。大笑極歡。日暮復大醉矣。當談笑時。華家小姬。隔簾窺之而笑。子畏作嬌女篇貽鴻山。鴻山作中酒歌答之。後人遂有三笑之謔。又唐子畏與祝芝山裝乞兒狀。醉坐生公石。見可中亭有貴人分韻賦詩。倚柱聽之。數刻未落一韻。格格苦思。句成。二人相視而笑。貴人怒曰。乞何爲者。豈能詩耶。曰。能解元口吟。京兆操觚。須臾數百言。有七里山塘迎曉騎。幾番春雨濕征紗之句。擲筆索酒酣飲而去。貴人驚異。以爲遇仙。對人豔稱之。後知之。慚恚。卒有棘闥之譖云。又唐伯虎嘗召乩仙。令對雪消獅子瘦。乩卽書云。月滿兔兒肥。又曰。七里山塘行到半塘三里半。書云。五溪蠻洞經過中。洞二溪中均絕對也。吳中某令命役於虎邱採茶。役多求不遂。譖僧。令笞僧三十。復枷之。僧求援於唐。不應。一日偶過枷處。戲題一絕於枷曰。官差皂隸去收茶。只要紋銀不肯賒。縣裏挺來三十板。方盤托出大西瓜。令見而詢之。知唐解元筆。笑而釋之。又子畏嘗遊僧舍。見雌雞請烹爲供。僧曰。公能作偈。當不靳也。唐援筆書云。頭上。

無冠不報。四時之曉。脚跟欠距。難全五德之名。不解雄飛。但知雌伏。汝生卯卯。復生子種種。無窮人食。畜畜又食。人冤冤何已。若要解除業障。必先割去本根。大衆先取波羅香水。推去頭面皮毛。次用菩薩慧刀。割去心腸。污穢。咄。香水源源。化爲霧。鏝湯滾滾。成甘露。飲此甘露。乘此霧。直入佛牙深處。去化生彼國。極樂土僧笑曰。雞得死所。無恨矣。乃烹以侑酒。又唐子畏祝希哲浪遊維揚。極聲伎之樂。資用乏絕。兩公戲謂鹽使者。課稅甚饒。乃僞作玄妙觀。募緣道士。詣臺造請。鹽使者大怒叱之。二人曰。明公將以貧道爲遊食者耶。貧道所交皆天下賢豪長者。如吾郡唐伯虎。祝枝山。文衡山。輩咸折節爲友。明公不棄。請奏末技。惟公所命。御史霽威。遂命賦牛眠石詩。二人立就一律。唐上句祝下句云。嵯峨怪石倚雲間。拋擲於今定幾年。苔蘚作毛因雨長。藤蘿穿鼻任風牽。從來不食谿邊草。自古難耕隴上田。怪煞牧童鞭不起。笛聲斜倚夕陽烟。御史笑曰。詩則佳矣。意欲何爲。二人曰。明公輕財好善。天下聞名。今蘇州元妙觀圯甚。倘能捐俸葺之名。且不朽。御史卽檄長吳兩邑。資金五百爲葺觀費。二人得檄遂歸。投檄二邑。修刺往謁。詐爲道士。關說得金。二令如數付之。乃悉召諸妓女及所與遊者。暢飲月餘。而金悉盡。異日鹽使者蒞吳。肅儀謁觀。見廟貌傾圯如故。責住持。住持茫無所對。召長吳二邑責之。令答曰。奉明公檄。適唐解元祝京兆自維揚來。極道明公爲此勝舉。卑職卽與金如數久矣。鹽使者悵然。心知二人惜其才名不問也。一日唐謂祝曰。詩之二言。始於黃帝彈歌斷竹。三言始於振鷺之詩。四言始於康衢擊壤。五言始於蘇李泣別之什。六言始於滄浪孺子之歌。七言始於漢武帝柏梁台之句。至李長吉。酒不到

劉伶墳上士八言也。杜少陵男兒生不成名身已老九言也。李太白黃帝鑄鼎於荆山鍊丹砂云。丹砂成騎龍飛上太清宮。十言也。蘇子瞻山中故人應有招我歸來篇。十一言也。祝云。四十九言。始自何人。唐云。詩有四十九言耶。祝曰。有新燕篇末句云。好像蘇州城隍廟東大關帝廟內西廊下立着個提八十三斤鉄柄大關刀黑面孔阿鬚子周將軍鉄草鞋裏伸出五個脚指頭。又唐嘗代人寫對曰。生意如春意。財源似水源。其人亦愜意。謂必顯而易解者。唐再書云。門前生意好似夏月蚊虫隊。進隊出櫃裏銅錢。要像冬天虱子越捉越多。其人大喜而去。又子畏嘗與祝希哲文徵明同題漁父圖。唐詩云。朱門公子饌鮮鱗。爭詫金盤一尺銀。誰信深溪烟水裏。滿身風雨是漁人。祝詩云。荻花風緊水生鱗。山色浮空淡抹銀。總道江南好風景。從前都屬打魚人。文詩云。小舟生長五湖濱。雨笠風簑不去身。三尺銀鰻數斤鯉。長年辛苦只供人。又子畏記梅花道人漁父圖曰。余自正德庚午暮春之初。移居金閶之吳趨坊。相傳卽顧辟疆之舊居也。房易數主。前後俱經改造。獨南廳一處。歷來未更。前種老梅一樹。高已過屋。覆蔭如蓋。每遇花開。香聞數里。坐臥其下。栩栩然如蝴蝶之飛入衆香國。一日房之東頂板。颼颼有聲。童子竊視之。似有一匣。塵堆數寸。兩鼠爲之爭嚼。急令取下。啓而視之。乃梅花和尚手製漁父圖也。眞令人喜之欲狂。由是塵事刻忘。臨摹不啻數十卷。遂覺畫學少進。若徵仲輩不與一見也。密諸笥中。寶爲秘本。但思此卷藏自何人何代。若此塵封高厚。自是百年前所遺。倘此房一經修改。則斯卷不知落於誰氏手矣。可見一物之得失。蓋有數也。何況功名富貴。眞如蝶夢焦鹿。可認真耶。暇日偶出卷展玩。爲述其

由。倘我後人守而勿失。羹牆寤寐。如見汝翁於眉睫間矣。望之。望之。又唐寅贈術士詩云。破布衫巾破布裙。逢人便說會燒銀。君何不自燒些用。担水河頭賣與人。題列仙傳云。但聞白日昇天去。不見青天走下來。忽然一日天破了。大家都叫阿瘡瘡。二詩均於遊戲中寓警省之意。鄧余麟北窗瑣語。載唐子畏傀儡詩云。紙作衣裳。線作筋。悲歡離合。假成真。分明是個花光鬼。却在人前人。弄人文衡山子弟詩云。末郎旦女。假爲真。便說忠君與孝親。脫却戲衣。還本相。裏頭不是外頭人。二詩亦均足以警世。又王兆雲敝帚齋餘談云。宏治中唐解元以望誤問革。困阨終身。問其事發於同里都岡鄉元敬穆。都亦負博洽名。素與唐善。以唐意輕之。每懷報復。會有程篁墩預洩場題。因而中之。唐旣罷歸。誓不與都接。一日都瞰其獨居於樓。私往候之。方登梯。唐仰見其面。卽從簷際躍下。墮地幾死。自是遂絕。以至終身。聞都子孫甚微。或是修郄之報。明郎英七修類稿云。同郡唐寅字子威。嘗記九仙祈夢。夢人示以中呂二字。後訪同邑閣老王鏊於山中。見其壁間。揭東坡滿庭芳詞。中有中呂字。驚曰。此吾夢中所見也。誦其詞有百年強學來日苦無多之句。默然歸家。疾作而卒。年五十三。亦定數也。五畝園小志云。九娘者。相傳唐姬六如人。葬桃花庵後。金雲門女士詩云。鴛鴦塚小被人平。自註云。九娘墓被土人所佔。然則彈詞中言六如有九妾。殆以九娘而附會之。非無因也。考吳縣城西北有桃花塢。舊志稱爲宋樞密章粦別業。唐解元寅築居於此。有夢墨亭。有祠祀六如居士。及祝京兆允明。文待詔徵明。天啓時楊端孝大潔改爲準提庵。清初宋中丞瑩重加修葺。增建才子亭。百數十年來。隕廢靡遺。嘉慶六年。善化唐陶山觀察仲

冕知吳縣事。因拓庵東別室。移祀唐祝文三君像。顏其室曰桃花仙館。且訪得六如居士墓。在胥門外橫塘王家村。封植而題識焉。并賦七律八首。一時和者如雲。不可勝紀。茲錄其原唱云。綺羅絃管總成陳。一種才華閱世新。縱酒地爲澆酒地。看花人是種花人。可憐謝客無遺宅。何必逋仙有後身。燕麥兔葵芟刈盡。絳桃依舊占芳春。第一風流自愛名。佯狂獨得聖之清。奏書不逐嚴夫子。撾鼓真同懶正平。半偈悟禪空電逝。小樓讀畫尙花明。饒他文酒求餘韻。三百年來識此生。吾宗衢後數尤奇。牢落悲深曠代知。司馬青衫同洒淚。尙書紅杏舊題詞。謂宋商邱中丞。銜碑土近。要離塚拾翠人歸。短簿祠千古英豪齊。下馬况傳華冒備官司。荒烟蔓草剩寒燈。仙館重開問寺僧。五十步分樵采路。三千界掃辟支乘。乞花好句留楹帖。近得居士真跡。一聯刻之祠楹。夢墨遺編付剡藤。表墓式閭吾豈敢。名流好事寫韓陵。白玉樓成隔兩塵。水村山郭幾番新。未知若個眠雲處。想見當年荷鍾人。蘭若舊藏題後碣。菰蘆雅稱夢中身。橫塘十里秋聲館。合與芳園一例春。荒邱冥漠不書名。訪到山橋澗水清。指點青燐孤月出。侵尋黃壤亂雲平。一坏馬鬣新封大。三尺鷄碑小記明。過客莫歌蒿里曲。早臨斗率悟無生。菱芡重重鼎俎奇。橫吁設祭慕雅知。唐風剩有毛萇傳。楚些曾無宋玉詞。崇禎甲申。毛子晉嘗封表之置田丙舍。紀以碑。今蕩然無存。惜商邱中丞未曾議及。地以滄桑沈斷。礎人於伏臘走叢祠。秋來雁稅從新古。憑仗村翁社媪司。文人慧業照元燈。墓前碑仍題明唐解元。烟穗前生記老僧。花塢吟樽延客賞。石湖釣艇許吾乘。城開更注千年漆。松茂長驚百尺藤。疑塚却嗤銅雀伎。空教賣履望西陵。事既風

流詩尤雋雅。可謂千秋韻事矣。

金聖歎軼事

金聖歎恃才玩世。肆言無忌。卒陷於法。士林惜之。生平自批才子書外。別無著作。蓋未竟其才也。少時以科名爲玩具。旋棄旋補。文場中笑話極多。一次試至則行矣。題起比首句云。一脚踢開門。雞毛一堆而已。又試殺雞。題中二比云。爲雄雞爲雌雞。不雌不雄。爲登雞矣。姑勿論也。殺之而已矣。爲紅雞爲白雞。不紅不白。爲花雞矣。姑勿論也。殺之而已矣。又一次歲試。西子題末一段云。出其東門。西子不來。出其南門。西子不來。出其北門。西子不來。出其西門。曰。西子來乎。西子來乎。文宗批云。置之一等。無是理也。置之二等。無是理也。置之三等。無是理也。置之四等。曰。秀才去矣。秀才去矣。又一次歲試題。以杖叩其脛。至闕黨童子將命。中段云。一叩而原壤痛再叩。而原壤叫三叩。而原壤死矣。三魂渺渺。六魄悠悠。一陣清風化而爲闕黨童子矣。孔子曰。此吾之故人也。使之將命可也。以此考六等。挑紅糞桶而出。蓋明俗謂之歸農也。途遇黃陶庵先生。謂之曰。君何至於此。聖歎笑曰。吾豈不如老農。陶庵爲之絕倒。又嘗見人鋪地。平笑曰。一平如洗。其人憤憤。亦無如何也。又一日訪友。主人辭以浴。問其子。又曰。睡矣。笑曰。乃翁尙在獄中。子又爲罪人耶。又其後被逮之日。方出恭隸人守之。金曰。此之謂公人。其隨口侮人類如此。又嘗館一富家。係石匠出身。主人懇作聯。須確切不移。因書曰。蓬門來軒冕。石戶出公卿。又嘗代人作家書云。分付娘子。細細揩揩。有人來借。切莫與他釘鞋。又一札云。男出外托祖宗福蔭。

一路平安圈裏豬長弗長。母親孕養弗養。家人若有空工夫。每日要搓麻繩三十丈。搭搭沿葉豆棚。家中光棍切莫放進。光棍者大兄二兄也。後門惡犬須要謹防。惡犬者大叔二叔也。黃豆與鹽菜同食。有胡桃滋味。不可使南貨店知。劉姑夫一路吃糕。不肯與我一塊。此番不中天理。昭彰忙中不寫大萬字。寫方字少一點之省文。萬字。劉字。卽劉字。慎勿認作九二碼子。切囑切囑。閱之均堪令人噴飯。聞金初生一子。請乩仙錫名。判曰。斷牛不解何義。及妻子流甯古塔。居室有斷碑。但存一牛字。然則聖歎之死。殆亦有定數耶。

癲女

近聞某縣農家有一女。貌美而病癲。至不認其父母。與以衣不衣。一日裸而出。狂奔數十里。至一破廟。時已晚。廟有流丐。見女美且乘其裸也。逼就淫之女。亦不拒。是夜與丐共宿。草薦中天明自歸。家中正以失女故相驚擾。見女無事而歸。大喜。問昨夜宿何處。女亦不知。然自此病竟若失。詢以前事。不復記憶。與丐同宿事。亦不之省。此事至奇。因憶前人筆記。載上海蒲匯塘虹橋西一村婦。夫不在家。得癲症。其子約二歲。一日婦謂兒不肯長大。將蘆管置兒穀道。力吹之。腹脹膨。遂斃。越日隣家孩死。置棺野地。婦傍晚往開棺。取孩屍生啖之。攜骨歸家。其夜卽不癲。隣人知之。亦無如何。此兩癲女之獲愈。均不知何理也。

張懷芝之笑史

前湖北第八鎮統制張懷芝。本無賴。目不識丁。嘗至鎮司令部。見桌上有名片一紙。大怒。召號房至。責之曰。有

客拜我何不早來通報號房答以並無客至張指片以實其語號房視其片覆張曰大人勿怒此片上所書固赫然大人名字也張猶不信審視久之彷彿認得第一字是己片上所常見者遂揮號房去口中猶喃喃曰混賬混賬竟將我名片隨意亂放號房匿笑而出有標統某隸張部下張素不假以詞色某深恨之一日見張在彼公事房檢視彼之私物遽令護兵責張軍棍五百張回至司令部垂首喪氣既而召某至肅之坐謂之曰本統制自服務以來從未受罰今日承賜已親嘗軍棍滋味汝胆量頗大我甚佩汝汝不必疑慮速回辦事後數日協統缺出張復保荐某標統繼其任以此事論張頗有將將之才張又有參謀某由部委任張從未過問獨斷獨行惟瑣屑之事如衣帽之大小長短合式與否一一叩參謀視參謀如穿衣鏡然有時令猜新購衣服之價值不符即詈以無用二字參謀不能耐遂辭去後在陸軍部當差派充欽差大臣隨員赴各鎮檢閱至張處全鎮兵士整列張行舉刀報告禮某云不對重行報告張復行一次某仍云不對且申斥之張熟視某面忽省曰是汝乎汝非我參謀乎語已憤憤將制帽軍刀擲地上經檢閱大臣劾奏遂永遠不得復用

淚盈盈

前清時都中戲園以蘇班徽班爲貴旦之美者稱爲相公貴游子弟及墨客詞人多溺惑焉當時有蘇旦朱四芬者年僅十四與徽旦中名劉愛紅者並稱京中第一花因劉長一歲故人呼朱爲亞紅有倪某者吳人也應試至都狎之一日倪宴客坐共四人召朱侑觴明眸皓齒約態柔情擎燭諦視不異處子命之歌藏舟山坡羊

一曲一客。一客調笙。一客節板。起句云。淚盈盈。做了江干花片。蓋此曲本哀感者。而朱纔啓朱唇。對客嫣然一笑。歌畢。某客口占一詩以調之。曰。看花燈下愛花明。花爲人看。花有情。粉面春風年十四。樽前笑唱淚盈盈。戲劇一道。表情最難。今之所謂名伶如朱四芬者。豈少也哉。

干支歌訣

書年月日者。喜用爾雅闕逢旃蒙及陬月如月等字。字義晦塞。每苦不能記憶。偶閱某氏筆記。有歌訣四章。頗簡明而易憶。亟錄之以公閱者。一歌曰。闕逢旃蒙甲乙并。柔兆丙兮強圉丁。著雍爲戊屠維己。上章二字乃屬庚辛。曰。重光壬。亥。默癸。號昭陽。十天成。二歌曰。困敦爲子地。支首赤奮若。兮厥維丑。攝提格。則要推寅。單闕爲卯。義堪剖。執徐二字實辰。龍大荒。落卽己。蛇走敦。胖午兮協洽。未涸灘。是申作噩。酉閼茂之。與大淵獻。是維戌亥。相居後。三歌曰。月在申兮乃云畢。乙橘丙修義。不失在丁。曰。閼戊曰厲。在己曰則庚。曰室辛。塞壬終癸。極名爾雅。月陽釋一一。又五言歌曰。畢橘修閼厲。則室塞終極。自甲數至癸。月陽爾雅釋四歌曰。正月爲陬。二月如三月。寤兮四爲余。五月厥維以皋。號六月由來。號以且七。相八壯九爲亥。十陽以下乃辜。涂正月得甲爲畢。陬二得甲兮卽畢如。

火裏孝子

吾虞東城某里。有沈竹安者。業商。原籍吳興。僑居海虞。歷有年所。婦徐氏。虞人也。生五子。均賢。孝友成性。門庭

雍睦求之商家。尤所罕觀。幼子應魁。不幸病殤。餘均就商於外。長子應震在蘇。次子應霖在滬。三子應錄在盛川。四子應嘉。就業於本城某衣肆。去年五月。沈母病劇。四子聞耗。星夜次第歸省。值天酷熱。病者臥樓上。四人更番入侍湯藥。罔敢或懈。一夕。霖嘉二子當值。因連日勞頓。困倦已極。倚榻假寐。不覺睡去。未幾。霖先醒。忽見火光熊熊。自藥爐中起。已延及病榻之帳。急呼嘉起。蹴以足。火勢益盛。嘉大呼。震與錄聞聲登樓。震急扶病母下床。力弱不能行。時火已近身。嘉被灼。忍痛負母疾趨。入旁舍。震復掖霖出。錄自樓窗躍下。傷腰。鳴金呼救。未幾。鄰人咸集。火幸撲滅。而霖嘉二子。因救母時。以身翼母。肌膚灼傷。手足糜爛。痛極仆地。沈翁急僱舟載兩子赴吳門就醫。入博習醫院。次夜家中得電。霖病危急。囑霖妻姚氏往視。至則霖已先時逝矣。姚氏扶柩回。痛哭不食。矢志身殉。乘夜自經。死至次日。而嘉之耗電亦至矣。因病肇災。變起倉卒。而孝子烈婦萃於一門。亦足傳已。後聞沈母之病。漸獲痊癒。蓋霖嘉雖亡。尚有震錄二子咸具孝思。洵可回天立命也。

新婚妙頌

從叔笑雲。爲詩喜效香奩。年來學大進。所作已直入次回之室矣。近見其賀江君瑞書結婚頌詞。通首集詞牌名。玲瓏巧合。新穎可誦。錄之以誌泥爪。其引云。瑤樽勸醉。迎春玳瑁筵。前蓮炬。騰輝照影。鴛鴦枕上。欲進團圓之頌。愧無琬琰之章。用集詞牌。爰成駢體。敢擬徐陵豔句。聊同韓偓香奩。明知大雅椎輪。見嗤潦草。還倩君家妙筆。點綴生花。詞曰。畫堂春暖。彩鳳飛來深院。月明水龍吟起。一枝春信。譜來玉洞仙歌。八寶妝成。步出綺羅。

香侶鳳凰臺上憶吹簫之客。瀟湘曲處聽步月之詞。樂奏太平喜慶。春澤憶多嬌。則粉添活色。賀新郎則曲試新聲。量來一斛珠圓。凝妝多麗。拈得雙紅豆。子細訴衷情。此江郎以風流子而得好女兒。鳳鸞雙舞而慶人月圓時也。當夫瑤花吐碧。燭影搖紅。探芳訊於瓊枝。解佩環於洛浦。兩彎眉嫵不須蘇幕遮。來一剪梅。香合向紅窗睡去。好時光。今好事近。玉山枕畔玉交枝。玉漏遲。催聲聲慢。轉高陽臺。近冉冉雲生。送入我門來。雨霖鈴。顫東風。齊着力。夜合花。開念奴嬌。小宜憐。一點春心。乳燕飛翔。愛鬪百花香色。及夫珍珠簾捲。紫玉簫吹。金縷衣披。玉聯環約。開個儂之妝。閣替點絳唇。安公子之繡床。探春綠意。眉峯憶碧。秦娥黛色。內家嬌。看菩薩蠻。腰隔簾聽消息。爐香對鏡喜團圓。人影卿殆。傳言玉女郎。疑侍香。金童有如蝶戀花。叢合是鵲橋仙。侶看此日。雙雙燕好。五綵結同心。卜他時。滴滴金。相百年。齊天樂。

葉天士軼事

吳門葉天士以能醫名人稱之爲半仙。生平治愈奇疾甚多。而性好嬉戲。懶於出門。名不掩謗。致可惜也。偶閱上元黃之紀雙佩齋文集。有天士小傳一篇。載有軼事數則。葉嘗徒步自外歸。驟雨道壞。有與人負以渡水。葉謂曰。汝明年是日當死。及今治尙可活。與人勿信去。至期塲生於頭。昇至葉門求治。葉予金遣之曰。不能過明日酉時也。已而果然。木瀆富賈兒病。豈閉念非葉莫救。然去城窺遠。度葉不肯來。聞其好鬪蟋蟀。乃購蟋蟀數十盆。賄葉所厚者。誘以來。因出兒求治。葉初不之視。所厚者謂曰。君能治兒蟋蟀。皆君有也。乃大喜。促具新漆。

大○桌○十○餘○裸○兒○臥○其○上○以○手○展○轉○之○桌○熱○卽○易○如○是○殆○徧○至○五○更○痘○皆○怒○發○得○不○死○其○外○孫○甫○一○齡○亦○患○痘○閉○抱○歸○求○治○葉○難○之○女○憤○甚○以○頭○撞○曰○父○素○謂○痘○無○死○症○今○外○孫○獨○不○得○活○耶○請○與○俱○死○持○剪○刀○欲○自○刺○葉○不○得○已○俛○思○良○久○裸○兒○鍵○置○空○屋○中○自○出○與○博○徒○戲○女○欲○視○兒○門○不○可○開○遣○使○數○輩○促○父○歸○博○方○酣○不○聽○女○泣○欲○死○至○夜○半○歸○啓○視○兒○痘○已○出○粒○粒○如○珠○蓋○空○屋○多○蚊○賴○其○嗜○膚○以○發○也○一○隣○婦○難○產○他○醫○業○立○方○矣○其○夫○轉○問○葉○葉○加○梧○桐○葉○一○片○產○立○下○後○有○效○之○者○殊○不○驗○葉○笑○曰○吾○前○用○梧○桐○葉○因○是○日○適○立○秋○故○耳○今○何○益○其○因○時○制○宜○不○拘○古○法○多○類○此○雖○老○於○醫○者○莫○能○測○也○更○有○一○傭○婦○懷○孕○葉○謂○之○曰○產○時○必○不○免○後○將○誕○向○葉○求○救○葉○適○與○客○奕○不○之○理○婦○固○求○葉○怒○隨○手○取○棋○枰○擲○之○地○上○子○聲○丁○然○曰○拾○之○婦○如○言○拾○畢○葉○曰○免○矣○後○產○時○果○無○恙○蓋○婦○係○捧○心○胎○當○拾○子○時○偃○僂○良○久○孩○手○因○其○運○動○之○力○已○離○其○心○窩○故○得○不○死○也○又○有○一○人○貿○然○詣○葉○治○病○葉○問○何○病○曰○我○無○病○我○病○貧○耳○聞○君○能○治○百○病○敢○請○爲○我○醫○貧○葉○沈○思○有○頃○謂○之○曰○是○不○難○子○試○賣○一○橄○欖○食○其○肉○而○種○其○核○明○年○此○日○汝○不○貧○矣○其○人○不○知○其○意○姑○試○之○至○次○年○橄○欖○已○垂○垂○而○蔭○葉○甚○茂○惟○不○花○不○實○耳○走○告○葉○葉○曰○可○矣○子○歸○自○有○人○送○錢○來○也○其○人○猶○不○信○三○日○後○而○買○橄○欖○葉○者○踵○接○於○門○蓋○葉○自○是○爲○人○治○病○每○方○必○加○橄○欖○葉○數○片○覓○之○藥○肆○不○可○得○還○以○問○葉○葉○指○示○其○處○因○之○門○庭○若○市○家○以○小○康○焉○葉○以○高○壽○終○晚○年○名○益○隆○相○傳○有○仙○往○試○之○葉○診○脈○曰○六○脈○調○和○非○仙○卽○怪○其○人○大○笑○隨○手○拂○其○鬚○曰○好○好○遂○去○後○葉○對○鏡○視○其○鬚○被○拂○處○白○轉○黑○色○始○知○遇○仙○此○說○殊○怪○誕○不○可○信○也○

臨江僊詞

王世貞詞評載宣政間有邢俊臣者。性滑稽。喜嘲咏。嘗出入禁中。善作臨江仙詞。末章必用唐詩五律兩句。寓調笑之意。徽皇置花石綱。石之大者曰神運石。大舟連排數十尾。僅能勝載。既至。上大喜。置艮嶽萬歲山。命俊臣爲臨江仙詞。限用高字韻。末句云。巍峨萬丈與天高。物輕人意重。千里送鵝毛。又令賦陳朝檣。限陳字韻。檣高五六丈。圍九尺餘。枝覆地幾百步。詞末云。遠來猶自憶梁陳。江南無好物。聊贈一枝春。內侍梁師成位兩府。甚尊顯。用事以文學自詡。尤自謂能詩。因進詩。上稱善。顧俊臣曰。汝可爲好詞。以詠師成詩句之美。且命押詩字韻。俊臣口占。末云。欲知勤苦爲新詩。吟安一個字。撚斷數莖髭。上大笑。師成恨之。譖其漏泄禁中語。責爲越州鈴轄。太守王嶷聞其名。置酒待之。醉歸。燈火蕭疎。明日攜詞見王。敍其寥落之狀。末云。捫窗摸戶入房來。笙歌歸院落。燈火下樓台。席間有妓秀美。肌白如玉雪。頗有腋氣。俊臣作詞贈之。末云。酥胸露出白體。體遙知不是雪。爲有暗香來。又有善歌舞而體肥者。俊臣亦賦詞。末云。只愁歌舞罷。化作彩雲飛。俊臣小有才。然自是滑稽派之正宗。較之以十七字詩獲罪者。雅俗不侔矣。

哀江南

汪君蕉心知余有紅羊佚聞之輯。郵余以哀江南詞。惜書已付印。不獲列入。姑誌於此。蕉心曰。金陵癸丑之難。有某君陷城中年餘。用孔雲亭桃花扇餘韻曲調。譜哀江南詞。自云。觸緒成詞。長歌當哭。淚墨交錯。不暇計雅。

俚論工拙。夷考其辭。當時城中情形。頗見一斑。亦紅羊佚聞之餘也。（北新水令）石頭城上擁兵多。不提防賊兵飛過萬字門。下鎮一路血填河。擊鼓吹鑼。又報到黃城破。（駐馬廳）四下巡邏白晝殺人。還放火千般。披索黃昏入室。尙操戈有的是。夫妻兒女共投河。有的是父子弟兄同仰藥。捱不過火焚繩絞。剛刀割（沈醉東風）臥佛寺佛藏秘閣洞神宮。神葬清波。三清殿飛作灰。長干塔燒成殼。黑心腸劈開佛座。紅眼睛罵倒閻羅仙。佛無如浩劫。何一任他刀剗斧剗。（折桂令）強徒官職巍峨。丞相恩加檢點。令多侍衛。如何買辦衙一班。偷摸巡查衙幾隊。嘍囉聖糧衙米粟堆。聖庫衙金銀裏。崽孩生扯童女。強拖恨不得祈兄弟齊當。聖兵祈姊妹共殺妖魔。（沽美酒）最苦時姊妹營受折磨。終日間雲髻拖挑。土盤倉礮確磨。把羅裙兒扯卻。渾不許襪凌波。（太平令）我只道老人館安穩。無他誰承望。拆屋挑河。一隊隊把草兒來割。一個個把稻兒來踏。更兼着屍骸要拖者。幾日飛差更多。仍不如向機房暫躲。（離亭燕）帶歇拍煞。那江西幾見城池破。這江南妄想君王做。癩蝦蟆怎吃天鵝眼。見他占金陵。眼見他改國號。眼見他齊就縛。他生該五鼎烹死。亦要千刀割。有一夥助他爲虐。將城頭鼓夜夜敲。腰下刀時時帶。屋中人家。家提愁來。萬事休。苦悔當初錯。到今飄蓬無着。且編成這一套哀江南。覓個同心人和一和。

玉梨魂題詞拾遺

玉梨魂行世後。海內文字知音。多有以題詞貺我者。隨手散棄。不復省憶。遍搜敝篋。僅得鑑湖秋笑我君。見贈

三十絕。每章詠以一詩。雖未盡純。不可謂非此書之知己也。聊誌於此。以示世之喜閱此書者。其序云。嗟嗟。一場情夢。到死方醒。兩個癡人。終天抱恨。青衫有淚。魂飛短命之花。紅粉多愁。腸斷同心之草。賸得一抔黃土。香不返魂。飛來數點青螢。草難獨活。桐棺三尺。難禁薤露。蒿歌白骨一堆。空剩夕陽衰草。何怪乎秋墳起鬼。哭之聲。春山灑鵲啼之血也哉。僕也。年未弱冠。恨事偏多。性本多情。愁思易感。風吹春水一池。干卿底事。雨打梨花深院。動我牢愁。劇憐好夢不長。幻出傷心痛史。却怪綵雲易散。難尋續命靈丹。於是挑燈譜曲。倚枕翻歌。嘔出心肝。愧乏佳詞麗句。空饒唇舌。恨未泣鬼驚人。聊效東施之顰。總有魏收之誚。所願有情。偕眷屬修到鴛鴦。莫教孤負好春光。幻成胡蝶。詩云。滿地殘紅無限情。埋香心事自分明。若知此後憑卿憶。淚債如何算得清。（葬花）一樣飄零一樣愁。這般身世歎沉浮。那堪薄命盡情哭。不管書生淚暗流。（夜哭）明滅孤燈已半殘。孤燈照影成單只。因欲待嬌兒睡一枕。淒涼夢末安。（課兒）一卷紅樓影事詩。兩人從此種相思。相思有盡淚無盡。知否紅樓影阿誰。（詩媒）芳訊傳來意尙賒。懊憺情緒亂如麻。名心已死原無戀。慚愧相貽及第花。（芳訊）舍己耘人大可悲。東瀛渺渺悵何之。灣弓欲射渾無力。目送飛鴻絕影時。（別秦）綺思歡伯代消融。且把情愁敵醉雄。一曲狂歌魂斷未。微名博得可憐蟲。（獨醉）腥紅點點病根深。知己茫茫何處尋。絕代孤芳羞伍俗。妾心便是蕙蘭心。（贈蘭）欲從畫裏喚真真。疑有疑無看影頻。人面桃花何處也。漫將題句繫詩魂。（題影）欲斷情緣恨已遲。僵蠶雖死尙纏絲。寫來一字一珠淚。無限相思兩地知。（情耗）誤己誤人大可傷。生年愈短恨偏

遲○可○憐○古○井○波○重○起○爲○欠○癡○情○夢○一○場○(心潮)倩影亭亭最可憐。無端陷入奈何天。如花命薄傷春日。回首繁華思渺然。(情敵)情夢還須快醒來。解鈴難解是癡獸。喁喁欲訴心中苦。其奈眉頭鎖不開。(心藥)雲雨巫山夢裏尋。花枝旁接肯關心。前生孽債今生果。愛我豈知累我深。(孽媒)團扇秋風恨已牽。那堪愁裏聽鳴蟬。藥爐烟散原難聚。一度尋思一黯然。(渴暑)鈿影釵光閃爍過。天涯咫尺意云何。相逢偏不成相識。鏡裏看花一刹那。(燈市)傀儡自慚兩地同。傍人定自笑冬烘。他心未必能如我。鬼蜮含沙計劇工。(魔劫)相逢無語淚如絲。不是情癡是淚癡。我嘆卿卿真薄命。愁腸只許兩人知。(對泣)淒切西窗客裏秋。蕭蕭風雨動人愁。夜深怕作還鄉夢。爲恐洑瀾淚暗流。(秋心)是幻豈知竟是真。韋劉噩夢恨前身。果然恨海同歸盡。定許情天證夙因。(噩夢)錯譜鴛鴦悔恨頻。從今難返自由身。可憐苦海茫茫裏。添個情場失意人。(證婚)說甚前生不了因。誤人到底是婚姻。癡心欲借琴傳語。未許漁郎錯問津。(琴心)小姑居處不相關。悔作多情撮合山。結得同心雙綰纓。那知彼寡汝仍鰥。(剪情)未斷情絲意總癡。血痕寫出斷腸辭。者番別後難重見。千古傷心是此時。(揮血)卿方病劇我方歸。一紙書來夢已飛。料得個中非好事。不堪重憶舊琴徽。(驚鴻)殘月孤寒照影三。美人黃土恨何堪。來生若證鴛鴦牒。便化精魂死也甘。(鵲化)造化無情一例看。恨填東海海難乾。儂心更比蓮心苦。儘有幽衷欲說難。(隱痛)他人歡喜我偏哀。正是元春噩耗來。欲到蓉湖須二日。願卿緩上望鄉臺。(斷腸)料應腸斷望夫山。孽債還清一面慳。魂也歸來定痛哭。須知命薄是紅顏。(日記)荒涼莫漫弔花墳。紅粉青衫

兩不存怕聽。老嫗談往事不堪剪紙招魂（憑弔）

何三

醉公爲余言。京都爛麪衲何三者。舊家子也。有妹嫁良鄉某氏。偶病。何三令僕候焉。僕歸問主人。家人曰。方往觀劇。僕迎之。遇于路。問曰。姑奶愈乎。僕曰。未也。何皇遽至。鶴年堂延醫某。令僕回家牽三騎。偕醫乘而往。中途大雷雨。何與僕前驅。醫在後。視閃電中。何三頭倒置鞍際。脚向上。長可五尺許。醫駭之。不敢言。及電光少息。騎追及。則依然何三也。醫自謂眼花。不復疑。抵良鄉。視脈定方畢。主人款客甚誠。寓僕于別室。令醫及何三同舍。分榻宿焉。擁衾後。何向醫曰。倦乎。醫初答曰。未。後屢問。遂不答。實未合目也。隔幃視何三。折而起。一引項。項遂長。漸引至五尺許。就燈撲滅焉。醫懼甚。不敢聲。覺其首已至幃間。口中噓氣如風。颯颯有聲。醫倚壁不敢動。俄而暈去。抵明。主人扣戶。寂無聲息。破窗入。不見何三。視醫滿口涎沫。身僵如死。急以薑汁灌之。少甦。乃備言昨夜事。視其馬馬在廐也。呼其僕。僕在室也。攜醫至京。趨爛麪胡同。訪諸家。何三昨從戲園歸。亦未向良鄉去也。嘻。亦異矣。

唐橋一貞女

松江府城東門內有唐橋。荒僻地也。橋北義塚纍纍。南行里許多小巷。大街在其南。巷中民戶臨巷而居。室均淺狹。皆有樓。婦女在樓上曝衣。偶不慎。卽落巷中。爲人拾去。有蔣姓翁生二女。均有殊色。惡少某涎之。屢挑不

遂會女曝雙襪於樓檻風墮其一某拾藏於懷日坐街市出襪誇示同類自任與二女私此物女所贈也同類
豔羨互相遞玩量纖鉤以指嗅餘香以鼻各肆品題而翁適在側怒歸嚴責其事二女無以自明吞嬰粟膏死
翁殮之瘞於橋北義塚冤沈莫白久之人或夜過其塚往往聞鬼哭於是相戒爲畏途後城中某紳鳴其冤於
官祭塚昭雪旌卹建坊啓棺重殮見屍身不腐面如生雙眸炯炯猶有憤色此咸豐四年事也

裴敬

清咸豐時有裴敬者字畏三晉人也爲武科進士不樂就職傲游江浙間嘗客南通州東鄉熊姓家主人甚禮
之熊氏子弟多尙武尤喜怪異事以膽力自詡每有所聞輒盛飾其詞述之裴意裴武夫必無懼色而裴則膽
同鼷鼠四體蜩縮力若不能勝匹雛衆咸揶揄其無勇會鄰有病亡者屍在牀乏人守夕熊氏昆季擬以三人
往守繼呼裴俟裴至卽次第遁反扃裴於屍室以怖之謀既定先往者使人邀裴裴辭不往則言局博之戲非
四人不能成必待裴況有四陽又何畏於一陰因強裴入局局設屍戶之外戶去其扉臨屍置案謂便於視屍
也三人推裴背屍坐曰君膽怯力弱目覩屍心益忐忑然案之三面皆及見之惟以背向則不之見此座合讓
於君裴遂相與坐燃燭解囊彼此興高采烈屍牀留一燈熒熒相照漏三下對屍坐者方欲借端起偶一顧盼
見屍坐於牀心知有異以出搜遁既而在左者轉眼見屍已作下牀勢亦以索茗逃斯時惟在右者與裴二人
而已須臾在右者遽起曰燭防殘亟出呼曰添燭遂扃門去蓋其人見屍最遲已瞠目僵立於地矣裴知三人

意亦起。攜囊歸。見三人遺囊在案。爲之代收。收未竟。忽耳後有聲。一回眸。則屍胸合於背。屍臂加乎肩。冷氣侵毛髮。裴識其變。心不驚。運全身力。肩張努勢。背彎弧形。猝然響作。如燃爆竹。如振弓絃。如礮激而石飛。如彈動而丸發。頃刻間。屍已矢射浪翻。倒仆床前。裴兔脫狼奔。倏出門外。遂斷局宵逸。翌日。鄰以屍撲地來告。詰其守不終夕之故。三人視裴。固無恙也。述夜中事。聞者莫不咋舌。及鄰斂屍。見兩臂皆折。胸骨亦碎。皮肉作青紫色。疑被戕。慟欲興訟。主人出爲調停。厚贈以賻。始已。自此熊氏子弟不敢輕視裴。裴亦謝別去。主人留之不可。乃求能文者作奇男子傳。以誌裴焉。

美人蛇

美人蛇。卽嬉嬉蛇。產廣西深山。蛇身人首。大者長丈餘。闊二三寸。有翼能飛。見人輒嬉嬉而笑。故又名嬉嬉蛇。久則成妖。能害人。被害者死。皆失腦。是蛇每隱身短垣。出其首。媚態冶容。宛然好女。能知人之姓名。遇少壯者。過必嬌音以呼之。若應而屬目。則必嬉笑送情。其人歸。是夕必死。身無所傷。而兩腦皆陷。雖藏匿守衛。不能免也。然使呼而勿應。卽不爲患。以故土人戒途。不應呼聲。雖素相識。亦必先認其人。而後應。有岑氏子。年弱冠。未知所戒。偶出游。經僻巷。聞垣缺間有呼其名者。應而視之。見一少女。探首於垣。風姿綽約。霧鬢雲鬟。向岑嫣然一笑。如紅杏之出牆岑。情竇初開。不禁目炫神奪。緩步流連。而女首忽隱。於是心惘惘。若有所失。踟躕途中。恍惚間有老人策杖迎面立。謂之曰。觀子容色。染妖氣甚深。在途亦有所異乎。岑曰。無異。老人曰。有呼子姓名者。

乎。岑曰。有乃告。以所遇。老人曰。應之乎。岑曰。應之矣。老人歎曰。子其殆哉。岑問故。老人曰。此妖也。呼而不應。則可應之。害在今夕。岑懼。求救。老人於懷中出小銅匣一。以付岑。戒勿啓。視曰。速返。夜臥。置於枕側。及聞腥風。匣中物自能躍出。妖可除也。岑歸。如其教。不敢息。燈夜將半。大風驟來。腥臭滿室。忽枕間匣自躍起。砒然如電光。一閃。匣既破。光分兩通。穿帳並出。室內案翻。燈滅。窗撼。牀搖。一切器具。磕碌。砒磅。傾塌。擊撞。但聞跳踉。震撲。蹴踏。顛騰。幾同猛獸。相鬪。又類巨魚。相撲。良久。始無聲。岑驚定。呼衆燭之。則有大蛇橫死於地。約長三丈餘。粗等楹柱。人頭被髮。甲赤氣腥。腦後血尙流。室中無物不碎。乃以火焚蛇於匣內。得片紙。上有八字。曰。贈躍躍物殺。嬉嬉蛇。以毒制毒。除害去邪。岑於是始免於患。然惜不能覩躍躍物之爲何狀。後有識者曰。躍躍物。乃飛蜈蚣也。飛蜈蚣。專制美人蛇。

紀春秋筆事

春秋筆者。數十年前江浙間之論字者也。不詳其姓氏里居。以其論字多奇驗。故所至輒歡迎。籍籍負時名焉。去年余友獨鶴曾爲余緬述其所測之字。益以余所聞者。不下數十餘。今已遺忘過半。就憶得者記之。春秋筆挾技遊信州最久。信州防營中有武弁王某（綽號王老虎）方迎其眷屬來營。已得途次來書。謂距信已近。屈指計程。旦晚可達矣。王遣僕往叩春秋筆。問卽日可至否。春秋視其所拈之字。乃恙字也。曰。殆哉。恙字爲恩字斷頭。義字絕足。汝主人夫婦其恩斷義絕。不能相見矣。僕歸以告王。王大怒。欲有以挫辱之。然以其素著靈異。

未之發也。明日王之長子率一僕踉蹌至。王大驚亟問。所以則舟行過老虎灘。頗險惡。觸石而沈。全舟皆溺於水。惟長子及其僕遇救得免。春秋筆之言果驗。春秋筆嘗語人曰。測字所貴者機耳。易曰。知機其神。苟得其機。出口自成。鐵案機者。靈而善變。非一定不移如印板之物。故又貴乎能隨機。一日有人就春秋筆測字。問婚姻之吉凶。拈得一死字。心惡之。春秋筆曰。大吉大吉。死字拆開上爲一字。下爲死字。此一床錦被蓋鴛鴦也。問者喜躍而去。旁有一人亦擬問婚姻事。俟前問者去。有意仍拈死字。令占春秋筆。忽掉首曰。大凶大凶。此爲棒打鴛鴦矣。其人以其前後矛盾。斥之。春秋筆笑曰。此機耳。前人問此字時。適見一人肩荷行李。排衆而過。故云一床錦被。今子問我時。又見一小兒攜竹竿而來。則被蓋變爲棒打矣。又有一鄉人短衣氈帽。貿貿然詣春秋筆寓所。就案上拈一字。卷令測之。春秋筆審視其人。知非良善。展卷爲一閱字。春秋筆問何事。答言婚姻語。時光流轉。露輕薄之態。春秋筆曰。閱字從門從兌。兌爲少女。少女在門中。汝所思者已到手矣。何問我爲其人面倏飛紅。逡巡欲去。春秋筆見其不怒。知己中其隱。續言曰。就此字觀之。汝之姻事恐非正當。兌字爲弟字之首。下爲兄字。弟出兄上。子其爲陳平第二乎。時觀者如堵。其人聞語急返。奔排衆趨出。不知所往。又有一人問病。拈一由字。春秋筆曰。男病乎。抑女病乎。答曰。男病。余父也。春秋筆曰。病不起矣。其人泣叩其故。春秋筆先將由字書於水版上。復加一力字於其下。謂其人曰。汝試視之。辯子不已蹠乎。俗語謂死爲蹠辯子。其人爲之破涕。又杭州有顯宦某人。莫知其出身。因其人幼時流落他鄉。背離鄉井者。

垂三十年其後衣錦歸來居然顯者其三十年何所事彼固諱莫如深人亦莫之過問也或有繩春秋筆之靈異者某宦不信趨就問之拈一字謂之曰子能於一字中知我之出身者當不吝酬也春秋筆曰諾展視一鬱字也春秋筆俛思良久遽取一箋就壁疾書數語復封之付某宦曰此間耳目衆多不便直言持歸視之可也後知其所書者曰前村後村破窰安身衫兒不完冠兒不整逢人叫化米袋橫身蓋其人前固沿門托鉢之流也春秋筆年五十餘病於寓所其僕侍之疾亟春秋筆令其僕隨意指一字或一物以占其病僕固不識字者適見桌傍有竹箸一雙橫架其上曰此可占否春秋筆曰此凶字之形也余殆將死矣已而果卒噫春秋筆一江湖下士耳挾其末技餬口四方足迹所至賢士大人多加禮重豈果有祕術歟抑偶然中節歟是不可知夫亦異人也已

鏡聽

鏡聽之術多有驗者聊齊誌異及茶香室叢鈔中均載之此科舉時代之迷信雖不足道亦趣聞也前清時杭州某氏兄弟一門三鼎甲籍籍於時方少時兄弟三人約於除夜以鏡聽卜其父預知之俟三子出迎而語之曰「祝你們兄弟三鼎甲」話畢自去三人相謂曰此吾父戲言不可憑也因出街頭擬再探聽中途遇童子扶一醉叟而來若爲父也子者叟醉語喃喃不可辯童子似不耐叟忽以手拍童肩曰「孩子你老子的話是不差的」三人大笑而返後言果驗又有兄弟二人擬於明春應童子試先於除夕用鏡聽法卜誰獲雋牆畔

植一梯上梯可遙聽鄰家人語其兄先登囑弟勿遽上弟不得已於梯下徘徊適隣家於是日作佛事道場散後羣兒喧嚷於佛座之旁一婦人將獻佛之果爲羣兒剖分兒有不及待而躍至桌上攘取者婦大呼曰『爬上來的沒有在座下的有的』其兄聞之懊喪而下弟亦瞢然罔覺也後試畢弟果獲售而兄竟被黜

于祠祈夢

于忠肅公祠爲前清舉子祈夢者奔趨之所祈者夜宿祠中夢之有否不可必苟有夢無不驗者有父子二人同應會試入祠宿焉其父夢見于公謂之曰汝等於明晨辰時至祠北河灘之上有一女子問之便知父子二人誰能中式矣醒以語其子子所得之夢亦同因不寐俟時既至同出至河灘邊果有一女子在蹲身作洗衣狀二人近前揖之女大駭叱問莽男子將何爲二人莊容答曰我等皆舉子應試者問姑娘今科誰中耳女曰我非神焉能知此速去速去語時急掩藏其所洗之物桃臉盡赤蓋洗者非衣乃襪布也其父逡巡欲退其子猶刺刺不休問何人得中女子窘甚不覺破口罵曰『口你媽的中』後其子果落第信有其事于公亦可謂善戲謔矣又有舉子三人祈夢於于祠同夢至一精室室門一開一掩開者門上有七聯字曰『金馬玉堂三學士』所夢既同三人皆以學士自命矣迨榜發只一人中式二人被黜後疑夢無憑復入祠借宿冀有所見是夜夢至前夢中所見之精室惟室門則開者掩而掩者開矣視門上赫然書七字曰『清風明月兩閒人』二人醒而大笑曰于公眞惡作劇哉于祠之夢舉子所得者無不驗然亦有非舉子而驗者有一人幼失怙恃

忘其生年月日。擬求神靈指示。夢于公與一桃核醒而思之意殊茫然。後有人解之曰。桃花開於三月。核字拆開爲十八。爲亥。其指三月十八日亥時乎。其人恍然。又有一士人讀書僧寺。將赴試。黽寺僧同往于祠祈夢。僧初不允。謂出家人萬緣皆淨。無所祈也。士人固強之。乃往。是夜士人無夢。而僧獨有夢。夢一人以紅袍披其身。以鐵練套其頸。曳之而去。大驚而醒。蚤夜奔回寺中。後十餘年。此僧爲某寺方丈。方衆僧參謁時。身服緋衣。項挂朝珠。適符夢中之狀云。

靈籤誌驗

三年前無錫某鄉校教師某。因戀一孀婦。有情不遂。懨懨成疾。其母聞之。憂甚。遣人接其子回。復親往城隍廟求得一籤。標題曰。病入膏肓。句曰。膏肓之疾。本難醫。扁鵲何從心。地移萬善。不如一念。改自然。勿藥振新基。以示某心。惕然立誓。悔過不復涉。癡念病亦漸愈。回校供職。無如藕斷絲連。舊情難殺。輾轉求通。竟至失足。年假歸家。舊疾復作。其母復往邑廟求一籤。語曰。身貪污下。自投羅腹。疾河魚喚奈何。鱗爪徒存。無用處。誰能掉尾。舞婆娑。某視之曰。我病不起矣。問之不答。未幾果卒。余又憶十五歲時。赴蘇應童試。同寓數人。黽往某處狐仙祠祈籤。余得一籤。上二句已忘却。大約是言無緣之意。句意甚顯。下二句云。好把經文來。諷誦祈求家內保。婢娟當時不解何義。旣而榜發。果被擯。掃興而歸。詎甫入家門。鐃鉦之聲喧闐盈耳。詢之則姊方大病。家人謂被鬼祟。是日方延僧道。諷經以禳之也。籤語蓋應此夫。求籤問卜。迷信也。諷經禳鬼。亦迷信也。迷信之事。卽於迷

信。中。微。之。不。亦。異。哉。

大行山

讀書人喜爭。往往有平日號稱謙謙君子。而遇關於學說之異同。從不肯讓人一步。咬文嚼字。刺刺不休。以證明其說之不謬。古之真理學家。均不能免。況下焉者乎。不知我說而是。則不必爭。我說而非。則不可爭。之而勝。何益我之學問。爭之不勝。轉有損我之價值。得失甚明。則何不平心下氣。稍忍須臾。不戰勝於口舌之間。而戰勝於方寸之內乎。前清有某顯宦。行經太行山下。問此是何處。輿夫答曰。大行山。大行讀如字。長隨某與之辨曰。此是太行山。汝讀錯矣。輿夫顧不甚識字。人極粗莽。亦力辨曰。明明是大行山。奈何讀作太行山。汝自錯耳。兩人交口相詆。各不肯下。始則且行且爭。繼且停輿而爭。某宦在輿中聞之。謂輿夫曰。汝言是也。戒長隨勿爭。且以千錢賞輿夫。輿夫欣然自得。肩輿而行。健步若飛。長隨心大不服。快快隨之而去。至署乃呼長隨而語之曰。我知汝心必不甘。我爲此言。乃一時權宜之計。蓋彼若爭而不勝。且停輿不行。將誤我事矣。長隨曰。然則又何爲賞之。曰。賞之所以驕之也。彼以爭而得賞。行且自滿。終身只知有大行山矣。長隨乃無語。此事可爲喜爭者戒。不爭之爭。不勝之勝。較之爭而勝者。得失相去甚遠。然其用心亦險矣。

整容匠

友人嚴某爲余言一事。可資談助。昔有一士人入整容店。呼匠修飾面部。奏力之際。匠忽問曰。先生想係讀書

人曾讀過三國演義乎。士人故名噪一時。居恆傲其儕偶。聞匠言。嗤曰。此等書。六七歲小兒。亦能知之。曾是讀書人。而未經寓目哉。匠曰。先生既讀過此書。我有一疑問。請爲我解決之。士人窮其說。匠曰。書中有四人。一人有姓無名。一人有名無姓。一人來後不去。一人去後不來。此四人爲何人。士人沉思良久。不解。所謂大慚赧然。不發一語。匠笑曰。更有一對。請先生續其下。聯士人請其上句曰。八刀分米粉。士人窮思力索。枯腸寸斷。終無所得。面紅耳赤。喪氣而出。後知所隱。四人乃二喬。貂蟬。張濟妻。孫夫人也。八刀分米粉。則至今未有妙對。整容匠爲營業之至賤者。而以有名之士人。竟爲所窘。人可自滿歟。學者讀書未多。便夜郎自大。目無餘子。其不爲整容匠所竊笑者。幾希矣。

一瞽一跛

汪巢林樂慶夫。皆金冬心先生之舊友也。巢林老而喪明。慶夫亦患足疾。不良於步。冬心作詩慰之曰。蹇處却勝屈膝閉時。卽是垂簾可喜。靈臺不昧。何憂蓬戶常潛。又曰。此後已辭傾險路。從今不見尋常人。一春花福。仍消受弄影聞香。各占新世之眼。大如車輪足。捷如狡兔者。較之二公。爲何如耶。

楊大年妙對

寇萊公在中書。與同列戲云。水底日爲天上日。未有對。會楊大年適來白事。因請其對。大年應聲曰。眼中人是面前人。一坐稱爲的對。余謂此對之妙。妙在毫不費力。卽在眼中。面前有天造地設之妙。以視閉門推出窗前。

月。投石冲開水底天。雖亦稱絕對。然曰。閉曰。投曰。推出曰。冲開。不知費却多少氣力矣。

郭生挽歌

宋有郭生善作挽歌。酒酣發聲。坐爲淒然。其改樂天寒食詩曰。烏啼鵲噪昏喬木。清明寒食誰家哭。風吹曠野。紙錢飛古塚。纍纍春草綠。棠梨花映白楊路。盡是死生離別處。冥漠重泉哭。不聞蕭蕭暮雨人。歸去余每誦其詞。淚卽奪眶而出。甚矣詩詞之感人深也。

不食鯉之迷信

世有不食鯉者。謂鯉能化龍。食之不祥。此臆說也。攷世人不食鯉之原因。實始於唐。唐律取得鯉魚卽宜放。不得吃。號赤鯉公。賣者杖六十。言鯉爲季也。唐姓李音同鯉。故嫌稱之。一說唐制賣鯉賣蠡者。皆杖六十。緣鯉朝日蠡朝星。食者有禍也。由前說則近於符讖。由後說則流於怪誕。皆迷信之誤也。世人不知自唐相沿。以至於今。而謂鯉能度禹門。則更節外生枝。誤而又誤矣。吳俗新歲接財神。必以鯉薦。薦後則放之。夫旣以之薦。固深信財神之必來享之。何必放旣薦而又放之。是以鯉之生命爲重而不計財神之來享與否也。則財神又何必薦哉。此真迷信之不可解者。夫放生亦慈善事業之一。所可怪者厚於鯉而薄於他魚耳。不知臥冰求鯉。孝子且以享其親。而何不可食之有。

蒼頡累人

蒼頡造字。天雨粟。鬼夜哭。高誘曰。自書契興。人皆舍本趨末。棄耕耨而務錐刀。天知其將餓。故雨粟。鬼恐爲人所劾。故哭。識者謂蒼蒼之天。曷從得粟。旣憂其將餓。則宜歲歲雨之。胡書契興而九年水。七年旱。反益之飢。鬼恐爲人所劾。而哭。孔子作春秋。誅亂臣賊子。洙泗之濱。鬼聲宜啾啾盈耳矣。胡未之聞也。我謂其說之虛妄。可置勿論。而實有其理。人生憂患。自識字始。古今文人之偃蹇蹢躅窮餓以死者。不知凡幾。耕硯那能得米。煮字胡可療飢。謂天之雨粟。憂其將餓。非無理也。鬼之夜哭。非必淫邪之鬼。恐爲人劾也。人不識字。烏知大義。黃花岡頭之鬼。何莫非蒼頡造字累之。轟轟烈烈。血海翻波。至今思之一場春夢耳。死而有知。能不夜哭。

說寄

越王告吳王曰。民生於地上。寓也。老子亦曰。人生天地間。寄也。寄者固歸。陶淵明詩云。旣來孰不去。人理固有終。李白云。天地者。萬物之逆旅。光陰者。百代之過客。皆此意也。余謂世之人。爲名爲利。當作如是觀。爲國爲民。不當存如是想。天地不能常寄我。我尤不可虛寄此身。寄蜉蝣於天地。語則達矣。然人豈可與蜉蝣比乎。昔禹濟江南。黃龍負舟。啞然曰。吾受命於天。竭力以勞萬民。生寄也。死歸也。同一言寄字。而氣象迥別。吾願厭世派諸君。當誦大禹之言。而振作其精神。勿誦陶詩李序。而頹喪其志氣。

玉帶圍

輟耕錄載龍麟州先生過福建。憲府設宴。命官妓小玉帶佐觴。酒半。憲使舉杯請曰。今日之歡。皆玉帶爲也。願

先生酬之以詩。時先生負海內重名。雅畏清議。又不能違憲使之請。乃書一絕云。菰菡池邊風滿衣。木犀亭下雨霏霏。老夫記得坡仙語。病體難禁玉帶圍。於是舉席稱歎。盡歡而散。詩語委婉。應之實以却之。使先生不允。憲使之請。則大殺風景。賓主將不歡而散矣。詩有妙於語言者。此類是也。

意見之偏

人之意見。有絕對不相合者。古人如楊大年。不喜杜工部詩。目爲村夫子。東坡不喜韓昌黎畫記。目爲甲乙帳簿。王荊公不喜春秋。目爲斷爛朝報。劉須溪謂詩至文選。爲一厄。米元章謂顏真卿書。筆頭如蒸餅。醜惡可厭。司馬溫公不喜孟子。朱子謂武穆爲橫武侯。爲盜竊節。爲莊老。諸公皆當世名家。其意見之偏。淆亂黑白。猶如此。彼妄逞胸臆。任情顛倒者。尙何論乎。

肉食者鄙

食肉者鄙。曹劌有激言之。居官食肉。未必盡鄙。而鄙者實多。魏文帝詔羣臣。三世長者知被服。五世長者知飲食。錢文穆公云。三世仕宦。纔曉得着衣吃飯。如所云。則是能知吃着其程度。已高人一等矣。居官食菜者。莫多於前明。劉璽分閩江右計廩而食。妻子布衣不完。人呼爲青菜劉。劉羽同知江西瑞州府。終年食蔬素。人亦呼爲青菜劉。王質爲四川參政。行部所至。自奉惟蔬果。人呼爲王青菜。符驗守常州。至任日。供惟菜。人目爲符青菜。胡壽安知新繁縣。種蔬一圃。以供食。人呼爲菜知縣。攷諸君皆品學兼裕。盡心民國。其清德峻操。有足風矣。

方今兵戈饑饉。顛沛流離。塗有餓殍。野多盜賊。正當事者食不甘味之秋。顧猶侈靡相競。饕餮是求。日日花天酒地。大飲大嚼。昔徐九經爲句容令。嘗圖一菜於堂。題曰民不可有此色。士不可無此味。以今觀之。民何嘗無此色。士何嘗有此味哉。噫。

文字之禍

專制之君。自視至尊至貴。其有才者。又往往妬其臣下。倖倖焉惟恐人之出其右。故文字之獄。不可勝紀。晉宋之間。人主多與臣下爭作詩寫字。鮑昭多累句。王僧虔多拙筆。以避禍也。最可笑者。莫如隋煬之殺薛道衡曰。更能爲空梁落燕泥否。殺王胄曰。庭草無人隨意綠。復能作此語耶。因政體之不善。而文字之被禍。一至於此。可不悲哉。然亦有以詩解禍者。王維陷賊中。受僞命。祿山於凝碧池置宴作樂。維有詩云。萬戶傷心生野煙。千官何日再朝天。秋槐葉落空宮裏。凝碧池頭奏管絃。及收復兩京。凡汚於賊者。以五等定罪。肅宗見此詩。得免。太白坐永王燦事。繫潯陽獄。朝命崔圓鞠問於獄中。上詩曰。邯鄲四十萬。同日陷長安。能回造化筆。或冀一人生。得減死流夜郎。東坡爲舒曹李定等所論。自湖州逮繫御史台獄。時宰欲置之死。於獄中作詩寄子由。詩意悱惻。神宗見而憐之。遂得出獄。謫授黃州團練副使。後作中秋詞云。惟恐瓊樓玉宇。高處不勝寒。神宗覽之曰。蘇軾終是愛君。得改汝州聽便。此數子者。亦幸遇不與人爭善之君。故能獨得優待耳。

張規誣蘇武

東坡與張規論養生之事。東坡曰。皆不足道。難在去慾。張云。蘇子卿齧雪啖氈。縮背出血。無一語少屈。可謂了死生之際矣。然不免爲胡婦生子。窮居海上。而况洞房綺縠之下乎。乃知此事不易消除。噫。張之言厚誣子卿矣。子卿出使十九年。歷盡千辛萬苦。能置生命於不顧。豈有慾念之未除。其娶婦生子。乃明知己身不歸宗祀。將斬一念。欲全漢節。一念又欲全蘇氏。此正子卿忠孝兩全處。張不諒子卿之苦衷。致有此謬妄之論。東坡乃謂其語甚有理。何耶。

帝王之結果

專制時代。國家爲萬世之統系。帝王爲無上之尊崇。然其結果。亦有受制於他人。至不如一介平民。得以自由。老死牖下者。秦閻樂引兵入望夷宮。二世願得一郡爲王。弗許。願爲萬戶侯。弗許。願與妻子爲黔首。弗許。麾其兵進。二主自殺。晉懷帝爲劉聰青衣行酒。愍帝執戟前導。行酒執蓋。俱不免遇害。煬帝先殺其子。索鵠不得。自解練巾。授令狐行達縊之。朱全忠殺昭宗。方醉臥遽起。單衣遶柱走。追而弑之。晉王北遷。自採木實草葉食之。馮后陰令左右求毒藥。欲與晉王俱自殺。不果。其最可笑者。則隋煬帝死時曰。天子死自有法。取鴆酒來。夫天子一切無法。顧獨於一死論法。煬帝蓋至死不悟也。猶不若彼無愁天子。願生生世世勿生帝王家。尙知帝王不易爲。且不足爲也。

富貴之結果

富貴人之所欲也。不知者謂可求而得之。其知者以爲有命存焉。皆非也。富貴之真相則不可捉摸。不可思議。之夢幻泡影而已。北齊後宮一裙之費。至值萬疋。周滅其國。后妃以賣燭爲業。南唐劉承勳窮奢極侈。蓄妓樂數十。一妓價數十萬。教之藝文數十萬。服飾稱之。歸京乞食凍餓死。又宋軍卒楊杲宗爲丁謂築第。丁貶海上。朝廷以第賜杲宗。劉美善鍛金。後貴顯。賜上方器。刻工多美。所造就此數人觀之。則所謂富貴者非等浮雲。亦如春夢茫茫。世事翻覆無常。富貴而貧賤不足悲。貧賤而富貴亦何足喜。長留天地照耀今古者。惟少數人之文章勳業而已。

井中古硯

順德羊額鄉仁里坊有一古屋。砌石爲牆。夾木爲柱。相傳爲明末義士之故居。其額曰不去廬。蓋明季滿虜入粵。何不偕兄弟與屈大均陳巖野諸先生謀起義師。先後響應。誓死不去。以是顏其齋。及敗。兄弟赴井死焉。其後人某。日前淘井得古硯一方。石翠爛斑。古氣盎然。背有文作漢隸。刻『天地之壽吾其並』七字。爲魏叔子題。又得殘碑半角。敍先烈死義事甚詳。主人現甚珍之。此硯此碑。沈埋於枯井中者幾三百年。不發現於滿虜得志之時。而發現於漢族光復以後。此蓋有神物爲之護持。起古井之波瀾。發潛德之幽光。俾先烈事跡不致湮沒而無聞焉。斷硯殘碑。視之秦權漢鼎。其價值爲何如哉。

凍雪菴新聯

長老坪爲相嶺最高峯。上有凍雪菴一座。憑高望遠。萬里可窮。絕壁森然。下臨無地。眞天下之奇境也。余雖未至其地。而心竊嚮往。近得友人遺書。述及菴門之外。懸對聯一副。墨瀋猶新。係清谿張知事所題者。其聯語曰。萬里風煙。會當凌絕頂。空山草木。前不見古人。憑弔欷歔。愴然淚下。恰是相嶺武侯祠。題玩其語氣。又似更有言外之意。其跋語略云。大相嶺緣武侯南征駐軍得名。岳公鍾珙平藏經此。葺祠以祀。遠略相輝。民國元年。來守此土。半壁西南。邊氛屢警。登高遐想。漫題志感云云。其意蓋隱諷西征諸公也。世尙有熱心藏務之健兒。其閱是聯而興起也歟。

罪人驗指

人品不同。人相亦不同。皮相者雖不足爲定評。然亦往往而驗五官百骸。不啻代表其人之行爲動作。亦可異之事也。吾人之相賊。見其耳小如鼠。則謂之賊耳。見其眼大如鈴。則謂之賊眼。準此以驗。已百不失一。不知賊之手指。更有與常人異者。前聞英國某醫生。閱罪人甚多。久而得驗指之法。如鼠竊之人。指皆纖小。其第一指與第二指。當其開時。指頭相隔甚遠。第五指有微彎。刼賊指肉粗。指頭禿。指骨轉輪之處。則甚細。殺人之賊。指短而粗。爪根尤長。手腕極雄壯有力。三等皆經屢驗。幾至千人一律。不必問其所犯爲何事。驗其指而斷其人。已覺無毫釐之謬。但人種不同。賦形亦異。此法可驗英國之賊。若以驗中國之賊。恐未必盡驗耳。

紙彈

武漢起義。民軍與清軍戰後。槍彈飛墮租界內。盡係木質。不能死人。爲某國人拾得。陳之博物院內。聞者恥之。槍彈利器也。用此器者。意在殺人。故必求其利。以殺人之利器而腐敗至於如此。中國之不振。此其一端也。然木彈發現於中國。更有不如木彈之紙彈。已早發現於法國。而曾載於中國十數年前之報紙。法國某兵官。以紙料創裝槍彈。大小與鉛丸相若。堅亦如之。其質甚輕。便於携取。中人身無性命憂。雖傷亦微。易於醫治。其飛行空際。深入肌膚。均不如鉛丸之快。法國人謂此彈宜於射禽。不宜於攻敵。吾不知此紙製之彈。較之某國人去年拾得之物。果孰優孰劣也。

醒鐘示警

德國某皇。諳韜略。好武備。果決勇毅。靈警機變。當閱視軍旅時。一裨將遲至。閱畢。贈以醒鐘一架。裨將愧悔無地。全軍爲之奮發。此一細事耳。然德國富強之因。未始不基於是。吾國人侈談共和。不啻癡人說夢。萬人皆夢醒者。其誰軍人。資格號稱高尚。不知有以保國衛民而惟肆然爲蠻觸之爭。激潢池之變。擾擾紛紛。莫知究極。彼其人。非夢卽顛耳。德皇閱軍。僅有一將遲至。卽贈醒鐘以愧之。今我國軍人。何一能保全其資格。道德之墮落。責任之諉棄。其罪有十百倍於遲至者。縱有醒鐘。何能遍贈。况乎無人不夢。無夢能醒。上下濟惡。舉國若狂。縱有醒鐘。亦復何人能贈耶。噫。

香塚殘碑

日本伊藤博文。風流一世。至老不衰。東京妓女。多與彼有一夕歡。妓界稱之爲牡丹花王。不啻中國之稱嫖界大王也。其風流史久已喧播神州。不足稱述。伊藤能詩。詩多不佳。觀其所爲實天下一至淫之人。不解愛情。二字爲何物者。近忽得東京友人寄書。中記伊藤題香塚碑句。哀感頑豔。頗足動人。乃知此老於情字。亦經三折肱者。余誤以淫物視之也。香塚碑在東京郊外。相傳從前有不知姓名少年男女二人。殉情致死。雙葬其中。孤塚斜陽。餘香猶在。遊人多過而憑弔者。塚有碑。碑文係伊藤手筆。其詞曰。香已滅。玉已裂。祇有愛情無斷絕。情海茫茫無窮冤。孽死作鴛鴦。不羨仙。世間那有長圓月。共三十四字。可抵一篇長恨歌矣。

妓館少年

途窮日暮。淚灑征衫。悵望鄉關。愴懷身世。旅居寂寞寡歡。不得已借尋芳以遣興。故秦樓楚館中。往往有失志之徒。憂時之士。寄迹其間。不得盡以輕薄兒治遊客目之也。南洋望加錫埠。向無旅館。以款行人。人之遊是邦者。非卸裝於戚友之家。卽借宿於妓寮之內。去歲曾來一美少年。西裝革履。丰致翩翩。求宿於如意堂。錫埠有名之藏嬌處也。少年揮霍甚豪。而意殊落落。至殘更向盡。著意催眠。少年携衾獨宿。虛度良宵。妓見其顏色慘變。愁鎖雙眉。心竊怪之。以其言語支吾。且語音不甚可辨。未致窮詰。晨雞報曉。卽起興辭。索筆疾書一詩於壁。曰。國仇未報寸心愁。尺鐵橫空動斗牛。假弁易釵聊匿跡。崎嶇又到海洋洲。擲筆負裝而逝。始知少年乃女改男裝。因事潛蹤至錫。或以爲高麗女子。或以爲中國人。余謂其詩冠以國仇二字。則猜以高麗女子爲近。征塵

甫息哀感紛來來去無蹤低徊有恨讀其詩能不爲之愴然淚下耶。

蒲萄乾酒

酒之爲物與色同爲敗德之媒多沾傷財多飲傷身沈湎者每天其天年衛生家特懸爲厲禁然中人善飲者多不壽西人善飲者多獲壽由於製酒之原料此則於衛生有益彼則於衛生有害也卽此飲食細故實具生死之機兩者相較利害相懸若是亦何怪中國之不振哉西人製酒之法固良而運酒之法尤有異想天開出人意表者曩聞友人言有法人某作書酒肆購蒲萄酒一桶閱日肆中飭人送至封固周密價值頗低某甚悅令納之酒室不數日有客至殺雞爲黍款接甚殷命僮洞穿酒桶用弔具由穴取酒詎久而不出某命劈桶則見乾料若干無一滴酒憤甚致書酒肆嚴責其詐後得覆函云桶中酒料都備惟少清水想君家必有水故未注入冀免載運之勞某閱札恍然知爲乾酒注水飲之香味俱美眞佳釀也余固有劉伶癖而市沽多不可飲家人又不善製常飲者多由遠方購運而來舟車跋涉幾經搖盪酒雖美而味盡變安得有人能得製乾酒之法以保酒之眞味而慰我之渴情耶。

乳冰

凡屬液質一經攪盪每致色味俱變不獨酒也卽牛乳一項實爲養生之妙品然經遠方運載乳質必失其眞用以養生而適以傷生嗜食者多引以爲恨友人又爲予言一事瑞典瑞威二國地近北冰洋異常寒冽居民

以畜牧爲業。牛羊羣聚。動輒萬頭。所得牛乳。車載斗量。不可勝用。向來運往英國。爲數浩繁。實民間一大利藪。然入桶遠行。時時轉側。乳易變更。或竟水乳兩分。不復適口。商人苦之。後瑞國商埠。設機器廠數區。將牛乳灼熱。至百度上七十五度。旋即大寒之。至初度下十度。乳乃凍給成冰。納之桶中。善爲封閉。則外氣不侵。日光不化。販至英法等國。灼而化之。鮮美如初。名曰乳冰。此與乾酒之法。同一利於轉運。而適於養生。西法之奇巧。而簡單於此。可見一斑矣。

猴人

猴人者。何非弄猴人也。猴而似人者。也。羣獸之中。惟猴與人最相似。故有以猴爲人類初祖者。然猴雖竊似人形。竊效人之行爲動作。而終介於人獸之間。與人相差甚遠。猴終不免爲人所弄也。孰知人事日益進步。猴亦與人共進。去尾而冠帶。且躋人類而上之。非惟人不能弄猴。反將爲猴所弄矣。近聞美國華市乾聖省茂地巨埠。人種研究會布告。謂該省南境鐸利榮地方。發現一種猴人。該會已攜帶一人。至博物院考驗。其人頭甚細。狀如猴子。其一切起居動作。亦悉與猴無異。是所謂猴人耶。然此乃猴而似人者。非真正之猴人也。真正之猴人。不具猴之形。而具猴之性。此種猴人。甚爲希貴。

狗校

歷來所傳義犬事甚多。疑犬之性有特異於諸獸者。以今所聞犬之種種歷史。更爲可奇。前閱某雜誌見某君

所蓄犬能識字。能習算。能書名。能應對犬之進步如此。彼能言之鸚鵡。解語之談雞。善舞之象。識途之馬。又而足多哉。前日本探險家白瀨中尉。携犬四十餘頭。赴南極。皆斃於途中。無一歸者。既回日本。特召集探險全體隊員。在東京淺草木願寺。爲靈犬開追悼會。此亦一犬之佳話也。又聞紐約有訓犬者。蓄犬無數。列屋居之。居然一小學校。內分獵犬。蓄犬。牧犬。三科。獵犬備守獵之用。蓄犬備銀行公司等處之用。牧犬備牧場之用。皆訓練精熟。令人可愛。其畢業期限。或三年。或四年。一時人稱之爲狗學校。犬而設學校。此尤聞所未聞者也。雖然。吾觀今日學校中之生徒。不勤學。樂不守規則。或以飲食細故而起風潮。則與犬之爭食何異。或與教員反對。而生衝突。則與犬之狂吠何異。此種學校。與狗學校之相去。亦何甚遠哉。況乎狗學校中之狗。畢業後。悉咸有用之材。生徒之在校者。則以騙得一紙文憑了事。無時可畢業。無時不可畢業。以視狗學校。且有愧色矣。

衛娘詩

蘇小妹三難新郎。事載今古奇觀。不盡可信。然秦蘇聯姻。事非無考。以才女配才郎。一個文章領袖。一個風月班頭。洞房深夜。刻燭聯吟。事所或有。三難之說。雖出諸小說家之點綴。亦千秋之佳話已。乃近聞長安縣有王名璜者。頗以清才鳴於時。娶前清教諭衛子香君女公子爲室。女貌本妖麗。沾染家學。遂精吟詠。合登之夕。王戲作催妝詩六首。衛女亦依韻和之。中有一絕云。漫教脂粉混人香。簇簇人看新嫁娘。淡掃蛾眉君莫笑。片時應許見明皇。明皇與名璜音同。故云。詩成。遣婢授諸王。遍示戚友。一時傳誦。謂有小妹遺風焉。娶婦得此王。

郎豔福真不淺哉。

西后遺履

太真羅襪爲文士所豔稱。然此一彎新月。足以踏破江山。讀長恨歌第一句。至今猶有餘痛。留此零香。剩粉。適爲遺臭之資。亦何可豔之有哉。前閱京報載小德張賣履一則。事頗相類。小德張爲隆裕之最寵宦寺。清室未覆時。攬權納賄。積資千萬。日前隆裕移居頤和園。內廷妃嬪瓜分所有珍寶。張竊得西太后遺履一雙。在外覓主。索值甚昂。華人無過問者。有英商某肯出二十萬元取之。去。張闔尙未願也。聞此履四圍均鑲大珠。係前某宮保所進獻者。購辦及宮門費共耗七十萬金。奸臣媚主。無所不至。國亡家破。猶遺此齷齪之物。以污吾族新之民國醜事。亦恨事也。但未知英人之肯以重值得此履。涎其珠乎。抑別有用處乎。買此遺臭之物。要他何用。

騙術

社會不良。道德淪喪。誑騙之事。時有所聞。念秧之徒。到處皆是。行路者幾於步步皆荆棘矣。然受騙者往往多幼童老嫗。以及無經驗之旅客。無知識之鄉民。蓋此種人天真爛熳。不識機械。易入於陷阱之中也。若繁盛市街之巨肆。主人翁爲富商大賈。半屬奸猾之徒。與社會交接之人多經驗。既富耳目。難逃彼神奸巨騙。縱有翻雲覆雨之手段。亦斷難施之於若輩。乃間亦有受欺者。十年前聞父老言。湖南清泉縣長嶺鋪地方某姓旅館。忽來甲乙二人。肩負竹簍。勢頗沈重。寄宿其中。并將竹簍託棧主代藏。謂此係公班老土。我等皆私販烟土之

人尚有同伴二人。在後續至。棧主信之。供以酒食。冀其豐酬。是夜待至四更。續至者杳然。甲乙甚爲焦急。頻頻窺望。議論紛紛。棧主亦爲蹙額。蒲牢五吼。東方將明。倦極就枕。店門方開。一人汗流氣促奔至。謂吾二人之土已被公家捉獲。丙當場被拘。我乘間而逸。至藥局探問。謂須費十餘金。始得將丙釋放。甲乙相顧失色。謂行路之人。囊中安有巨款。將奈何。其人謂曷不與棧主商。將土暫押棧中。借錢若干。前往料理。再行設法贖回。棧主信之。破囊而與。三人忽忽皆去。去後數日不來。乃檢視竹簾。則團團者外封以紙。而其中則以泥絮實之也。旅館之主人。翕閱人多矣。亦以無意中失此十餘金。又何怪乎受騙者之覆轍相尋。終不覺悟耶。

詐情

曩聞某國尙武。通國皆兵。凡一家中必出二丁應募。惟有廢疾者免。於是有一人僞爲聾者。赴公請驗。問之。不答。揚以鐘聲。亦不聞。上官知其詐也。揮之去。而陰使人躡其後。行近其旁。以金圓一枚。僞爲遺落者。着地鏘然作聲。其人突返顧。目注地上。其詐乃破。此事余聞之於友人嚴柳漁者。後閱某氏筆記。中有一則。與此事絕相類。因并錄之。以見外國人心之險詐。固有甚於吾國者也。日耳曼國鐵鋪中。甲乙兩人作工。正在敲擊之際。乙手偶鬆。鐵槌驟脫。適中甲之左目。大受厥傷。國主急請醫生診視。未幾已愈。而甲仍謂茫無所覩。眩痛異常。西例國中所用工人。倘因辦公傷斃。須由鋪主贍養其家。倘祇有傷。則傷者亦由鋪主養至終身。鋪主懼貽久累。乃遍請精於醫道者。覆視之。皆云目已復原。毫無傷損。不得援因公之例。索擾居停。而甲則固執前言。謂痛而

無觀彼此頻爭。遂致涉訟。經當道令官醫覆診。亦謂左目如常。於是密議一計。以綠字書於黑漆板上。先取眼鏡一副。右目用紅玻璃。左目用白玻璃。今甲戴之。遽飭視黑板上綠字。問能見之否。甲不知其計。答言字甚了。余以右目見之。於是衆人見甲。詐有憑。皆唾其面。蓋黑板綠字。紅玻璃必不能觀。甲既見之。必由白玻璃得。光是左目。實無所損。其計謀之精。折獄之巧。洵足與吾國以前之良吏並稱。彼國人心之險詐。於此亦可見一斑矣。

一千餘年之古樹

人無百年不死之身。物有萬古不磨之質。然必金石之屬。質堅而能耐久者。乃有之耳。若一樹一木之微。得天地之奇氣。受日月之精華。亦有歷久常存者。然多至數百年。已足當一古字。不謂世竟有二千年前之古樹。至今尙欣欣向榮者。粵東光孝寺有菩提樹。相傳盧仲翔曾讀書其下。現雖祇剩枯榦。然吾國之樹。無有古於此者。其餘如蘇州西鄉元墓山有柏樹四青。奇古怪各佔一名。一則樹身直矗雲霄。通身無榦。頂有綠毛一叢。一則高僅數尺。而婆娑枝葉。蔭廣二十餘圍。如蒲團而平。其頂一則碩大無朋。通身綠毛直貫於頂。形類一座浮圖。一則本身已枯斷而仆地。從斷處重發根枝。小榦萌生。亭亭挺立。四樹皆霜皮黛色。或云漢晉所遺。然終不知其爲何代物也。余又聞人言。意大利國蠻馬利地方有一樹。爲世界最古之樹。此樹之壽。生於紀元前四十二年。高一百九十六英尺。可與吾國元墓之四栢同爲樹中之王矣。夫艸木本忘機之物。非如人之心爲形役。

順其性以全其天。獲享大年亦無足異。但世不少焚琴煮鶴者。流此樹獨能歷數千年而免於斧斤。刼之斯足奇已。

二百餘斤之大魚

凡人自少至壯。自壯至老。凡歷三數時期。無多變態。年華漸老。則血氣漸衰。而軀幹亦漸敝。他動物則或然。或不然。鱗介之屬。歷時既久。其發育之力益強。其重量面積往往逾於本來之體。有足爲人害者。愚夫不知。謂將成精作怪。殊可笑也。江陰南鄉有鎮名青陽。鎮西王家村一帶長河。四圍流水。斷橋之下。游魚聚蓄其中。每屆冬間。村人皆施網罟。得魚市錢。視爲利藪。春則購魚重蓄。歲以爲常。一年春下魚苗。至冬不可復得。又並無偷下志和之網。私垂尙父之竿者。村人不勝駭怪。乃召漁者以水鴉捕之。鴉下俱死。共傷十餘翼。衆益駭。因屏水使涸。以覘其異。桔槔並事三日。而枯見。水底有大鯉一尾。玉翅修鱗。長九尺。有奇。權之得三百六十一斤。魚身短腹闊。巨口翕張。望之可畏。携以入市。售錢三十千。此事發現。詎今約五六年。使此魚能深藏窟穴。不露頭角。雖至今存焉可也。

蛇背求生

毒物傷人。乃有利用之以出險者。亦異聞也。穆拉油國沙禮。寓打石山。一日泛舟中流。將往叨地。適打石山有轟山取石者。大震一聲。山穴有巨蛇。不知幾尋丈。聞聲驚竄入水。觸沙舟。立即翻沈。沙亦因而溺水。自分必死。

昏○瞶○中○覺○膀○下○有○物○若○沈○若○浮○逕○向○岸○頭○疾○駛○心○異○之○捫○以○手○覺○鱗○甲○森○然○微○帶○腥○膩○知○爲○覆○舟○之○蛇○心○惕○甚○繼○念○事○已○至○此○若○棄○蛇○必○死○於○水○轉○想○間○卽○亦○不○懼○乃○緊○跨○不○釋○而○蛇○行○如○飛○轉○瞬○抵○岸○蜿蜒○而○逸○沙○從○蛇○背○躍○下○竟○保○無○恙○夫○太○白○入○水○騎○鯨○不○知○所○往○今○乃○涉○水○乘○蛇○得○全○性○命○騎○鯨○之○說○本○屬○不○經○蛇○背○求○生○則○確○係○實○事○斯○真○海○外○奇○談○矣○

虎口奪食

虎食肉之猛獸也。肉投虎口。未有倖全。人能避其凶猛。不以肉投之。斯足矣。乃欲從虎口而奪其已得之肉。肉未得而身先葬虎腹。世烏有此妄人。然竟有之。且竟得肉。虎死而人無恙。至今述之。猶足令人色變也。甯國府太平境內多山。虎豹之巢窟也。數年前該處有居民蘇姓者。胆粗力大。每向山中採薪。易錢謀食。一日負擔入山。力乏小憩。不覺睡去。朦朧間聞嚼噬聲甚厲。張目四顧。見離身二丈許石畔有一虎。拖野豬一頭。撕分爲二。恣意大嚼。蘇涎之。自念肉自送來。何不往取。因潛至虎處。高聲大呼。虎若驚皇。啣一肉離去。數十步仍復吞嚼。蘇取其贖肉。心猶未足。持斧往奪。虎怒撲蘇。首肉裂。首露。蘇痛甚猛。以斧擊虎腰。虎受痛一躍。適墮山峽。足離地數尺。不能動。蘇乃斃虎。併豬肉盡取。以歸。首上之傷。醫治尋愈。鄉愚負勇。敢攫虎豹之兇。亦自古以來絕無僅有之事也。

談虎偶錄

文虎小道也。然非心靈手敏者。不足以詒此心靈矣。手敏矣。而少誦詩讀書之功。寡博聞強識之力。胸中所儲蓄者。不足以供其驅遣。仍不足以語此。其有讀書雖多。食古不化者。其詩文或有可觀。一談此道。則瞠目結舌。不能道隻字。縱飲以墨水三升。亦無由鑿開一竅。若是者。余已得數人矣。游戲之事。而其難若是。學者顧可忽乎哉。

解鈴還是繫鈴人。故能猜謎者。必能製謎。不能猜謎者。必亦不能製謎。製與猜實無難易之可言也。謎有十忌。忌呆。忌脫。忌廓。忌混。忌艱澀。忌割裂。忌直遂。忌雜湊。忌神氣不全。忌意義未盡。能免此者。便是佳謎。謎之爲道。本文人游戲之作。不足語於大雅。故古人例無專集。然偶被流傳。膾炙人口者。亦復不少。此文字之化工。亦藝林之佳話也。迂拘之士。鄙薄不爲。不知鉤心鬪角之中。具有溫故知新之用。茶餘酒後。偶一爲之。神與境會。趣在箇中。可以遣我閒情。可以餉人儉腹。較之鬪一局。楸枰打八圈。麻雀孰爲得而孰爲失耶。謎之取徑。至狹。而所包甚廣。滿天地。亙古今。事事物物。形形色色。無一不可爲謎之資料。故其爲文也。無所不備。而雅俗共賞。新舊咸宜。其性質近於美術文字。而未脫理想之範圍。無文章之月。而擷其精華。無詩詞之功。

而深其趣味。此蓋宇宙間靈機之偶洩者。人籟亦天籟也。古人云。雖小道必有可觀者焉。其斯之謂歟。余埋首於故紙中者有年矣。初學文。不成篇。繼學詩。不成韻。後復從事於小說。亦未能工。顧性嗜文墨。雖畫虎貽譏。而效顰自喜。因思文虎一道。尙非難能塗抹之暇。輒復技癢。惟是外無雅骨。內無靈心。且聞見不多。未免左支右絀。姑就前後所製。擇其稍可見人者。哀集成篇。非敢自附風雅。聊以供黃童白叟。豆棚閒話之資而已。勞兼薪水。奴初去典。到琴書事。可知二語形容貧態。妙在不俗。余嘗自書是聯。懸之斗室。此境此情。余耐之久矣。戲以二語各射四書一句。上句爲使已。僕僕爾。下句爲是絕物也。友人程某見之曰。下句可易爲人不堪其憂。則不脫琴書而虛神全到矣。余點首稱善。

四書中丘字。因避聖人之名。多讀作某字。坊間刻本。特爲少去一豎。刻作丘字。讀者幾忘丘字本文矣。余製一謎以斤字射四書一句。用拆字格。猜者或從近字著想。或從斧字著想。或從所字斯字著想。卒不能得。余曰。不尙有丘字。可以解剖乎。語甫出。卽有一人曰。得之矣。丘未能一焉。

猜斤字謎時。余兄嘯亞適在座。謂衆曰。余亦有一謎。謎面亦爲斤字。不過多加一斤。以二斤射古文二句。諸君試思之。衆曰。一斤尙難猜。若是況二斤乎。余亦茫然。問嘯亞曰。亦用拆字格乎。答曰。然。余忽悟曰。吾知之矣。其在斯乎。其在斯乎。嘯亞笑領其首。衆猶追問何在。余曰。已言之矣。兩斤字加兩其字。不成兩斯字乎。嘯亞善猜謎。而不常製謎。偶製一二。無不佳妙。其設想之幻。每與人以不可測。二斤一謎。卽其例也。又嘗以土。

匪二字射詩經一句懸之十日無人問津及露底則胡爲乎泥中也。

謎有當面錯過者亦有隨機觸發者余有二謎一係藁葬射四書一句無所取材一係指上莫留鴉片跡射四書一句無使土親膚二紙同黏壁上忽一人問曰上條是否無使土親膚乎余曰非也旁又一人問曰然則下條是否射此句乎余曰是也其人卽取贈物而去前問者忿甚然無如何也。

藁葬一謎後亦爲人猜得余友吳子雙熱謂余曰不佳不佳此句土葬火葬風葬皆可用非止藁葬也我爲子易一句可乎余曰願聞雙熱曰則茅塞之矣余稱善曰不僅磊切且塞字可謂一字傳神。

雙熱善滑稽余嘗以醉後大吐射四書一句飲食若流流字摹神人爲叫絕雙熱曰余亦得一句用升冠兼解鈴諧聲格人問之答曰惡惡臭惡惡者吐時之聲也臭者吐後之味也一座爲之粲然。

謎中之諧聲格本非上乘若謎底僅一字則必用拆字格以拆字而兼諧聲便不成謎矣人有以一部左傳用諧聲格射一字者人莫能猜得後知爲故字故字從古從文古字諧音爲瞽一部左傳者瞽者之文也是謎揭曉後衆爲之掩口余曰不如以射俗語一句其人問何語余笑曰瞎說瞎話。

一字之謎以拆字而兼會意者爲佳如桂香時節射朕字請出八字便是妻子射室字竹疎宜入畫樹少不成村射彭字伐木聲中遇洞賓射哥字皆一字之佳者也余以行人拿出稻花上射一字人有猜未字者有猜由字者余曰一字非象形乃會意也後余自言爲稗字人猶不解余曰稗字從禾從卑人出稻花之上非禾比人

卑乎。然此謎實不佳。僅免如一部左傳之貽笑大方耳。

余又以枯樹風生。常不足壞牆。月上已先斜射一牆字。雙熱稱妙。惜舊謎中已有以半牆斜月十分低射將字者。不免有依傍之嫌。

一字謎之佳者。如一船斜泊。一船開射。一激字。亦以拆字而兼會意者也。近有人襲取其意。改換一面爲漁艇。日斜傍畔。岸雁行風順。向中流。自謂青出於藍。吾未之敢信。

余以掘壁洞射易經一句。小人剝廬。友人王某戲曰。惜爲小人。若是君子豈不更佳。以賊爲梁上君子也。後有人以屋上有聲射四書一句。自稱底極佳。問之則曰。君子之過也。余笑曰。若是則余得無數佳謎矣。鑽壁洞可射躬行。君子賊窠可射君子居之。賊出。屢急尿可射君子無所不用其極。貧家可射君子不入也。賊伏牀下可射君子之守。青氈一片可射君子存之。步履輕捷可射君子行法。擒賊須加拷打可射君子不可虛拘。放膽作賊可射君子不憂不懼。賊相打可射其爭也。君子賊打。拘可射君子何患乎無兄弟也。風雨無阻可射君子不怨天。天將明可射君子可逝也。賊竊物何用可射君子質而已矣。隨口說去已得十餘條。若翻書細檢逐句附會。不知更有幾許。是亦君子之厄也。一座爲發大噓。

製謎時有思一而得雙者。余以四字射四書一句。初思得非其罪也。繼思得欲罷不能二句。實無分軒輊。可以並存。

謎面用成句底雖稍泛亦可看過余以長爲農夫以沒世矣射書經一句予將疇依本不甚佳然二句頗能相得益彰

同焉二字射古人名二司馬相如司馬錯此舊謎也嘯亞製一謎以蘭字射古人名一蘭相如此與同焉二字同一用意而謎面較爲囑囑

余又以蘭花二字射書名一人有猜爲香祖筆記者余笑其非其人辨曰蘭花非香之祖乎余曰若是則筆記二字作何解若僅用香祖二字又不成書名其人語塞此謎後亦爲雙熱射得蓋本草也

以古人名製謎最忌呆板余以鬚眉不老射古人名一毛延壽雙熱曰謎面極佳而底則太呆余頗韙其說次日復以死不肯剪辮子射古人名一雙熱屢思不得余笑曰聰明一世亦有懵懂時耶此卽昨日之毛延壽耳死不肯剪辮子非人死而毛反延壽乎雙熱曰不呆不呆

前有人以月月紅三字射一官名猜者多從花上推敲無有中者後製者自言爲經歷衆乃恍然余仿其意製一謎以潮無信射一書名易經爲雙熱猜得蓋月月紅一謎余嘗以語雙熱故雙熱能知余意所在也此種謎道學先生見之詈不絕口矣

舊謎中有以楊柳千條盡向西射詞牌名東風齊著力余反其意製一謎爲楊柳千條齊向北射詩經一句飄風自南妙在飄字未脫楊柳自謂不弱於東風齊著力也而一般僇父見之謂方春言南風終覺牽強余笑曰

夏時豈無楊柳乎。

余以老少年射詩經一句黃髮兒齒嘯亞曰切則切矣惜其太板別無意味可尋不如以射古人名顏回寓反老還童之意較爲活潑余以爲然。

有舊友某素染煙癖不見已久一日遇之於茶寮余問其戒未友曰不作此項功課者已半年矣余曰卽以君言作一謎射詩品一句試猜之友沉思半晌笑曰莫非吞吐大荒乎。

拆字格貴乎自然若一句中有一二不可解之字便不可用前有以今字射四書兩句既不能令又不受命後有人謂之曰命字從今不從△吾請爲易二句云嬖人有藏倉者沮君君是以不果來也余謂二謎均不佳因各有閒字也命字不從△姑無論試問受字作何解嬖人二句心思較細然嬖字臧字又作何解余亦嘗以冉字射左傳二句一之爲甚其可再乎惜多爲甚二字又以改射四書二句用綴錦格一以貫之再斯可矣終覺不甚自然故製謎當使古人就我不當使我就古人。

白字射六才二句一無成百無成此亦舊謎也余亦以白字射四書一句舉一而廢百也人謂爲異曲同工書中成句可以爲謎者什不過二三其有完全巧合不少假借者每爲人先我而得雖非勦襲而無以解嘲余以白蓮射詩經一句匪用爲教自謂獨運匠心後知是謎前已有之但未識見於何書或謂改射二句既見君子滯其如玉亦可。

古文簡單。一字每有數解。如陣字通陳。沉字通沈。此其例也。以此製謎。用替代之意。頗亦不俗。古文無陣字。射四子人名。一陳代。此前人所製者也。古文無沉字。射四子人名。一沈同。古文無閒字。射四書一句。一閒耳。此余所製者也。又以賈字射新名詞代價。亦尚可通。

拆字兼會意者。意思若不顯豁。便無足觀。余以買賣二字射大學一句。有土此有財。初意亦佳。繼思無甚意味。以不醒也。更有以謎面用別解。而謎底復用拆字格。其謎雖佳。而疑障重重。令人無從捉摸。如以魏武子射詩品一句。不著一字。人但知魏武子係人名。而不知人中更有人也。若以默聲二字射詩經一句。盧令令則更空費心思。絕無興味矣。

謎面以不矯揉造作為佳。若能用古詩佳句。更覺雅致。謎底固不必字字推敲。但得渾寫大意足矣。余以醉裏題詩字半斜。一句射四書一句。狂而不直。人謂僅有醉字斜字之意。其餘五字。全行拋荒。不得為佳謎。余曰。詩有詩眼。謎亦有謎眼。此詩之眼在一斜字。而斜字來源則醉字也。故著想只須就此二字。則全神自得。此可為知者道。難與俗人言也。

以今人名製謎。甚覺新穎。然範圍太廣。當有限制。無名之人不可用。有名之人又易猜姓名。欲熟人之耳。又不欲使人一索即得。此在觀其用意之隱顯矣。余以蕭何韓信射今人名。張繼別無深意。略加思索。便可脫口而出。與前人以鑽穴隙相窺射張之洞者。殆不可並論。後又以五子登科射今人名。一人有猜伍廷芳者。有猜伍

朝桂者。其不知此事歷史者。并有猜爲滿人中之聯甲聯元。後亦爲雙熱揭去。蓋應桂馨也。此謎之妙。全在一應字。

謎用縮脚句法。最爲易猜。如前張繼一謎是也。人共知蕭韓張爲三傑。今有蕭韓而無張。則張繼在是矣。余又有如此者數謎。政事冉有射四書一句（解鈴）子路共之。人民政事射俗語一句（諧聲）上坎（讀文）弗見土地。前一謎中者甚多。後者人多不解。因此語爲杭諺。吳諺則爲下弗見土地。上下倒置。揭曉後羣相疑訝。余以繆蓮仙文章遊戲杭諺集對爲證。衆始無語。

綺語爲詞人所戒。若謎則屬遊戲性質。本無規範。然亦不可過褻。如處女看春宮。射他日我如此。必嘗異味。倒交射良人者。所仰望而終身也。今若此。用意雖佳。終覺不堪入目。若和尚摸頭自思想。射無分於上下乎。公與文姜至自齊。齊侯通焉。射然則有同歟。雖涉穢褻。而用意較隱。便看得過。余以妓生兒射四書一句。夫非盡人之子。歟。嬌妻恃寵。射聊目二小官人。愛奴亦尙不嫌唐突。至以其妻與友私。射書經一句。朋淫於家。亦嫌過褻。已棄之矣。

前清官名製謎。佳者如五代史。射修撰。睥其目。瞞其腹。射狀元。一有典實。便覺可觀。他如一滴。何曾到九泉。射祭酒。亦佳。近人有以巧笑倩兮。美目盼兮。射一官名。用諧聲格。刑部右侍郎（讀如淫婆右視郎）此實不足成謎。余以十扣柴扉。射遊擊。人謂不佳。然余終自謂勝於刑部右侍郎十倍也。

謎以會意格最爲上乘。其有一二閒字。不忍割愛者。則用升冠或脫靴格。至閒字過多。而用雙升冠雙脫靴者。則割裂太甚。不成句法矣。然最劣者。尙有解帶格。去其中間一字。或二字。將一句截作兩段。古書何罪。而處以腰斬之極刑耶。余於升冠脫靴二格。偶一用之。解帶格則未敢效顰。且前二格亦至不得已用之。若可以用他句替代。甯舍此就彼。如屏水射四書一句。使老稚轉乎溝壑。去一使字。若以改射溝澮。皆盈。未嘗不可。然終不若上句轉字之形容入妙。此不得已也。又未除斬首之刑。射四書一句不改辟矣。則上文地字。本可頓讀。卽不必自附於升冠格矣。

猜謎者與製謎者之心理。未必盡同。誤猜者彼必別有會心。若將其所誤之句。另換一面。亦往往可得佳謎。余以天傾射詩經一句。蕩蕩上帝人。猜爲上帝不甯。余曰。上帝不甯。乃天翻也。余弄一而得雙矣。余又以項王帳下之歌。射詩經一句。吁嗟乎騶虞。惜騶字不能易。騷不然。眞佳製也。然七騶六騶。本爲良馬。同音同解。尙可假借不足病也。此謎人有猜爲思馬斯。作余曰。冷落美人矣。又有猜爲作於楚宮者。余曰。帳下非宮也。然此句固可製一佳謎。人問其面云何。余曰。細腰何自始。

謎之佳者。有用典與白描二種。白描固難用。古而能化。亦非易事。余製謎甚多。而用典之謎。佳者實鮮。惟臥龍去後。竟無人射四書一句。遂有南陽爲愜心貴當之作。然人猶有謂其神氣未足者。余亦不能自決也。白描之妙。在不卽不離。恰到好处。太脫太混。皆不可傳。神在箇中。非慧心人不能領略也。余以聾者傾耳。射詩

品一句如將有聞聽者爲之失笑。雖不敢自謂白描妙製。然不可謂非傳神之筆也。餘如賴債射詩經一句。借曰未知浴堂射四書一句。人潔已以進共和真假面射四書一句。如彼其專也。皆爲同人稱賞。

謎之用典者。固以現成爲佳。然亦有因過於現成而反不見爲佳者。相差一間。最難識別。余以無目者也。射詩經一句。不見子都。現成則現成矣。所以不佳者。因無目者也。一句之上。文與謎底。僅差一字耳。又以瓜蔓抄射執訊連連。亦嫌其現成太過。不耐尋思。如以孟德至呂奢家射詩經二句。乃造其曹執豕於牢。賈母爲寶玉擇配。射四書一句。當在薛也。則現成而不覺其過矣。

時事入謎於遊戲之中。寓警惕之意。既覺新穎。且可動人。余曾製得數條。如清廷退位。算知幾射古人名。豫讓北兵過處。盡成墟。射詩經一句。燕師所完。重逢燕市。射詩經一句。乃觀於京。誣爲亂黨。射易經一句。比之匪人。事機失敗。走東洋。射古人名。捲簾夷逸。民國方興。機忽挫。射外國人名。華盛頓避居上海。射古人名。申不害。上海消息靈通。射古人名。申詳若將此種謎集成一冊。非特可以一新耳目。亦國民之當頭棒喝也。

謎之用問答體者。最流利動目。如哀公何人也。射必宋之子。誰斬灞陵尉。射夜游將軍。躍然而出。絕無阻隔。亦無停頓。其佳處在是。余亦仿此製數謎。以畫龍壁上。誰留稿。射詩經一句。厥草維絛。尙覺典雅。若以班師誰肯竟和戎。射俗語一句。一相情願。則稍遜矣。

謎之呆詮者。味同嚼蠟。然用意能深。出語不俗。亦足制勝。余嘗以自製之謎。入於呆詮一派者。自爲甲乙。如飛。

軼射錢起亂嚼射胡齕鬚囊射項橐學鑲牙射習鑿齒小做大（升冠）射以妾爲妻未亡人射失丈夫奉詔下獄射天命降監嘉植射種之美者也此其最下者以專用代字意粗語淺也如手足痿痺射股肱惰哉郵差射函人廬墓（解鈴）射居於陵施不望報（解鈴）射費而隱憎夫射不願乎其外輕雷射薄言震之此其次者以同用代字而心思較細也如寒深草閣不開門射五月居廬佳人作態故低頭射非直爲觀美也此二條一則言中有物一則字裏傳情當爲呆詮中之上品又如烟僧射小人懷土憎暑射不長夏以革則爲會意格之完善者不得謂之呆矣

一字之謎其佳處每在於面而不在於底最妙用成句若稍附會牽強便不值一笑余所最喜者如賦得偃武修文得閒字射一敗字春雨連綿妻獨宿射一字可謂想入非非如以別四十年逢一夕射舞字則已嫌附會余嘗以兩山排闥送青來射春字面現成而底直可謂之不通又以新種竹多死射笑字拆開爲个个天底甚佳而面實出於杜撰甚矣一字之難也

謎有須形容者形容得像則滿紙盡是雲烟亦有須體會者體會得真則下筆不踰矩範不可形容者而形容之則爲畫虎不成不可體會者而體會之則爲隔靴搔癢運用之妙在乎一心未可執一而論也余嘗以飛騎射詩經一句驅馬悠悠以悠悠二字形容飛字的入妙次日復以飛錢只作飛錢用射四書二句人以爲必仍如前條之形容飛字也顧飛字殊難形容四書中又少類似之句作勢推敲卒難破的忽一人問曰是否勞

之來之輔之翼之二句乎。余驟聞而奇。既而失笑曰。子以勞字作勤。勞解乎。則既云飛錢。乃不勞而獲。非勞以
來之者。也有翼固能飛。又何以輔之耶。後又一人問曰。貨悖而入者。亦悖而出。是乎。余曰。子思想未差。而體會
未細。只作二字。須着眼也。其人俯思良久。蹶然曰。今番是矣。雖得之。必失之。余笑曰。其至爾力也。其中非爾力
也。

謎之取材。上至經史。下至稗乘。至無制限。余嘗以聊齋中事製謎無數。佳者僅得其二。一爲踏肩之戲。射四書
一句。已欲立而立人。一爲巧娘客涕。射易經一句。爲其嫌於无陽也。爲字嫌字无陽二字。妙造自然。又以石頭
記葬花一回。中寶玉對黛玉。一誰知你總不理我。叫我摸不著頭腦。少魂失魄。不知怎樣纔是。數語射四書
一句。賈請見而解之。亦爲虛實兼到之作。

智能與寶玉談情。射君向瀟湘。我向秦。此謎余甚愛之。古詩中用瀟湘二字者。雖多。而可以代表顰卿爲謎中
之資料者。殊不易得。余有一謎。面爲黛玉臨終有紫鵲。射唐詩一句。雁聲遠過瀟湘去。雖或不及君向瀟湘句
之自然。然亦不可多得者矣。

聊齋目錄。亦可製謎。惜其目無多。一覽易盡。以其少也。故易猜。余以春花射伍秋月。小勇射妾擊賊。三上弔射
戲縊。皆隨出隨揭。不耐人思。後以久旱老農憂射向杲。念秧人僅猜得念秧。上目或猜爲雨錢。或猜爲焦螟。杲
字並不生僻。杲杲出日。讀過毛詩者。皆能憶之。而一時竟被瞞過。亦可笑也。又以回文錦射蘇仙織成二目。亦

可○惜○仙○字○不○可○通○耳○

謎○詩○之○佳○者○實○不○多○觀○以○一○詩○須○上○下○接○氣○不○得○斷○續○故○難○能○而○可○貴○也○前○見○文○章○游○戲○中○載○有○二○十○餘○首○然○佳○者○甚○尠○余○祇○愛○其○二○首○一○云○十○分○嬌○豔○小○吳○姬○桃○李○叢○中○轉○步○時○猶○憶○朝○來○巫○峽○去○芙○蓉○被○暖○起○身○遲○隱○百○媚○娘○看○花○回○夢○行○雲○戀○繡○衾○四○詞○牌○名○一○云○洗○硯○臨○池○仿○昔○賢○陳○編○萬○軸○貯○名○山○轉○嫌○六○籍○皆○糟○粕○滴○露○研○朱○讀○馬○班○隱○學○士○尙○書○經○歷○典○史○四○官○銜○名○後○見○某○氏○筆○記○中○某○嫠○婦○所○作○隱○詩○經○篇○名○數○首○亦○屬○完○全○之○作○余○嘗○賦○春○閨○二○絕○每○首○隱○聊○目○四○一○云○纖○纖○舞○倦○綠○楊○絲○風○定○餘○花○尙○滿○枝○繡○罷○拋○鍼○無○個○事○粉○牆○題○徧○斷○腸○詩○隱○細○柳○小○謝○織○成○畫○壁○一○云○一○雙○蝴○蝶○過○牆○東○睡○醒○幽○歡○事○已○空○一○霎○紅○銷○枝○盡○綠○低○徊○百○舌○罵○春○風○隱○翻○翻○夢○別○葉○生○禽○俠○二○詩○揭○曉○時○或○中○其○六○或○中○其○七○無○全○中○者○中○其○六○者○誤○第○二○首○第○三○句○爲○青○梅○或○小○青○誤○第○四○句○爲○鳥○語○也○中○其○七○者○葉○生○未○誤○而○禽○俠○則○仍○誤○爲○鳥○語○也○不○知○此○詩○之○妙○全○在○末○句○末○句○之○妙○全○在○一○罵○字○百○舌○何○爲○而○罵○爲○花○而○罵○也○爲○花○而○罵○其○爲○禽○也○不○亦○俠○乎○

謎○詩○中○一○詩○隱○一○物○者○一○句○須○有○兩○層○意○思○上○下○亦○須○接○氣○實○爲○詠○物○詩○之○有○寄○托○者○非○謎○也○余○前○亦○曾○作○十○餘○首○惜○已○失○去○今○可○憶○者○僅○三○四○耳○隱○父○袋○云○粒○粒○珍○珠○盡○值○錢○紛○紛○出○口○忍○輕○捐○漏○卮○四○溢○渾○難○塞○從○此○蒼○生○命○倒○懸○隱○走○馬○燈○云○功○名○事○業○若○捕○風○紙○上○談○兵○氣○自○雄○爲○問○寸○心○灰○也○未○他○時○會○見○泣○途○窮○隱○烟○袋○云○一○官○棄○置○冷○如○冰○熱○不○因○人○事○未○能○但○使○吹○噓○能○借○力○一○經○吐○氣○便○升○騰○隱○摺○扇○云○天○生○雅○骨○自○玲○瓏○能○畫○能○書○

點綴工。畢竟卷舒難自主。只緣身入熱場中。隱彈棉弓云。非琴非瑟亦非琶。也有聲從弦上聞。一曲從軍彈未畢。梅花如雪落紛紛。隱畚箕云。隨奴逐婢太無才。作怪興妖是禍胎。慚愧十年空面壁。只今滿腹是塵埃。予友趙子歧雄最擅此體。有古樂府數十首。僅記其四。隱鏡云。見面稱知己。背面便相忘。閱盡人千萬。無一知心郎。隱算盤云。粒粒明珠在。難從掌上擎。相思苦無益。彈指已清明。隱花瓶云。生來卽碩腹。莫疑妾有身。生來愛插花。莫道妾懷春。隱如意云。郎娶得美人。妾嫁得才子。長念結髮情。白頭永相矢。再有七絕數首。謹記得其隱天平二句云。可憐較盡鎗銖利。未享絲毫過一生。守錢奴見之。應爲淚下。

新名詞入詩。最爲討厭。然以之製謎。固未嘗不可。但求其佳。則亦甚難耳。余以寒擁重衾。冷半床。射團體二字。自覺不佳。又以好勇射愛力二字。亦無意思。而猜者多誤爲尙武。以尙武與愛力較。猶覺彼善於此也。後余又思得一底。仍以好勇爲面。射自由二字。似較善也。

算學名詞製謎。較新名詞更難。然亦有現成者。余以赤壁之役。龐統有功焉。射連鎖法。可謂極端巧合。又以旁觀者黑白分明。射代數。用繫鈴格。思想較幻。亦佳製也。又以小雪射微積。亦尙切合。但易猜耳。

余友某君。七賢之流亞也。一日罷局。後入某茶肆。余適與雙熱談虎。友問余曰。子能以雀戲製一謎乎。余曰。可。當官鬪牌。射四書一句。堂堂乎張也。又麻雀副副三檯。射四書一句。和無寡。打莊射四書一句。遊必有方。友稱極妙。雙熱攙言曰。第二條尙宜商酌。和無寡未必副副三檯也。何不用諸聲格。改射二句。必使反（讀番）之而。

後和之乎。余更有一謎。一句全用諧聲。龍鳳對殺。射四書一句。使乎。使乎。（四和四和）人爲之拍掌。雙熱製謎。喜用諧聲格。詼諧調侃。洵有別才。余弗能及也。

前年余與雙熱同客滬上。黃昏多暇。輒與之同遊馬路。風簷之下。雉妓雁行立。來嚙來嚙之聲。不絕於耳。余笑曰。此聲可製一謎。射詩經一句。雙熱曰。莫非雉鳴求其牡乎。余曰。是也。次日復過其處。則妓均不在。余曰。不知飛向何處去矣。雙熱曰。今日情形。亦可製一謎。射詩經二句。余問何語。雙熱曰。何其處也。必有與也。

余又以新官名製得數謎。九尺四寸。（升冠兼解鈴）射外交次。長魯陽戈。（諧聲）射留日。大使（讀試）二謎均不甚自然。最佳者爲庠者養也。序者射也。殷曰。序。周曰。庠。四句射中。校上校。真有天造地設之妙。蓋孟子原文。校者教也。一句在中。夏曰。校。一句在上也。

謎之從正面着想者多。呆滯從對面着想者多。空靈余有數謎。如女權發達。從今日射自此。賤丈夫始矣。喪家之狗。射如窮人無所歸。孤雁射鴻。則離之八音須並奏。（解鈴）射豈能獨樂哉。皆從對面映出。正面故見爲佳。然如勿迷信。天帝射無曰。高高在上。十月桃。結子射不祥之實。花徑未曾緣。客掃射不待三。余不如素射吾何修。名哭生者取義。安在（解鈴）射何爲其號泣也。則雖從正面着想。其佳處亦有不可掩者。今人稱妓女爲倌人。考倌字之義。主駕小臣也。商家呼傭爲堂倌。其爲稱等之僮僕之類。稱妓女爲倌人。賤之也。余嘗以叫堂差射詩經一句。命彼倌人。按倌人二字。古籍中僅見於此。此謎人謂巧不可階。

用典之謎有二種。一爲明用。一爲暗用。明用者知其典實。卽不難揭曉。暗用者可以惑人。未必一時遂能想到。余嘗以葛巾二字爲面射詩經一句。人明知其用典。而不知所用何典。諸葛亮、陶靖節皆與葛巾有關係。聊齋上亦有一葛巾。實則余所用者祇有一典。而有同類者以惑之。致人思想紛歧。難以命中。此謎後亦自露底蘊。乃可以濯壘一句也。

謎之難猜者不必艱深。亦不必曲折。但略使狡獪。便足令人隔膜。一層無從擗破。余以借光二字射俗語兩句。風掃地。月點燈。上句光字作虛用。下句光字作實用。揭曉後人始知其妙。

俗語入謎。能化俗爲雅。方是佳謎。若能用典更爲難得。余以接淅而行射沒淘成三字。妙在淅字作漬米解。非已淘之米也。餘如天火射自然。而然黃泉路射魂靈經。三射頓口無言。何用千金市駿射賤骨頭不污污。君射吃狗屎。忠臣把尿射虛張聲勢。亦足以博一噱。

海虞方言呼醋爲秀才。呼秀才爲酸醋罐頭。余製一謎以或乞醯焉。乞諸其鄰而與之射六才一句。秀才人情自謂比之舊謎中以芹儀爲謎面射秀才人情者較有趣味。或曰謎則佳矣。惜祇有鄉人知之。他人不解也。余曰他處卽不呼醋爲秀才。然酸秀才三字則無人不知。亦可領會得之也。

古人名雖多。而一入謎中。卽易追索。以其字不多。非如書語之長短參差也。余以袁子才一事不先人射晏嬰。家學淵源射文種。前條有誤爲子產者。有誤爲徐子者。後條有誤爲公孫述者。有誤爲祖可法者。並無深意。而

人猶多誤。然則余謎殆不佳耳。

拆字格欲求其佳。與會意格實無分難易。蓋字雖分拆。而語氣亦須渾成。過於瑣碎。雖巧毋取。如往來無白丁。射問管仲。拆開爲門口。个个官中人。瑣碎欲死。而鄙俚不堪。覺得滿紙江湖氣。非讀書人吐屬矣。余前後所製之謎。此格頗多。而愜意者無幾。如門字射詩經二句。吁嗟闊兮不我活兮。吉居射詩經一句。繫鈴。予手拮据。個射禮記一句。寡人固涂射四書一句。半途而廢。不射四書一句。一介不以與人。此數則余自謂尙非拆字先生之常談也。

雙熱左足微有疾。同人戲呼之爲吳跛。曩年遊學蘇台時。與同學數人相聚於茶寮。有名濯漢者。戲言曰。余有一謎。闔盧傷將指射今人名。一衆共視雙熱而大笑曰。吳跛吳跛。雙熱若不注意者。徐言曰。余亦有一謎。楊妃洗兒。射今人名。一衆方尋思。名濯漢者已面赤遁去。已欲侮人而反爲人侮。然雙熱亦可爲謔而虐矣。

八年前余肄業某師範時。課暇戲將同學姓名製爲文虎。約得三十餘人。一時哄動全校。惜今已遺忘淨盡。如此吾家千里駒也。射宗之駿。秋月不圓。射方鑑。其人字月秋。舊臣射陳弼。凱旋射歸勝。雌伏不甘。猶有待射時。雄飛道他是夢裏虺蛇。却變作衆中騏驎。射姚人駿。對策射陳謨。子昂畫射馬圖。此皆當時同學以爲可誦者。故今猶能憶之耳。

去年余遊蘇臺。適某處出燈。某友勸余同往。至則觀者如堵。余信目一覽。類多易解。如午後賞荷。射詩經一句。

未見君子。鬼射詩經一句。西方之人兮。淮陰祠射詩經一句。（捲簾兼解鈴）王假有廟。旅館射詩經一句。有客宿宿。廁所射四書一句。人皆掩鼻而過之。於是閏三月射六才一句。乃更殘春狀元歸去馬如飛。（捲簾兼解鈴）射四書一句。奔而殿。紙虎射四書一句。射不主皮。白牡丹射四書一句。素富貴。項羽射古人名一。（捲簾）王霸內助射古人名一。息夫躬。我是俗人射書名一。爾雅吾欲辟土地。朝秦楚。蒞中國而撫四夷也。射書名一。（捲簾）一統志未及半小時。爲余等二人揭去者。已過半數。余友曰。君子不欲多上人。盍去休。余方欲行。忽見末有一條。大書民權。民立中華。射詩經一句。贈品極重。余問主事者曰。君殆隸共和黨籍乎。其人傲然答曰。是也。余曰。然則此謎余已猜得矣。匪報也。一句是否。贈物請君自取。君亦風雅士。但此種遊戲之事。而亦參以黨見。甯不令騷人齒冷耶。其人大慚。若無所容。余亦一笑而別。

海虞市有一種小報名七日報。每星期發行一次。余戲製一謎。面爲申包胥卒得秦師。下注射新流行物。一人都不解。是日適值該報發行。賣報者高聲喚賣。往來座間。衆人摸耳撓腮。亦無聞而覺悟者。余不覺失笑。此謎若下注射報名一。則一擲即破矣。

近來士人競言新學。幼時熟讀之四書五經。不知拋往何處。猜謎時搜索枯腸。異常艱苦。竟有挾帶書本。隨翻隨射者。屬翻不得。則喃喃言製謎者之狡惡。余頗厭之。卽出鉛筆戲書一條云。翻書射謎。仍弗中。射四書一句。粘於諸謎之後。懷書者踉蹌遁。余謎之底。乃習矣而不察焉。一句也。

吾鄉姚吧瞻先生。文章品望。名重一時。著述之暇。亦喜爲文虎之戲。所製多戛戛獨造。不落恆蹊。幼時聞老父傳述。惜余貧於記憶。已盡模糊。祇記其一面爲心星二字。射禮記一句。旦牽牛。中此爲何等心思。拆字格殆無有。能出其右者。先生又善滑稽。一日與曠友龐某。互相嘲戲。龐曰。我願伐淇園之竹。以之編籃。先生問何爲。龐曰。搖子。搖孫。(姚搖同音)先生曰。我願得靈王之葵。使之守戶。龐問何爲。先生曰。防賊防強盜。(龐防同音)談吐生風。針鋒相對。亦前輩之風流佳話也。

和尚與生員口角。射一賞字。頗妙。且此事確有故實。昔有一秀才讀書僧寺。問僧曰。禿驢的禿字如何寫法。僧曰。秀才的秀字掉轉脚來。便是。聞者絕倒。此人爲僧侮也。前清康熙時。吳兆霖者。爲名臣吳文襄之子。能詩善書。知名於世。偶遊金山寺。僧不爲禮。後知爲吳。乃出聯乞書。吳撰聯贈之曰。鳳來禾下鳥飛去。馬到蘆邊艸不生。蓋隱禿驢二字也。僧不知而爲之裝潢。懸於禪室。見者罔不匿笑。此僧爲人侮也。卽以謎論。鳳馬一聯當爲拆字格之佳製。

謎中用算術者。每多巧製。如十惡不赦。射鞭七人。貫三人耳。二九不是十八。三八不是二十四。四七不是二十八。五六不是三十。射其實皆什一也。巧思綺合。各擅勝場。余嘗仿後條製一謎。爲二五不是十三。四不是十二。射詩經一句。其實七兮。用意相同。然文章貴能別開生面。印板爲之。其何能免於依樣畫葫蘆之誚哉。

友人爲余言。有一佳謎。爲某名士近製。面爲九頭鳥。射詩經二句。鳴鳩在桑。其子七兮。余曰。此非近製也。王荊

公字說新成。東坡嘲之曰。以竹鞭馬爲篤。以竹鞭犬如何可笑。又曰。鳩字從九。從鳥。亦有證據。詩曰。鳩鳩在桑。其子七兮。和爺和娘恰是九個。此東坡戲言。而彼拾以爲謎。實無足道也。

吳語擲骰得全色者。謂之渾成。此偶然巧遇。非常可擲得者也。有人以紅渾成（卽四全色）射四書一句。赤之適齊也。齊也二字直爲渾成二字。下一鐵板注脚。余謂此謎之巧。殆亦如全色之難遇也。余嘗以一二三四六射千家詩一句。纔有梅花便不同。用意亦佳。而謎面殊不成句法。

友人顧某以死戒家人勿哭。射四書一句。終不可諠。今諠字誤作喧。同人貽爲笑柄。余曰。余就彼意再進一層。以人死是哭不活的射千家詩一句。一滴何曾到九泉。渾寫大意自然緊湊。較之何作如何。

好句難雙作詩。且然况謎乎。然竟有之。如馬上相逢無紙筆。憑君傳語報平安。射吾斯之未能信。子說天然扣合得機得勢。真神乎其技矣。余以近人詩旅囊如洗。長途杳心怯。登臨不敢前。射四書二句。雖欲勿用山川。其舍諸人亦謂爲二難。然余終嫌其神氣未足。

前人有以千家詩全首製成一謎者。雖有巧思。實無深意。如滴滴篤篤。激激閣閣。寂寂寞寞。必必剝剝。射黃梅時節家家雨。一首一個一樣。一個一樣。射獨上江樓。思悄然。一首一揭破。真不值一笑。余以花國共和射。願教青帝常爲主。兩不相連。又是兩相連。射斷續聲隨斷續風。嘗鼎一臠。自有餘味。彼以全首爲底者。未免吞多嚼弗爛矣。

挾矢則矯矯騎馬則驕驕若非周郎妙計險被嫁了曹操此紀韻卿與喬松圃相謔之言也若以爲謎較之以一個跳一個叫一個大一個小一個吃人一個吃草射一騷字者雅俗之相去爲何如哉

吾鄉蔣若峯先生亦前輩中風流士也距今十餘年前有無錫人某來客於虞時有茶肆名儀鳳園者燈虎極盛某亦書一條於後面爲捉奸二字射詩經一句數日後諸謎皆已揭去惟此條獨留某大笑謂海虞爲先賢故里胡無一讀書人也於是遞增其贈品至數十金若峯先生問之大怒謂其子孟谷曰是人狂妄已極此謎余早猜得不遂其媾四字耳余以語傷於雅不欲輕出諸口子往言之彼勿謂秦無人也孟谷欣然往盡取其贈其人懊喪而去此事孟谷爲余兄嘯亞言

諧叢卷五

快活三郎文集

枕亞釋名

或有問於枕亞曰。子名枕亞。其義何居。枕亞曰。吾以亞洲爲枕也。客曰。大哉。枕乎。其形式如何。其面積若干。枕亞曰。吾有一枕。得之睡鄉之外。病國之中。其形式可廣可狹。可大可小。一人枕之。而有餘。千萬人枕之。而亦無不足。客曰。大哉。枕乎其夢。維何。枕亞曰。夢者醒也。醒者夢也。我無時不夢。亦無時不醒。人無時不醒。亦無時不夢。我之夢。無異乎人之醒。人之醒。則大異乎我之夢。我枕吾之枕。而人醒時之動作。悉呈於我之夢中。我枕我之枕。而人夢時之景象。又畢現於我之醒後。此吾之枕。所以不同乎人之枕。而以亞洲爲名也。夫夢者。心之代表也。枕者。夢之紹介也。枕不一夢。亦不一枕。芙蓉之枕。則夢斷雲零。雨之纏綿。枕則石之枕。則夢流月華。雲之綺麗。枕蛟龍之枕。則夢風雨雷霆之變幻。枕高低之枕。則夢山林泉石之優游。吾枕吾之枕。則夢見牛鬼蛇神之變相。魑魅罔兩之現形。聞自由鐘一聲。而驚醒。客曰。大哉。枕乎。四大夢之後。與子而將五矣。安得此枕化身。

千萬億以過贈同胞枕亞曰無須也人莫不有此枕人自不肯醒耳

說蟹

湖田十月稻有遺穗羣蟹蠢動盜以爲糧其出也必以夜其行也必以羣更闌人靜相率離其巢穴躑躅田間肆行剽掠如虎狼如盜賊蟹亦雄矣哉然而死期且至漁者審其時知已爲無腸公子出現之時代設籬於塘以截之如守株以待兔如設阱以陷獸蟹於是不能越雷池一步更燭之以火而羣醜無遁形矣一一擒之審其肥瘦辨其尖團束以青蒲纍纍然如貫珠携之入市高唱求售人以其味之美也爭購之斯時也勉舉雙螯欲撐無力橫吹口沫欲哭無聲可憐哉蟹也鐵甲猶存詎有脫藩之計金膏將溢已爲遊釜之魂購蟹者解其縛洗其殼侑之以酒配之以薑菊後霜前好試三秋之味橙膏醬潔適供一飽之資昔日之橫行安在耶雖然蟹未死也蟹且寄其魂於蝶蟹且假其威於虎兒童取其空螯黏之於牆栩栩然蝶也更取其敗甲塗之以墨耽耽然虎也蝶乎爾何不飛翔花際膏騰春夢其於秋後醒耶虎乎爾何不呼嘯林梢閃爍悍睛徒作壁上觀耶一生倔強末路如斯雖然蟹難勝人竊恐人而如蟹嗟嗟渺渺江湖非無窟宅茫茫天地盡是棘荆蟹乎蟹乎將於何處趁橫行哉蟹而有知其有餘痛乎

菊山說

秋山如妝秋菊有芳是何幻象金碧輝煌人有以菊花萬種堆積如山者頗甚可觀重重疊疊上下廻環不用

一。拳。之。石。居。然。九。仞。之。高。峯。回。路。轉。固。巒。四。擁。如。有。雲。烟。出。沒。其。際。恍。然。不。知。其。菊。之。多。而。以。爲。山。之。踴。躍。奮。迅。而。出。也。萬。峯。聳。峙。五。色。繽。粉。燦。如。錦。屏。淡。如。水。墨。高。山。仰。止。景。行。行。止。窈。窕。深。谷。時。見。美。人。入。衆。香。國。上。羣。玉。山。其。亦。何。以。過。之。獨。是。山。則。高。矣。美。矣。而。如。海。上。仙。山。在。虛。無。縹。緲。之。間。可。開。軒。相。對。不。可。躡。屐。而。登。可。拄。笏。以。看。不。可。攀。藤。而。上。自。下。望。之。其。勢。嵯。峨。其。骨。嶙。峋。其。氣。綢。繆。其。態。玲。瓏。駕。不。用。乎。六。鼇。鑿。無。須。乎。五。丁。而。項。羽。之。力。不。能。拔。共。工。之。頭。不。能。觸。僅。可。使。高。人。逸。士。杖。履。逍。遙。於。其。下。醉。吟。遊。賞。於。其。間。盆。縫。屈。曲。窈。然。而。深。者。其。菊。山。之。徑。乎。露。珠。錯。落。冷。然。而。青。者。其。菊。山。之。泉。乎。孤。榦。凌。霜。兀。然。而。直。立。者。丈。人。峯。之。崔。巍。也。萬。葉。弄。影。蕭。然。而。扶。疎。者。飛。來。峯。之。隱。現。也。其。黃。也。如。封。蒼。雲。其。紅。也。如。銜。旭。日。其。紫。也。如。含。暮。霧。其。白。也。如。霏。玉。雪。俯。仰。之。間。氣。象。萬。千。非。胸。中。具。有。邱。壑。者。安。能。爲。黃。花。別。開。生。面。乎。惜。哉。秋。色。雖。華。而。假。山。不。壽。西。風。一。掃。碎。黃。亂。飛。敗。葉。枯。枝。搖。搖。欲。墜。不。轉。瞬。間。而。菊。山。且。如。牛。山。之。濯。矣。且。如。梁。山。之。崩。矣。嗚。呼。海。市。蜃。樓。憑。空。結。撰。鏡。花。水。月。過。眼。皆。空。菊。山。亦。猶。是。焉。耳。我。竊。笑。世。人。將。假。作。真。以。暫。爲。久。而。恃。冰。山。爲。泰。山。也。

蟋蟀評

豆。花。天。氣。庭。樹。銷。蟬。一。徑。荒。榛。三。更。破。壁。九。天。風。露。萬。彙。虫。蟄。寂。寥。荒。寒。之。境。蕭。條。慘。澹。之。時。羣。響。四。谷。開。戰。場。焉。此。何。物。歟。是。曰。蟋。蟀。其。爲。聲。也。雄。其。稟。氣。也。清。乘。時。而。出。得。意。而。鳴。雖。爲。微。物。而。有。雄。心。於。是。呼。燈。深。夜。灌。穴。出。之。貯。以。金。盆。飼。以。玉。粒。其。色。有。冷。熱。之。分。其。項。有。闊。狹。之。別。其。足。有。伸。縮。之。異。其。性。則。有。勇。而。無。怯。有。

進。而。無。退。觀。其。鬪。也。箝。對。鴛。鴦。翅。分。蝴蝶。聞。聲。知。警。鼓。氣。向。前。百。折。不。回。力。竭。負。傷。者。有。之。一。蹶。再。振。轉。敗。爲。勝。者。有。之。勝。則。昂。首。而。鳴。猶。有。餘。勇。敗。則。喪。氣。而。退。似。甚。含。羞。異。哉。蟋。蟀。一。小。蟲。耳。其。勇。乃。如。此。非。其。秋。心。潛。抱。得。氣。獨。雄。者。歟。迨。夫。隕。霜。殺。草。北。風。夜。號。氣。嚴。寒。肅。天。地。變。色。斯。時。之。蟋。蟀。所。存。蓋。無。幾。矣。收。拾。餘。燼。皆。爲。勁。敵。置。之。牀。頭。聽。其。鳴。聲。如。泣。如。訴。有。如。秋。風。老。將。拊。髀。長。歎。而。悲。功。業。之。未。建。者。又。如。垂。死。英。雄。三。呼。渡。河。遺。恨。出。師。之。未。捷。者。蓋。其。勇。敢。之。氣。有。至。死。而。不。變。者。也。夫。螳。螂。奮。臂。莊。公。避。之。怒。蛙。張。腹。勾。踐。式。之。物。之。有。勇。者。固。不。獨。蟋。蟀。而。蟋。蟀。則。能。鬪。此。其。所。以。獨。雄。於。秋。也。寄。語。軍。國。民。當。師。其。勇。敢。

弔黑籍鬼文（仿弔古戰場文）

沈。沈。乎。黑。獄。無。垠。暗。不。見。人。妖。雲。繚。繞。毒。霧。繽。紛。黯。分。慘。悴。漏。盡。燈。燼。晏。起。遲。眠。昏。不。知。晨。睡。獅。不。醒。餓。鼠。爲。羣。獄。卒。告。余。曰。此。黑。籍。鬼。也。老。弱。成。軍。呼。呼。作。響。近。楊。則。聞。傷。心。哉。冤。歟。孽。歟。將。自。賊。歟。吾。聞。夫。庫。倫。謀。叛。健。兒。應。募。惟。茲。黑。籍。筋。疲。骨。露。宿。疾。不。去。慈。航。難。渡。夜。靜。更。深。自。尋。死。路。脂。膏。吸。盡。茹。苦。誰。訴。溯。此。鴉。烟。來。自。印。夷。中。州。耗。數。何。痛。如。之。良。言。勸。戒。不。奉。爲。師。沈。迷。不。悟。豈。不。希。奇。長。眠。早。淪。乎。鬼。趣。形。骸。徒。具。亦。何。爲。嗚。呼。噫。嘻。吾。想。夫。茶。烟。一。楊。橫。陳。稱。便。主。人。留。客。雙。鎗。交。戰。毒。癮。攻。心。涕。垂。白。練。纖。屑。靡。棄。買。來。不。賤。神。丹。縮。骨。鳩。形。鵠。面。主。客。相。顧。頭。昏。目。眩。一。吸。一。聳。勢。如。觸。電。至。若。囚。首。垢。面。蜷。伏。暗。隅。破。壁。留。脚。敗。藁。成。鬚。風。燈。搖。搖。欲。吸。脚。躑。有。氣。無。聲。毀。肌。灼。膚。回。想。當。年。無。天。不。胡。傾。家。蕩。產。狂。肆。吞。屠。自。號。烟。王。人。呼。鬼。卒。華。屋。新。捐。良。田。復。沒。

身。隸。廢。民。之。籍。金。填。無。底。之。窟。無。貴。無。賤。同。爲。枯。骨。可。勝。言。哉。氣。衰。兮。力。盡。財。竭。兮。癯。急。容。色。灰。兮。腰。背。折。兩。手。空。兮。生。死。決。吸。矣。哉。終。身。殘。疾。戒。兮。哉。奄。奄。一。息。漏。無。聲。兮。人。寂。寂。夜。正。長。兮。風。淅。淅。毒。氣。結。兮。天。沉。沉。冤。魂。聚。兮。雲。羃。羃。燈。光。寒。兮。命。短。烟。味。苦。兮。心。黑。驚。心。觸。目。有。如。是。耶。吾。聞。之。番。舶。入。口。大。賈。稱。胡。國。人。不。省。甘。作。黑。奴。毒。流。天。下。財。殫。力。痛。病。民。至。此。尙。忍。言。乎。共。和。初。建。禍。始。追。原。嚴。申。禁。令。俾。衆。知。還。一。燈。一。榻。不。得。安。閒。限。期。禁。絕。數。月。之。間。踏。破。蓉。城。斗。門。常。關。殘。燄。不。明。餘。膏。猶。殷。鎗。聚。成。林。土。積。如。山。一。律。焚。燬。以。絕。後。患。哀。烟。民。誰。無。父。母。提。携。捧。負。畏。其。不。壽。誰。無。兄。弟。如。足。如。手。誰。無。夫。婦。如。賓。如。友。只。顧。自。戕。不。知。自。咎。家。憂。世。事。概。莫。聞。知。人。或。有。言。欲。戒。且。疑。咬。牙。切。齒。生。死。以。之。三。尺。匡。床。其。樂。靡。涯。彼。自。無。愁。人。代。爲。悲。一。身。已。矣。妻。孥。何。依。不。有。死。期。肯。與。他。離。嗚。呼。噫。嘻。人。耶。鬼。耶。殘。廢。如。斯。如。之。奈。何。投。諸。四。夷。

阿土生傳

阿土生者。中土人。其父木公。母氏金。年五十無子。禱於土地公公祠。而生名之曰阿土生。誌不忘也。阿土生生時不啼。亦不笑。狀如土偶。而畏光特甚。父母不得已置之土窖中。十年而後出之。蓋已滿身土氣。息泥滋味矣。天地不知也。日月不見也。以及山川城郭鳥獸草木之屬。皆懵無所知。盲無所見。所知者土耳。所見者土耳。稍長。木公延師冬烘先生教之讀。初讀教科書第一課。天地日月山川土木。他字教之亦不能識。惟至土字則不待師訓。已能辨認。冬烘笑曰。是殆三歲識之無之流亞。而與土有夙緣者歟。數年學無成。阿土生苦師煩苛。輒

逃塾與鄰兒擲磚土爲戲。屢戒之不悛。木公歎曰。是兒習下流。非保家之子也。顧金母愛之殊甚。以阿土生故。夫婦常相反目。金母曰。阿土生者。吾之一塊肉也。木公怒曰。此一塊土耳。何肉之有。阿土生既失父歡。遂輟學。未幾。木公金母相繼死。遺產頗豐。阿土生乃大樂。夙聞上海繁華之勝。思欲適彼樂土。一擴眼界。以土饅頭享其親。後卽盡貨其田產。挈資赴滬。初至。見某土棧。以爲客棧也。入求宿。土棧中人揮之使出。阿土生茫然躑躅路旁。竟下楊朱之淚。有溫生者。見而問之。悉其故。乃爲介紹於某客棧。阿土生感之。留溫生與俱。溫生從之。次日。溫生復挈其友汪根頭。阿木林。朱頭三。壽頭。麻子等。偕來與阿土生一見如舊識。嗣後數人者出則同遊。入則同宿。親愛如兄弟。溫生等來滬已久。各妓寮皆所熟悉。乃一一爲阿土生先容。阿土生揮金如土。和酒連綿到處不斷。因是大受各妓寮之歡迎。阿土生之名遂大噪。溫生反自歎弗如焉。阿土生復於此時列名黑籍。陳膏老土自詡爲個中知味之人。沈溺旣深。面色如土。至是各妓寮蹤跡亦漸疏矣。阿土生入花叢後半年許。所耗已不止萬金。曾不得一妓之傾心。他人爲之冤。阿土生夷然曰。金錢身外物。惟此間風景殊不足戀。粉黛三千吾視之猶糞土耳。時上海方光復。溫生等皆去辦。阿土生猶土頭土腦。曳尾泥塗。後見人之穿西服也。豔之。乃毅然去辦而易裝。人有紿之者曰。今中國民窮財盡。率由利源外溢之故。君固中土人。奈何不用土貨而亦用此舶來之品。阿土生韙之。乃以粗布爲衣。簪笠爲帽。竹竿爲杖。蒲葉爲鞋。日遊行於四馬路大馬路之間。見之者嘖嘖稱怪。阿土生則揚揚自得以提倡土貨之愛國家自命焉。又見穿西服者多留鬚。阿土生効之不數。

月而纂纂者繞頰盈腮攪鏡自照曰吾老矣因易其名曰土老兒阿土生來上海數年揮霍無算囊金已空長安居易不易浩然興故土之思檢視囊橐尙餘數百金時烟禁甚嚴內地販土者多獲利阿土生思以失之彼者取償於此罄所有盡以購土懷之而歸不幸破獲被繫於獄半年釋出茫茫然歸衣食田廬悉無所着有坊者見而憐之挈之去使習坊三月藝成頗足自給遂操土木之業以終其身作工之暇與同輩談少年時事輒歎歔流涕常曰擲萬金於虛牝吾亦無惜惟當時不曾游學土耳其一覽國外風景至死猶引爲恨事云

貓鼠談

生物並存於世界不能並雄於世界物之生也始而相生繼而相競終而相制人最靈者也人能制物物不能制人其智不敵也若夫以物制物則視其力之大小強弱爲優劣之比較勝敗之結果焉以言夫貓與鼠可喻矣天下無不捕鼠之貓亦無不畏貓之鼠貓何以能制鼠鼠何以甘爲貓所制無他其力之大小強弱不敵耳人莫不惡鼠而愛貓鼠之爲物具體甚微賦形至陋所恃者齒耳其齒尖銳利於嚙其所以自雄之具卽所以自殺之具也恃其利齒四出騷擾倉中盤踞梁上橫行室中之器具少完全架上之衣服多破碎人無如鼠何也於是假手於貓以制之貓之形如虎其捕鼠也百不失一亦如虎之入羊羣也鼠之出也以夜而貓之目能見之鼠所恃者其齒而貓之爪能攫之鼠之食未得而貓之腹先飽鼠雖有禮而貓甚無情鼠有技窮之日而貓無慾足之時最爾么魔其無瞧類矣今夫貓與鼠同是一物而人之愛憎異焉使鼠無擾人之意人亦何爲

而厭之。使貓無利人之處。人又何爲而畜之。貓之性馴。能如人意。其毛色亦斑駁可愛。人以鼠故。恆多方以覓之。謹飼以魚。防其逸也。晝則相戲於花陰。夜或共眠於牀上。其所以愛之護之者。惟恐其不至。故鼠有取死之道。而貓亦有取容之術焉。是則物之相制也。亦非以其力之不敵也。其先有所以自制者在也。雖然。鼠何足道。人而鼠者亦多矣。稱鄙陋之夫。則曰。麀頭鼠目。窮宵小之術。則曰。鼠竊狗偷。凡人之損人利己。而陰行其種種之鬼蜮伎倆者。皆鼠輩耳。安得恆河沙數。狸奴一鳴而喪其膽乎。

紀夢

天夢於陰曆中秋之夕。以禿筆與諸君一見。今韜聲匿跡。又十餘日矣。天夢何在。諸君當求之於華胥黑甜之中。而不當求之於管城卽墨之間也。天夢善夢。一年之中。醒時無幾。而每遇佳節良辰。賞心樂事。輒攘臂爭先。興高采烈。平日委靡之氣。爲之一振。沈酣之態。爲之一變。舍此之外。皆爲醉夢之歲月。絕少振奮之精神。同人戲目之爲四萬萬國民之夢中代表。天夢亦漫應之。明日爲中華民國周年紀念日。總統與民同樂。萬人歡欣鼓舞。提燈演劇。舉國若狂。鋪張揚厲。粉飾太平。以慰英靈而昭國典。甚盛事也。天夢於夢中聞之。魂爲之飛。魄爲之舞。耳鼓爲之震。笑口爲之開。推枕而起曰。此千載一時之創舉。不圖於夢中遇之也。蓋天夢之對於紀念日。別有見解。別有感觸。所謂革命紀念流血紀念。光復紀念。共和紀念。種種名詞。天夢固茫然不解。但知革命諸先烈爲我築此新睡鄉。今已爲第一年之紀念日。殊不可以蹉跎辜負耳。昔在滿清時代。酣睡者不知其幾。

何時民國成立以來其始有多數人憑高而呼睡獅齊醒其後呼者漸無聲羣魔旋復擾擾高枕無憂重入夢境爲酣睡之新國民者忽忽又數載於茲矣此睡鄉中完全美滿之幸福皆出革命諸先烈之賜今值此紀念日天夢宜如何歡迎而禱祝以爲此新建之華胥國壽也天夢於紀念日之前一夕先閉目養神頽然就睡準備明日早起大開醒眼追隨於羣夢之後作竟日遊盡通宵樂甫就枕忽聞剝啄聲甚厲披衣出視見一人類僕者持柬招飲曰主人待久矣天夢不問爲何人遽隨之行路經幾折至一處黃花滿籬白衣候客導入室室中燈火微明五六人圍坐一桌審視面目無一認識者頗涉疑懼上座者已舉手招之坐乃逡巡入席諸人飲甚豪而陰慘之氣俱溢眉宇心中若甚不豫者酒數巡一人謂天夢曰相別年餘君夢尙未醒耶察君迷惘之狀睡思尙酣請先飲醒睡酒言次卽飛一巨觥來觥中熱氣騰騰作殷紅色不類常酒天夢心竊駭不敢舉同人強之飲不得已偶一沾唇味頗甘亦不甚腥一舉而醵上座者言曰熱血一杯敬以相贈惜不能將此酒遍飲同胞而一醒其夢夢也自去年以至今日革命志士相繼流血者不知其幾十萬其所流之血合流成一大池飲之不竭歷時已久熱度愈增而環顧同胞其血之熱度則愈減吾輩手造之民國竟作一般磕睡漢之安樂窩過去之痛苦未來之艱難都付之不知不覺但知圖現在之歡娛熙熙皞皞妄想作太平百姓明日非又將舉行紀念大會乎籌備者若而日鼓舞者若而人借紀念之美名盡一時之豪興生者徒耗無數金錢死者未沾一分實惠懸旂結綵共樂昇平人聲動地燈光燭天正大有一番熱鬧不知白楊荒草間餘血猶殷新鬼

故。鬼。有。啾。啾。唧。唧。之。聲。也。一。年。已。逝。羣。夢。方。酣。新。民。國。之。資。格。何。在。新。事。業。之。成。績。何。在。惟。知。尋。樂。追。歡。醉。生。夢。死。以。諸。先。烈。流。血。拚。命。之。時。爲。億。萬。人。拍。手。歡。呼。之。日。言。之。殊。堪。痛。心。語。畢。欷。歔。不。禁。淚。下。同。座。者。皆。泣。天。夢。聞。言。知。爲。遇。鬼。心。胆。皆。裂。如。芒。刺。背。私。念。我。得。母。在。夢。中。乎。而。同。座。若。已。知。吾。心。事。者。謂。之。曰。君。今。實。在。夢。中。吾。輩。成。仁。取。義。轟。轟。烈。烈。血。海。翻。波。魂。飛。骨。碎。妻。哭。子。號。迄。今。思。之。亦。是。一。場。春。夢。然。吾。輩。生。不。忘。仇。死。終。愛。國。觀。民。國。之。現。象。九。原。實。滋。隱。痛。英。靈。不。昧。猶。欲。點。醒。冥。頑。故。於。夢。中。邀。君。到。此。適。所。言。知。不。堪。入。耳。明。日。紀。念。大。會。君。尙。欲。振。刷。精。神。盡。歡。竟。日。不。敢。久。留。致。誤。君。事。言。已。卽。羣。起。推。之。出。正。相。持。間。遽。然。驚。覺。則。身。在。籐。床。殘。酒。餘。腥。猶。留。齒。頰。間。也。

水族革命記

有。向。海。底。旅。行。者。知。水。國。亦。爲。世。界。革。命。潮。流。所。鼓。盪。鱗。介。各。族。咸。欲。脫。離。龍。王。之。專。制。於。是。鮫。人。流。熱。淚。墨。魚。噴。黑。血。怒。蛙。鼓。其。氣。老。蚌。張。其。口。竭。力。鼓。吹。革。命。一。般。涼。血。動。物。咸。受。其。感。動。力。漸。漸。轉。熱。個。個。痛。恨。龍。王。盡。有。革。命。思。想。某。日。某。日。水。族。革。命。黨。遂。起。義。於。漢。水。據。上。游。之。勢。掀。波。作。浪。聲。勢。大。張。龍。王。聞。變。大。驚。急。召。集。蝦。兵。蟹。將。星。夜。赴。漢。水。與。革。黨。大。戰。翻。江。倒。海。水。流。盡。赤。革。黨。勇。氣。百。倍。龍。軍。勢。不。能。支。以。致。蝦。鬚。盡。禿。蟹。甲。無。存。革。黨。乘。勝。卽。欲。乘。風。破。浪。直。搗。龍。宮。龍。王。知。大。勢。已。去。與。波。臣。等。商。議。下。詔。退。位。率。其。龍。公。龍。婆。龍。子。龍。孫。避。居。熱。河。至。是。而。水。族。革。命。遂。告。厥。成。功。個。個。揚。鬚。吐。氣。掉。尾。伸。項。統。一。四。海。鱗。介。共。和。於。是。公。推。鯨。爲。

大總統組織水府內閣以蟹爲國務總理以其無腸而又能橫行也閣員中如外交總長鯪以其善於縮項也陸軍總長蛙以其常躍於陸也財政總長蚌以其富有珠寶也教育總長鯉以其有登龍聲價也司法總長獺以其能爲淵驅魚也農林總長鰍以其常居泥中也交通總長鱧以其長於穿穴也其餘則多言如蝦蟆籍口如蛤蜊均得爲參議院議員卽卑賤如烏龜亦得爲軍警督察長人才濟濟充塞水府得其所哉得其所哉從此河清海晏浪靜波平凡茲水族皆得游泳自由永享共和之幸福

枕亞曰哈哈世界著名涼血動物居然也要革命革命居然成功貪如鯨者居然爲水國大總統矣所引用者無非龍王之舊臣龍族之餘孽嗟爾水族汝等脫離龍王之專制不知又入於暴鯨之口矣欲享共和幸福豈非夢想吾不禁望洋向若而歎耳

辮子追悼會參觀記

惡濁鄉之毛氏里羣毛蠢蠢聚族而居焉毛族之中以辮子爲之長昂首稱雄於五大族者二百餘年矣去歲爲革命潮流所波及辮子盡被革除羣毛失所憑依咸不勝兔死狐悲之痛公議爲辮子開追悼會先期貼廣告發傳單號召諸毛族屆期羣集於會場鳥獸蟲魚各族亦均派代表到會會場之上以剪下之辮編成一門顏曰（羣毛大會）兩旁有聯曰（腦後文明換面改頭空作態眼前感觸千鈞一髮寄何人）額及聯字亦皆以辮髮結成仿上古之結繩也會場上以毛毯鋪地座上均設毛褥頗壯觀瞻是會公推齊君眉須君留爲主

席皮君厚及楊君不拔等爲職員既開會首由齊君報告開會之理由暨會場之秩序並規則曰今日爲黑道良辰尾星值日宜會親友宜剃頭沐浴特聯合毛族開會追悼辯子屈君繼復詳述辯子之歷史及其遇害時之情形語極哀痛衆皆歎息有泣下者齊君報告畢次由須君宣讀哀辭曰「嗚呼屈君搖擺其態蜿蜒其形種來韃子系出滿清獲享大壽二百餘齡何物革命妄弄刀兵運其辣腕逼君殘生乞憐有意利剪無情千絲萬縷拋棄何輕光頭滑腦不留一莖先生何罪處此極刑從此神洲永洗氈腥嗚呼屈君生而爲尾死而無靈百年遺臭萬古留名」須君讀畢衆皆起立向上三跪九叩首以表追悼之意須君又言鄙人出世已晚不獲與先生一面但聞父老時時稱道先生之穢德猶懷懷有生氣先生逝矣吾輩既爲同族得先生之緒餘此後各當力自振拔竟先生未竟之志以爲吾族光須君言至此鬚動聳張悲痛之中有得意之色若欣此後之可以出人頭地者時則有齊君起立眉飛色舞表同意焉次由蟲族代表羌郎君魚族代表鮑君繼續演說大旨謂敝族與先生雖非同類然臭味相投無間爾我故對於先生之被害敝族亦深具悲觀繼又有獸族代表朱君蹣跚上壇對衆宣言道鄙人與先生爲總角交與先生之感情甚深故於先生之歷史亦頗詳悉今先生遽棄我而長逝此後曳尾泥塗獨行踽踽茫茫宇宙更無知音言念及此能不痛哭語時人立而啼跳躑叫號尾交於背不勝其痛羣毛咸爲感動朱君又言今日此會請諸君各拔一毛互相持贈以爲紀念衆拍掌贊成朱君卽拔尾上毛一束遍贈會員羣毛亦各自拔毛輾轉相贈畢而閉會鈴聲已至遂各鳥獸散有銅臭翁者是

日亦與會爲余歷歷道之甚詳且欣然出其所得之紀念品相示臭不可邇余驟觸之幾致大嘔因拈秃筆醺臭墨書而出之寄語諸君閱此一篇臭文章須先掩其兩鼻否則觸其臭氣嘔斷肚腸記者不任咎也

半人國記

半人國其初國中固皆人也。今則半人而半獸矣。當最初之時。天下未平。洪流泛濫。獸蹄鳥跡之道。交於中國。其後禹治洪水。益焚山澤。禽獸逃匿。人不與禽獸同居者。五千餘年。忽於近日。洪水復來。天下大亂。獸中之猛者。貪者。黠者。狡者。均於是時。乘機而起。混跡於人類。迨水患既平。國勢一變。而諸獸盤踞已固。驅逐不得。于是國中之現象。遂爲半人半獸。名爲政體共和。實則人獸共和。人非惟不能制獸。獸且欲轉而制人。國中之人有願爲倂靈。自附於獸。恬不知恥者。亦有不屑與獸同羣者。議效劉項之分。溝管華之割席。將一國劃分三區域。一居人。一居獸。而彼一般非人非獸。似人似獸。人面而獸心。人頭而畜鳴者。俾之居於中。彼等於是。覲然爲中國人矣。但區域雖分。國權仍歸統治。未幾而半人國已屆選舉總統之期。人則主張舉人獸。則主張舉獸。爭持不下。有爲調停之說者。曰。舉人則人不能治獸。舉獸則獸不能治人。一舉兩得其惟。猿乎。猿爲人類之初祖。一半人形。一半獸形。可以治人。亦可以治獸。議出人獸皆表同意。於是猿儼然爲半人國之大總統矣。猿既爲總統。龐然自大。恣其野性。揮其長臂。人則壓制之。獸則廻護之。彼非人非獸。似人似獸者。更陸續援引之以爲臂助。而國事不可問矣。噫。人知世界有非驢非馬之共和國。不知更有半人半獸之共和國。

花誕記

辛亥二月十二日晨客有道萬花嶺下而過者見嶺之上花鋼石上大書曰吾花國吾祖花王誕生紀念日數千年來向無慶祝之舉非缺典歟今於二月十二日在此萬花嶺上開慶祝大會凡我同儔想無不共表同情也茲將會場之秩序之禁令宣告於下。

(一)秩序(一)開會(二)行禮(三)報告(四)祝辭(五)演說(六)演劇(七)奏樂(八)閉會

(二)禁令(一)勿喧譟(二)勿交噴(三)勿呢喃(四)勿疾走(五)勿並頭(六)勿春睡(七)勿攜柑酒(八)勿損花木(九)勿悍如鷹鷂者本會得禁止其協贊(十)狂暴如風雨者本會得禁止其參觀

蓋十二日爲百花誕日由黃君鶯兒梁君燕子等發起在萬花嶺上開會慶祝此卽其通之文也時微雨新晴紅日初上嶺之上花團錦簇中隱隱見花旗數丈臨風飛揚旗之中央以花枝曲成一門上有橫額一顏曰(百鳥羣集)爲柳絲織之成鳥篆文由此門而入則會場在焉其布置之精密氣象之莊嚴內容之美麗各臻其妙無待記者之絮絮矣中有楹聯一曰(大陸平原世界莫非王土千紅萬紫黃白總是同胞)乃崔女士鶯鶯所書之飛白體而趙女士飛燕以素色之綾羅所剪成者其書法之妙製法之奇巧奪天工與門上之橫額可稱雙絕見之者無不嘖嘖稱羨云俄而叮噹數下則開會之護花鈴聲至矣在會者聞之皆眉飛色舞翼飛脰走羣集會場上行慶祝禮三躍不稽首禮畢坐定記者亦得鸚哥之招待與顧君鴻雁錢君病鶴同就來

賓席而坐焉。嗣由黃君鶯兒報告是會成立之理由。略云：聞之義經證之聖訓。凡物各以類聚。君子尤貴合羣。今日者世界大通。競爭日烈。非類聚無以聯合。非合羣不足生存。此會之所以不可不立也。凡立國於世界者。上至於君。下至於民。東而中日德俄。西而英法美粵。無不岌岌焉。提倡各會。用以聯絡一氣。團結全體。以圖進行。故國有國會也。民有民會也。如議事會也。自治會也。教育會也。商會。學會。以及農會。工會。青年會。運動會也。所謂會者。不一而足。無不竭力振興。熱心提倡。何者？爲政治機關。何者？爲言論代表。何者？爲自強之導線。何者？爲富國之精神。紛紛擾擾。各有攸歸。然此猶會之常者也。若有時遇國家重大之紀念日。或國王誕生之紀念日。則前所謂議事自治諸會中之熱心者好事者。又必發起聯合慶祝之舉。宜歡迎者則名曰歡迎會。宜慶祝者則名曰慶祝會。一人善射。百夫決拾。鼓舞歡呼。發揚蹈厲。皆所以表愛慕之同情。紀歡樂之感念者也。竊思吾花國建立最古。文明早啓。今日爲吾祖吾王誕生良辰。乃吾國重大之紀念日。以吾國如此文明燦爛之一大國。以吾祖吾王如此重大之紀念日。卽開一環球萬國聯合慶祝大會。鼓舞歡呼。發揚蹈厲。以表愛慕之同情。以紀歡樂之感念。亦不爲過。乃數千年來從無是舉。敝族同儕心焉怪之。於是請命花宮。傳檄花界。於今日在此萬花嶺上。第一枝頭。開第一次慶祝花誕聯合大會。經吾族一二輩之發起。得諸同志公同之贊成。開吾國數千年來從來未有之創舉。何幸如之。何幸如之。黃君報告畢。次由梁君燕子恭讀祝辭。其辭曰：世界花花光陰。艸艸今何日。耶非吾花國吾祖吾王誕生紀念日。耶嗚呼。吾王死矣。而吾王之香名。吾王之靈魂。吾王之

顏色則宛然猶在耳目間也。吾王以東風曉日之英姿爲花花世界之主人翁。凡我輩食毛踐土以生以長何者。非吾王之所賜耶。嗚呼。吾王死矣。而吾王之香名如在。吾王之靈魂不死。吾王之顏色常存。富貴榮華。問人間。天上有如吾王者乎。吾祝吾花國之同胞。無如桃李之有媚外性也。吾祝吾花國之同胞。皆如松柏之有堅忍性也。吾更祝我花國之同胞。能自立能自強。不恃他人之保護。不受他人之憐惜。常思吾祖吾王千辛萬苦締造此花花世界爲王之子孫者。宜如何培植之。宜如何保守之。使錦繡河山常放文明燦爛之花。錯石磐根永永安固。千萬世不爲金風鐵雨所摧殘。此則吾今日之所希望我同胞亦卽我今日之所慶祝吾王者也。嗚呼。今何日耶。非吾祖吾王誕生紀念日耶。香露一滴以爲王壽。清歌一曲以爲王頌。王如有靈。吾祝王生生世世常胎不已。梁君讀聲未畢而歡呼慶祝之聲已如百鳥之和鳴矣。是日到者有空中飛行隊。世界植物研究會。蜂國敢死團。以及雀躍鵲喜鳩巢鶴汀各學校十餘丈縱橫之會場。竟爲之踴躋。各國體操各致頌辭。而小學雛中能演說花王故事。清辯滔滔齒牙伶俐。能令聞者皆拍掌跳躍者。則戴君名勝。字百舌者是也。場之中設一歌舞臺。四圍附以鐵欄。小艸迷離一碧。無際令蝶仙班飛舞其上。鶯兒班復歌以和之。羽衣蹁躑珠喉宛轉。觀者咸謂開筵坐花飛觴醉月。想當日李謫仙桃李芳園之會亦無此熱鬧也。未幾而金烏西墜矣。未幾而玉兔東升矣。未幾而在會者皆如鳥獸散。萬花嶺上又復鳥鵲無聲矣。記者是日躬逢其盛。自謂三生有幸。爰泚筆以紀以俟愛予之文者閱也。

光復紀念後一日感言

夫一往不留者光陰之遞嬗也。萬變不窮者人事之進行也。人事與光陰戰於是乎。有紀念日。故紀念者乃紀念其事。非紀念其日也。當鄂軍未起義之前。人安知八月十九一日黃鶴樓頭有驚天動地之事。卽鄂軍既起義之後。亦安知彈丸之聲。全國響應。不三月而政府成立。不五月而南北統一。八月十九遂爲革命起義之第一日。而今年之十月初十。遂爲革命紀念之第一日。人喧燈市。全國開不夜之天。彩耀花球。到處現長春之景。國旗招颺。飄舞於屋角樓梢。軍樂悠揚。沸騰乎街頭巷尾。目炫神迷。心怡魂蕩。人盡謂不辜負此紀念日矣。然一日之時間。有限。萬人之歡念。難償。今何日耶。非己爲紀念之次日耶。一日之內。數刻之間。而此可寶貴可忻怵之紀念日。已飄忽無蹤。欲挽回而不得。欲珍惜而無從。熱鬧之餘。突現淒涼之色。繁華之境。不勝寥落之悲。明日黃花。秋江漚影。良辰不再。逝者如斯。吾知歡祝紀念。諸君興盡悲來。蓋必有難乎爲懷者。吾有一言敬爲諸君告。昨日之日起義之日。非成功之日。自起義以迄於成功。爲時雖短。亦經數月之血戰。始產出此新民國。今紀念日逝矣。而後此之數月。固無日非革命之紀念日也。且此民國爲革命諸先烈造成。此後地球不滅。人種不絕。民國有一日存在於世界。卽紀念日有一日存在於世界。雖累千萬世。歷若干年月。何日非革命之紀念日乎。吾望吾國人當注意精神上之紀念。勿徒驚形式上之紀念。苟心中不忘革命先烈之鉅功。追迹象於既往。擴事業於將來。無時不可以紀念。且無事不更留後人之紀念。方可謂不負此紀念。若徒藉紀念之名。恣

行樂之實享已成之幸福忘來日之大難則去年此日爲民國胚胎之期今年此日卽爲民國生死之交至明年此日更不知若何景象此紀念之大好日期能否繼續存在於亞陸之東記者不敢決也爰作歌以爲國民最其詞曰昨日之日不可留今日之日感悠悠賞心樂事今已休來日方難叢百憂莫使先靈泣九幽當使國聲騰五洲革命紀念萬萬週年年此日人自由

八月十四一夕話

微雨初過濕雲四捲銀河沉浪珠露滴秋涼颼吹襟寒鏡開函今夕何夕非舊歷中秋之前夕乎霜輪未滿光欠一分客邸無聊愁添十斛天夢客遊海上值此良宵買秋有淚賞月何心鬻詩得魚與裘蕢酒空齋無人飲興不酣舉杯弔影愀然不樂歎曰有肴無酒有酒無客月白風清如此良夜何正悵快間忽聞剝啄聲有不速之客一人來來者何人春江天醒生也長揖就座謂天夢曰明日中秋弟有邗江之行故於今夜步月訪君且以話別天夢曰獨酌正苦無親得君來甚善飲未冷之酒賞未滿之月對未別之友雖非完全美滿之幸福亦屬千載一時之快事願與君爲長夜飲作竟夕談天醒曰諾請先與子言月月爲行星之一本無所謂嫦娥顧兔廣寒清虛也而騷人卽景言情往往奇思疊出或呼之爲鏡或呼之爲盤或呼之爲弓爲扇形容盡致附會可嗤卽今夕之月古人亦有咏之者元稹詩曰猶欠一宵輪未滿紫霞紅襯碧雲端誰能喚得嫦娥下引向堂前仔細看詩情可稱癡絕然論詩不同論學况古人詠月詩亦有能道真情寫實景者卽月到中秋分外明一

句中秋之月確與尋常之月光明似有異點此何說耶天夢曰此非月光之有增減乃隨吾人之心理節序之寒暄爲變易者也時交秋令涼風習習宇宙間一派炎蒸之氣掃除淨盡放眼天空惟有一片空明澄澈水色山光皆足以盪滌人之胸襟爽豁人之耳目以清虛明朗之體值此清虛明朗之時孕清氣蘊奇輝萬籟皆寂一鏡當天此時之月自覺其十分圓滿一白微茫較前頓增幾倍之光明矣嵩岳嫁女百年幾度佳期謝賦庾詩千古雙傳韻事良宵難再遇好月不常圓試回憶去年今日正近干戈擾攘之詩事隔一年人如再世風景不殊感情大異况君明日又將遠行賞秋之酒變作離筵玩月之情化成別恨客中送客能不於愁上添愁耶言已欷歔不止天醒亦爲黯然漏聲漸促酒興已闌擲杯就枕抵足而眠不知天夢之爲天醒天醒之爲天夢也比天夢醒來而天醒已不知所往於車中續殘夢去矣

廢人會參觀記

文明之世無廢物有廢人蓋廢物可以利用廢人不可以利用也文明愈進步廢人愈退步不特廢棄終身且將就天演淘汰之例不復見容於世於是一般廢人羣焉憂之思有以强大其聲勢蕃衍其種族以與完全之人類永遠並存於世界然欲達此目的非集合團體不爲功於是山石不全君發起一廢人會以號召其同類遍貼廣告詳訂章程一般廢人聞風而起如雲而集簽名入會者戶爲之塞蓋是會不必藉人介紹祇須本人以身體之現狀爲表示即可入會爲會員某月日爲廢人會成立之期記者先由某會員見贈入場券一紙亦

得蒞會參觀。既至會場。見門首高懸五色國旗。旗上大書一廢字。令人觸目驚心。警察四人當門站立。精神頹喪。面目灰敗。則皆黑藉鬼也。記者持券入會場。已擁擠不堪。種種怪象。畢現眼前。如入羅刹國。招待員咸行立。悉以駝者充之。殷勤迎客。天然有鞠躬之勢。胸次居然懸徽章。然以其身過俯。致徽章不能服膺。而搖搖欲墜矣。監察員數人。胥盲其雙目。或則昂然直立。有旁若無人之概。或則憑高而視。若有所見。或則張兩手到處摸索。狀至忙碌。若示人以能盡監察之職者。其餘跛者。聾者。啞者。種種殘廢之人。濟濟跼跼。咸集一室。而壁間更黏會場規則數條。有曰。勿偃。勿跛。倚勿攜杖。勿指天。劃地。勿摸耳。撓腮。記者周圍審視。會員已達五六百人。以上會場雖廣。已無餘地。未幾聞啞鈴一聲。會乃開幕。衆各就座。寂無一聲。記者亦就來賓席而坐焉。斯時。瞽者側目以視。聾者傾耳而聽。跛者顛趾以望。攀者叉手而坐。啞者張吻以待。駝者聳肩而觀。咸振起精神。以靜俟。夫發起人之報告。忽見人叢中有一人下坐。就地亂滾。如一大球。見其首而不見其足。匍匐前行。一步一蹶。比至壇前。竟費時二十餘分之久。既登壇。順勢屈其背向衆。一鞠躬。衆咸起立答禮。畢復就坐。登壇者乃宣言曰。鄙人石不全。五官殘缺。四體頹唐。乃人類之至廢者也。然此身廢而此心不廢。念吾殘廢之同胞。沉淪苦海。無人援手。方今政體共和。人事漸達於圓滿之域。吾儕安得長此殘廢。貽缺恨於無窮。爰本斯意。組織是會。聯合一般廢人。研究廢字原理。挽回天賦人權。肢體完全者。本會得禁止其入會。軀幹雄偉者。本會并得謝絕其參觀。蓋本會既以廢人爲名義。自當以廢人爲範圍。而以廢人與完人得達到自由平等之地位爲目的。竊念

吾儕自殘廢以來失盡人生之幸福自慚形穢雖受人之蔑視爲人所吐棄亦忍氣吞聲不敢與較此不自由之極亦不平等之極矣然吾儕形體雖廢而於社會上種種極惡劣之習慣不道德之行爲從未嘗沾染一分或則耳目無所見聞不知聲色玩好爲何物或則手足不能運動失其遊戲徵逐之本能若鄙人五官百體無一完全行樂自由茫如隔世其尤著者也吾儕雖具有至穢惡之形質實具有至高尙之道德大家努力急起直追非特可以恢復自由平等之幸福且可以推翻全世界之人類而特闢一廢人世界烏可自暴自棄甘居人後既爲新國民不改舊面目以坐待夫淘汰之來鄙人發起是會之宗旨如是今幸諸君惠然肯來組織未久會員已達此數足見吾廢人之心理實未嘗廢也鄙人無任欣幸無任歡迎言未畢場中拍掌之聲已如雷動忽見就中有數人以左手拍其後股與掌聲相和記者不禁大奇細審之其右手皆直垂而動搖乃悟其爲攣者也石君又言曰鄙人報告已畢今請諸君各自述其歷史比較其優劣之點以爲本會進行之預備言已蹣跚下壇良久始復其座未幾盲者登壇宣言曰吾日中無人久矣卽今日濟濟一堂羣英畢集吾聞其語矣未見其人也然吾雖目中無人而不說大言非世人之目無餘子大吹法螺者可比吾目盲而心不盲聞民國今日財政之困難外交之棘手未嘗不爲之動心彼世之目炯炯而髮種種者目擊夫民國之種種危象竟若一無所見彼其人與盲者何異反不如吾眸子不明靈臺未昧雖無現象觸吾眼簾猶有愛國二字印吾腦府今是會成立吾忝爲會員自恨無所表見深望諸君一心一德努力進行以期發達俾吾儕不終於廢棄且得

駕。完。全。之。人。類。而。上。之。鄙。人。雖。死。亦。瞑。目。矣。〔衆拍掌〕次則聾者登壇曰鄙人耳素不聰今日所言或有失當諸君不必質問蓋諸君縱大聲質問鄙人總充耳無聞也去秋民軍起義共和告成警鐘一聲世界光明鄙人一無所聞彼世之不聾者多矣胡皆如塞豆者耳膜毫不震動也夫今日之聲入吾人之耳足以震吾人之腦者不一而足而彼等皆不欲聞聞管絃之聲則心曠神怡聞炮彈之聲則心驚膽戰此卽今日國民之心理也以是言之有耳不如無耳矣今鄙人既入本會亦願盡一分子之能力以爲諸君助言不入耳莫笑莫笑〔衆拍掌〕次一跛者聯步上壇站定言曰鄙人在本會並無特色不過足不如人尙有入會資格但鄙人雖艱於步尙非一步不能行者吾觀今日之總統龍行虎步儼有帝王之相吾觀今日之女子弓鞋纖足依然頑固之風吾觀世之營利求名者捷足先得大開逐鹿之場吾觀世之醉生夢死者故步自封不改睡獅之態欲求有熱心愛國奔走國事者千百人中不得一二焉吾之足如此人之足如彼孰廢孰不廢耶今幸本會告成鄙人亦得學步以趨追隨諸君之後何快如之〔衆拍掌〕次又一缺唇者登壇演說滿口非非不止繼而言曰吾說非非諸君莫笑世事日非有心人固當同聲一喚非非也非者是之對有是必有非自世人以是爲非以非爲是而是非遂因以淆亂天下無真是非皆由於人無是非之心也例如鴉片毒物也不可吸也是也而嗜之者以爲非外人虎狼也不可忽也是也而媚之者以爲非報紙公論也不可背也是也而嫉之者以爲非嗚呼五濁世界誰是誰非彼之所謂非非吾之所謂非也今試問彼所謂非者果非歟是非不明於是竟有至死而不

知非者鄙人於各種學問素乏研究惟於非字略有心得吾實視今日國事有百非而無一是也諸君聞吾言其以爲是乎以爲非乎（衆拍掌）繼有一啞者連續上壇張吻撇撇有呀呀之聲而無音後乃以手指其口又以手指其心復以兩手亂搖指天劃地良久乃下壇衆皆莫喻其意也繼復由駝者攣者癱者側頂者踢鼻者等相繼演說畢乃投票公舉會長及評議幹事調查書記會計員等若干人比開票石不全得最多數爲會長啞者缺唇者踢鼻者某某爲評議員跛者癱者駝者某某爲幹事員聾者盲者某某爲調查員攣者某某爲書記員兼會計員選舉畢衆各起立同聲呼曰廢人萬歲廢人會萬歲最後石會長奏琴各會員歌以和之各唱一句以盡歡也所唱之句記者不能全憶但憶跛者唱曰此後已辭傾險路盲者唱曰從今不見尋常人缺唇者唱曰是非只爲多開口曲背者唱曰煩惱皆因強出頭琴聲停鈴聲至遂散會

枕亞曰人而廢是無用之人也今觀廢人會是廢者未嘗廢而不廢者未嘗不廢也同此五官百體彼獨殘缺不全固屬世界上第一種可憐之人吾輩對於廢人宜存憫惜之心不當存輕視之心況其道德之高尙有足多乎彼世之耳聰目明筋強骨健者空具完全之形體不務正當之行爲以有用之身軀送無聊之歲月宴安鴟毒甘之如飴身雖未廢其心之廢也已久矣共和政體之下集會結社本屬自由則廢人亦何妨有會今日黨會林立其有虛名而無實際者何一非廢人會耶吾記廢人會而感不絕於心余矣

戲贈邵君搏霄中秋歸省文

某歲余供職錫鄉某校。同事邵君家距校十餘里。新婚未幾。不耐獨居。每逢星期。輒掉首去。途修日暮。不顧也。戲用八股體爲文調之。

如搏霄其人者。可謂之篤於伉儷者矣。夫誰無伉儷。未見有能篤者也。如搏霄之不憚往來。乃真篤於伉儷者耳。且夫天下最難決捨之情。未有如伉儷者也。天下最可傷心之事。未有如離別者也。若乃去如射箭。勢同餓馬奔槽。來似負絳形像。羸牛怕駕。當局者不自覺在旁觀者。且竊笑其疲於奔命也。』某校暑假。搏霄束裝歸。兩月以來。其伉儷之篤。可知也。乃無何而開校有期矣。』當其一紙西風。驚散鴛鴦之侶。且訝假期未滿。開學何太忽迫也。來朝走馬。尙有一宵雲雨之歡。如聞私語。喁喁流盡。被角枕邊之淚。郎今去矣。明早青帆開處。卽是天涯。何必相思於後夜。』及其扁舟秋水。分飛勞燕之羣。明知後會有期。此別殊難決撤也。今日征鴻並無萬里關河之阻。但覺出門惘惘。幾有燕山越水之遙。卿姑安之。異日丹桂香時。便馳歸櫂。且須靜待夫中秋。』於是搏霄遂別其夫人而來校云。』男兒志在四方。聚散無常。區區者何足介意。然而一夕夫妻百年美眷。能不戀戀於此行哉。每當銀燭燒殘。聽四壁蟲聲唧唧。殊令肝腸割裂也。天乎無情。使我淒涼至此。我豈肯學男兒薄倖乎。搔首以思。只少分身之術。』女子情深一縷。平居無恙。戚戚然尙會傷心。何況昨夜雙眠。今宵獨宿。能不哀哀於中夜哉。空把玉釵敲斷。盼幾回雁信沉沉。直使夢魂隔絕也。郎也何忍拋人孤另如斯。君豈不聞女子善懷乎。耐心以守。不無見面之時。』乃未幾而中秋屆。搏霄去矣。越三日而節假滿。搏霄來矣。其所以不

憚往來者蓋篤者伉儷之情也。』方其去也形容急遽恨不能將三步併兩步而行蓋昔則自家來校不覺暗然銷魂今則由校歸家自爾欣然就道隨時之哀樂何足怪乎遠人方至而好月將圓想兩人久別重逢應是情加一倍。』及其來也意興蕭條似此中度一日有一年之久蓋昨夜燈前話別定多情話綿綿今朝雨後登程又向長途僕僕有限之精神宜其憊也歡會無多而別離又賦併一種新愁舊恨直教淚灑千行。』雖然擗霄勿憂我爲君計審矣不一瞬而重陽又屆只須兩腳奔波耳。

背相篇

偶步街頭見有新來相士顏其門曰背相處。余默念曩聞醒獨言菰城中有心相今此處又有背相何天下奇相之多也。心相之說吾既知之矣背相之說又不知若何奇妙姑進而謁焉見其室之中央懸一畫軸繪一背面人形肋骨盡露歷歷可數恍如學校中所用生理學之掛圖兩旁亦有聯曰『何事不能告人捫心可矣正面休來問我袒背示之』視其人則豐神弈弈鬚髮蒼然有道之士也余因詢之曰相背之說其理若何殆本諸相君之背貴不可言之說歟其人答曰非也此雖爲吾相背二字之所祖而吾之相背又別有說也吾挾術以相天下士有年矣今乃知吾所相竟無一驗者是何也蓋吾僅相其面而遺其背也孰知人之正面皆假設之相其真相乃在於背譬之馬也蒙以虎皮望其正面儼然虎也立其背後而覘其足則馬之真相得矣譬之狐也幻作人形觀其正面居然人也立其背後而覘其尾則狐之真相得矣驗人亦猶是也前吾相人之面而

無一驗。今吾專相人之背。而無一不驗。吾相今日之妓女。正面則爲美人。背面則爲猛虎。吾相今日之兵士。正面則爲軍人。背面則爲盜賊。吾相今日之維新志士。正面則甚文明。背面則甚頑固。吾相今日之辦事人員。正面則示清廉。背面則重金錢。吾相今日之黨派。正面則爭公理。背面則爭私見。吾相今日之政界。正面則知保國。背面則知賣國。正面則爲共和。背面則爲專制。凡此種種。相其面均屬虛假。相其背乃莫可逃遁。然吾謂此種人之背。其後必生惡疽。爲彭城老夫之續緣。其毒氣太深。且蘊蓄於背。深藏不露。終必有潰決之一日也。余聞而歎曰。有是哉。余未之聞也。子之術精矣。不相面而相背。吾此後亦不敢以江湖下士相爾等矣。作背相篇。

說無生之相

古有芻靈。後有木偶。今有銅像。芻靈束艸爲人。用以殉葬。木偶雕木爲體。用以愚人。銅像鑄銅成像。用以壽世。三者之用不同。皆所謂無生之相也。有生之相。本於天賦自然。無生之相。出於人工製造。其所謂相者。不過具其形體而已。非如衆生之相。有無窮之變幻也。三者之中。惟銅像具萬年不壞之形體。其相亦至高貴。非大英雄大豪傑。曾建偉大之事業者。不得有此像。卽不得有此相。巍巍高矗。弈弈如生。英雄豪傑之靈魂實式。憑之歷千萬年。如一日。令人望之生敬仰心。生歆慕心。是相也。雖爲無生之相。實不啻有生之相。且有遠勝於有生之相者。豈芻靈木偶所能竊其形貌。望其項背哉。無生之相。有階級。有沿革。芻靈之後。有木偶。芻靈之相不全。木偶則有相而無靈。迄於今人事進化。世局更新。有相無靈之木偶。已在淘汰之列。各處廟宇寺院之神像。有

搗毀者有拋擲者木偶遭厄之日卽爲銅像出世之期黃花崗七十二雄鬼以及昔年起義時流血諸烈士固當一一鑄爲銅像與崑崙爭高使後人有所觀感有所矜式俾此不生不滅之英雄相得永存於萬古千秋而毋或損也男兒男兒不必有封侯相不必有食肉相而不可無流血相當死爲銅像而勿生等芻靈木偶也夫

頭之過渡說

專制時代元首爲君主之代名詞良以首者在人身占最高之位置以是稱其君表無上之尊崇也元首元首昂然高據於萬人之上堅固不搖顛撲不破者不知其幾千百年乃爲革命二字之聲浪衝擊其四圍元首受此絕大之震動力而動搖而破碎矣專制君主之頭爲普天下獨一無二之頭亦爲世世相傳求久不壞之頭歷年既多積威所劫人皆舉首而望之莫敢與之角有與之角者亦如以卵擊石推之撼之旋轉之敲朴之旋得旋失以暴易暴而元首固依然無恙曾未損其毫末孰知天下之事有建設必有改革有完全必有破壞君主之頭自謂堅莫與倫而爲時既久外強中乾經革命志士之鐵頭顱一撞而元首遂頽然倒滾入無底地獄萬劫不得翻身於以知至堅者乃英雄之頭非君主之頭也或曰子何言之過甚歟君主固推翻矣而革命志士之頭顱亦同歸於盡試問真志士之頭顱有完全而無恙者乎惟有君主時代遺下之叩頭虫數十百輩同聲相應競響於假共和世界而已余應之曰唯唯否否不然今日之共和固多數英雄以頭顱換來者也使英雄而不肯拋擲其頭顱則專制時之元首至今存焉雖可也至熱者英雄之血至堅者卽英雄之頭英雄而生

則爲流血志士其頭爲鎗彈之儲蓄所英雄而死則爲巍然銅像其頭爲萬世之紀念品彼元首者果安在哉彼叩頭蟲者又何足道哉

說衆生相

庶矣哉林林總總天地間之衆生也異矣哉奇奇怪怪天地間之衆生相也動物之中人爲貴人自有生以來無不具五官百體而相卽寓焉老少美惡妍醜相也貴賤貧富壽夭相也然非其真相也其真相奈何曰千變萬化不可思議惟妙惟肖難以形容蓋因其內部真正之蓄積不能測其淺深故其外表假設之形相亦無從窺其究竟吾求之於鳥獸則翼者卵者吾知其爲翼者卵者角者蹄者吾知其爲角者蹄者吾又求之於蟲魚則翅者節者吾知其爲翅者節者鱗者介者吾知其爲鱗者介者此皆衆生相也合而觀之各有異點分而觀之無不同形故見其狀而可知其形求其象而可得其真獨至於人則其相難知矣顙同圓趾同方同此五官百體而眼光有遠近耳膜有聰塞臉皮有厚薄手臂有長短或則猿點熊顙或則鯨貪虎暴或則鷹頭鼠目或則狐媚蠅羶是人也而將鳥獸蟲魚之衆生相無不兼而有之矣或則非人非妖或則似魔似怪或則魑魅罔兩或則牛鬼蛇神是人也而并將鳥獸蟲魚中亦並未有此相者無不悉取而包羅之模倣之矣窮形盡相愈出愈奇此人之所以貴於他動物歟此人之所以靈於他動物歟嗚呼衆生相嗚呼今日之衆生相

不自由之感

今夫花以天地爲苑囿平原曠野開落自由一旦移而植之盆中配以珊瑚之架沃以瓊玉之液非不愛惜也然花則枝枯而葉瘁矣失其自由矣夫花其小焉者也今夫魚以江湖爲窟宅碧波紅浪游泳自由一旦捕而放之池中舖以青滑之藻投以芬甘之餌非不安飽也然魚則項縮而尾賴矣失其自由矣夫魚其小焉者也今夫鳥以雲漢爲比鄰青苔白石飛啄自由一旦羅而鑊之籠中護以紅玉之欄被以綠錦之衣非不珍貴也然鳥則翼斂而哀鳴矣失其自由矣夫鳥其小焉者也今夫國有獨立之性質有統治之權力此國體上之自由國權上之自由也一旦而外人侵略我之疆土干預我之政策剝奪我之權利箝制我之輿論將獨立之國體無上之國權喪失淨盡自由亡而國亡矣同胞乎同胞乎其亦知爲亡國之民之最不自由乎彼夫盆中之花雖不自由而可免斧斤之伐池中之魚雖不自由而可免釜鼎之烹籠中之鳥雖不自由而可免彈丸之中心然花也魚也鳥也雖受人之珍惜而因已失其自由生意直欲滅絕若至於國亡之後財產盡入他人之囊橐人民盡爲他國之奴隸繫之可也殺之可也驅逐之可也絕滅其種可也吾恐其欲爲盆花池魚籠鳥而不得也嗟嗟大陸沈沈羣魔擾擾瓜分豆剖近在眉睫悵望前途吾不知死所矣吾爲自由哭吾又何暇爲自由哭哉

論自由爲不自由之媒

我觀於病夫而知世之最不自由者莫病夫若雖然病夫誠不自由矣其所以致此不自由者則自由害之也

人莫不有健全之身體。莫不有調養之本能。而彼何以獨病。則必有致病之由焉。試問其致病之由。則病癆者。必淫慾。自由精髓俱竭也。其病咳者。必嗜好。自由煙酒爲害也。其病瘡者。必寒暖。自由外感交乘也。其病積者。必飲食。自由消化不靈也。凡此諸病。夫其未病之前。皆甚自由者也。既病之後。則伏臥閨房之內。呻吟枕席之間。良辰佳節。不能遊目賞心。美食鮮衣。不得章身適口。偃息在床。常共藥爐作伴。僵臥待死。將與人世長辭。誠哉其不自由矣。誠哉世之不自由者。莫病矣。若矣。而孰知其不自由。固皆從自由來乎。病夫乎。不知以自由而致不自由。顧猶以不自由爲自由乎。

我觀於囚徒。而知世之不自由者。又莫囚徒若。雖然。今日之囚徒。昔日固非囚徒也。固皆無罪之人。自由於法律之外者也。或殺人。放火。焚劫。自由。或好勇鬪狠。剛愎。自由。或陰謀。譎計。陷害。自由。或欺弱。陵寡。強暴。自由。此數者。皆法律外之自由也。有一於此。皆足以爲囚。惟其自由於法律之外。乃使之不自由於法律之中。方其橫行無法。目空一切。自謂無人能禁止其自由。干涉其自由也。而孰知有法律在。得而禁止之。干涉之乎。奸謀。方逐邏卒已來。跼步之間。法庭不遠於此。而欲自由。蓋其難矣。囚首垢面。略似人形。忍氣吞聲。已多鬼趣。粗礪之飯。藉足充腸。破爛之衣。聊以蔽體。衣食不得自由矣。囹圄黑暗。縲紲縱橫。馬廐豬圈。無其卑陋。坑廁溷藩。方其穢濁。舉頭不見天日。無一線之光。觸鼻難堪。空氣少片時之潔。居住不得自由矣。出則有人伺察。入則有人拘管。仰獄吏之尊。則喘息不敢越雷池之步。則捶楚交加。廬山真相面目。何存。地獄現形。皮肉受苦。行動不得自

由矣。其罪之重者。宣告死刑。不久卽上斷頭之臺。爲無祀之鬼。其略減者。或則監禁數十年。或則轉徙數千里。或則罰作苦工。若干月。雖得視息人間。實已盡失生人之樂趣。既爲囚徒。卽終其身。不得自由矣。嗟爾囚徒。觀爾今日之不自自由。則可憐。思爾昔日之自由。則可恨。爾思今日不自自由之眞。當知昔日自由之誤。爾念昔日自由之樂。當知今日不自自由之苦。使爾不侵犯法律。則爾之種種自由。法律烏得而禁止之。干涉之乎。吾故曰。無規則之自由。非自由也。乃自囚也。

我觀於傭工乞丐。而知世之最不自自由者。又莫傭工乞丐。若雖然。人無有生而爲傭工乞丐者。也不自由之傭工乞丐。其前固亦皆有自由之能力。且曾享自由之權利者也。具自由之能力。享自由之權利。而終不免爲傭工乞丐者。則由於彼。但知坐享他人代謀之自由。而不知謀一己未來之自由也。夫享已成自由者。終必陷於不自自由之悲境。傭工乞丐卽其人矣。富貴能利人。亦能害人。福人亦能禍人。於富貴中求自由。是無異行於死樞之中而求生也。今日之傭工乞丐。何莫非昔日之富家翁哉。良田美產。祖宗殫畢生之精力以經營之。子孫安享其成。有恃無恐。飽食暖衣。逸居無教。則懶惰自由也。狂嫖濫賭。無所不爲。則放蕩自由也。珠玉堆案。自由棄擲之金錢盈橐。自由揮霍之一旦。泰極否來。命窮財盡。興斯飢之歎。賦無衣之詩。欲謀生活。則毫無知識。欲就職業。則漫無短長。於是降而爲傭工。流而爲乞丐矣。夫傭工乞丐。果何如人乎。奴顏婢膝。卑以自牧。東奔西走。勞而不怨。服役於家主。受制於兒童。有罪則鞭笞。無算無事。亦吆喝三聲。遇陶侃。劉寬其人。猶不免柔聲。

下氣膽戰心驚矧嚴刻待下者乎諺云喫他一碗服他使喚不自由之甚亦無恥之甚矣至於乞丐則更卑無足道質言之直不齒於人類者也沿門托鉢忍辱偷生一片瓦盆倚爲性命數聲歌板唱破喉嚨其果腹者殘羹冷炙也其蔽體者破衣敗絮也其藏身之處則野外一塊土簷前三尺地也且有時或并不得也是直無以爲生矣違言不自由晉公子傳與塊伍大夫歎吹簫陶處士賦飢驅試問古今乞丐中能有幾個晉公子伍大夫陶處士哉嗚呼傭工乞丐人皆知其不自由也夫使若而人者苟有自謀自由之能力則固何至於此苟不享他人代謀之自由則又何至無自謀自由之能力故不自由者自由之產物也世人但知享自由而不知謀自由鮮有不爲傭工乞丐者

快活三郎詩話

前人有嘲大鼻子詩云鼻子人人有惟君大得兇臥床撐帳頂入戶觸屏風（或作平垂一寶塔倒挂兩烟窗）親嘴全無分聞香大有功江南一鼻涕江北雨濛濛形容大字談諧得妙余八年前肄業某師範時有一赤鼻教員殷紅一抹點綴當中比鶴頂則不高比猩唇則在上垂垂欲滴好看煞人因仿作紅鼻子詩以嘲之曰鼻子人人有惟君色不同火山常息燄冬日不防風倒視如澆蠟橫看似斷虹偶然抬首望照耀滿天紅惜不

能如原詩之妙。以紅字較難形容也。

上則所記赤鼻教員。當時授心理學教育學教授法等課。講義均係自編。文理不甚通順。支離侷偃。在可解不可解之間。閱之令人昏然思睡。而每星期授課獨多。講義堆案如束筭。余頗苦之。戲題其卷首云。一卷大文章。喃喃講幾堂。傳從紅鼻子。引入黑甜鄉。吾輩真灰氣。先生有別腸。解人何處索。放屁勝他香。此詩後爲某教員所見。面爲盡頰。與鼻子幾成。一色。老羞變怒。訴之校長。記余大過一次。仔細思之。余爲學生。不應毀謗師長。實與彼同無資格也。

余肄業某師範時。更有一不住校之教師某。人極誠樸。同學多戲侮之。某以提倡國貨自命。布衣帛冠。有古人風。雨天赴校。常張破油紙傘。一柄。履布釘鞋。一雙。從未見其携洋傘穿皮鞋也。校中定章。八時早餐。九時上課。某任之課。盡在午後。而某每晨必來校。早餐且來時。必現倉皇之色。恐過餐時。則不得一飽也。一日大雨滂沱。層陰凝結。忽失其時。比某釘鞋紙傘而來。校中已琅琅擊飯後鐘矣。懊喪甚。旋復拖泥帶水。踉蹌去。蓋回家補餐也。余亦作詩以咏之。曰。一夜瀟瀟雨。開門水滿街。手撐油紙傘。脚着布釘鞋。昨日還能及。今朝恐不佳。(二句揣摩其中途之結想也)果然鐘點過。餓急轉書齋。同學見之。都爲啞然。

余在某師範。曾與從叔笑雲等結一詩社。課餘之暇。輒從事吟哦。叉手搖頭。酸態可掬。當時有四癡。酬唱集之作。有同學某君。文學甚優。而不喜作韻語。見余輩爲此。輒以調語纏人。效催租之敗興。同人亦無如之何也。一

日笑雲作無題詩云。十幅湘簾香氣濃。幽閒合稱駐仙蹤。華堂客散方人醉。錦帳春酣夢也慵。蝶着衣香飛款款。窗搖花影壓重重。韶華縱使銷難盡。爭奈劉郎一度逢。某君見之曰。此情詩耳。儘可老實說出。何必半吞半吐。我爲汝易之可乎。卽援筆就原稿改曰。脫下湘裙臭氣濃。幽深合稱駐僧蹤。華堂客散真知趣。錦帳春酣好用功。蝶戀花心飛款款。床搖鐙影壓重重。無窮慾火銷難盡。強要檀郎兩度逢。笑雲閱畢。付之一笑而已。

嘲饕餐詩有云。好吃無如楊白華。未曾入席手先抓。慣將兩箸夾三塊。頻把雙肱壓兩家。咬破舌尖流赤血。掏空腕底露青花。回看桌上無餘物。笑倚欄杆剔齒牙。雙熱與余兄天嘯。曩年曾同任一鄉校教師。校中供饌殊惡。而一羣如牛之學生。狼吞虎咽。若肥甘之適口者。雙熱戲作詩云。筷長碗大飯何如。粒粒生僵硬如珠。湯裏帶毛三塊肉。盆中爛肚半條魚。金花好比牙鬚細。線粉幾同鼻涕麤。我與徐公難下箸。羣牛喫盡更無餘。錄此更憶及前與余友老鈍。同任某高等小學教師。校中子弟多不率教。惟喫飯本事殊堪駭。人有連添十餘碗而猶捫腹呼負負者。老鈍有詩咏之曰。世間喫飯原非易。我看諸生却不難。羣聚一堂齊大嚼。連添十碗尙加餐。筷頭落地飯籬罄。碗底朝天汁水乾。堪笑吃完身弗動。大家還說肚皮寬。噫。今之學校皆飯桶之養成所也。豈獨某高等之學生有此驚人之飯量哉。

老鈍更有課堂作文詩云。作文一課太荒唐。狗屁齊聲放一堂。不曉文題出何處。且將老刻拾來裝。三行亂念天書樣。半頁爭誇己作長。我有新奇批點法。一包瓜子送君嘗。老鈍嘗謂余曰。當小學校國文教師。實是前世

作了孽。每星期閱屁文數十卷。弄得頭腦發昏。不是氣死。也要笑死。

前見某氏筆記。載某公善治生。蔬食菜羹。盡屏葷肉。偶市肉未嘗踰四兩。又諱言四兩。名曰小半斤。人遂以小半斤呼之。黃九煙爲作長謠記其事曰。市肉市肉震驚神人。乃公終身不飲酒。窮年不茹葷。今朝胡爲忽市肉。咄咄怪事。疇可比倫。市肉市肉爰聚僮僕。左手提衡。右手啓櫝。有銅如金。有錢如琛。把授僮僕。不覺掩淚酸心。解二童僕受錢。愕眙相視。長跪請命。市肉甯幾童曰。一斤公怒欲捶童曰。半斤怒猶未已。童僕惶恐莫測公旨。解三匍匐再請聽公所云。徐伸四指曰。小半斤。小半斤者。半斤之半。半而又半。祿已踰算。解四僕乃前行。公尾其後。側身躡足。潛伏閭右。僕詣肉市。錢付屠手。屠方鼓刀。公突而前曰。此我之肉。爾毋我腹屠曰。公肉敢不腆焉。一增再增。肉重於權。名小半斤。不啻六兩。公挾僕歸。大喜過望。解五肉已至家。僕欲持去。公曰。無遽談。何容易。此肉我當細區分。安得倉皇暴殄等兒戲。爲我呼爨婢來。前此肉謹付汝。汝其善煎烹。一爲乾豆。荐祖考。二爲賓客餉。師生三爲君庖。鑿我口。飫我腹。我與妻妾子女共咀嚙。下及汝曹。俱彭亨貓鼠。不得竊犬豕。不得爭餘汁。滿貯缶鑠釜。須令戛戛鳴珍。重小半斤。此肉良非輕。解六市肉市肉震驚神人。咄咄怪事。疇可比隣。我聞東海有麒麟。麻姑擘脯。世莫陳公之啖肉。母乃啖麒麟。吁嗟乎小半斤。解七我聞古有豢龍人。颺叔潛醢饗夏民。公之啖肉。母乃膾龍肝。披龍鱗。吁嗟乎小半斤。解八我聞天府之肉。有熊蹯。豹胎。猩猩唇。惟辟玉食。羅八珍。公之啖肉。母乃啖彼熊蹯。豹胎。猩猩唇。吁嗟乎小半斤。解九錢燭臣爲之評曰。昔張興一飯肉常十斤。若惠此公。可作四十日盛饌。

矣。然較之爛蒸去毛之盧丞相。一食十八種之李尙書。則此公不猶爲窮奢極欲乎。

雙熱善作滑稽小說。近著學時髦一篇。共分八章。每章以七字爲目。合之成一滑稽律詩。曰。打扮進城第一遭。回家馬上學時髦。香烟作梗流香淚。眼鏡生花跌一交。土貨洋裝真好看。皮鞋草帽一齊糟。居然婚禮文明甚。男女來賓笑痛腰。篇中以易西裝一段爲最引人發笑。因憶昔年光復之際。人多剪髮易裝。最苦者硬領外加。以結如野馬之騾。受羈絡屈伸轉側都不自如。現出許多醜態。余曾有改裝四絕。登之某報。錄其詞曰。袖短襟開稱體便。少年態度甚翩翩。入時競易新裝束。落拓青衫不值錢。此詠便服也。漫誇昂首比雄鵝。強項原來受苦多。日日勞君延頸望。共和消息竟如何。此詠硬領也。居然愛國錫嘉名。多少工夫織得成。我自戴盆天不見。任人喚作猢猻精。此詠草帽也。前途努力莫回頭。進步寬餘退步休。却自由無覓處。鐵鞋踏破遍全球。此詠皮鞋也。

羊川飲瓢君爲余言。彼鄉有李猪生者。專喫白食。不名一錢。人皆厭之。錫以徽號曰不毛賊。指一毛不拔也。飲瓢賦五言詩云。到處喫白食。我不結人食。人爲我取名。一毛不拔賊。最憎廁與坑。奪我腹中食。肛門加鈇。鐘俾食不得出。日積久累腹。嘔出可復食。以備不時需。悠悠而自得。

鄭板橋文章丰采。名重一時。有詩書畫三絕之譽。其所爲詩多滑稽諷世之作。託意深遠。非打油詩所可並論。如詠茶壺云。嘴尖肚大柄兒高。暫免飢寒便自豪。量小不堪客大物。兩三寸水起波濤。罵盡器小一流人。又板

橋一日赴省。搭一曹姓船尾。曹爲維揚執袴。見板橋不爲禮。中流曹忽詩興勃發。久吟未就。板橋高聲曰。惱恨青龍偃月刀。華容道上未誅曹。至今留得奸雄種。逼迫詩人坐後稍。曹爲愕然。唐伯虎易簪時。索絹一幅題詩云。生在陽間有散場。死歸地府亦何妨。黃泉若遇好朋友。只當飄零在異鄉。擲筆而逝。別人死得淒淒涼涼。他却死得平平淡淡。才人意境。名士襟懷。固自與人不同。此亦絕命詞中之別開生面者也。

余友陳君醫隱。爲當今詩界巨子。余已錄其近作入叢報。茲更錄四絕以實余詩話。題爲狸奴將海棠撲倒。戲作四小詩。以責貓而慰花焉。詩云。蝟鬚環眼陋無加。每好芳叢動爪牙。碩鼠嚼書如未見。偏來獲罪海棠花。綠陰閒步合徐徐。底事將花撲蝶如提耳。執來猶免脫從今。每食罰無魚。猩奴恃寵橫於猿。遂致幽芳默抱冤。若教司香花尉判。主人之過也難原。微微裂破綠衣裳。猶幸瑤板未損傷。寄語芳心休着惱。碧欄十二護紅妝。游戲之中。寓有惜花深意。詩人多情。於此可見。

有以茶葉名集成一開篇者。頗新穎。其詞云。雲霧吹開現碧天。日升頂谷影團圓。萋萋嫩綠沿階草。色似仙芝翠映簾。花放紫英含曉露。生條樹上鳥聲喧。陽坡高士襟懷曠。獨坐逍遙在雙窰。軒掛一幅寒雀爭梅調。雀舌白旗箋子對雙聯。上聯是風吹茉莉幽香遠。下聯是雨潤松蘿翠色鮮。書法大方真絕妙。後邊落款是毛尖建奇佛手冰盆供瓶內。荷花開雨前。紫檀架上珠蘭擺。蒙頂鑪中香透烟。看幾卷早春金片羣芳譜。飲幾杯龍井。

旗槍上品泉彈的是素琴普耳湘妃怨譌的是漁樵問答武彝山不顧蘄門如市鬧只求鶴頂任流連壽春常玩園林景靈艸親嘗不老丹雲居消受蓮心樂六安無事賽神仙免被苦丁牽

唐小說載施肩吾與趙嘏同年嘏失一目以假珠代肩吾嘲之曰二十九箇人及第五十七雙眼看花某狂生以十七字詩獲罪太守發配遼陽其舅眇一目臨行送之狂生賦詩云發配到遼陽見舅如見娘兩人齊下淚三行蓋卽脫胎於肩吾之句也

前清科舉時代有老童某於試卷之末題詩一絕備述苦况冀主試者憐其年老而委曲成全之學使閱至卷尾爲之拍案叫絕因援筆批數字於後而擯之原詩云老童提筆淚漣漣批曰該哭窗下讀書四十年批曰未必今日憲台仍斥我批曰自然回家一命到黃泉批曰該死是亦科場笑柄也

前清同光朝設有軍機處綜理庶政居各部上宰輔爲之長每日入值宣達綸音承發章奏權至重也閣臣以下有所謂小軍機者多以翰苑部郎充之而小軍機中又有紅黑之別紅則睥睨親貴炙手可熱黑則不過仗馬寒蟬備員充數而已當時有作詩譏之者讀之猶堪想像輦轂下情景也紅小軍機云看錶雙鬢報丑初夜深懶起情人扶開箱待女翻貂褂啓篋驕童理素珠流水似車龍似馬主人如虎僕如狐昂然直入軍機處先問中堂到也無黑小軍機云待到更籌報丑初夜深惟有病妻扶黑紗窗畔翻貂褂黃土堦前理素珠破屋似車驛似馬主人如鼠僕如豬天明溜入軍機處先問今朝有事無

有署名華民者。報稿本社。題多荷花大少秋曲。頗足爲嫖界諸公當頭棒喝。亟錄之。新秋一葉飛梧桐。夜涼如水。吹金風。臨風有客發長歎。荷花欲褪紅衣。紅客爲誰。夏大少荷花兩字。其表號六郎風貌。自翩翩花天酒地。頻頻到憶昔端陽初出時。幾人愛煞好丰姿。搖搖擺擺花叢裏。說爾空心有阿誰。風光占盡迷香洞。容爾當時酣綺夢。夢回含笑喚真真。山盟海誓恩情重。曾幾何時。色相空無情。最是碧翁翁。星移物換。秋光至。昔日今朝大不同。昔日何榮。今日辱繁華。轉眼殊忽促。真形欲露不勝愁。可憐大少吞聲哭。一哭衣紗衫一件。薄稀稀。漸次出門披不得。祇能悶坐掩雙扉。二哭食託名茹素。葷不吃。雷齋將滿。好開葷。兩手空空買不得。三哭花酒四哭和無錢吃。碰可奈何。那知車夫連日並無轎飯。賤在旁冷笑聲呵呵。車夫冷笑大少惱開言。低向車夫秋傷道。去年爾是過來人。莫笑區區今潦倒。車夫聞語。愀然愁掬盡湘江不洗羞。真面廬山遭識破。一般落魄共悲心。僕遇傷心主。愁人相對無情緒。但願世人莫作荷花大少爺。秋來結果渾無趣。

某甲常以能詩傲人。有夜遊詩半律云。田間物色總無窮。瘦影徘徊力已空。深夜摹來情杳渺。一鞭迷處路西東。其友見之笑曰。僕有越諺四句。可以爲尊箸之評語。某請錄出。友乃評其後曰。第一句是呆子掘荸薢。二句是黃胖椿年糕。三句是癡人說夢。四句是盲人騎瞎馬。詩家三昧。竟爲君得去矣。某嗒然而退。窺美換衣詩。不知何人所作。雖稍涉淫褻。而描摹盡致。不忍棄也。詩曰。鑿壁偷光見素娥。素娥燈下易青羅。一身白似三冬雪。兩腿肥如八月鵝。挑脚拍開鸚鵡嘴。翻身露出鳳凰窠。令人頓起相思念。何不開門與我和。

琵琶不似這枇杷。只爲當年識字差。若使琵琶能結果。滿城絃管盡開花。此嘲誤寫枇杷爲琵琶者詩也。後有爲之解嘲者。其詩亦妙。因并錄之。曰。琵琶原是這枇杷。不是先生識字差。若使琵琶不結果。笛中那得落梅花。余友倪君壯青。善爲諧語。有留鬚自嘲四言曰。壯不如人老。復何須。青青年紀而乃留鬚。顴角成菱。滴水成珠。顛倒家庭。倪君尊人尙未留鬚。討厭妻孥。修短不秀健。而且粗無拿翁貌。是鐘馗圖。比上不足。比下有餘。再不薙却老蔬。老蔬（吳語嘲老者曰老蔬菜）壯青又有百妓吟。余頗愛誦之。擇錄數首於下。咏紅妓云。和酒連天撥不開。飛輿出局漫徘徊。遍身姘紫媽紅麗。都是癡兒湊趣來。咏貧妓云。饑自辛酸冷自傷。帶擋倒盡沒收場。年時怕見調頭節。爲怕臨歧落賬房。咏雛妓云。一進倡家別樣姿。淡妝不抹復凝脂。盤龍試挽維新髻。嬌小丰神便入時。咏老妓云。無復雙蛾鬪畫眉。青樓冷落自含悲。夜來祇有香簾月。空照愁人顏色衰。咏淫妓云。賣弄風流不顧身。歌兒身手馬精神。桃花眼底薰如醉。一剪秋波剪盡人。咏姻妓云。已是風塵憔悴甚。那堪嘯傲癖烟霞。芙蓉畢竟秋江物。未老紅顏怨落花。更有老妓一律。爲楊達卿君所作。亦談諧入妙。詩曰。人人都說好多花。不是張家卽李家。遠看居然嬌滴滴。近觀恰像老媽媽。風情往日猶還可。生意如今亦太差。堪笑路逢漂帳客。上前便把頸皮抓。

十七字詩。全在末二字點睛。揚州汪邱二君。有咏嫖四首。末句全押來字韻。頗妙。打茶園云。曲唱一枝梅。瓜仁噎幾枚。臨行囑明日。早來喫花酒。云。座右一聲雷。曲終鴉母催。豪客高聲叫。轉來借乾舖。云。同臥襄王臺。兩雨

費○疑○猜○女○班○門○外○睡○難○來○結○線○頭○云○劉○阮○到○天○台○半○就○亦○半○推○低○低○一○聲○道○進○來○

某○君○病○齒○血○溢○牙○齦○適○值○天○大○雨○悶○坐○一○齋○戲○效○玉○川○子○作○詩○題○曰○天○病○其○詞○云○天○厭○我○食○肉○巨○毒○鍾○牙○車○齒○
頰○發○奇○彩○開○闔○噴○紅○霞○肉○亦○不○得○食○見○肉○嘴○啞○啞○轉○喉○易○觸○諱○發○聲○如○老○鴉○那○知○天○受○毒○更○巨○當○門○脫○落○兩○齒○
牙○津○液○汨○汨○咽○不○住○隨○風○咳○唾○爲○雨○花○揚○之○六○合○間○濛○濛○若○塵○沙○田○祖○不○敢○國○其○國○自○關○哇○畛○開○坎○窪○菜○把○僅○
一○息○麥○苗○縮○其○芽○吾○今○憂○天○此○病○若○不○差○此○津○此○液○流○無○涯○赤○子○轉○洪○水○魚○語○戢○戢○無○以○爲○家○天○若○聘○醫○師○亟○
亟○聘○女○媧○女○媧○昔○鍊○石○補○天○折○柱○塋○確○殘○塊○煤○烱○燄○曷○不○持○此○插○天○頰○與○天○塞○陷○填○凹○窳○否○則○役○使○五○丁○力○士○
回○山○倒○岳○當○吻○遮○撐○開○兩○眼○視○萬○物○駭○人○呼○爲○日○月○行○光○華○天○口○雖○爾○漏○天○鑒○諒○不○遐○顧○諱○民○命○急○勿○藥○病○可○
賒○陽○春○脚○至○雨○脚○去○我○亦○病○瘳○能○笑○譁○漸○漸○出○屋○如○行○蝸○

與○蠡○漢○並○榻○眠○鼻○聲○如○雷○擾○人○清○夢○最○爲○可○厭○余○數○年○前○任○某○鄉○校○教○席○一○日○乘○夜○行○船○赴○校○同○舟○者○皆○勞○働○
界○中○人○一○倒○頭○鼾○聲○齊○作○擾○攘○終○宵○竟○未○成○寐○憶○韓○昌○黎○有○嘲○鼾○睡○詩○惜○不○能○記○枕○上○無○聊○擬○作○一○首○云○初○如○
裊○孤○籟○萍○末○吹○長○風○徐○如○架○大○木○巨○鋸○交○磨○礪○又○如○貓○叫○春○奮○搏○爭○長○雄○又○如○蛙○出○水○膈○膊○占○塋○叢○大○衢○轉○傳○
車○牽○澀○脂○未○融○石○鼎○吹○瓶○笙○暗○爐○蹴○踏○中○洪○燈○治○金○鉄○鼓○蕭○若○擊○攻○長○江○演○水○陣○火○礮○飛○蛟○宮○勢○忽○衰○忽○盛○聲○
忽○細○忽○洪○忽○斷○忽○接○續○忽○絕○忽○暢○通○一○氣○相○呼○吸○兩○竅○時○異○同○處○世○今○贖○贖○自○願○耳○不○聰○我○爲○鼾○睡○詩○上○續○昌○
黎○翁○

余友宗君子威有放屁歌有聲有色可發大噱歌曰屁兮屁兮屁屁一聲洪響驚天地滿腹經綸發洩初百怪精靈都嚇起我今特爲放屁歌大家聽得笑呵呵笑聲屁聲不可辨上氣下氣相攪和我思屁從何處來空谷之中聲如雷緩則悠悠揚揚急則劈劈拍拍大塊噫氣此胚胎惡者掩鼻走喜者笑口開我今得之爲良友芝蘭之交味可久我今得之爲豔妻紙帳清香勝於梅上達三焦下通七竅奇氣一發不可收重簾不忍捲苦苦爲君留如擲桓宣笛聲來何處接如哇仲子鵝作勢先探喉勸君何苦大嚼不肯休朝含盃夜酒甌於今腹中旋轉如轆轤欲忍不忍欲止不止羞不羞又有蓋臣者仿文與可一字至十字體咏之云屁屁傳聲洩氣逐臭來隨風至響出揮中味穿楊底狗放本相同狐精真無異善鳴端由不平傷食非關久痢黃花消息可先通聲栗聲音堪比例有輕有重乍出肛旁若羶若腥遙通鼻際連珠傳巨響勢若轟轟幾陣散奇香情真細細飽領木樨之味我亦懷慚如聞爆竹之聲人皆相戲

昔人有咏怕老婆七排十六韵描寫懼內者之情狀無微不至詩云任爾渾身大胆包真如獅吼實咆哮討饒慣把頭巾脫受縛全憑腳帶牢棒喝鳩盤驚退鷄冠軒馬桶駕靈鯨代敲瘦背酥流滑替抹嬌臀至聳高牀第指揮惟汝命席筵笑謔憚同曹晨眠候起躬先鞠夜飲歸遲首屢搔探到耳根多扁豆射來額上盡胡桃溺盆敬揀奚嫌臭穢布頻搓不厭臊未許閒遊拘手足偶聆輕咳悚皮毛塗脂活似奔來虎搖尾誰憐摯住獠問鼎也常形局促摘髭那敢肆號咷侍兒灶下偷休息狎客堂前逐每遭子女旁嗤顏益厚帝天虔奉澤難叨柔容

甫歛魂先落軟語稍加氣陡豪閨閣並無三夾棍鬚眉何事一團糟先生若挂將軍印將將應須圖內勞
吳門江天覽有咏小學教員竹枝詞六首窮形盡相頗足爲一班飯桶教員寫照修身云上得堂來把衆批常
將禮義口中提每逢放假星期日馬路上邊打野雞英文云蹙脚西裝身上披口中不住說哀皮須知冷眼旁
觀者笑爾欺人只自欺算術云開方比例課生時算法還誇有巧思九九偏云八十二果然數術獨新奇理是
云從來理化最難知學得皮毛便算奇倘使教員來試驗儼如把戲被人嗤地理云五洲輿地勢縱橫連我先
生辨不清若使有人來質問只推酒醉欠分明體操云居然身上着軍衣立在操場瞎指揮嘴裏哼哼傳口令
依稀一陣亂鴉飛

余有改唐詩數絕載之滑稽週刊雖云小道亦有可觀者悍婦云洞房昨夜翻紅燭待曉堂前罵舅姑妝罷高
聲問夫婿鬚眉豪氣幾時無確合悍婦口吻手淫云紗窗日落漸黃昏金屋無人見膩痕寂寞空床春欲洩梨
花滿地不開門此詩僅改三字語妙入神惜稍涉猥褻耳咏人力車爲汽車所撞云轆轤聲中已折輪車夫相
並指高軒含冤欲說方纔事三道頭來不敢言西人之跋扈苦力之吞聲胥可於言外得之嘲某云清室遺臣
承主恩平明垂辮入宮門不嫌豚尾汚民國倒曳橫拖朝至尊打野雞云故人西辭四海樓英洋三塊宿揚州
春風一度歡情盡惟見楊梅腿際流又咏雉妓云青蓮閣裏尋常見四海樓中幾度聞正是洋場好風景黃昏

時節又逢君。均有微意可尋。自余作後。一時和者頗多。最佳者如雙熱咏癩痢婦云。蠟妝初罷下朱樓。孤負春光一夜愁。行到中庭數花朵。蒼蠅飛上癩痢頭。壯青咏品玉簫云。裸將郎體赤條條。秋盡情根艸未凋。夢醒藍橋明月夜。玉人湊趣學吹簫。泝香哀清末蜀郡總督云。獨在異鄉爲怨鬼。每聞川亂倍思清。(叶音)欲知兄弟賢。奸處徧覓忠魂只一人。閱報載某偉人招駙馬事有感云。逃名不戀上將軍。一走飄騰富士雲。贈與東施豈無意。爲謀滅國故留君。告大樹將軍云。浦口鏖兵入戰圖。生民無計望其蘇。將軍莫話封男事。一炬功成萬骨枯。嘲王館長云。三海求賢訪老臣。王生才調更無倫。可憐館長虛前席。猶向清皇頌聖神。泝香分詠煙賭色流四鬼亦可誦。妓院吸烟云。寂寂開燈閉院門。美人携楊傍瓊軒。含烟欲說其中味。包探前頭不敢言。挖花云。洋場無處不飛花。爭擲金錢團坐斜。日暮還教添蠟燭。傾囊散入老頭家。野雞云。淚濕羅巾睡不成。夜深拉客逗嬌聲。紅顏未老紅絲斷。斜倚牆隅立到明。拆白黨云。夜花園裏尋常見。春柳場中幾度聞。正是弔膀好身手。偷香色藝總推君。

余兄天嘯曾徵上海竹枝詞。一時作者如林。美不勝收。茲擇其尤佳者分錄於下。某君詠加茶碗云。一盞香茶另眼看。金花蓋碗小銀盤。明知不解相如渴。要領芳情總飲乾。借乾舖云。綃帳留春翠被溫。不曾真個也銷魂。枕邊點染胭脂漬。知是啼痕與唾痕。落夜廂云。莫道紅兒咏十香。黃金能買合歡床。陽台絕似天台路。去了劉郎有阮郎。被頭風云。姊妹相逢慣笑人。輕輕咳嗽也眉顰。如何六幅鴛鴦被。一個床頭蓋不勻。連底凍云。溫柔

鄉裏太平安。休閒交情濕。與乾若望此鄉真。老死只防還要死。來看炒小貨云。料得明珠脫手輕。美人曾否屬書生。纏頭拋盡成何事。買得青樓薄倖名。擺檯面云。席上華鐙照面紅。排當團坐辨雌雄。有人冷眼來窺笑。門外跟班是乃翁。掀檯面云。公子無情作禍魁。燈屏台盞盡情推。旁人未必稱豪傑。明處掀翻暗地賠。聽堂唱云。不用胡麻飯。阮郎黃柑瓜子兩盤裝。琵琶譜出無他調。不是西皮便二簧。燒路頭云。兩管梅花細細吹。大刀神像也魁巍。畫工錯認關夫子。不道將軍自白眉。恩相好云。任教明處不招攜。暗地鴛鴦兩兩棲。覆手教人看。指阿儂原是這東西。砍斧頭云。金盡床頭孤枕橫。可憐夢裏尙呼卿。情線不用并刀剪。只把吳剛玉斧擎。鋪房間云。洋花紙裱小迷房。雲石妝台紅木床。若把歌台當金屋。婀娜那便許人藏。調房間云。款款溫柔絮語輕。欲行那忍便拋卿。外人到此儂甘讓。莫要留他厭不情。喊移茶云。簾前鸚鵡喚移茶。作隊飛來可意花。美惡任憑郎選定。只將瓜子付兒家。帶擋云。歡喜冤仇拆不開。同門避債更無台。官場近日都如此也。請師爺帶擋來表記云。鑽石深嵌約指空。誇金說寶那知銅。只當一物分明在。排總絞綃出袖中。時髦云。阿儂生小是姑蘇。不用胭脂薄薄敷。兩字稱來原得意。面前偏不許人呼。私語云。不是喁喁不斷腸。人前偏要捉迷藏。桃花扇子佯遮面。特地輕輕說與郎。跳槽云。牛馬稱呼亦太奇。甯知相恨不相思。男兒也染楊花性。肯逐東風過別枝。點蠟燭云。華燭雙輝到眼前。瓶蘭花插滿頭鮮。解囊莫當纏頭贈。此是兒家壓歲錢。恩線云。一從知己去天涯。忍抱琵琶向別家。指上紅絲君識否。阿儂便算守宮蛇。花榜云。面貌妍媸不自知。等閒個個是西施。若教肯許登金榜。

不要纏頭。只要詩漂。賤云浪許。纏頭說買。春花間夜。合少精神。莫嫌浪子。將兒誑兒。本人間抵債人。湖上人六首云。豔冶春光。不解藏欄干。上下任迴翔。子飛雄雉。知多少。求牡聲偏噪。夕陽手特黑。棍首紅巾道。是當年喪國人底事。昌明榮盛地也。教佇立待夫君。花外花枝樓外樓。市場有美不勝收。當年故國餘衰草。又變繁華到盡頭。銀花大樹。宵宵合鉄鎖。星橋夜夜開。多少遊人。蠅蟻似趨羶。逐臭一齊來。車走雷聲聽。轆轤燈開。電彩望瑩瑩。縱橫軌道通。三界不羨虹。橋化廣陵長。三么二掛人。牌納采問名。取次來廿四。絃聲彈罷。後有誰脫得鎖。猴開寄恨十二首云。黃歇浦邊人。萬千南轅北。轍競爭先劇。憐車馬蟬聯過。都爲名輕利鎖。纏火樹銀花不夜天。英租界內。最喧闐。警心撮叫歌聲雜。新舊劇場左右連。酒樓首屈數。春江徹夜笙歌興。未降斗轉星移歸去也。揮拳叫局。尙紛眈。胡家宅畔。月明時。浪蝶狂蜂半欲癡。看煞沿途拖客妓。生成賤骨最難醫。勝得電車又汽車。陸行捷疾。賽飛鴉。人工具有長房術。入望速離路已賒。銷閒特地喊移茶。亦抱琵琶半面遮。燕瘦環肥供抉擇。一時瞥望眼。都花大鐘何故響。沈沈爲報洋場火。警臨側耳聽來三五下。南頭北地了於心。變相烟間萬象羅。弁髦禁令。鬼推磨。區區黑土黃金價。燒盡田園可奈何。乘輿應局快如梭。十里洋場一刹那。大姐姑娘忙碌甚。纔過兆貴又清和。西法新奇影戲開。障成白布淨塵埃。迷離活劇更番換。暗裏生光借電來。樓閣參差映暮霞。佛門三月轟龍華。踏青士女幾千萬。半爲燒香半爲花。跑馬廳前跑馬場。春秋兩季賭騰驤。西人嬉戲猶崇武。駕就驕驄各逞強。鵲聲咏猪頭三云。馬路行來少婦姣。猪頭三要。去釘梢。慎防遇着仙人跳。挖盡腰包竹槓。

敲夜花園云。夜花園裏樂淘淘。太太騷來小姐嬌。如此良宵容易過。綠陰深處快逍遙。荷花大少云。荷花大少果然多吃酒。明朝怕碰和。一到中秋人不見。娘姨尋得氣呵呵。雉妓云。夜半聲聲過客招。洋鈿一塊就魂消。可憐碰着山東老。咬緊牙關哭叫饒。

吳子耳似屢易其名。累累者無慮數十。其暱友張君心蕪。嘲之以詩。頗堪發噱。惜忘其首句。□□□□□□□□。野鷄窠裏卽蓬萊。一人三四十名字。從此閤王捉不來。

海虞俞子大憤。亦滑稽家也。與雙熱爲莫逆交。一日大憤以閨怨題徵詩。限溪西雞齊啼韻。嵌一二三四五六七八九十百千萬雙半丈尺等事。請雙熱首唱。雙熱辭以不能。固強之。雙熱乃吟。日寸地雙峯隔。一溪十人九說好東西。丈三鼻涕粗於鱗尺二面皮。老似雞大憤不待其續下。遽止之曰。只此已足。不必續矣。雙熱乃大笑而止。

去秋余曾作續滑稽聯吟記。登諸某報。今亦錄之。以實余詩話。曩者雙熱嘗有滑稽聯吟記之作。自難自解。似是而非。閱之令人噴飯。又令人拍案稱奇。實濫觴於夕陽反照桃花影。柳絮飛來片片紅之句也。近見滬上各小報。亦有此種遊戲筆墨。惟一詩上下不接氣。且不能自爲解釋。殊不足觀。雙熱之作。妙在能於不可解中尋出滑稽的妙解。來秋窗無俚偶。覽及之。爰仿其體作續記。閱者諸君尙憶數年前某報中有天夢其人乎。此人爲余之忘形交。別余者且兩載矣。今日余獨處一室。忽然心血來潮。知天夢將至。未幾果來。謂余曰。汝筆墨大

忙。余。來。助。汝。一。臂。余。曰。好。好。余。正。詩。興。勃。發。獨。吟。苦。乏。佳。句。子。與。余。聯。吟。何。如。天。夢。曰。諾。請。命。題。限。韻。余。曰。韻。不。必。限。題。則。卽。景。可。也。且。讓。余。首。唱。乃。朗。吟。曰。桂。香。時。節。雪。紛。紛。天。夢。曰。子。誤。矣。桂。香。時。節。雪。從。何。來。余。曰。非。眞。雪。也。夫。桂。花。非。有。金。銀。二。種。乎。金。桂。花。黃。銀。桂。則。白。色。遠。望。之。如。六。出。奇。花。開。遍。枝。頭。也。天。夢。續。曰。一。月。餅。盈。盤。味。苦。辛。余。曰。子。眞。胡。說。矣。月。餅。之。餡。或。甜。或。鹹。食。之。香。沁。齒。頰。那。有。苦。辛。之。味。天。夢。曰。不。然。此。滿。盤。之。月。餅。蓋。非。自。己。買。來。者。節。到。中。秋。各。妓。館。有。送。節。盤。之。舉。月。餅。卽。其。要。品。一。班。空。心。大。少。到。此。時。節。無。錢。償。債。見。盈。盤。之。月。餅。有。不。觸。目。驚。心。覺。其。味。甘。中。帶。苦。乎。余。乃。復。吟。曰。尋。着。仇。人。陪。笑。臉。天。夢。曰。不。通。不。通。既。云。仇。人。相。見。必。無。好。面。目。或。出。惡。聲。相。詈。或。以。老。拳。奉。敬。豈。有。反。陪。笑。臉。之。理。余。曰。此。句。乃。承。汝。上。句。而。來。所。謂。仇。人。者。乃。妓。女。之。情。人。也。昔。日。宿。娼。不。名。一。錢。今。日。相。逢。則。情。人。變。爲。仇。人。矣。然。錢。在。人。手。須。帶。三。分。和。氣。或。可。望。他。一。慷。慨。若。強。討。硬。索。則。老。羞。成。怒。益。無。望。矣。此。所。以。反。陪。笑。臉。也。天。夢。曰。原。來。如。此。乃。作。結。句。曰。西。風。一。掃。萬。家。春。余。曰。此。眞。不。通。西。風。一。掃。則。萬。家。秋。矣。今。云。萬。家。春。抑。別。有。說。乎。天。夢。曰。此。亦。承。上。文。而。來。萬。家。春。者。番。菜。館。名。也。西。風。一。至。空。心。大。少。潛。藏。無。踪。無。復。昔。時。轟。飲。叫。局。之。豪。興。矣。也。萬。家。春。之。生。意。不。啻。爲。西。風。掃。盡。也。余。曰。妙。妙。此。詩。一。氣。讀。之。恰。是。一。妓。女。中。秋。索。帳。時。惜。此。時。中。秋。早。過。已。爲。失。晨。之。雞。矣。天。夢。曰。不。妨。目。下。滿。城。風。雨。已。近。重。陽。於。中。秋。之。後。補。作。中。秋。詩。不。如。於。重。陽。時。節。共。作。重。陽。詩。也。余。曰。題。目。却。好。請。子。先。吟。可。也。天。夢。曰。余。詩。思。綿。綿。一。句。不。夠。發。洩。請。先。吟。二。句。可。乎。余。曰。可。天。夢。遂。吟。曰。百。尺。高。樓。似。

檻低兩株衰柳。覆長隄。余曰。奇哉。樓高已達百尺。忽然低與檻齊。費長房有縮地術。子豈有縮樓術耶。柳祇兩株。且已就衰。必無繁條茂葉。可以覆隄。况長隄乎。且子云。作重陽詩。此二句與重陽殊無關係也。天夢曰。余作登高詩也。立千仞之崗。下視百尺之樓。直與檻等耳。次句亦係憑高望下之景。長隄十里。自上望之。悉在目前。其間兩株殘柳。搖曳西風。見柳而不見隄。若將此長隄而遍覆之也。余曰。子胡不早言作登高詩。致令人無從索解。乃續第三句曰。夕陽一角紅於墨。天夢曰。放屁。夕陽色紅。墨色黑。疇不知者。昔人有夕陽如血過南樓之句。人嫌其造語太奇。夫以血喻夕陽之紅。猶嫌其奇。今子以墨喻夕陽之紅。不更奇耶。這錠紅墨。汝從何處見來。予曰。子且勿嗤我。紅墨卽硃墨。確是有的。且予之詩意。更別有在也。遊山之頃。天色已晚。一角夕陽。尙留紅影。忽然陰雲密布。反射夕陽之影。變成深墨色。此句實脫胎於柳絮飛來片片紅。真無上之警句也。天夢曰。然則余下句已續成矣。下有天來。上有泥。余曰。越說越不像話。上天下地。雖五尺之童亦能知之。汝偏曰下天。上地。且不曰地而曰泥。至語氣之貫與不貫。更無論矣。此真是羯鼓三搥。該打該打。天夢曰。此句自有妙解。汝不記人在山上乎。汝不言陰雲密布乎。陰雲密布。大雨旋至。遊山之人。未携雨具。狼狽下山。見山下空潭。已爲雨水積滿。天光倒影。映入潭中。故曰下有天也。此人拖泥帶水。冒雨而歸。不幸踣於中道。滿身遍染泥污。故曰上有泥也。余曰。子誠善辨。但待到重陽。須仔細一點。若應了詩識。則子將成一泥烏龜矣。聯吟既竟。不覺月上紗窗。夜涼如水。余因推窗起曰。今夕月色佳也。天夢曰。此時設有一美人。嫋嫋而來。子將何以詠之。余曰。

此又何難。與子再聯一首可耳。乃吟曰「二八佳人白髮稀」。天夢曰：豈有此理。焉有紅其顏而皓其首者。且甚其辭曰稀。汝殆見之於劇場之扮演耶。余曰：此有理由也。美人頭上簪茉莉花一束。月下望之。誤爲稀疎之白髮也。天夢曰：解釋良妙。但下句頗不易續。於是摸耳搔頭良久。忽躍起曰：得之矣。「金蓮三寸步如飛」。余曰：子又胡說矣。金蓮三寸。宜乎嫋嫋來遲。那有健步如飛之理。天夢曰：子不知昔人有十七字詩乎。詩曰：嬌女出閨房。金蓮三寸長。爲何這樣小。橫量余所云之三寸。金蓮蓋亦橫量而非直量也。余乃笑而續之曰：「亭亭玉立花間坐」。天夢曰：既云立。復云坐。究竟是一人還是二人。余曰：子尙未能得詩中三昧。此句真爲月下美人之絕唱。所謂點睛之筆也。美人立於花前。花影與人影俱映於地上。其下半身爲花影所遮。不可得而見。似坐於花間也。天夢無言。頻點其首。乃作結句云：「爲怕宵寒不着衣」。余曰：子真不通之極矣。既怕宵寒。則應加衣。不加衣則不怕寒矣。如云不着。尤屬荒謬。裸體美人。吾惟於畫圖中見之耳。天夢曰：此亦有別解。美人既怕寒。自應早睡。鴛被春酣。不愁不暖也。和衣而睡。非正式之睡。則應脫衣不着衣者。卽脫衣之註解。亦卽睡字之代名詞也。余詩云云。謂怕寒而歸寢耳。余曰：夜漏已深。詩興且盡。余亦將歸寢矣。因相與抵足。酣然入夢。不復如天夢之爲。余余之爲天夢也。

鬼趣詩作者甚多。雖命題各有不同。要非深諳鬼趣者不能道也。因照上海竹枝詞例。錄其佳者如下。錦屏女子葉佩纓咏鬼門關望月云：灰盡羅衫衣不溫。亭亭碧月照離魂。滿身風露渾難著。却怪梨花尙有痕。奈河橋

春泛云。淚滴烟波別恨長也。催雙漿出橫塘。桃花莫逐春流去。怕到人間魅阮郎。望鄉台晚眺云。六曲闌干何處憑。夕陽台閣勢崢嶸。始知身似秋來燕。飛過瓊樓十二層。孟婆莊小飲云。月夜魂歸玉佩搖。解衣鑪畔換香膠。可憐寒食瀟瀟雨。麥飯前頭帶淚澆。剝皮亭納涼云。腥風一陣晚涼生。血滿羅襟暑氣清。記得豆花棚下戲。輕揮小扇捉流螢。惡狗村踏青云。金鈴小犬水聲間。羅襪無塵任往還。女伴相邀鬥芳草。春光不度鬼門關。血汚池垂釣云。萬家碧血引成渠。染出琴高赤鯉魚。釣得竿頭還棄却。腹中怕有故鄉書。鬼點壇飯僧云。佛鼓齋鐘午後聞。散花壇上雨紛紛。爲儂懺悔生前業。布施還拌殉葬裙。讓塘漁父咏望鄉台玩月云。望鄉台上月黃昏。一樹梨花雨打門。幽鬼携琴來玩賞。碧欄干外漲秋痕。剝衣亭乘涼云。一絲不着臥空亭。烟雨烟雲落翠汀。畫棟不留秋燕宿。蟬聲無賴柳條青。尖刀山踏雪云。天黃風緊猿啼急。一夜青山盡白頭。鞭着疲驢鬼得意。寒光照眼惜添愁。奈何橋觀荷云。隔岸清荷萬頃多。畫橋人唱采蓮歌。折來欲獻閻王去。野渡無船喚奈何。鬼門關沽酒云。一出陽關少故人。鬼門清靜遠紅塵。吳姬壓酒須沽醉。不是桃源也避秦。酆都城話雨云。落花飄泊滿荒城。客住仙都話縱橫。聽到芭蕉魂欲宕。杜鵑啼破月三更。森羅殿圍碁云。冥王齊集森羅殿。五對圍碁滿殿人。鹵莽判官牽虜至。各提朱筆換精神。支那畫丐咏酆都府會文云。蛇神牛鬼大文章。索隱探幽擷夜光。莫笑名心終未死。由來還說考城隍。孽鏡台顧影云。翩翩濁世記當初。柳樣風神玉不如。孽海至今張寶鑒。尙留小影在華胥。森羅殿燕賓云。鼓吹幽閒殿宇寬。客來都是古衣冠。杯盤狼藉如盟會。列衛森森氣象寒。孟婆亭

烹茗云不是藍橋乞玉漿。孟婆亭下偶徜徉。若逢陸羽停車至，待取茶經細品量。惡狗村踏青雲，如聞犬吠百花村。踏到青青欲斷魂，此處也應張酒肆。渴來沾飲倒芳尊，補經所度曲云：梵音夜起撼如潮。良法何緣遣此宵？譜就新歌書貝葉，紅牙低按一枝簫。剝衣亭納涼云：解衣磅礴興飛揚，跣足科頭樂未央。擺脫人間塵俗事，此心終古是清涼。望鄉台玩月云：陰曹渾不異，陽關照澈離情月。一彎知否夜台長，寂寞有人高唱念家山。滑油山登高云：高山濃染佛頭青，偶爾登臨屐齒經。下界此時作重九，那知風雨憶蒼冥。女青亭品豔云：山鬼徘徊倚女蘿，臨風十六舞天魔。亭前一抹青青草，知有生前脂粉多。寄恨咏鬼門關餞別云：鬼門關外與君醉，一樣傷心判袂時。含淚且澆臨去酒，斷腸難問後來期。滿城鬼氣異人世，載道驪歌話別離。轉瞬陰陽分畛域，再休回顧兩情癡。望鄉臺登高云：昏黃無處不飛沙，百級危樓一望賒。此日登臨新涕淚，何年歸話舊桑麻。閨中日月焚春蜨，世上恩仇訴暮鴉。極目大千烟霧裏，哭聲淒切動誰家。奈河橋馳馬云：一線危橋聳碧霄，英雄到底算天驕。馬蹄飛駛逞神技，虹影駕空揚鬼鏢。攬轡徐行原逼窄，持鞭徑過却逍遙。可知天下無難事，愧煞懦夫怯胆銷。寒冰池試浴云：寒池戲浴水盈盈，冰泐連年迄未晴。脫我無量塵俗氣，冷他多少世人情。入時倍蓰三秋肅，鑿處空明百慮清。借問裂膚何耐得，爲求潔淨到來生。剝皮亭納涼云：亭外步空自在遊，皮囊况已付東流。虛明祇願摹風月，幻堯何妨任去留。認得一聲都是假，剛逢六月也如秋。諸君枉說心腸熱，到此淒涼總化柔。孽鏡臺梳妝云：照膽已懸冰雪鏡，妖魔底事學猖狂。本來面目分明在，老去骷髏瞻顧慌。曲直瞞人難瞞

己娉婷留影不留香。何當往事從頭訴。訴與愁眉門短長。惡狗村訪豔云。居然惡狗代關防。溷我溫柔旖旎鄉。
任有情癡還好色。阻他胆大去探香。吠聲到處難爲客。舉國而今不敢狂。孽障何緣偏惡劇。長留憾事赴高唐。
孟婆莊飲酒云。何物妖婆貰舊醅。逢人個個笑顏開。盤殮泉下無兼味。樽酒亭前勸幾杯。鬼趣圖成金谷宴。遊
魂醉倒玉山頽。老嫗却解風流事。難得移筵設夜臺。血污池釣魚云。碧血成渠點染工。夕陽反照可憐紅。柔竿
下處腥風起。香餌投時穢氣冲。無復飛熊聘。姜尙非關。遺鯉達。莫弘如何釣得旋。輕棄恐有鄉書在。腹中尖刀
山體操云。抖擻精神死未忘。何妨體育再登場。整軍經武心猶壯。履險如夷骨亦香。儘有跳高誇胆量。不因買
解弄旗槍。從知歐戰風潮烈。魂魄也爭鬼國光。以上諸作。並皆佳妙。惜不甚滑稽。雙熱曾詠鬼門關。問俗一律
云。茶酒幾樓戲。幾臺個中鬼。趣費疑猜野雞。儻子多還少。麻雀公司有也否。尿急可容隨路撒。夜深阿許叫門
開。而今販土生涯好。鴉片可能帶進來自首。至尾深得問字神理。造語亦滑稽可味。惜只得一首耳。
昔有二人評論張繼楓橋夜泊詩。謂爲不通。一人云。霜從天降。何以復滿。天當改爲月。落烏啼霜滿。屋愁爲何
物。可以對之眠。當改爲江楓漁火對愁哭。客船未必常有如無。客船將到何處。當改爲姑蘇城外寒山寺。夜半
鐘聲到木瀆。木瀆地名也。其一人云。較原詩則佳。然未盡善也。霜未必僅滿於屋。當改爲月落烏啼霜滿地。
哭字太着迹。當改爲江楓漁火對愁氣。鐘聲亦未必僅到木瀆。當改爲姑蘇城外寒山寺。夜半鐘聲到這裏。則

化板爲活矣。

前清時長沙有宦於京者。位至二品。某日衣錦還鄉。意氣甚豪。賓從既至。滿堂鼓吹。聲徹閭巷。有故友某聞而謁焉。某宦問之曰。君喜誦詩。近誦得何詩。答曰。近誦得孫鳳洲贈歐陽圭齊之詩甚佳。卽朗吟曰。圭齊還是舊圭齊。不帶些兒官樣回。若使他人居二品。門前簫鼓鬧如雷。某宦默然。明日復至。戶庭寂寂矣。

趙東山幼時卽有詩名。同里有二執友。一因投荒回家。一以磨勘需調。皆年老癯病。猶戀鷄肋者。一日同訪東山。適庭中有二匠以鋸解木。卽以命題。東山口占云。一條黑路兩人忙。傍晚相看鬢有霜。你去我來何日了。虧他扯拽度時光。二人知其諷己。相與慨嘆而去。

前清荊州將軍阿某。宗室也。胸無點墨。而喜作詩文。且好與人爭勝。後調任湖南巡撫。去之日。同僚賦詩贈別。阿酬云。打馬到湖廣。湖廣之人瞧我不起。一朝到我北京去。人生何處不相逢。或諛之曰。好詩。阿詩阿掀髯笑曰。詩並不好。但押韻而已。聞者爲之捧腹。此詩與兩個漁翁掀打之句。可以並傳不朽矣。

近人作新千家詩數首。頗多妙語。擇錄其八詩云。救火回來半夜天。夫人早已擁郎眠。時人不識余心苦。幾度敲門在外邊。勝日尋芳申水濱。夷場十里萬家春。歸來帶得楊梅果。付與妻兒種夙因。伊家有女值千金。爲博銀錢賣寸陰。甯式床前聲細細。直櫺窗外夜沈沈。大台門口女懷春。黛綠脂紅淺淡勻。欲待有情郎過此。奈何都是老年人。蟬也銷聲夏景殘。荷花大少覺衣單。欺人秋色來何易。欲出風頭今已難。幾躍更魚夜色闌。相思

病染未能安。可憐寄宿淒涼况。司馬何方譜曲彈。姐兒皮肉軟如酥。麻點近看遠却無。更有一椿真好處。名稱倒說叫包蒲。光復聲中舊習除。兒童竟亦養鬚鬚。千唇萬吻叢叢出。老大中原信不誣。

雙熱有共和八詠。自稱爲屁詩。亦余詩話中之好資料也。黑白黃藍還有紅。拼拼揍揍做成功。當心賊禿偷將去做件袈裟。出出風雨字功名。今已捐讀書種子。哭皇天。狀元起。到秀才住。一例丟開不值錢。頭顱第一要時髦。揪住烏毛豁一刀。人剪不如天剪好。癩痢頭上本無毛。尾巴拖得弗時哉。個隻瘟猪何處來。拉到肉砧墩上去一刀兩段也。應該上嘴唇皮跳。老蟲少年假冒老公公。律師大半多如此。觸起牙鬚阿算凶。女子紛紛說自由。爺娘歎氣丈夫愁。心腸撥辣面皮老。四德三從一例丟。自治機關忽取消。地方未必一團糟。議員議長哀哀哭。運動本錢尙未撩。紀念時期實在多。懸旗結綵笑呵呵。一年幾次提燈會。我獨傷心弔共和。

笑雲好爲游戲詩。憶其村館竹枝詞五首云。擺來桌椅亂縱橫。七八兒童上學堂。一塊紅毡鋪地上。拜開老孔拜先生。先生頭腦是冬烘。架子居然像不同。坐在一張高椅裏。戒方一響振威風。嚇得兒童魂也銷。宛如老鼠見狸貓。抬頭怕看先生面。天地君親着力號。溫完大學讀中庸。功課偏無半刻鬆。還有一椿可怕事。背書弗出跪燈籠。只許自家隨意樂。學生嬉笑便含嗔。身邊常帶潮煙管。捱起來時亂打人。

笑雲又有嘲佛婆詩四首。并錄於下。張家嬸子李家娘。提得香籃到佛場。一卷經完無別事。開談先要說家常。一串香珠幾遍過。高聲齊念阿彌陀。癡心都想西方去。那裏能容幾許多。大家跪在佛門前。保佑長生多幾年。

那曉觀音在南海。幾曾聽見。幾曾憐木魚。敲動萬聲連。鐘磬雲羅。一氣全偈。諦波羅。都不好聽。還是打蓮船。送得佛爺西土去。歸來就要罵鄉鄰。心腸很毒。如蛇蝎。姓氏偏書。善女人。游戲中。寓警惕之意。所以可貴。

垌野馬先生。松郡人名。馴善書畫。工詩。爲一時知名之士。家貧甚。每歲暮。必遣其妻歸甯。已乃扁宅出游。以避債。藉筆墨資餬口。四方習久。爲常。人不之怪。清咸豐辛酉。寄居清浦胡書田家。值元夜。俗例設雞豚。祀財神於堂上。祀畢。徹俎作筵。大宴賓客。謂飲財神酒。博一年之利。主人雅重先生。特延上座。餘依序齒入坐。酒三巡。主人袖出送神圖一幅。邀衆詠題。圖爲改七薌手蹟。神卽財神也。題者已夥。衆咸推讓先生曰。李供奉有句曰。先生在上。莫題詩。今先生坐上位。固在上也。非先生題。餘子碌碌。何敢。先生初則辭。既有所感。遂握管題七言長句曰。財神財神。何自始。姓名不得考。經史想是生前身。殉財財神之稱。從此起。財神本是財中鬼。財鬼宜明獲。財理如何富。繼急不周盡。財輸入巨宅。裏巨宅之財。日益充。雕成木像神。堪供香花爆竹酒。穀迎但聞迎神不聞送。送之不去迎。卽來千倉萬箱足於用。用之無盡。必厚藏。子孫未免驕心。縱一縱驕心事。莫問禍患將臨不。知警霜摧桃李。風折蓮。昨晚今朝難並論。此時迎神神不至。財盡途窮身不死。身不死。今可奈何神。兮神兮爾。豈知何如。編戶細民。家食力辛勤。無辱恥。由是知神不可親。親神不如親小人。小人親之用其力。財神親之累厥身。不繪迎神。繪送神。此圖識見明且真。郭家金穴。今安在。鄧氏銅山。今不聞。世間多少出羣才。溺志敗名。皆爲財。財散民聚國之福。財聚民散邦之災。因此不惜送神去。去而不遠。刼卽來。世人遭刼。有幸免財神遭刼。無。

挽回嗚呼。財神遭劫。無挽回。請爲作歌。以誌哀。

李某爲余言。杜牧之清明一絕。有易作長短句。讀者其詞曰。清明時節。雨紛紛。路上行人。欲斷魂。借問酒家何處。有牧童遙指杏花村。音節自然。真天籟也。

有某翁者。雅善吟咏。年老後。子孫怠於奉養。翁意殊不懌。一日大書堂壁云。人生七十強支持。簾捲西風燭半枝。傳語兒孫。好看待。眼前光景不多時。其二子方負文學名。大懼。倩所親懇請滌去。然已傳誦一時矣。

寶塔詩以自然入神者爲佳。句不忌夫俚也。將一字至十字倒裝之。爲塔影詩。此又一體。能兩體並作。尤妙。嘗見某君有懼內寶塔詩及塔詩影兩首。頗得個中三昧。寶塔體云。醋米做嘗嘗。看味道如何。老婆一發火。膝饅頭就跪。破踏板頭上做功課。我叫苦伊還弗算。數拿根馬桶豁洗打屁股。腳鐐手拷用兩條。裏脚布塔影體云。雌老虎的威風。像活閻羅。床底下格夜壺。教我呼大老娘。架馬桶蓋做伊是。四脚朝天臥。難關不易偷。渡有冤無處訴。昂藏七尺沒處躲。胆破苦。

余同學張君麗生。古文家也。暇亦喜爲誹詩。嘗記其咏馬桶夜壺五律二首。格律嚴整。不愧五言長城也。馬桶云。紅裳金帶束。腰瘦狀如匏。繡幕常遮面。花壺許締交。時逢青眼顧。日被綠筠抄。蓋似青銅鏡。兒童最喜拋。夜壺云。幡腹還隆準。宵壺是姓名。嘗聞他嗜酒。不與女通情。一世依床住。三更倒屣迎。小僧交莫逆。相遇話聲聲。笑雲更有咏自由結婚詩六絕。爲人傳誦。有詞曰。結彩張燈喜事哉。牆門八扇一齊開。堂前漫供紅唐子。先要

安○排○演○說○臺○華○堂○今○日○樂○如○何○男○女○來○賓○濟○濟○多○軍○樂○一○番○初○過○處○女○生○嬌○唱○結○婚○歌○風○情○洒○脫○好○身○材○紗○罩○
渾○身○頭○上○堆○不○要○喜○娘○隨○左○右○目○家○步○出○轎○簾○來○鞠○躬○禮○數○不○嫌○疎○拜○跪○繁○文○一○例○除○紅○帖○金○庚○都○不○用○只○須○
一○紙○證○婚○書○琉○璃○眼○鏡○碧○波○清○玉○立○亭○亭○體○態○輕○最○好○纖○纖○親○舉○手○紅○鈴○小○字○印○分○明○信○物○惟○憑○換○指○環○文○明○
婚○禮○一○般○般○誰○知○到○得○羅○幃○裏○顛○倒○狂○郎○總○野○蠻○

甯○波○魚○沙○陳○奎○階○先○生○有○嘲○村○學○究○詩○十○律○雖○有○一○二○名○句○已○傳○播○人○口○苦○不○能○窺○其○全○豹○徐○君○瘦○霜○錄○以○見○
示○亟○採○入○詩○話○以○供○同○好○詩○曰○館○地○明○年○定○也○不○央○親○求○友○費○鑽○謀○休○嫌○學○子○多○粗○笨○祇○道○先○生○少○應○酬○若○問○
人○如○菩○薩○靜○卽○論○才○比○翰○林○優○鬪○書○到○手○心○都○放○柴○米○油○鹽○在○裏○頭○才○過○元○宵○日○日○忙○翻○來○覆○去○檢○書○囊○最○愁○
平○仄○無○詩○韻○難○解○中○庸○有○講○章○一○冊○模○糊○新○字○典○幾○般○零○碎○舊○文○房○應○酬○彙○選○隨○身○寶○名○帖○春○聯○寫○不○妨○昂○頭○
緩○步○踱○將○來○都○道○先○生○是○秀○才○行○李○隨○身○巾○管○傘○攀○談○滿○口○也○乎○哉○蒙○童○兩○拜○辭○多○禮○贊○金○三○分○發○小○財○畢○竟○
性○情○難○捉○摸○寬○嚴○教○法○費○疑○猜○館○地○原○須○急○急○巴○全○憑○趨○奉○臉○塗○花○不○酸○便○贊○開○垵○酒○削○淡○還○冲○盞○盞○茶○入○座○
連○番○推○首○席○出○門○幾○次○問○東○家○束○金○有○限○妻○常○恨○笑○道○明○年○一○定○加○勤○教○少○打○字○多○圈○祕○訣○憑○誰○不○肯○傳○脚○健○
案○前○旋○磨○走○眼○花○飯○後○枕○書○眠○高○聲○催○讀○頻○敲○桌○緩○步○歸○來○敢○坐○船○寄○語○同○鄉○無○館○客○從○來○過○海○是○神○仙○恭○賀○
先○生○有○飯○緣○主○翁○東○母○十○分○賢○瓜○茄○菜○水○供○三○頓○天○地○元○黃○喊○一○年○背○軟○床○鋪○紅○稻○草○口○香○袋○貯○白○絲○烟○關○心○
端○午○重○陽○到○預○訂○歸○期○討○節○錢○近○來○也○曉○學○時○風○到○處○逢○人○說○某○翁○但○願○把○牢○衣○飯○盃○不○妨○喚○作○奉○承○東○叫○陪○

親友權爲主勸買田園慣做中莫笑區區師款失有人贊我甚圓通脫完火氣老成精世故人情色色清雜字
教將千百遍五經話到兩三更頭常插頂裝前輩頤不留鬚學後生忽見東翁忙討好阿郎年少甚聰明喪盡
良心終不知剛剛人地兩相宜揩開睡眼呼茶急熬斷飢腸恨飯遲功課那堪挨日算束脩還望隔年支四盆
一盃三杯酒便是先生得意時先生得意幾時休書霧騰騰我欲嘔尙未安腎先抖脚似將開口便搖頭文才
屢屈居三等位置終推第一流不信但看婚嫁者人情有壁總無收

撲滿蓄錢器也以土爲之狀如甕開一孔以納錢錢入不可出滿則撲之故曰撲滿元文性夫有撲滿吟云區
區小器安足憐黃金塞塢臍亦燃雙熱亦有一絕句云眼光如線爲誰開鎮日歡迎阿堵來器小易盈盈不得
貪多端是禍之胎

錫奴湯婆之雅號也黃山谷名以脚婆魯文清戲作一絕句云霧帳桃笙晝寢餘此君那可一朝無秋來冷落
同班扇歲晚溫柔是錫奴而單字則有（和氣纔蒸來足下陽春便覺到人間）之句明吳匏庵則有（三緘口
不思援上九轉腸應爲熱中）之句楮石農則有（牀空聊結歲寒友睡穩欣逢春夢婆）之句可稱工穩雙熱
亦有贈湯婆詩曰被底含羞怕近郎未堪翻覆趁顛狂撫摩遍體溫柔甚占盡春和夜未央

舊歷元旦紙燈成市個中有剪紙爲人物繫以綫貫以輪藉火力而生風輪旋轉而人物皆若活動者是卽所
謂唱喏燈矣燈上人物多作兩人對揖狀故名後更以紙馬紙人作馳騁狀故又名曰走馬燈朱望子詩云萬

枕亞浪墨卷五 快活三郎詩話

六〇

事旁觀。惟袖手。一生自用。不回頭。雙熱有絕句。不咏其唱。睹狀而咏其走馬狀。詩曰。據鞍顧盼氣空豪。勉著戎衣。夜戰鏖望見烽煙。身便轉。幾人追襲。一人逃。蓋借燈以諷戰士之臨陣倒戈者也。

余嘗仿江南好詞作自由好四首。雙熱謂甚新穎。錄其詞曰。自由好。努力競春華。大塊文章翻舊本。陽和草木茁新芽。開遍自由花。自由好。雲氣聚崐崙。崐崙破繭飛蛾雙翅健。脫韁怒馬四蹄奔。攬轉自由魂。自由好。寶筏渡迷津。地獄揭開諸惡相。天花散作萬家春。感謝自由神。自由好。障翳透重重。熱血亂噴飛急雨。大聲鼓盪煽歐風。撞破自由鐘。



雜纂卷六

兒童俱樂部參觀記

甯垣之大中橋。有園名韜園。勝地也。是園西環大河。東橫馬路。園中花木圍抱。屋舍儼然。軒廠而曲折華美。而幽閒。城市中有山林之趣。甯垣公地之妙。蓋無有出其右者。

和風拂面。晴光醉人。園門之外。車水馬龍。比轂連襪。往來如織。齊入園中。遊人沄沄。然相與語曰。此江蘇兒童藝術展覽會也。今日適當開幕第一日。

是會爲中央教育會發起。南京教育司奉命籌設。爲民國兒童教育第一次開幕。會場所在地。卽韜園也。提倡斯會者。先期徵集全省學校兒童成績。陳列其間。定期開會。以供遊人之展覽。是會之宗旨。在使人評隲其成績之優劣。以促兒童教育之進步。學問以研究而益精。藝術以比較而愈工。兒童心理。無不好勝。因此比較。各競爭其心力。體力。智力。腦力。而更求精進。故是會實爲全國兒童教育發達之先聲。熱心教育者。無不樂往觀焉。卽非教育中人。亦皆聯袂而來。以一擴其眼界。

記者先日得有入場券一紙。是日午後。乘車赴韜園。至則遊人麇集已夥。車馬喧闐。環若堵牆。甯垣各校學生。

肩校旗。口國歌。整隊而來者。絡繹不絕。熱鬧情形。頗極一時之盛。記者乃下車。於人叢中側身入。

既入園。前行十數步。有屋數間。曰娛賓室。中陳風琴一座。左右列几席。頗雅潔。蓋以備來賓徧覽後。倦而少憩者也。記者纔入園。急欲展覽。無事休息。卽出室。見路旁列黑板數方。上書展覽人規則四條。遊人皆注目焉。復前行。乃漸入勝。

約數十步。望見柏葉構門。上綴花卉。中嵌大字曰展覽室。進此門。卽至第一物品陳列所。室爲亭形。中分三大部。西曰楷字部。中曰針黹部。東曰玩具部。記者略一寓目。見楷字部中。吳陸之所書八言筆力雄健。絕不類孩兒體。當爲成績之最佳者。其餘諸品。亦頗不劣。聞旁人言。第二陳列所。物品之精美。更有可觀者。乃隨之俱入。後進爲女賓招待室。右廂爲編輯處。東出側門。過天井。卽爲第二物品陳列所。室爲洋式房。室內亦分三大部。右曰文章部。中曰繪畫部。左曰手工部。共計數十種。並皆佳妙。以記者眼光鑒列之。則以文章部。鄭立魯之論著。繪畫部。承紀曾灰畫。黃興像。手工部。陳紹荃之國恥紀念八角筒。尤爲此中之特色。其餘如女校所繡花卉。與某校所製龍鬚席。榻几竹具等物。皆精妙絕倫。得未曾有。此外更有幾處鄉立小學校出品。亦頗燦然可觀。於此可覘市鄉教育之發達。記者觀覽之餘。眼花撩亂。神志飛揚。不禁爲民國之教育前途賀也。覽畢。出橫門。轉東北。至男賓招待室。欄前欹撐黑板數處。上粘白紙。蓋來賓展覽後。或有所評論。此紙卽以備其題誌者也。

南向一廣場。中植高竿。繫繩作交字形。綴五色旗。飄揚日光中。其下爲來賓休憩場。列櫬爲一大圓式。由休憩場東北行。卽爲總門出口處。園中盤旋曲折。佈置井井。陳列配合。俱極天然之巧。飽覽一周。欲尋一缺點。竟不可得。旋興盡而出。

是日也。各界入會參觀者。均興高采烈。歎美不置。會場之內。陳列之精美。配置之完備。招待之周到。規則之嚴肅。殆無遺議。所不滿人意者。庶務員以恐擾秩序之故。不肯輕發入場券。聞有多數小學生徒。以無券故不得入場。羣向庶務處索券。幾致喧譁。說者謂展覽會本爲便學生觀摩起見。對於小學生。不宜加以過嚴之限制。而轉失開會之本旨也。方記者出時。尙見有多數人徘徊門外。有咨嗟太息者。有向門內出惡聲者。客一券而使人含怨望。是不可謂非是會之缺憾也。

閩游紀略

（嘯虎原稿）

民國二年四月下瀚。余應友人聘。有福州之行。道出滬上。訪我故友天嘯枕亞雙熱三君。舊歡重晤。竟日流連。十里洋場。一樓燈火。話虞山之舊。兩人已無多望。歇浦之新潮。會逢其適。於異地遇相知。人生快事。實無有逾於此者。惜乎暮春三月。佳日無多。而余又迫於行期。不克久羈海上。盤桓三日。遽與三子告別。三子殷殷以後。

會詢。匆促間。余未能答也。蓋余家居不耐。性喜遠遊。頻年奔走。以逆旅爲家庭。視故鄉如傳舍。此去萍蹤浪迹。尙不知作何停頓。作何歸宿。幾時再剪西窗燭。君問歸期。未有期。不才小艸。恐孤期許之心。難咽酸梅。先貯別離之味。余之前途。正如盲人瞎馬。茫無所之。而三子者。客中送客。倍覺淒然。別酒一卮。共道幾聲珍重。前程萬里。祝君兩字平安。滄波路杳。良友情多。余於此行。殊不能無所戀戀也。

南人欲遊福州者。必由上海乘海輪。海輪開行無定期。余至上海。先赴輪局訪問。知二十四日有輪名海晏者。開往福州。過此則須一星期後。方有他輪開駛也。故例凡海輪出口。乘客須先一日登舟。將鋪程行李安置妥貼。免致臨時倉皇失措也。余於二十三日午後。別三子回寓所。檢點行裝。幸不滯重。襪被一條。破書半篋而已。令一人肩之。隨余至輪局購票。畢。卽登舟。擇一潔座位置之。斯時乘客來者尙寥寥。各艙多闕無人。故得任余揀擇。綽有餘地也。猶記數年前乘某輪赴津。余以事稽延。登舟稍遲。至則各艙坐客盈盈。不容插足。後乃僅得艙門外一席地。風雨不蔽。海水濺入。積寒幾至釀病。先入者爲坐中賓。後來者卽爲門外漢。此亦旅行者所不可不知者也。

薄暮。客來漸衆。人聲喧雜。幸艙中容積頗大。人雖多。尙不至摩肩促膝。余乃獨倚船窗。憑眺江干晚景。適有賣報者。腋報紙一束。沿岸徐行。繞船喚買。余呼而至前。擇幾種有價值之報紙購之。默計前途。水程約二千里。若前行無阻。亦須二日。方可達目的地。長途寂寞。正苦無侶。今得此物。不啻挾我明師益友以偕行。不愁無消遣。

之資矣。

是晚卽就舟中晚餐。餐已旋寢。次晨衆人皆醒。余亦披衣起。出時表檢視。已九鐘一刻矣。聞岸上人聲嘈雜。各貨方陸續至。船乃遲遲不能啓碇。客心均焦急。而無如何。是晨又購得當日報紙數份。并昨晚所購者。共得十份。計三十張。三十張報紙。以少數言之。亦得三十萬餘言。以一二日最短之時間。加以余遲鈍之目光。或尙不能徧覽無遺也。至下午一時。人貨已齊。船乃離岸徐駛。汽笛一聲。衝烟而出。既出口。速率驟加。瞬息數十里。是日風日晴麗。太陽光線射入江水。搖動作金碧色。船尾激浪作花。忽起忽落。旋生旋滅。較之優曇一現。其壽命尤爲短促。乘客不耐悶坐。齊出船頭憑眺。余亦隨至。覺江中空氣爽潔而清鮮。三日旅滬。日則微逐。酬應。夜則伏處寓館。三尺地。湫隘囂塵。不堪駐足。余嘗謂上海人生活於煤氣之中。勾留三日。已不可耐。今於大江之中。吸此新潔之空氣。其愉快乃等於久病者之忽蘇。泠泠然御風而行。余身若頓減其重量。橫覽大江風景。胸襟爲之大開。眼界爲之大擴。余不覺慨然念及夫身世渺焉。如大海中之飄一葉。其蹤跡至無憑準。余之福命。正與此舟同。余身歷此境。余又不覺念及夫前之與我同歷此境之人。夫橫槩賦詩。魏武之雄風也。乘風破浪。宗慤之壯懷也。擊楫渡江。祖逖之大志也。古人往矣。而其留遺之歷史。千載而下。猶足動人。慨慕居今之世。有橫槩之氣。概思竊阿瞞之故智。以擾亂神州大局者。亦正不乏其人。而負有宗慤之壯懷。挾有祖逖之大志。破浪直前。渡江擊賊。以澄清天下爲己任者。當更有人在。（此水東流。餘血赤。古人何在。亂山青。）對此茫茫百

端交集。蓋不僅動余懷古之思。而益觸余傷今之感矣。

江水不波。船行如矢。設常此無阻。不減其速率者。計不及二日。可達馬江。上海至馬江。例須三十六小時。若不幸遇大風重霧。不能開行。則行程實難預測。不僅不能如期而至也。海輪容積不大。不能禁受過量之震撼力。一過風波。船身即爲之振盪。甚至坐臥不得自由。飲食不能下咽。雖不至葬身魚腹。而已飽受虛驚。備嘗奇苦。余前次赴津。蜷伏艙門外。中途亦復遇此。困苦顛危。莫可名狀。至今思之。心猶驚惕。此次入閩。值此佳日。東坡清風徐來。水波不興。二語不啻預爲此行寫照。客均欣然。色喜鵠立。遠望閒談。互答心與江雲俱遠。眉隨江水同飛。飄飄然大有羽化登仙之意。輪名海晏。信爲無上之佳識矣。然而風雲不測。波浪無常。屈指前程。尙非一瞬可至。今已晚矣。明日有無變態。尙在不可知之數。昔人詩曰。寄語順風船上客。明朝未必是東風。余念及此。余不禁俯瞰海若。默祝前途無恙。波臣幸勿惡作劇也。

無何。暝色漸合。入艙晚餐已具。飽啖畢。衆各就枕。余就燈下閱報數頁。亦展衾臥。甜然入夢。不復知身在舟中也。天將明。忽有大風震於耳畔。睡魔驚而遁。昏惘中猶疑衆客之鼾聲也。細聆之。乃波濤澎湃之聲。與風雨馳驟之聲相和而作也。俄而風狂益甚。波浪大作。舟盪不可止。余乃披衣起。艙中臥處甚局促。一狹木板僅足容身。有一客睡稍偏。一轉側間。和衣和衾落於艙底。張目四顧。失聲而訝。時睡者咸醒。醒者皆起。坐者不適立者不穩。就中有三四婦孺。尤驚懼萬狀。余幸尙能支持。乃婉語以慰衆客曰。毋懼。此小風浪。不久當止。各鎮定。決

無事也。譁譟間天已大明矣。

風師雨伯挾舟而行。狂傾力撼。顛播萬狀。異哉。艙中客未飲一滴酒。乃人人作醉態。舟欹向右則羣焉隨右。而倒欹向左則羣焉隨左。而倒無一刻甯貼。此時此境。縱有強漢亦失盡自主之能力矣。余因口占一絕云（看他個個醉如泥。扶起東來又倒西。漸愧渡江空擊楫。五更風雨不聞雞。）午後風威漸殺。傾度略減。得稍安坐。晨起越五小時。尙未進食。至此始覺饑火上炎。乃各出餽儲吞之。聊以果腹。側耳靜聽風鼓怒濤。其聲尙急。拍船尾作漁陽三搥。輪雖不停駛。而速率則已大減矣。昨日之日不可留。今日之日多煩憂。一舟之內。一日之間。而氣候不齊。渺渺前途。生死安危。甯能自定。歟。是夜幸得安睡。而顛簸之餘。不能成夢。江聲雨聲。喧作一片。鯨目雙開。愁心碎滴。悶殺人也。

未幾夜又向晨。余倦甚。合眼似欲入夢。朦朧間忽聞水手呼曰。霧霧……大霧……船主卽飭停輪。舟遂不動。大凡輪行最怕風霧。然遇風猶可勉駛。遇霧則一白迷茫。路徑無可辨認。不能不半途停滯。此物乃爲挽留行船之惡魔。一日不消。卽一日不能開駛也。此行何不幸。而重疊遇此風霧。自前晚開行至今晨停頓。計時已逾定限。計程尙未及半。人謂度日如年。今伏處此中。卽度一分一秒。亦不啻歷一日一月之久矣。幸未午霧散。復見天日。輪乃復其原有之速率。兼程前進。此後竟一無阻滯。至廿七日下午二時許。得抵馬江泊輪處。余此行就福州鹽務稽核造報所事。既抵馬江。輪停於江心。適所中派人以夾板船來迎。遂舍輪登夾板。至福

州城外之南台。幸遇風順。轉瞬卽到。登岸後乘轎入城。（自馬江泊輪處至南台約六十里。南台進城又約十里。）由海口至南台。水行百數十里。中左右皆山。不知幾許峯巒起伏。連續不斷。形勢險峻。爲他省所未見。第因此而交通上較之廣東殊少便利。亦缺點也。衆山之中。有爲農人種麥於山上者。有人跡鮮到。雖土人亦不知山爲何名者。方輪船進口時。見右旁海中有片土突出水面。作五獸蹲踞之形。同行者遙指曰。此五虎門也。土人又名曰虎港。從前此口可通海輪。近因水淺。出入不便。改由豬港進口矣。又見所謂金剛腿者。乃輪船進口後海濱之山麓。有巨石伸出。如人腿足狀。故有是名。聞此石從前有二。均作此形。其一已爲石匠鑿去。亦煞風景之事也。

當由南台進城時。於轎中見道旁肩挑背負者。半爲婦人。其裝飾絕奇異。髻上插一物如簪。兩旁亦各對插一物。近於平行。併合一處。如押髮然。舉粗大異常。兩耳則帶極大之環。環作正圓形。徑約四五寸。若甚有重量者。此數種裝飾。均作純白色。在轎中觀之。不甚了了。未知其爲銀製爲銅製也。後聞人言。此種首飾大抵銀製。爲鄉間婦人之家道寬裕者所用。若城中婦人所用之金銀首飾。均與他處同。無如此之碩大無朋者。城內樓房絕少。余之寓所在南門內營房裏。爲林公祠餘屋一角。小樓於焉。下榻軟紅塵中。得斯靜境。亦旅居之幸福也。且此地有崇山峻嶺茂林修竹。尤與余山野之性相宜。土人爲余言。福諺有云。三山藏三山。現三山。看不見。所謂三山藏者。玉尺山。文藻山。將軍山。此三山均藏在人家之內。故曰三山藏。三山現者。烏石山。于山。

屏山。此三山均顯露於外。可望。可卽。故曰三山。現他省有福州會館。謂之三山會館者。蓋卽指此三山而言也。三山看不見者。閩山。龍山。嵩山。此三山雖名爲山。實非山也。故曰三山。看不見。閩山。聞在早題巷某戲台下之井中。其餘二山。尙未知在於何處。其顯露之三山。在余所居之樓上。皆可望見。卽城外諸山。亦有數處。可於樓頭遠眺。公餘之暇。倚樓看山。頗足以排遣旅愁。刪除俗慮。意至適也。

余同事約十餘人。土着占過半數。均能操普通話。可以交談。但終帶有福州土音。若不留心細聽。往往有誤會之處。若福州人與福州人。純操土音談話時。則十句內不能解其一二句矣。且不獨語言爲然。卽讀文言。音亦迥別。如陳字讀如丁。鄭字讀如旦。南人聞之。從何了解。嘗聞閩語啁啾。不易仿效。以今觀之。良非虛語也。

福州人之能解普通話者頗多。而尤以學校中生徒。及大商店夥友。占其多數。惟有純熟與艱澀之別耳。蓋此地大小學校。均設有官話一科。每星期內。必有數小時。教授普通話。若大商店之夥友。時時須與他省人交際。非普通話不能適用。故在福州社會中。惟此兩種人。均能張目結舌。勉強打幾句尷尬官話。其餘則有能。有不能矣。余前在滬時。曾識福州人數輩。得見其在福州學校肄業時。所讀普通話課本。乃日本人某氏所編者。其中舛誤雜出。字音不叶之處甚多。以日本人教中國語。隔靴搔癢。無怪其然。然以中國人學中國話。不直接請教於中國人。而間接請教於日本人。棄近就遠。捨己從人。抑何可笑。吾於此。見福州人知識之薄弱矣。余至福州。僅二日耳。征塵甫息。羈緒紛來。雖無失路之悲。未免異鄉之感。相處一樓。相守一榻。困頓終日。未遑

駕言出遊。作探風問俗之舉。故於此間一切情形。尙未能得其大概。上所云云。半屬傳聞之詞。未知可盡信否也。計余離家至滬。由滬入閩。時閱旬有餘日。寓滬三日。來此僅二日。強半光陰。擲諸舟車之內。此時家中人。正在屈指計行程。翹首盼飛鴻矣。余乃就燈下撰家報。燈蕊共筆花齊放。羈愁約鄉思俱來。兩字平安。聊相慰藉而已。繼又憶滬上諸君子三日流連。酒痕如昨。臨歧珍重。老友情多。不可不有以報之。爰就途中所得。拉雜書之。以資談噓。愛我者或不嫌搪塞也。

苦招生記

此篇爲余五年前舊作。所記確係實事。文雖鄙俚。閱之可知今日社會之狀態。教育之困難。今篇中所言之某君。已賈志歿矣。

新春天氣。乍寒乍暖。濕雲密密。細雨霏霏。遠望城樓一角。在迷濛杳靄中。模糊幾不可辨。濕烟縷縷。迴環繚繞於空中。作種種交互紋。時約十二句鐘。早市已散。午雞初唱。正家家黃梁飯熟之時。而路上行人。猶肩相摩而踵相接也。斯地何地。望而知爲商業繁盛之區。民居稠密之處。乃虞邑之東城外也。於時人叢中有少一年衣冠整潔。驅幹瘦削。左手執一紙卷。右手携一小冊。同行者復有二少年。三人時而前行。時而卻走。遲遲吾行。以

左右望。察其情狀。非有特別事故。殆俱犯有精神病者。斯時旁人之視線。咸注射於三人之身上。或竊竊私議。若有駭怪之狀。

少年何人。本邑西區某校教員也。同行者二人。一其同事。一其密友也。虞邑城區初校。近年來雖已遍設。而城之東南隅。尙付闕如。某君固抱教育熱誠。近與其同志數人。在東城外某地。組織一校。以補從前教育所未及。其內容一切。大致完備。惟學生報名。殊甚寥寥。近城一帶。以意度之。當得百以上之學齡兒童。今乃祇有十餘人之數。一般愚民之心理。直視學校如蛇蝎。避之不暇。非經一番勸化。決不能得其信。從招生廣告。不過具文。實則所有學生。全係運動而來。此種情弊。各校皆然。社會之黑闇如此。欲望教育發達。難之難矣。某君知廣告之無效。欲招徠學生。非運動不可。但此間素未稔熟。運動又無從下手。不得已思現身說法。隨處勸導。又恐口衆我寡。復招其同志二人爲之助。在該校附近各處。諭家而戶曉之。閱者諸君。須知某君此行。乃爲教育普及計。非僅僅爲一校成立計。收羅學生。以爲壟斷也。

其左手之紙卷。卽該校之簡章也。右手之小冊。則以備勸導有效。隨時報名之用。珍重哉。此行一校之成敗。國民之程度。教育之前途。胥於此行也。卜之矣。

始至一家。其家有男女二童。均在十齡以外。某君將簡章一紙。付其父母閱之。其父母知其來意。頗甚樂從。回問二童。亦甚願意。某君出小冊。以鉛筆錄其姓氏年齡而辭出。既出。顧語其同行者曰。吾深望此間人均如此。

開。通。勿。生。阻。力。雖。敝。我。之。舌。焦。我。之。脣。疲。乏。我。之。腰。膝。犧。牲。我。之。精。神。亦。不。復。顧。恤。矣。同。行。者。答。曰。吾。輩。亦。深。望。此。行。不。虛。固。不。憚。奔。波。之。苦。也。

大。抵。辦。事。之。人。多。經。一。重。阻。礙。卽。多。增。一。番。經。驗。人。情。於。絕。望。之。時。而。有。一。線。之。生。機。其。欣。喜。之。情。必。較。快。意。時。爲。加。甚。若。於。快。意。之。時。忽。經。意。外。之。挫。折。其。懊。喪。之。情。亦。必。較。絕。望。時。爲。加。甚。方。三。人。初。至。某。家。逆。料。其。必。格。格。不。相。入。或。受。其。譏。笑。之。言。語。或。遭。其。冷。淡。之。接。待。吾。甯。忍。之。乃。不。待。煩。言。居。然。如。願。三。人。於。是。私。心。竊。喜。眉。飛。色。舞。其。始。僅。有。一。線。之。希。望。於。此。行。今。則。有。十。分。之。希。望。於。此。行。孰。知。復。前。行。而。按。戶。稽。查。逐。家。探。問。無。處。不。受。人。冷。語。無。處。不。遭。人。漠。待。其。尤。奇。者。則。以。吾。家。並。無。兒。童。對。爲。此。言。者。竟。十。室。而。九。焉。嘆。以。偌。大。之。東。城。以。極。熱。鬧。東。城。外。之。通。衢。而。曰。無。兒。童。豈。此。間。人。均。絕。不。生。育。者。乎。果。爾。則。吾。邑。不。數。十。年。且。有。滅。種。之。患。遑。言。教。育。乎。

至。此。而。三。人。不。勝。日。暮。途。窮。之。慨。其。行。趑。趄。其。容。蹙。然。念。及。風。氣。窒。塞。民。情。頑。鈍。教。育。前。途。至。爲。危。險。固。不。暇。爲。一。校。計。也。懊。喪。之。餘。希。望。未。絕。仍。鼓。勇。前。進。以。期。不。得。於。彼。者。或。可。取。償。於。此。但。三。人。均。非。東。城。人。路。徑。不。甚。熟。悉。通。衢。大。路。雖。已。遍。歷。而。私。街。小。弄。不。少。遺。漏。之。處。正。躊。躇。間。一。小。學。生。迎。面。來。見。某。君。立。正。行。敬。禮。某。君。亦。斂。其。戚。容。與。之。握。手。此。小。學。生。乃。住。居。此。間。而。肄。業。城。西。某。校。者。與。某。君。有。師。生。之。誼。三。人。遇。此。小。學。生。不。覺。於。失。望。之。時。頓。生。無。窮。之。希。望。心。中。爲。之。一。喜。於。是。令。其。作。鄉。導。三。人。追。隨。其。後。

無何。至一狹巷中。糞坑連路。灰塵遍地。穢惡之氣。觸鼻欲嘔。貧民十餘家。比屋而居。兒童十五六輩。方共嬉戲於牆隅。見某君咸來問訊。其父母亦聞聲共至。某君問諸兒。皆已讀書乎。答曰。未也。又問汝輩。願使諸兒讀書乎。答曰。甚願。但無錢以供先生之修脯也。某君曰。今有一處。人人皆可入而讀書。不費一文之學金。若輩願之乎。諸人均張目以答曰。天下甯有如此便宜事。殆所謂洋學堂者歟。入其中者。讀洋書。識洋字。吾輩甯使其不識字而餓死。不願其爲洋賊也。某君知其愚。於是粲其生花之舌。先將簡章逐條解剖。證明洋字之誤。次則說入校之益。不入校之害。費幾許唇舌。而諸人若稍明悟。謂某君曰。如先生言。則學堂乃有益而無害。足見吾輩從前所聞。都不確實。先生姑退。俟吾輩費一宵之商酌。明日將親送兒輩入校讀書也。某君見其已悟。甚喜。見其猶有疑慮。則亦無如之何。犧牲半日之精神。聊以稍自慰藉耳。

既出巷。小學生急欲歸家。遂分路行。未幾。又至一家門首。見其門上大書曰。馮某傷寒大方脈。某君喜曰。此人與我有戚誼。聞其子亦十餘歲矣。姑詢之。進而謁焉。主人見客。貌極足恭。既而問其子欲入校讀書否。則冷笑曰。吾固不信學堂者。今年家訓耳。某君猶好語謂之曰。君家訓良佳。然終不如入校之有益也。馮某怫然作色曰。憑君百般說法。徒費唇舌。我終於家訓耳。語畢。顧而言他。若將下逐客令者。三人遂忿然俱出。噫。吾虞素稱文明之邦。而竟有如此十分頑固之人。殊可異也。

行行重行行。各店戶已鐘鳴三下矣。近城各地。殆已盡爲三人足跡所經。腹枵矣。足痛矣。可以返矣。加以細雨。

沾衣冷風。撲面路滑。難行。足上泥。寸寸厚。一步一蹶。招生。招生。嗚呼。苦矣。夫學校招生。原有正當之方法。固無有辦學之人。親往招徠者。然今竟親往招徠。而效力之微。猶如此。僅招以一紙廣告者。又將如何。城中如此。鄉間可知矣。國民之知識程度。若是其淺劣。欲望普及平等教育。非實行強迫不可也。記者何人。卽某君同行者。二人之一也。

滬濱雜評

上海爲地獄之變相

枕亞某日由蘇乘滬甯車回滬。車中乘客擁擠。座無虛設。蓋皆乘新年無事。而聯袂作上海之遊者。旁坐者二人。操吳語。服飾甚都。紈袴子也。絮絮談上海事。跳躑叫號。興高采烈。其一曰。我視上海如天堂。其一又從而附和之曰。美哉上海。樂哉上海。我意久居於上海者。生於斯。長於斯。食於斯。衣於斯。享此天然美滿之幸福。正不知幾世幾生。纔能修到也。余聞之。嗤然笑曰。君等果何所見。而以上海爲天堂耶。以余視之。直地獄之變相耳。其人怫然不悅曰。子何言之慎也。余遊上海久矣。上海者。法之巴黎。英之倫敦也。舞臺歌榭。次鱗而居。酒肆茶樓。觸目皆是。凡所以娛心意悅耳目者。無所不備。以如此繁華綺麗。而子猶以爲未足耶。余曰。嘻。子侈談上

海特未知上海之真相耳。子以余地獄之說爲疑。不於倫敦無論上海爲陷人之坑。牢銷金之窟。穴曇花泡影。過眼皆空。迷戀其中者。到頭必樂極生悲。嘗試地獄滋味。試一留神細察上海之現狀。固已爲眼前地獄之現形矣。就樂觀一方面以觀上海。則上海者極樂世界也。若就悲觀方面觀上海。則上海者夜叉國也。羅刹市也。遊上海者。皆自陷於至悲之境者也。子不見夫。雉妓與車夫乎。此二者乃上海社會中第一種可憐之人。而卽可以代表上海之真相者也。凡百營業。縱極勞苦。終有一勞永逸。苦盡甘來之希望。惟皮肉生涯。則有勞而無逸。有苦而無甘。故皮肉生涯者。地獄生涯也。彼雉妓與車夫。皆以皮肉爲生涯者也。際此新年。其他勞苦之營業。靡不得數日之休息。惟彼雉妓與車夫。則無新無舊。無夜無明。倚門而立。軼塵而馳。徘徊於風雪之中。躑躅於泥塗之內。玉顏無色。猶聞喚客聲。聲喘汗如流。尙向長途僕僕。一有不慎。則鴛母之棒。巡捕之棍。且隨其後矣。哀哉。雉妓苦哉。車夫彼獨非上海人之一分子乎。胡人皆躋於天堂。而彼獨陷於地獄也。夫雉妓無非父母車夫。亦非無身家也。或其祖父。或其及身。必迷戀上海之繁華。而不知返卒。致家產蕩盡。難忍飢寒。於是妻女流入於烟花。及身亦奔走於風塵矣。以是言之。上海者天堂耶。抑地獄耶。遊上海者樂境耶。抑悲境耶。二人聞余言。嗒然無語。若甚掃興者。旣回館。乃述之以爲世之喜遊上海者告。

嗚呼上海之社會道德

上海爲文明之中心點。五方雜處。品類不齊。人情險詐。風俗淫靡。社會道德之淪喪。乃達於極點。黃浦江頭一

片土竟爲騙子之產地。騙術之發行所。軍官政客之花天酒地。烟鬼賭棍之明目張胆。以及滑頭浪子之神出鬼沒。流氓無賴之潛滋暗長。無論矣。卽如正當之營業界。亦多以欺詐手段爲生財之不二法門。而信用之喪失。良心之安否。在所不計。惟思損人利己。日進無疆而已。所謂信義通商。童叟無欺。價廉物美。種種欺人之語。不過爲普通之口頭禪。引入其彀中。自外觀之。皆有可認之商標。有適用之貨物。而內容之黑暗。價格之恍惚。殊不可問也。謊詐誑騙。已成爲上海營業界一種惡劣之慣習。而四馬路爲尤甚。例如兩人先後於同店購同一之物。或同時於兩店購同一之物。而其價之高下。至有相差至數元者。然此在買者賣者。各有主權。以此質問奸商。彼必有辭以對曰。物價本無一定。各家不能一律。卽一家一日之間。早晚亦有不同也。所最可惡者。一處之同營一業者。必不止一家。或多至十數家。不能得專賣之利。又不能強人以必買。揣知買者之心理。無有不圖賤值者。於是出其招徠之法。以爲引誘之媒。大減價。無效。則加之以真正大減價。減價三天無效。則益之以一星期。或數星期。紙光燦爛。字跡鮮明。照耀遊人之眼簾。一家倡之。百家效之。凝眸四矚。光怪陸離。滔滔皆是。何所適從。實則家家言減價。而無一家真減價。日日言減價。而無一日真減價。試環顧各肆。減價之表示。幾於無家無之日。見其多而不見其少。短期減價之表示。乃爲永遠減價之表示。久居上海者。必不爲所欺。彼蓋利用之以欺暫來之過客耳。此外更有一種慣技。專以施諸面住之人。初來之客者。則敲竹杠是也。例如啜茗於茶肆。或碗或壺。或坑或檯。各有一定之價格。懸示於壁間。而至茶罷給資。其價有逾於常格者。或有因

小賤而起爭執者。又如入食物館中。若不知其種種之價。貿然一試。必爲所窘。嘗見有食已下咽。囊無餘資。入而不能出者。余游上海久。各種笑聞。已屬司空見慣矣。噫。信義不講。欺詐成風。道德淪亡於斯。已極。此等商家。已全失商人之資格。商界之蝨賊。亦行旅之大害也。有提倡社會之責者。盍思有以整之。

可憐車下人

乘馬也。乘舟也。乘車也。皆至危險之事也。然吾聞有墮馬而死者矣。有沈舟而死者矣。未聞有覆車而死者也。乘馬乘舟。乘者身受其殃。而不及他人。獨乘車則車中人安。而車外人危。乘者享其利。他人受其害。非事之至不平者乎。鐵道成。火車駛。無辜之民。死於風輪之下者。不可以數計。其次如上海之電車。汽車。馬車。飛行疾駛。傷人亦多。卽下而至於人力車。當軼塵而馳之際。挽車之力甚強。橫衝直撞。人每避之不及。亦殊可畏也。上海自各種車通行以來。一年之中。死者以數十計。傷者以數百計。上海之車多矣。上海人之被害於車者。亦夥矣。而乘車者固均無恙也。問何以謝此死者與傷者。則數十百元之棺殮費。與醫藥費而已。嗚呼。上海人之生命。乃若是其無價值耶。以余去年所見。一馬車出四馬路口。適一電車疾馳而過。迎馬首擊之。腦漿迸裂而馬死。人乘車以役馬。而安坐於車馬。換車以利人。而慘斃於車。人死猶得金錢。馬死誰加惋惜。生命至貴。人物皆同。馬雖無知死亦冤矣。某日南京路。又聞電車碾斃一人。五體拳屈。死於軌上。見者下淚。聞者酸鼻。嗚呼。吾不圖野蠻時代車裂之慘刑。乃重見之於今日。至文明之上海也。今日傷一人。明日死一人。上海人之文明。乃以自

由殺人爲文明耶。繁華綺麗之上海城。乃等於暗無天日之枉死城耶。夫電車汽車之傷人也。其咎不在於乘車者。而在於司機者。司機者不能謹慎。以將事宜。其死者傷者之絡繹不絕矣。然既至傷人。則司機者固難辭其咎。而乘車者亦將何以爲情耶。惟如是。故我甯安步以當車。不願乘車以造孽也。

檢察廳被竊諷言

竊賊之胆。向稱渺小。故曰鼠竊。鼠胆能有幾何。狸奴一鳴而胆且碎。以方竊賊亦言其無胆耳。當其扶牆摸壁。屏息躡足。惴惴焉。惟恐人之驚覺。不幸而被獲。穀釐之情。尤不可言。噲見探捕。則頭搶地。見衙門。則心惕息。無他。積威所劫。不得不爾。故人家被竊。必訴諸司法衙門。請捕獲而懲治之。司法衙門遇有竊案發生。亦應盡其捕獲懲治之責任。巍巍之司法衙門。因竊賊所望而生畏者也。被獲之後。必入此門。既入此門。必嘗異味。幸而有此竊賊之膽。不敢十分放大。如其無之。則梁上君子。不更將橫行無忌耶。既有尊嚴之司法衙門。則竊案之發生。可以減少。而上海之檢察廳。反以被竊聞斯奇矣。一竊之不足。至於再竊。斯更奇矣。竊賊不入廳而受懲。做乃入廳而肆掏摸。一來再來。遊行自在。上海之偷兒。乃竟如趙子龍。一身是胆耶。上海之檢察廳。乃爲偷兒之試行地耶。則偷兒非鼠。而檢察廳鼠矣。又何怪竊案之多。而捕獲者之絕少耶。俗諺有之。賊大巡檢。今之檢察廳。比之前清巡檢。似較尊嚴。而今亦爲竊賊駕而上之矣。此不可謂非偷摸之進步。而賊界之光榮也。第一次入巡警之臥室。第二次入庖人之臥室。後來者。卽前度劉郎耶。抑繼起之英耶。吾知賊輩必相聚而言曰。廳無人焉。請嘗試之。若是。則廳長之臥室危矣。姑拭目以觀其後。

民國四年三月初版



枕亞浪墨三冊

定價大洋七角

著作者 海虞枕亞

編輯者 海虞天嘯

發行者 小說叢報社出版部

印刷者 小說叢報社

總發行所 小說叢報社

上海四馬路大新街口四百四十三號

季佚

聞

告

預

版


出

明

明季佚聞一書爲海虞嵇氏遺著著者係明末人曾在史可法部下此書所載均當時祕事計百數十則今其後裔逸如先生重爲編纂以版權讓於本社復經胡儀鄒先生細加點勘成書三卷都十萬餘言與本社已出版之紅羊佚聞同爲前代祕史而此書之情節離奇文辭雅潔尤駕紅羊佚聞而上之留心史學者定以先覩爲快也書已付印不日出版特此預告

小說叢報社出版部啓

EAST-ASIAN LIB. UNIVERSITY OF TORONTO



3 1761 03133 2943

